

378

B.H.a

ILLVSTRATIO
SACRI PATRIMONII
SEV
DE BONIS ET
POSSESSIONIBVS
ECCLESIA RV M.

Vbi agitur de veteris & nouæ legis Sacerdotum censibus, origine & fundatione Oratoriorum, Parochiarum, Episcopatum, Monasteriorum, Ecclesiæ Seruis, Mancipijs, Colonis, Casatis, Libertis, Mansis, prædijs, decimis, Oblationibus, Primitijs iuribus Episcoporum & Sacerdotum.

*Auctore NICOLAO LE MAISTRE in Sacra Theologia
Facultate Doctore, & socio Sorbonico.*



PARISIIS,

Apud viduam NICOLAI BÜON, viâ Iacobæâ
propè Mathurinenses.

M. DC. XXXVI.


Cum Privilegio Regis & Approbatione Doctorem.



A D

ILLVSTRISSIMOS ET REVERENDISSIMOS

Antistites, Lectissimos ac, Religiosissimos
Proceres Ecclesiastici Galliarum Senatus.


 Isto tribunalibus vestris (Illustris-
simi Antistites) antiquum clien-
tem, non frequenti ambitu com-
mendabilem, non temerariâ saluta-
tione importunum, sed unâ maximè fretum ve-
stri Ordinis ac fastigij reuerentiâ, cuius legem
ignorare dicendus sim, si Christi Pralatos crede-
rem seculi artibus certius mulceri, quàm veris ac
sinceris honoribus conciliari. Veniunt ergo in con-
spectum vestrum, rudis industriae fructus sub in-
terualla atq; inducias concionũ nati, quos et si uni-
uersa aliunde laudis argumẽta deficerent; hoc unũ
tamen gloriæ plurimum adferet, si posteritas in-
telligat, sub illis creuisse atq; adoleuisse comitiorũ
sideribus, quibus inter solemnes L O D O I C I
fortissimi ac fortunatissimi victorias, nationes ex-
teræ hoc amplius didicerunt, Galliam non mili-
tum tantummodo constantiâ, sed Præsulum
quoque virtutibus triumphare. Adeoque fru-

*Ex libris Bibliothecæ
Capituli* a ij

stra nobiscum, inconsultâ emulatione, de Imperij ac Religionis gloria certari, apud quos non optimi tantum ac diuini Rectores Reipublicæ gubernaculis assident: sed eximij quoque Antistites sacris ac religionibus moderantur.

Vestro itaque confesso illustrata Urbs hæc Imperiorum caput, seipsa quodammodo maior effecta est atque augustior: & venerata votis ardentibus tanti Ordinis maiestatem; dum huius prudentiam stupefcit, illius facundiam admiratur: unius sinceritatem colit, alterius eruditionem predicat, omnium verò Iustitiam ac pietatem amplectitur, quasi nouo miraculo, percussa, credidit non è variis Galliarum regionibus homines, sed ex ipsis cælorum penetralibus virtutes vniuersas in suum sinum confluxisse. Quamobrem laceßitæ Gallie pœnitudinem, etsi vicinis nationibus vltrix calamitas intulit: auxit tamen dolorem ablata peregrinandi libertas, eamque urbem adeundi, in qua compendio rerum pœnè maximarum, tota sese Gallia receperat: ubi cum & cernere & mirari poterant Senatum, quo viso cætera facile est, si non fastidiri, saltem non impatienter exoptari.

Quid mirum ergo, si tam frequens ac publicus vestro patrocinio se credit litteratorum hominum concursus. Sentiunt quippe tam luculenti nomi-



nis auctoritate studia splendescere, & quæ vobis probata sunt nullius deinceps censurâ conuelli.

Prodeoque turba numerosa immixtus, vos litterarum atque artium optimarum, statores saluto. Et dum alij maiorum vestrorum sanctitatem ac virtutes predicant, ego opes ac fortunas recensco, ut hinc discant omnes, nec pietatem unquam diuitiis, nec diuitias pietati nocuisse, adeoque non tam fas esse, eum qui superest Ecclesiæ splendorem inuideri, quàm perditum atque extinctum, deplorari.

Partem hanc ut sentio, quæ in fortunis ac opibus iacet, patrimonij minimam ducit animus vester vnius eternitatis candidatus. At non erit ingratum lustrare maiorum fortunas, beneficia in iis Regum ac populorum agnoscere; atque hinc augurari, quanti olim dignitatem ac religionem Præfulum Respublicæ & nationes aestimarint, dum splendida ista cupiditatum humanarum irritamenta altaribus aduoluerent, quibus, versâ infeliciter mente, cæci ac miseri mortales aras exerunt.

Fauete ergo secundo huic præludentis styli experimento, dum aliquid maius ac politius, molior, quo possim vestram in me, ac litteratos omnes humanitatem ad memoriam posterorum transmittere.

Vestri Ordinis humillimus cultor N. LE MAISTRE.



BENEVOLO LECTORI.



Tſi defenfore non egeat Eccleſia, neque reſidua eius dignitati quidquam metuen- dum, eo nobis principe diuinitus dato, cuius enſi ac victorijs Imperij ſui partem haud poenitendā Chriſtus debere non dedigna- tus eſt. Ea tamen materia plurimas ad ſcri- bendū rationes verſanti ac meditāti ſeſe obtulit, in qua ſty- lus citra inuidiam ſeſe exerceret, & quæ nullius contumelia ac felle vexaretur: quis enim & bonis poſſeſſionibus Ec- cleſiæ inſenſus eſſe poſſit; niſi qui pietatem maiorum accu- ſat, & dum opes immenſas perire ſcleribus ac nequitijs diſſipari non ægrè ſuſtinet, id ſolum quod Deo ac Religioni conſecratur putat eſſe deplorandū. Publica ſunt & cunctis obuia Eccleſiæ bona. Nemo in patrimonio ſuo numerat quod Chriſtus recepit. Huic præter crucem & vulnera pro- prium nihil: quæcunque ſuauiſſima ſunt & læta, in omnes fundit, in ſolis doloribus ſocietatis impatiens Cuius ergo aut ore aut calamo Chriſti opes peterentur, niſi qui coruinum illud recantet, *potuiſſet iſtud venundari multo & dari pauperi- bus*, Non ergo argumento huic gratiam peto, facerem enim & pietati tuæ iniuriam & æquitati: veniam potius lapſibus ac mendis: quā eò à te ſpero facilius, quo minùs ſoleo ſtyli aut doctrinæ vlliùs gloriā exambire Methodum & rationē operis ſic inſtitui, vt quia Leuitas bonis ac facultatibus parū inſtructos fuiſſe vulgo creditur, eorū facultates, cenſus & res immobiles expenderē: inde ad bona naſcētis Eccleſiæ Chri- ſtianæ ſtylum deduco: leges poſt Conſtantinū aduerſus in- cremēta ſacri patrimonij expendo, facultates Eccleſiæ di-

uido, in loca sacra, oratoria, parochias, Episcopatus, quæ possessione sacerdotum continentur personas & res immobiles, Personas dico, seruos, colonos, casatos, liberos, quorum historiam omnem ex infinitis cartis & monumentis recludo. Res immobiles appello mansos & prædia. Subinde census Ecclesiarum aggredior, decimas oblationes, primitias: inde ad Episcoporum proprios redditus gradum facio, expono Synodaticum, Cathedraicum, Procuraciones Circas & alia. Tandem redditus Parochorum breui aperio & desino, dum tua faueat humanitas non cessaturus diu, sed pristina illustraturus, noua aggressurus VALE.

*IVDICIO ET EMENDATIONE
SANCTÆ SEDIS APOSTOLICÆ
QVIDQVID HIC SCRIPSI, ET
ALIAS A ME SCRIPTVM EST
SVMMITTO.*

Approbatio Doctorum.

NOs in sacra facultate Theologiæ Parisiensis Doctores
testamur à nobis accuratè lectum esse librum, cui ti-
tulus est, *De Bonis & possessionibus Ecclesiæ*, conscriptum à
clarissimo viro Nicolao le Maistre, Doctore & socio Sor-
bonico, vtilem Ecclesiæ, & dignum, qui typis mandetur.
Datum Parisiis, 7. Kalend. Octob. anni ab Incarnatione
Domini nostri 1635.

A. de HODENCOQ.

LE SILVRE.

Extrait du Privilege du Roy.

LE Roy par ses lettres parentes passées à Paris le 14.
Octobre 1635. & signées par le Roy en son Conseil,
Ollier; a permis à Nicolas le Maistre Docteur de Sor-
bonne, de faire imprimer à qui bon luy semblera, vn œu-
vre par luy composé, intitulé, *Illustratio Sacri Patrimonii,*
seu de bonis & possessionibus Ecclesiarum, & fait defences à qui
que ce soit de l'imprimer sans la permission dudit sieur le
Maistre, à peine de quinze cens liures d'amende, & de
tous despens, dommages & interests, ainsi qu'il est plus am-
plement contenués originaux d'icelles, passées le iour & an
que dessus.




I N D E X

CAPITVM ET RE-

RVM POTISSIMARVM QVÆ

HOC VOLVGINE CONTINENTVR.

- Caput I.  N licita sit Christianis diuitiarum possessio. pag. 1.
- Cap. II. De sectis quæ illicitas Christianis diuitias censuerunt, Apotactici, Massaliani. Manichæorum duo ordines Pelagiani. Argumenta aduersus opes, &c. p. 4.
- Cap. III. Diuites non esse salutem alienos, locis scripturæ probatur. Tertulliani locus. Marcionis de Deo veteris Testamenti pauperibus infesto error. Superbia etiam laborare possunt pauperes. Augustini sententia. Non esse calumniis premendos diuites ex eodem Augustino. p. 10.
- Cap. IV. Soluuntur argumenta opinionis contrariæ. Quando cœpit Christianorum unio. Porphyrij calumnia. Opinio Origenis: Paupertatis votivæ initia ex Greg. Ambros. &c. p. 17.
- Cap. V. Typus Societatis antiquæ inter fideles. Ararium commune Hierosolymis. Rectores eiusdem qui fuerint. Quamdiu durauit. An apud Ecclesias gentium communitas viguerit. Quod ararium. In quos usus. De viduis locus Pauli difficilis explicatur. pag. 21.
- Cap. VI. Variæ hæreticorum sectæ in Ecclesia diuitias declamantes, Antropomorphitæ, Arnoldus Brixianus, Valdenses, Hussius, Lutherus, Spalatensis: Rationes eorum. p. 31.

Cap. VII. De primitiis Sacerdotum veteris Testamenti: Duo genera primitiarum: Ezechielis locus explicatur: Mensura Iudeorum Corus & Bathus: Ritus redimendi primogenita: Quam nota insignes essent non redempti: Primitie panum, &c. p. 37.

Cap. VIII. De redditibus, quos ex sacrificiis & oblationibus antiqui Sacerdotes capiebant. Quam partem ex singulis. Sacrificia varij generis. Quotuplex oblatio. Quid Charam. Quo pretio redimuntur persone que predia, &c. p. 42.

Cap. IX. Quot genera Decimarum. Quid decimatio & decimatio. Decime regie. Ex quibus rebus fieret decimatio. Qui testes. Modus seligendi pecora ex Paraphrasi Chaldaica, &c. p. 48.

Cap. X. De Gazophylacio & pecuniis sacris. Duo genera Gazophylaciorum. A quo tempore cepit Gazophylacio pecunia inferri. Origo tributi quod Iudei virum pendebant. Populi numeratio quare Deo odiosa. Siclus duplex. Pecunia è toto orbe Ierusalem delata. Ceremonia in refectione

Templi. Locus Mathai explicatur. p. 52.

Cap. XI. De bonis immobilibus Leuitarum. Leuite appellatione, officio & sedibus distincti. Eorum ordines & classes. Urbes eis quo situ & quo numero datae. Plures habuerunt ciuitates quam alia tribus. Earum priuilegia & de Asyllis notanda quadam. p. 66.

Cap. XII. An ante Constantinum tempora, Ecclesia opes aliquas habuerit. p. 78.

Cap. XIII. Probatur Ecclesiam bonis immobilibus instructam fuisse ante Constantinum. Proferuntur in hanc rem Pontificum Epistola, Constantini Edicta, Cypriani testimonia, &c. pag. 81.

Cap. XIV. Quibus in partibus potissimum Ecclesia primis temporibus possessiones habuerit: In Gallia, Tungris & Treueris opes Ecclesie quales: Treueris Gallie Ciuitas: Prime Decime ubi soluta: Misericordia Ecclesie Romanae: Locus Theodori Lectoris explicatur: Catabulum quid sit, &c. p. 92.

Cap. XV. Quas primum opes compararent Christiani.

*Ecclesie primis emptæ Or-
natus Ecclesiarum primis
temporibus. Quo loco con-
struente. Ecclesiarum usus
etiam Apostolorum atate,
&c. p. 100.*

Cap. XVI. De vasis sacris.
*Vasa aurea & argentea
primis temporibus. Episco-
pi, thesauri sacri custodes.
Seruant vestes erogandas
pauperibus. Calices vitrei
& lignei. Impositura Mar-
ci hæretici, qui transmuta-
tionem vini in sanguinem
Christi fingeat. p. 107.*

**Cap. XVII. De sepulchris
& coemeteriis & domo Sa-
cerdotum tempore perse-
cutionis. Christiani etiam
Imperatores extra Eccle-
siam sepulti. Sepultura
Christianis prohibita. Quo
consilio, numerus Cæme-
teriorum ingens. Canones
Eleberitani de Cæmeterijs
explicantur. Domus Ec-
clesie ad Sacerdotum ha-
bitationem. Domus & mæ-
sis quomodo differunt. p. 112.**

**Cap. XVIII. De arario
Christianorum, tempore
persecutionis. Pecuniæ post
synaxes data. Quibus die-
bus colligerentur. Conuinia
Clericis & Sacerdotibus
data à Christianis. Qui-**

*nam essent arario Præse-
cti. Conuersi ad fidem ex
eo alebantur. Pax emptæ
pecunijs à Quæstoribus &
Imperatoribus. p. 121.*

LIBER SECVNDVS.

Cap. I. Qui Reges &
Principes in
Ecclesie bona, eorumque
incrementum leges tulerint.
p. 117.

**Cap. II. De legibus Franciæ,
Belgiæ, Angliæ, Hunga-
riæ circa bona Ecclesie.**
p. 145.

**Cap. III. De diuisione bono-
rum Ecclesie. Diuisio bono-
rum in mobilia & immobi-
lia. Quanam sunt mobi-
lia, aut immobilia Eccle-
siarum. Vasa Ecclesie, in
quo bonorum ordine nume-
rentur. p. 160.**

**Cap. IV. De origine Orato-
riorum. Quid differant
prophanum, sanctum, sa-
crum. Oratoria apud He-
bræos. Theraphim in Ora-
torijs condita. Quo ritu
fierent Theraphim. Ora-
toria Persarum, & vete-
rum Christianorum. Con-
stitutiones Iustiniani, &
Leonis de Oratoriis. p. 164.**

**Cap. V. De dote Oratorio-
rum.**

rum. Oratoria duplicis generis, publica, & priuata. Oratoria à magnatibus nefas erat sine dote construere. Quibus in Oratorijs, erant, vel non erant reliquie sanctorum. De Oratorijs & Capellis Monachorum. p. 174.

Cap. VI. De Ecclesiarum & Basilicarum erectione. Ritus seruandus ab eo qui Ecclesiam condere vellet. Insinuationes seu ^{impugnatio} ~~impugnatio~~ duplicis generis. Insinuationum codices olim habuerunt Clerici. Intra quod tempus necesse esset Oratorium aut Xenodochium erigi. Falcidia ex legatis ad pias causas non detrahitur. Locus & spatium adis sacre quod & quantum. Romanorum ritus circa fines templorum, &c. pag. 183.

Cap. VII. De dote Ecclesiarum, & ritibus antiquis donationum, & cartarum. Qui fuerint Cartarum scriptores. Stylus Cartarum. Carta dotis Ecclesiastica aris imposita. Denuntiatio anathematis à donatoribus usitata. Quid traditio per herbam & cespitem, per ostium, & anaticula.

Scotationis ritus, &c. p. 195

Cap. VIII. De vario genere dotationum. Ac primum de dote Oratoriorum, & Monasteriorum. Iustiniani edictum. Basilicarum variae dotes. Origo beneficiorum simplicis Tonsuræ. Qui sumptus in Monasterio. Quot Monachi efficiunt Monasterium. Breuium siue Codex Ecclesie apud quem seruabatur. Cartophilaci dignitas. p. 208.

Cap. IX. De Parochiarum origine & progressu. Parochia etimon. Quinam Parochi apud Romanos. Species quædam Parochiarum apud infideles. Initia Parochiarum etiam rusticarum Apostolorum temporibus. Parochiarum in urbibus distinguendarum causa. Euaristus Parochiarum author non Dionysius. Declaratum fermentum quid. Parochiarum rusticarum distinctio & limites, à quibus positi. In Hispania Parochia ante Concilium Eliberitanum. Domus Nobilium primæ Parochie, &c. p. 234.

Cap. X. De dote, & foundationibus Parochiarum. Presbyteri non tenentur manibus

INDEX.

bus victum querere. Ipsis debentur stipendia à populo. Liberalius stipendium Presbyteri olim capiebant quam Diaconi. Episcoporum auctoritas in res Ecclesie. Distributio & partitio antiqua oblationum ex Clemēte. Partitio recentior. Quomodo tertiam decimarum Episcopi remiserunt, &c. p. 226.

Cap. XI. *De nouarum Paræciarum extruptione, & dote. Tres causæ nouis Paræcijs initium dederunt. Qua necessitate cogente fierent de nouo Paræcie. Nobilium antiqua in Parochos superbia. Archidiaconorum facilitas in diuidendis Parochiis. p. 236.*

Cap. XII. *De Paræcijs Constantinopolitanis. Triæ Paræciarum genera. Quid Monæcie, & Presbyteri. Quinā fuerint in Ægypto. Protopapas quod officium apud Græcos. Paræcie Urbane quomodo administrari solite, &c. p. 246.*

Cap. XIII. *De Episcopatuum origine, dote ac fundatione. Locus Episcopalibus insulis idoneus quis sit. Vuambe Regis Hispanie irritus conatus in nouis Episcopatibus fingendis. De Episcopo Cephæ Castellī Arabum consue-*

tudo, & Scytharum circa Episcopatus. In una ciuitate sunt plures Episcopi. Expllicantur subscriptiones conciliorum Hispanie. Et de pluribus in eadem sede Episcopis. Ægydij Remensis in Episcopatu Dunensi fundando audacia. Laudunum Clauatum quomodo Episcopatus. p. 251.

Cap. XIV. *De Episcopatuum progressu ac mutatione. p. 263.*

Cap. XV. *De dote & fundatione Episcopatuū. Episcopis ample factitates prouise. Familia Episcoporum Gallie primis temporibus non inculta Episcopatuū cum alijs Ecclesijs vniones propter redituū tenuitatem. p. 276.*

LIBER TERTIVS.

Cap. I. *De mansis Ecclesiarum. Variæ agrorum conditiones apud Romanos, Limitati, assignati, redditu, locati, vectigales. Mansorum diuisio in apsos & vestitos. Mansus Presbyteralis quot Bunnuariis constat. p. 293.*

Cap. II. *Quo abierunt mansi Presbyterales. Calamitas Ecclesiarum sub Carolo Simplicio. Ecclesie vendita mansi Monasteriis dati, &c. p. 298.*

INDEX.

Cap. III. De varijs mansorum generibus. Quid mansi tributales ingenules, Barscalci, Indominicati, &c. Quid Fodrum, paratura Mansionaticum. Agri Ecclesiæ an tributis olim obnoxij. Mansi ad luminaria dati, &c. p. 306.

Cap. IV. De Massis, Domibus. Nauibus, Seruis Massarijs, Burdationibus, &c. p. 316.

Cap. V. De seruis Colonis & Mancipijs Ecclesiarum. Quid coloni, censiti, originarij. Quot modis seruos Ecclesia acquirerebat. Quid Casati. Eorum duo genera vasalli & serui. Serui quomodo astimabantur liberti Ecclesiæ duplicis generis. Familia Ecclesiæ ex quibus constaret, &c. p. 320.

Cap. VI. De operis, & disciplina seruorum Ecclesiæ. p. 334.

Cap. VII. De disciplina & gradu seruorum Ecclesiæ. Quæ causa fuit, cur honestius educarentur serui Ecclesiæ. Ex seruis Clerici ordinati. Seueritas Clericorum in seruos cohibita. Maleficia & sortilegia solius fori Ecclesiastici. Serui Ecclesiæ eiusdem ordinis cum seruis Regijs. Quid sit iurare cum Sacramentalibus. Serui Ecclesiastici ab oneribus fisci immunes, &c. p. 345.

Cap. VIII. De libertis Ecclesiæ.

rum, ac primo de vario genere manumissionum apud veteres Francos, Longobardos, Alemannos. Quid sit libertus Amund. Ritus faciendi Amundium. Quid Impans & manumissus in votum Regis. Quidnam sit homo denarialis Aldij quinam, &c. p. 351.

Cap. IX. De libertis in patrocinio Ecclesiæ constitutis. Tres ordines libertorum Ecclesiæ. Libertorum omnium causas tractabant Episcopi. Liberti Religiosi quinam fuerint. Quotquot in Ecclesia manumittebantur eos fuisse Ecclesiæ libertos ostenditur. Manumissiones non fiebant in Monasterijs nisi ex privilegio. Ritus manumittendi in Ecclesia. Tabularij, & Cartularij qui fuerint. p. 358.

Cap. X. De libertis ex familia Ecclesiæ.

Cap. XI. Quo tempore seruitutes desierunt.

Secunda pars. Liber primus.

Cap. I. **D**E prophanis Decimis. Varia Decimarum genera, pœnales tributaria, colonarie, Decumanum tributum regibus penditum. Turcarum decimæ. Militum duo genera Vlesedi

INDEX.

xij & Timariota. Distinctio inter Decimas Dominicas & Parochianas. Regia Capella iura &c.

Cap. II. De Decimis sacris quo iure debeantur. Probatur deberi iure diuino naturali Decimas, Primitias, & Oblationes. p. 15.

Cap. III. De quota Decimarum. An sit iuris diuini an vero Ecclesiastici. p. 26.

Cap. IV. Respondetur argumentis aduersus Decimarum quotam propositis. Libertas Ecclesie remittendi Decimas tempore persecutionis. Decimarum consuetudo etiam tempore persecutionis recepta ex Clemente, Cypriano, Origene. Initia Decimarum in Apostolis ex Irenaeo &c. p. 34.

Cap. V. De varijs ritibus circa quotam Decimarum, & an liceat Ecclesie aliquid circa eam immutare & quibus de causis, res Ecclesie pauperibus communicatae. Etiam pradia illis ad utendum concessa. Tres causae minuende Decima proferuntur. Sclauorum & Vagitorum Decima olim quales. Kanuti Regis Danie in propugnandis Decimis feruor. p. 41.

Cap. VI. De Decimis Graecorum primis temporibus. Viguisse

Decimas in Ecclesia Alexandria & Antiochena. Cur Decimae in Constantinopolitana Ecclesia non receptae. Frumenti penuria Constantinop. foelix Embola. Panes gradiles. Quid loco Decimarum caperent Episcopi & Presbyteri. Tributum fumarium. Restitutae Decimae à Latinis in Graecia. Decimae Graecorum Sacerdotum his temporibus quae sint. p. 54.

Cap. VII. An Decimae possint laicis vendi & alienari. Decimarum ius ab usu fructus distinguitur. Oblationum pars nulla laicis competere potest. Basilica pro quaestu prohibentur à laicis extrui. Decimae sunt pars domanij Sacerdotalis. Domanium regium non potest alienari. Quae pars rerum Ecclesiasticarum olim poterat Monachis dari. Decimae à laicis non praescribuntur, &c. p. 69.

Cap. VIII. De Decimis infeodatis & an Decimae dari possint, in feudum. Quid feudum & huius nominis significatio Anglica. Origo feudorum. Beneficium & feudum idem. Quandonem res Ecclesiae ceperunt infeodari. Conditiones infeodationis. De Nonis. Quid sunt castitia.

I N D E X.

- Sartateſta Eccleſiarum feudatarij curabant, &c.* p. 81.
- Cap. IX. *An poſſint Decima dari in feudum. Proferuntur rationes Canonistarum. Decreta ſummorum Pontificum argumenta Iuriſperitorum &c.* p. 94.
- Cap. X. *An Decima olim fuerint infeodata.* p. 102.
- Cap. XI. *De Decimis omnis generis perſonarum, Regum, Clericorum, Monachorum, ingenuorum, ſervorum.* p. 111.
- Cap. XII. *Quomodo Decima ad Monachos peruenierint,* p. 128.
- Cap. XIII. *De oblationib⁹. Oblatio Primitiarū ex Greco-rū praxi. Vbi nam vna benedicitur. Orationes ſuper fructus nouos. non ſed benedictio. Lac & mel quo feſto offerri licet. Oblationes Armenorum ex carnibus coctis. Concilij Antiochod. canon de compenſis & hominibus lineis exponitur &c.* p. 137.
- Cap. XIV. *Precatio ſuper Leguminibus & fructibus Miſcellis.* p. 140.
- Cap. XV. *De ſacris oblationibus. Vetus conſuetudo offerendi per ſingulas Dominicas. Perſectio Chriſtiana communionis in oblatione. Ritus offerendi, apud Græcos: ara du-*
- plex. Moſ Græcis decerpenti particulā ē pane. Nomina offerentiū recitata. Oblationes extraordinariæ &c.* p. 145.
- Cap. XVI. *Quinam oblationes facere poſſint.* p. 154.
- ### LIBER SECVNDVS.
- Cap. I. *De procurationibus & Circatiſ. Quibuſnam competit luſtrare Prouinciā & procuraciones excipere.* p. 166.
- Cap. II. *De Cathedratico, & quarta ſeu tertia Decimarū: Cathedraticum differt à iure Synodi: Incerta penſio ante Braccarenſe 2. Solidorum valor mutatas: Solidi Galli-ci leuioreſ Italicis: Cathedra-ticum in Gallia, in ſpeciebus ſolutum:* p. 164.
- Cap. III. *De Synodatico & Eulogijs, inquisitionibus regijs, &c.* p. 187.
- Cap. IV. *De obuentionibus quas Episcopi olim ex conſecratione altarium & Eccleſiarum conſequebantur.* p. 196.
- Cap. V. *De obuentionibus quas ſortiuntur Episcopi ratione conſecrationis perſonarum.* p. 285.
- Cap. VI. *De obuentionibus Parochorum, ob collata ſacramenta.* p. 213.
- Cap. VII. *De obuentionibus Parochorum ratione funeris.* p. 219.

F I N I S.



LIBER PRIMVS.

DE BONIS ET POSSESSIONIBVS ECCLESIARVM.

CAPVT PRIMVM.

*An licita sit Christianis diuitiarum
possessio.*



INVIDIA laborant diuitiæ, & nihil est odij magnâ fortunâ capacius: quotquot sunt miseria ac calamitate pressi, cæteros, qui paulo quietiùs viuunt, quasi malorum suorum fontes accusant, & quidquid est vbique otij ac deliciarum, id quasi ereptum sibi ac latrocinio veluti quodam sublatum impatientissimè conqueruntur.

Ita hominum generi familiaris est inuidiæ morbus, vt bene valentes, & cute floridâ conspicuos, ægri nunquam sine dolore videant: ipsis crimen est sanitas & vegeti corporis alacer vigor: Quoscunque mœror occupauit, iis cæterorum lætitia

importuna est, & morientium plurimi non tam dolent eripi sibi vitam, quam aliis superesse. Hinc publica oritur & pertinax in diuites declamatio, quam meo iudicio dixerim non tam ab odio diuitiarum, quàm ab amore proficisci.

Ex quo fonte
oriatur
diuitiarum
infectio.

Nimirum ut Amantes infortunati, postquam spurcissimæ cupiditatis explendæ spem amiserunt, & litare non possunt voluptati: in eam, quâ prius ardebant, pulchritudinem atrocissimè debacchantur, aras quas antea erexere subuertunt & iniuriis opprimunt quod prius religioso colebant famulatu: Pari fortunâ euenit, ut quos mala quædam fors à diuitiis & dignitatibus expellit, illi amorem in odium vertant, & negatas sibi diuitias ac magistratus existiment generosè vlscisci, si quod prius ambiebant, illud postea procaciter execrentur.

Hinc factum est, ut Hæreticorum plurimi Ecclesiæ splendore ac diuitias ferre non possent, quibus sectam suam ignobili cultu nuper è tenebris erutam, & Principum odiis laborantem, dolebant non posse illustrari.

Quaratione
opes ornât
Ecclesia in

Quippe licet Seruatoris sanguine Ecclesia imprimis luceat, & nullis magis opibus quam paupertate Christi gloriatur: Ornant tamen eius maiestatem aliqua in parte diuitiæ, produntque Cruci pudibundæ, ad cuius aspectum orbis exhoruerat, tandem regna atque imperia paruissè.

Sunt itaque facultates & fortunæ Ecclesiarum monimenta fauoris Principum, argumenta be-

neuolentiæ populorum, consensiones & suffragia ætatum omnium, quibus quasi pignoribus fidem suam Christo obstrinxerunt, & qua ratione poterant, gratianimi significationem exhibentes, cum caducæ & fugacis reculæ hæredem fecerunt, à quo sunt in æternam & felicem maximè hæreditatem adsciti.

Quis existimabit alio quàm prouidentia cuncta moderantis consilio effectum, vt nullæ vnquam hæreses diu Principum magnificentia ac liberalitate fruerentur, vt nulla vnquam errantium conuenticula, ad insaniam suæ præsidium, opibus abundarent. Noluit diuina clementia vt fanatici illi cætus Imperatorum auctoritate ac beneuolentia diu niterentur: abstulit illis opes ac diuitias, quibus error cresceret: omnemque detraxit maiestatis & honoris speciem, qua scilicet aut blandiri possent, aut cogere.

Quare nulla
Hæresis &
secta opibus
abundauit.

Ne ergo miremur toties effusam in opes & nitorem Ecclesiæ hæreticorum maledicentiam: vident non facile iugulari posse tot septam præsidiiis, dolentque sine violata Principum maiestate, forum amplexibus, ornatum beneficiis, cinctum armis & purpurâ ipsa consecratum Ecclesiasticorum hominum sodalitiū non posse lacerari.

Verum antequam eos adoriāmur qui bonorum possessionem Ecclesiasticis præcipue, inter Christianos, interclusam asseruerūt, expendamus primū aliquorum insaniam, qui ab Euangelio

diuitias in crimen verſas ſomniarunt, nec quidquam intereſſe inter diuitem & ſcleratum: quaſi poſt Euangelium Regna, Imperia, Reſpublicæ fœdera, conſenſiones, commercia & quidquid eſt negotii quo miſeria & calamitas pellitur, ceſſare debuerint, & Chriſtianæ virtutis apex ſit, vt pauper ſis languere, & ne diues ſias ſordidiſſime otia-ri.

CAPVT II.

DE SECTIS QUÆ ILLICITAS

Chriſtianis diuitias cenſuerunt, Apotaſtici, Maſſaliani. Manichæorum duo ordines Pelagiani. Argumenta aduerſus opes, &c.

Epiphani-
aduerſ. hæ-
reſ. tom. 1.
lib. 1.

Hunc errorem primi mundo inuexerunt, qui Epiphanio hæreſi ſexageſima dicuntur Apoſtolici quaſi Apoſtolorum æmuli & ſoli tantæ puritatis reliquia quantam Apoſtoli coluerunt. Illi enim religioſiſſimè cauebant ne quid haberent & ne peccarent in ſectam ſuam, ac aliquid retinere viderentur etiam bonæ menti renunciauerant: illorum dementiam, originem, maiores ita deſcribit Epiphanius μετὰ τῶν κυρίως ἁλ-
λοι ἐαυτοὺς ἀποſτολικὰς φηſίμασαν· βέλονται δὲ καὶ ἀποſτα-
λικὰς ἐαυτοὺς λέγειν, φυλάττεται δὲ πρὸς αὐτοὺς ὅ μὴ δὲν κεκτῆσθαι
εἰς τὸ καὶ οἱ αὐτοὶ τὸ ἀπίſταμα τῆς ταπεινῆς δογματικῆς, &c.

Alij secundum illos dici se Apostolicos voluerunt, qui ex Apotacticos hoc est renunciatores seipfos nominant. Hoc enim diligenter observant ne quidquam possideant; iidem porro à Tatiani dogmatibus velut avulsione quadam separati.

Tatianus
vixit circ
annū 174.
Iustinidisci-
pulus à quo
Aquarij &
Eucratiz.
Massaliani,
A. 174.

Suffragatur huic sectæ, altera quæ Massalia-
norum appellatur. Illi cælum adiri non posse ar-
bitrabantur, nisi à pauperibus: opes & diuitias
onus esse non molestum modo sed sceleratum &
sacrilegum, quod homines in incendia æterna
deiiceret: audiendam esse vocem Christi, Vade,
vende omnia quæ habes & da pauperibus, qua
neglecta inquebant neminem posse suæ saluti
consulere, *κελεύον ἀποτάσσεσθαι τὰς κοσμίους κτήματων τε
ιδίων καὶ ξενικῶν ἀποξένισθαι*, inquit, Epiphanius.

Epiph. ad-
uers. hæres.
lib. 3. tom. 2.

Supinum hunc errorem à Manete perfeco
manasse suspicatur sanctus Epiphanius etsi in-
ter somnia Manetis necessariam hanc diuitum
ruinam & inevitabile naufragium minimè re-
censeat Petrus Siculus, qui singularem librum
de eius dogmatibus conscripsit.

Verum quidem est, Augustinum Epistola 73.
ad Deuterium Episcopum, totam Manichæorum
farraginem & infamem popellum in duas veluti
classes discernere, quorum alii auditores, alii ele-
cti dicebantur, Auditores quasi tyrunculi & no-
uitii mitius & liberius vivebant: illis licebat
vxores ducere, agros colere, rebus suis uti, car-
nibus vesci; At qui in electorum numerum
erant adscripti, longè seueriore disciplinâ con-

Vide Mo-
nachū uallis
S. nensis
in historia
Albigensium,
c. 7.

rinebantur: illi abdicatis omnibus miserè pereuntes, durissimo viuendi genere, quo cœlum sibi comparant Catholici, pernitiam & exitium emebant.

Nec statim desit pestilens hic turbo, aut vnâ tantum regionem afflauit. Pelagiani ipsimet hac opum & diuitiarum execratione, quasi specioso quodam innocentiae ac virtutis titulo, ornauerunt futilia suae dementiae commenta, & Syracusas eo veneno infecerant, cum Hilarius eâ de re consulendû existimauit Augustinum Epistolâ 88.

Hilarij Episc.
88. apud
Augustinû.

Quidam inquit Christiani apud Syracusas exponunt dicentes posse esse hominem sine peccato, & mandata Dei facile custodire si voluerit: infantem non baptizatû morte praeventum, non posse perire merito, quoniam sine peccato nascitur, diuitem manentem in diuitiis suis non posse ingredi regnum Dei nisi omnia sua vendiderit, nec prodesse eidem posse, si forte ex ipsis diuitijs fecerit mandata.

Rationis
quibus diuitias impu-
gnant.

Sunt autem rationes, quibus ad vanissimum dogma firmandum vtuntur, ad tria potissimum capita reuocandæ. Primum est, exemplum Christi & Apostolorum: secundû est auctoritas verbi diuini: tertium frequens & assiduus ille diuitum in inferos ruentium casus, quo facile ostenditur lethale esse cum opibus societatem, ne aliter posse homines cum Deo coniungi quam si ab opum & diuitiarum contagione immortali diuortio separêtur. Quod pertinet ad exemplû Christi. Notum est omnibus prorupisse in salutem ho-

minum nuditate & paupertate, tanquam armis succinctum, vixisse quasi mundo & elemētis, quæ fecerat, extorrem, nilque proprium sibi de tanta rerum multitudine, præter lachrymas & cruciatus assumpsisse. Si sarcinas quas fatiscienti collo imposuit explices, quid aliud reperiēs, præter dolores & ærumnas, miseros scelerum nostrorum reditus, & fatalem censum peccati, quo filios suos infelix Adam enecuit, etiam antequam genuisset. Ideoque Propheta verissimè cecinit, languores nostros iste tulit & dolores nostros ipse portauit: Vbi aurum, vbi gemmæ, vbi cætera ambitionis humanæ vota, in manibus Christi, Auro dum puer est adoratur, sed vir pascitur felle: Infantem reges colunt, sed adultum & ætate florente Carnifices nudant: vt hoc ipso constaret puerilia esse quæ amamus Imperia & Honores: viris & sapientibus, paupertatem crucis sapere, & hac vna generosas mentes & cælo congeneres deliciari.

His efformata exemplis Apostolorum sodalitas, quid antiquius habuit, quàm mundo & opibus nuncium remittere, & de tanta diuitiarum ac latifundiorum ambitione, quæ hominum animos infinitis angoribus vexat, nil præter fastidiū & contemptum retinere. Quotquot primis temporibus Christo fidem dabant, illi sacræ inaugurabantur paupertati: nudi ad nudum & sola nobilem veniebant patientiâ pretio earum quas vendiderant rerum ad pedes Apostolorum

deposito , prodebant sese omnem ambitum & fœdas sæculi cupiditates Christo immolare. Vnde verò tam præceps & tristis Ananiæ ac Saphiræ interitus , nisi quod aliquid apud se retinuissent de summâ collectæ ex agrorum venditione pecuniæ? Quod si possidere aliquid & habere proprium fas esset Christianis : vt quid tam repentino interitu , Petrus novos illos Christianæ legis tyrones mactasset : vt quid præcluso pœnitæ aditu , periuros vna cum pecunia infelice , ad æterna supplicia deturbasset? Quam sacram & inuiolabilem esse oportet legem quæ sanguine sancitur ; & cuius primi infractores sic puniuntur , vt etiã spacio temporis careant quo agnoscere possint se peccasse.

Secundum argumentum petitur ex verbis Christi Domini , vbique diuites non à suo tantum sodalizio , sed etiam ab expectatone vitæ æternæ summouentis , vnde adolescensulo specie tenus & prophanâ quadam ambitione potius quàm religionis zelo ad perfectionem anhelanti imperat Christus : vt vendat omnia qua habet & sic expeditus & liber ad virtutis culmen enitatur , *si vis perfectus esse vade & vende omnia quæ habes & da pauperibus & habebis thesaurum in cælo & veni & sequere me.* Cùmque illius consilii acerbitate , iuuenis animus moderetur , neque tam splendidam posset diuitiarum seruitutem excutere , Iesus dixit discipulis suis :

Mat. 19.
v. 21.

Mat. 10. v
23. & 24.

Amen dico vobis quia diues difficile intrabit in regnum cælorum,

cælorum, &c. longè verò clariùs istam deponendarum opum legem exprimit Christus Lucæ 14. Luc. 14.
omnis ex vobis qui non renuntiat omnibus quæ possidet non potest meus esse discipulus : Vnde eadem propè videtur à Christo instituta & paupertatis & baptismi necessitas : nam pari ferè verborum structura sacro fonte lauari eos iubet, qui ad fœlicitatem apiscuntur : *nisi quis renatus fuerit ex* Ioann. 3.
aqua & spiritu sancto non intrabit in regnum cælorum. Tandem adducunt locum insinuatum ex actis Apostolorum, vbi nil proprium habuisse Act. 4.
 Christianos memoratur, sed cum Christi meritis & sanguine omnia etiam in communem vsum comportasse.

Præterea utebantur hæretici varijs rationibus ad inducendam paupertatis necessitatem: asserentes diuitias esse scelerum instrumenta, & fallaces dæmonum præstigias, quibus tanquam viscatis muneribus hominum mentes impediunt, & ab æternitatis cura dehortantur. Quantis sollicitudinibus parantur diuitiæ? quantis studiis opus est ne pereant? quot tormentis miserum pectus vexant si quando abierunt? quæruntur cum difficultate, amittuntur cum dolore. Et certè hiscè curis occupatum, quàm difficile est ad altiora eniti, vix credibile est posse squallentem sæculi curis animum crucis imaginem admittere, & Deo simul ac mammonæ famulari. Ista sunt argumenta quibus hæretici vsi sunt aliquando vt diuites cælo arcerent, solisque probarent pauperibus patere fœlicitatem.

CAPVT III.

DIVITES NON ESSE A SALUTE
alienos, locis scripturæ probatur. Tertulliani locus. Marcionis de Deo veteris testamenti pauperibus infesto error. Superbia etiam laborare possunt pauperes. Augustini sententia. Non esse calumnijs premendos diuites ex eodem Augustino.

FRuatur laude sua generosa paupertas, & supra mundi ambitionem læto rerum humanarum contemptu euecta, secunda gloriatur: non inuidemus eius triumphis, quos æmulari nobiles gestiunt animæ. Nam ut nullis egere Deo proprium est, sic Deo proximum nil appetere, & contra paupertatem ac miseriam sola animi magnitudine luctari. Tales sunt, qui mediocri vitæ solatio contenti, fœlicitatem sibi non fortunæ debent: & è suæ vîrtutis fundo veras animi delicias ac voluptates colligunt, quarum umbram & inane somnium, stolidi mortales à vilissimis rebus auro argentoque coguntur mendicare.

Verùm inoffensa paupertate licebit in eos dicere qui veneni aliquid inesse diuitiis asserunt, quod nulla possit arte caueri. Ac primum non ita fatales hominum ruinæ diuitias sacri codices innuunt, quin opulenti & dignitate insignibus remedium aliquod supersit depellendæ eius pestis,

Primum argum. in
 ex scriptura.

quam afflat ambitio & immoderatus amor sæculi.

Vt quid enim Paulus, 1. ad Tim. 6. mandaret discipulo monendos diuites, *non sperare in incerto diuitiarum*, si omnino diuites perire necesse sit. Docendi potius erant excutere diuitias, & tam lugubre pondus abiicere, quod Deo exosos redderet & inimicos: Verùm ita sentiebat Paulus non esse omnino inutiles & noxias opes, si modo seruirent, non dominarentur: si eas regeret animus, non illæ animum premerent, si in summa rerum humanarum affluentia homo se pauperem agnosceret, quamdiu Christo cœloque caret, quo vno hominis fœlicitas & opulentia continetur. *Reliquum est ut qui uxores habent sint tanquam non habentes & qui flent tanquam non flentes, & qui emunt tanquam non possidentes, & qui utuntur hoc mundo tanquam non vrentes.*

Primæ ad
Timoth. 6.

Primæ
Corinth. 7.

Idem Paulus 2. Corinth. 8. hortatur Corinthios ut in fratres Christianos paupertate pressos munificentia exerceant: At qua ratione esse poterant munifici & liberales, si nil proprium obtinerent, si vniuersim Christianis omnibus bona erant promiscua & census confusi.

Secundum
argumen-
tum.

Tertiò in Euangelio Zachæus etsi Christo carus & laudatus, salutisque suæ domus factus certior hoc oraculo, *Hodie salus huic domui facta est*, tamen non legitur expoliasse se omnibus fortunis, sed mediâ tantum parte: dimidium inquit bonorum meorum do pauperibus.

Tertium ar-
gumentum.

Lucæ 19.

Quartò Iosephus Arimathæus ipse discipulus

Quantum
argumentum.

12 *De bonis & possessionibus Ecclesiarum,*
erat Iesu & tamen diues splendidoque sepultura
genere erga Christum vsus. Quod si vniuersim
diuites Deo inuisi essent non tulisset prouiden-
tia, vt quod corpus de pauperula Virgine Chri-
stus nascendo tulerat: illud post mortem diuiti
traderetur.

Quintum
argumen-
tum.

Quintò in solemni illo iudicio, quo vniuersos
hominum actus æquissimus arbiter librabit; vt
quid tot præmia spondentur iis qui pauperes fo-
uerint, aluerint, & situm squalloremque car-
cerum de miseris corporibus absterferint? num-
quid ista pietatis officia, quæ tam solemni lau-
datione Deus prosequitur, quorum præco Chri-
stus ipse futurus est, absque opum & fortuna-
tum subsidio exercentur? quis pauper pauperem
pauit? quis nudus & inuestis algentem texit? quis
solis affectibus votisque potens liberauit è car-
cere infortunatum & tristi hypogæo quodam-
modo sepultum ante mortem?

Si ergo opes tantopere Deus execratur: vt
quid tam luculenta præmia iis proposuit virtuti-
bus, quæ sine opum ac fortunarum subsidio
languescerent? vt quid fœlicitatem iis spondet
facinoribus quæ à pauperibus tentari nequeunt,
& quibus nemo nisi splendidiori familia oriun-
dus non possit probe defungi?

Ne ergo diuites temerè à Christi amoribus
arceamus in æterno isto deliciarum secessu, *Dives &*
pauper obuiauerunt sibi, vtriusque operator est Dominus.
Prouerb. 22. in quæ verba rectè Hieron. neque di-

Prouerb. 22.
Hierony-
mus.

item propter diuitiarum honorem neque inopem pro inopia despicias, sed iis hoc utrumque venerare, quia opus sunt diuinum & ad imaginem eius facti.

Imò verò expendamus, num diues aliquid maius Christo conferat quam pauper. Eget reuera paupere Christus, sed per diuitem doloribus suis leuatur: alget in imagine pauperis, sed diuitis veste fouetur: illius vulneribus miser est, sed huius pietate reuiuiscit: in illo carcerem patitur, huius auxilio libertatem recipit: à paupere habet quod humanum est pati, videlicet ac languescere: à diuite quod beatius est & diuinius nescire miseras & in tranquilliores portum transferri.

Merito itaque Antiqui Patres sic opinati sunt, nihil esse in diuitiis vitiosi ac scelerati, nec Christianis impositam esse legem suæ rei expoliandæ, sed tantum religiosè & piè dispensandæ. Tertullianus, lib. 4. aduersus Marcionem, ubi quæstionem hanc de diuitibus attingit. *Diuitias inquit præstare non incongruum est Deo, per quem & diuites solatio iuuantur, & multa in Deo opera iustitiæ & dilectionis administrantur; sed accidentia vitia diuitiis, illa in Euangelio quoque vix diuitibus ascribunt: utique & de diuitijs & de gloria illarum, secularibus fructibus, utique in Deuteronomio Moyses ne, inquit, cum manducaueris, & repletus fueris, & domos magnas ædificaueris, & bonis tuis multiplicatis & pecuniâ & auro exaltetur cor tuum, & obliuiscaris Domini Dei tui. Quem admodum & Ezechiam regem thesauris inflatum, &*

Tertull. lib.
4. aduersus
Marcionem

14 De bonis & possessionibus Ecclesiarum,
de his potius quam de Deo gloriantem, apud illos qui ex
Perside aduenerant, insilii per Esaïam: ecce dies veniunt
& auferentur omnia, quæ in domo tua sunt, & quæ
Patres tui congefferunt, in Babylonem transferentur; sic
& per Hieremiam quoque edidit: ne gloriatur diues in
diuitijs suis, & qui gloriatur scilicet in Deo gloriatur.
Sic & in filias Sion inuehitur per Esaïam cultu diuitia-
rum & abundantia inflatas comminabundus: & alibi,
Nobilibus & superbis dilatabit orcas animam suam &
aperuit os suum & descendunt incliti & magni diuites:
hoc erit Christi *Va* super diuites & humiliabitur utique
homo exaltatus diuitijs, & honorabitur vir utique ob
substantiam honorabilis. Ex quibus Tertulliani ver-
bis liquet Marcionem in eo versatum errore, vt
nouitestiamenti auctorem, præ artifice veteris &
antiquæ legis, singulari bonitate & benignitate
præditum diceret, & hunc quidem malum, illum
verò bonum assereret: quia in nouo testamento
benediceretur pauperibus, & præcipua cura eo-
rum haberetur: in veteri verò cessaret sollicitu-
do & ratio egenorum, totusque fauor priscæ il-
lius legis ad diuitiarum pompam & inanem ap-
paratum spectare videretur. Contra verò, docet
Tertullianus Marcionem falsò comminisci ridi-
culum istud discrimen, inter auctorem veteris &
conditorem noui testamenti, neque plus amari
pauperes à noui testamenti artifice, quàm antiqui,
quia in neutro eorum testamentorum maledicun-
tur diuitiæ simpliciter, vt existimabat Marcion:
sed si quando in diuites vocem istam *Va*, siue exe-

crationis siue comminationis, Christus iaculatur, vniuersa eius indignatio in solam diuitum superbiam sese effundit, non verò in diuitias, quibus velut adminiculis, ad Pietatis & Religionis officia, quiuis potest vti sanctissimè.

Non sunt ergo in culpa diuitiæ, sed fatale illis ac domesticum crimen arrogantia: at neque huius mali periculo vacat paupertas: est etiam sua sordibus superbia quidquid in suo genere magnū est & singulare illud, opinione sui animum distendit: etiam ægri de morborum violentia iater se contentiosè disceptant, & tristi ambitione miseriarum feruentes, cum fœlicitate lucere non possunt, certant esse malorum vehementia & atrocitate gloriosi. Quot sunt quibus situs & squallor pro auro est: quibus neglectæ vestis ac supellectilis fœdities etiam purpurâ & palatijs regum plus niter? Non est magno parabilis arrogantia, non ex pretio rerum, sed ex animis hominum pender, qui & in tenui fortunâ insolentes esse possunt & in splendida moderati.

Paupertas etiam non-
numquam
superbâ fa-
briat.

Quapropter etiam in paupertate cauendum esse ab arrogantia tetro afflatu monet Augustinus Epistola 109. *Quid prodest dispergere dando pauperibus & pauperem fieri: si anima misera superbior efficiatur contemnendo, quàm fuerat possidendo.*

Aug. Epist.
109.

Omnino itaque sufficere possent prædicta, vt satisfaceret argumentis hæreticorum, diuitias quasi scelus accusantium: nisi disertè totum hoc nego-

Ang. Ep. 19.

tium exponeret, Augustinus Epistolâ 89. in qua respondet Hilario. *Euaferunt* (inquit) *istorum disputationes Patres nostri Abraham, Isaac, & Jacob, qui tanto antè ex hac vita migrarunt. Habebant quippe hi omnes non paruas diuitias, sicut fidelissima scriptura testatur: multos tamen venturos, & ab oriente & ab occidente, & non suprâ ipsos, vel extrâ ipsos, sed cum ipsis recubituros in regno cælorum, ille ipse qui propter nos factus est pauper, cum verè diues esset veracissima promissione prædixit. Et quamuis superbus diues, qui induebatur purpura & bysso, & epulabatur quotidie splendide apud inferos torqueretur, tamen si pauperis ulcerosi, qui antè ianuam eius contemptus jacebat, miseratus fuisset, mereretur & ipse misericordiam. Et si pauperi illi meritum esset inopia, non in iustitia, non utique in Abrahamæ gremium qui diues hic fuerat tolleretur. Sed ut nobis ostenderetur nec in isto paupertatem per seipsam diuinitus honoratam, nec in illo diuitias fuisse damnatas: sed in isto pietatem, in illo impietatem suos exitus habuisse; sic suscepit impium diuitem cruciatus ignis, ut tamen pium pauperem susciperet sinus diuitis. Vnde meritò idem Augustinus suggillat ingratham & immemorem eorum amentiam, qui in Ecclesiastico gradu constituti, aut saltem excellentioris vitæ amantes, diuites & eos qui in sæculo degunt iniurijs onerant, & inopes ac fortunas contumaci loquacitate debacchantur: cum tamen diuitum censibus & patrimonijs viuant, & de eorum beneficentia saginentur. Populi, qui commercijs & rebus sæculi indulgēt, vitæ sunt & plantæ, quas homines Ecclesiastici colunt.*

lunt & laborant, seminant spiritalia, temporalia
 merunt & colligunt. *Non ergo damnare debent infir-*
mioris meriti Christianos, quorum opibus transiguntur:
sed rectè viuendo & rectè docendo, magis eis dicere: si
nos spiritalia seminauimus, magnum est si carnalia vestra
metamus? Multò quippe minori impudentia serui Dei,
qui manuum suarum honestis operibus venditis viuunt,
damnant istos à quibus nil acceperint, quàm isti, qui pro-
pter aliquam corporis infirmitatem non valentes mani-
bús laborare, damnant eos ipsos, de quorum facultatibus
viuunt.

Aug. ibid.

CAPVT IV.

SOLVUNTUR ARGVMENTA

opinionis contrariæ. Quando cæpit Christianorum
unio. Porphirij calumnia. Opinio Origenis: Pau-
peratis votinæ initia ex Greg.
Ambros. &c.

SIc ex diuitum pauperumque concordia for-
 mari Ecclesiam cæset Augustinus, vt amorem
 quondam finxit Plato ex coniugio Pori, & Peniæ
 abundantix & egestatis prodijisse. Nec obstat huic
 doctrinæ, primæua Ecclesiæ nascentis societas; in
 qua, omnia promiscua & communia erant Chri-
 stianis omnibus: Non enim ista communitas le-
 gis fuit aut mandati alicuius diuini, sed spontaneæ
 tantum pietatis obsequium, quo sese mutuo ita

completebantur Christiani, ut priuatos census & opes proprias in terris retinere, ijs ignominiosum esse ducerent, qui de vna Christi carne in hac vita pascerentur, & vnā essent aliquando in cœlis domum habituri.

Cum ergo libera esset illa vitæ communis professio: tam præcipitatum Ananiæ & Saphyræ interitum nonnulli aliunde quàm ex diui Petri iusto anathemate repetunt. Sunt enim ex Patribus, qui cum intelligerent, D. Petrum à Porphyrio sæuitiæ damnatum, quod tam leui crimine infensus, atroci execratione Ananiam & Saphyram iugulasset: censuerunt mortem istam tam repentinam, ex eo contigisse, quod ipsos subitus quidam terror perculisset, aut grauis aliqua verecundia derepente consternasset. Ea est sententia D. Hieronimi Epistola 8. Origenis in Matt. homil. 8.

Hieron. Ep.
8. Orig. ho.
8. in Matt.

Ananiam
non esse dā-
natum opi-
natur Ori-
genes.

Ananiam
verecundiā
exiungunt.

vbi diserte ait eos solā morte temporali affectos nullum animæ suæ detrimentum pertulisse. *Digni, inquit, erant in hoc sæculo recipere peccatum suum, ut mundiores exeant ab hac vita, mundati castigatione sibi illatā per mortem communem: Quoniam credentes erant in Christo. Puto autem quoniam audiens Ananias hæc verba, ideo cadens expirauit: quoniam non sustinuit argutionē Petri, sed cruciatus in se, à Deo est punitus, ut etiam expiraret, verbis videlicet Petri catechizantibus animam ipsius. Nec Petrum his debemus putare interfecisse Ananiam, sed illum non sustinuisse acritudinem verborum Petri dicentis ut quid repleuit satanas cor tuum, &c.*

Alij verò crimen Saphyræ non ex eo petunt

quod partem aliquam pecuniæ retinuerit, cum esset Christianus, sed, quod voto consecrasset pecuniam suam in usus & expensas fidelium, & non modo communis vitæ genus istud eximium quod Apostoli ducebant interiori animi proposito destinasset: sed etiam de facto esset aggressus. Vnde quia vitæ communis legem ipse sibi metipsum imposuerat sponse solemni: idcirco fidem Deo datam violabat retinendo aliquid proprium & partem pecuniarum celando, quam omnem Christo dedicauerat. Nec enim amplius licebat Ananiæ & Saphyræ ad priorem vitæ formam sine culpa remeare, postquam sacram illam & religiosam societatis Apostolicæ necessitudinem erant amplexi: iam enim non Apostolis sed Deo subducebant, neque tam de suis aliquid per avaritiam retinere videbantur, quam de proprio Christi patrimonio, in quod res eorum voto transferant, per sacrilegium deprædari: Vt enim loquuntur Iurisperiti, contractus ab initio sunt voluntatis, sed ex post facto necessitatis, ita voluntariè quis vouet id quod necessariò est redditurus.

Et ea est Gregorij sententia ad Venantium ex-monachum: *Ananias pecunias Deo vouerat, quas post diabolica victus persuasione substraxit, sed qua morte mulctatus est scies, si ergo ille mortis periculo dignus fuit, qui eos quos dederat, nummos Deo abstulit; considera, quanto periculo in diuino iudicio dignus eris, qui non nummos sed te ipsum Deo omnipotenti cui te submo-*

Greg. lib. 1.
Ep. 33. & cit.
17. q. 1. c. 2.

nachali habitu deuoueras substraxisti. In eadem opinione versatur Basilius sermone de Institutione Monachorum, Danda operane quid quoquo pacto indignam professione nostra faciamus, neue simili atque Ananias iudicio sumus obnoxij. Licebat enim Ananix possessiunculam suam Deo non polliceri ac vouere: sed postquam humana gloriæ cupiditate inductus, quidquid in bonis habebat per professionem Deo consecrauit, quo uidelicet egregio istiusmodi facto hominum de se admirationem excitaret, de pretio autem callide postea nescio quid interuenit, eiusmodi aduersum se indignationem Dei prouocauit, cuius minister Petrus fuit, ut ne ad pœnitentiam aditum inuenire potuerit.

Basiliij sent.
serm. de in-
stit. Monac.

Vide Am-
brosium de
off. lib. I. c.
30. & l. 3. c. II.

Cum itaque, non ratione Christianæ Religio-
ni, sed solius voti vinculo, teneretur Ananias ad
totam summam pedibus Apostolorum appo-
nendam: sequitur ne tunc quidem Christianos ad
communitatis legem & bonorum suorum eiura-
tionem fuisse deuinctos, nisi singulari professio-
ne pietatis. Vnde idem D. Petrus eam libertatem
clarissimè commonstrat, cum ait, *Nonne manens*
tibi manebat & venundatum erat in tua potestate. Et
certè si Christiano homini omnino non licebat
quidquid de pristinis facultatibus retinere, ut
quid à Petro non monetur Cornelius Centurio
renunciare rebus suis, priusquam sacro fonte tin-
gatur? Ut quid iis legibus & institutis, tanta mul-
titudine quæ ad Petri vocem ex Gentili amentia ad
fidem conuersa est, non infirmatur. Tandem si
Christianos omnes necesse fuisset opes & fortu-

Act. 5.

Act. 10.

nas relinquere : maximè iis qui è Christi familià erant : at Christi agnatos rura & agros retinuisse prodit Eusebius lib. 3. capit. 15. qui testatur eos coram Domitiano professos se habere nouem millia denariorum ex agrorum censu.

Concludendum itaque nullum fuisse de fortunarum abdicatione præceptum , neque aliter fugiendum homini Christiano à diuitiis & honoribus , quàm ab vxore patre & matre , si nempe generosis conatibus obsistant sintque impedimento quominus aliquis ad asperum crucis verticem enitatur. An verò veteres Christiani omnes hoc genus vitæ sequuti sint , quæ nihil habet proprium & an diu floruerit hoc institutum & de communi ærario nunc agendum.

CAPVT V.

*TYPVS SOCIETATIS ANTIQVÆ
inter fideles. Ærarium commune Hierosolymis. Rectores eiusdem qui fuerint. Quamdiu durauit. An apud Ecclesias gentium communitas viguerit. Quod ærarium. In quos usus. De viduis locus Pauli difficilis explicatur.*

Primæux Apostolorum societati iniuriam à me factum iri ducerem , nisi eius œconomia hîc locum aliquem obtineret , quamquam non eo fulserit opum adiumento , quo Ecclesia hîsce

22 *De bonis & possessionibus Ecclesiarum,*
temporibus ad suorum subsidium, & hostium in-
uidiam largissimè locupletatur. Delectant etiam
ædificiorum superstitēs ruinæ, quæ præter anti-
quitatis gloriam illustre habent nihil. Res olim
nouitate viles & nascendo indecoræ, vetustatis
priuilegio, nobiles fiunt, & annorum atque æta-
tum victrice senio, famam promerentur. Ita hu-
mitem & stramentitiā Romuli casam, quasi
Imperii cunabula, toto Capitolorum fastu reli-
giosius multo Romani coluerunt, & antiquam
pauperiem existimabant esse nouis honoribus
pretiosiores.

Fuit ergo Ecclesiæ sequētis quædam delineatio
in societate Apostolica, & initium maioris œco-
nomiæ, qua successores vsi sunt postea, in bonis
illius administrandis: in qua inquirendum primo
quis pecunias regeret & quomodo iis vterentur.
Ac Apostolos eo munere primum functos sa-
tis apparet, quod ad eorum pedes pecuniæ ap-
ponerentur. Ipsorum itaque arbitrio fiebant
sumptus, & expensæ communes & quidquid ad
familiæ illius sanctioris annonam & subuentio-
nem opus erat, illi de communi penu prome-
bant. Cum autem cernerent sese, his domesticis
ac familiaribus curis à verbi Dei præconio distra-
hi, animaduertēntque non tam corporum
quàm animorum curam ac sollicitudinem sibi
creditam, onus illud familiæ curandæ in Dia-
cos transmiserunt, quos ex Ecclesiæ totius suf-

Act. 6.

Diaconi æ-
ratio præli-
giuntur.

fragio, delectos, ad ministeria mensarum, Apostolici actus testantur.

Vigebat sacra hæc amoris conspiratio, dum Act. c. s.

Iudaicus furor, quo in magistrum impetu, eodem in discipulos stomacho irrumpens, præclaram istam societatem quasi violentus turbo diffilavit.

Societas dissipatur.

Initium sæuitiæ à Stephano Diacono factum, quo oppresso dispersi cæteri: & maxima ex parte, cœtus ille vnanimis fidelium labefactatus. Nam soli Apostoli Hierosolymis remanserunt, neque fortasse postea tam publice potuerunt fideles in vnum coire & communi mensa domicilióque vti. *Facta est autem in illa die persecutio magna in Ecclesia quæ erat Hierosolymis & omnes dispersi sunt per regionem Judææ & Samaria præter Apostolos.* Et certè post hoc tempus non vnà mansisse Apostolos satis patet, ex eo, quod Paulus Hierosolymam reuersus non dicitur iuisse ad communem aliquam domum, vbi essent omnes Apostoli, sed ad Iacobi domum. Præterea dicuntur omnes seniores collecti: sed non erat opus colligi ac congregari propter aduentum Pauli, si vnà habitassent & communi recto fuissent vsi. *Sequenti autem die introibat Paulus nobiscum ad Iacobum omnesque collecti sunt seniores* Act. 21.

Act. c. s. v. l.

Iacobus Hierosolymis erat Episcopus.

Desierat ergo ex tunc perfecta societas & remanserat tantum liberalis ille affectus subueniendis fidelibus eosque suscipiendi, si quando indigerent. Vnde dicitur quod cum Paulus venisset Hierosolymam *Libenter exceperunt eum fratres.*

Anno Christi 58.

Nil amplius de communitate ista, Hierosolymis instituta reperitur. Cæterùm, an idem in cæteris Ecclesiis factitatum, inquiramus. Certè quantum ex Epistolis Pauli liquet: Ecclesiarum apud gentes non ea fuit consuetudo, vt in communem fundum suos redditus comportarent: Nam vbi omnia sunt promiscua, ibi non est discrimen pauperis & diuitis: At discrimen istud apprime manifestum est in Ecclesiis, quæ per gentes fundatæ sunt: si quidem cum fames immineret orbi terrarum, qui Antiochiæ erant discipuli.

Ecclesiæ
Gentilium
an commu-
nitate vti
sint.
Act. II.

Miserunt habitantibus in Iudæa fratribus pecunias prout quis habebat. Id est pro modulo & captu fortunarum: quod certè locum non haberet, si fortunæ omnes & facultates essent promiscuæ. Romanorum 12. monet Paulus, vt subueniatur necessitatibus sanctorum. *Necessitatibus sanctorum communicantes hospitalitatem sectantes.* 1. Corinth. 6. monet lites & iurgia, quæ inter fideles oriuntur, permittenda, arbitrio sanctorum & vitanda gentium tribunalia: at vbi cessat meum & tuum, & omnis ratio proprietatis extincta est, ibi litibus & turbelis non est locus. Ephesiorum 4. fideles ad mutuam benignitatem & misericordiam hortatur. *Estote inuicem benigni, misericordiam donantes inuicem, sicut & Deus in Christo donauit vobis.* At cessat benignitas & misericordia, vbi nemo miserior, nemo altero felicior. Ad Philippeneses 4. laudat eorum in se profusam beneficentiam, maxime quod sumptus suggererint quibus dum aliis

Rom. 12. v. 13

1. Cor. 6.
v. 32

Philip. 9.

Ecclesiis prædicabat, indigeret. Scitis autem & vos Philipenses quod in principio Euangelij quando profectus sum à Macedonia, nulla mihi Ecclesia communicauit in ratione dati & accepti, nisi vos soli quia & Thessalonicam semel & bis in usum mihi misistis, Idem patet ex pluribus locis 1. Thess. 2. & 2. ad Thess. 2.

Licet verò proprietatis iura in reliquis Ecclesiis Christiani non abdicarent, attamen habebant commune ærarium etiam temporibus Apostolorum, vnde patientibus & afflictis subuenerent. Clarum est, ex citato loco Actuum 11. vbi Antiocheni dicuntur pro captu suo contulisse de suis facultatibus, in subsidium fratrum habitantium in Iudæa. Meminit & collationis & subuentionis in gratiam sanctorum qui essent Hierosolimis, Paulus ad Rom. 15. Nunc igitur proficiscar Hierusalem ministrare sanctis: probauerunt enim Macedonia & Achaia collationem aliquam facere in pauperes sanctorum, qui sunt in Hierusalem. Ad hæc verò pietatis officia à Gentibus imploranda adhortati erant Paulum, Petrus, Iacobus, & Ioannes, dum sese ad prædicandum Gentibus accingeret, vt ipse restatur Galat. 2. & animaduertit Theodoretus in hunc locum. Modum verò colligendæ istius pecuniæ diserte tradit idem Paulus 1. ad Corinth. 16.

Ærarium
communi
e
pud Gen-
tiles.

Act. 11.

Modus co-
ligendæ pe-
cuniæ.

1. Cor. 16.

De collectis autem quæ fiunt in sanctos, sicut ordinavi Ecclesis Galatiæ, ita & vos facite. Per vnā sabbati vnusquisque vestrum seponat apud se recondens quod ei bene placuerit: vt non cum venero, tunc collectæ fiant. Vnam autem Sabbathi D. Ambrosius, Theodo-

Ambrosius
& Theodo-
ret. in c. 16.
1. ad Cor.

retus & alij interpretantur diem dominicam;
 quâ venientes Christiani, ad sacram synaxim
 afflictis & laborantibus ex Ecclesia consulebant
 & litabant charitati, pecunias ita collectas serua-
 bant apud se quidam ab Ecclesia constituti, vt
 patet ex citato loco 1. ad Corinth. 16. *Quos (in-*
quit Apostolus) probaueritis per Epistolas, hos mittam
perferre gratiam vestram in Hierusalem. Attamen
in illis distribuendis maxime consilium & volun-
tas spectabatur Apostolorum, qui tanquam Epi-
scopi vniuersæ Ecclesiæ moderabantur, cæterum
qui participes essent huius ærarii, & in quorum
gratiam expendebatur, facile est deprehendere:
 primum enim Euangelici verbi præcones inde
 alebantur, seu Apostoli seu Discipuli, excipie-
 bantur peregrini & aduenæ communi sumptu,
 vt constat ex verbis Pauli, ad Corinth. 8. vbi Ti-
 tum & eos, quos sibi in Euangelio prædicando
 socios adlegerat, Corinthiorum commendat be-
 neficientiæ, hortaturque, vt ipsos comiter exci-
 piant, & in Pauli fratribus ostendant, quo Pau-
 lum amore & beneuolentiâ prosequantur. *Siue*
pro Tito qui est socius meus & in vobis adiutor, siue
fratres nostri Apostoli Ecclesiarum gloriæ Christi, osten-
sionem ergo quæ est charitatis vestræ & nostræ gloriæ,
pro vobis in illos ostendite, in facie omnium Ecclesiarum.
 Et certè cum extra vrbes, in quibus Euangelium
 vigeat nulli essent, qui Apostolorum curam es-
 sent habituri, cum intra locorum quorundam
 angustias inclusa esset charitas, & Christiani no-

quinam ef-
 sent partici-
 pes ærarii
 Ecclesiastici

minis religio, æquum erat quoque ut Apostolis peregrinantibus, & in infidelium emendatione ac conuersione occupatis, essent qui necessaria vitæ subsidia impertirentur. Hinc Ecclesiæ fidelium discipulis Christi & Apostolis, non tantum quæ ad præsens tempus necessitas flagitabat suggererant: verum etiam stipendiis & pecuniis quibusdam eos donabant, quibus pro viatico uti possent. Ac ne auaritia aut ambitione duci viderentur & Euangelij fœdus (rem adeò pretiosam) turpi mercimonio distrahere, ne manus suas pecuniarum contagio polluerent, erant in comitatu Apostolorum mulieres quædam piæ & religiosæ, quæ seu ex proprio censu, seu ex demento Ecclesiæ eos alebant, quamdiu in itinere versarentur, aut in hostico solo consisterent. Harum mulierum meminit Paulus: *Nunquid non habemus potestatem mulierculam sororem circumducendi sicut & ceteri Apostoli & fratres Domini & Cephas. Aut ego solus & fratres aut Barnabas non habemus potestatem hoc operandi? Quis militat suis stipendiis uxorem?* E quo textu apparet Paulum certis de causis, eas mulieres, rerum quæ ad vitam opus essent, administras, à suo contubernio reiecisse, cum tamen ipsas reliqui Apostolorum circumducerent & ab ipsarum manu & curâ veluti sui laboris stipendia reciperent. Atque eum esse huius loci sensum tradit Hieronymus. *Non dixit mulieres inquit accendi, ne de uxoribus dicere putaretur. Sed circumducendi inquit per provincias quæ necessaria*

I. Cor. 9.

Hieron in
cap. 9. I. ad
Cor.

28 *De bonis & possessionibus Ecclesiarum,
de suis facultatibus ministrarent.*

Matricula-
rum origo.

Ea ergò fuit tenuis & angusti prima Ecclesiæ ærarij œconomia, vt optimi eius fructus & præcipui ad fouendos sacerdotes & clericos pertinerent, quibus instructis & necessario commearu donatis, pauperum & viduarum ratio habebatur. Inde ceperunt Matriculæ seu Indiculi egenorum ac miserabilium vt loquuntur personarum, quarum patrociniò adhuc nascens & vix dum suæ vitæ secura Ecclesia, quidquid animi neruorùmque habebat, consecrauit. Præerant tam religiosi officiis Episcopi & qui primi in altaribus Christo pascabantur: primi eidem Christo in pauperû effigie pascendo curam impendebât; catalogû tenebant egentium & viduarum, in quas Christianorum Elemosynæ poterant religiosius impendi. Ita enim Timotheum monet Paulus, ne passim & sine delectu quasilibet viduas, etiam adolecentiores ad capeffendam Ecclesiæ beneficentiam admittat, & sinat publico demenso victitare, ne in vegeto corpore, desidia ardorque sanguinis nullo labore edomiti, libidinem accendat; adeoque, Ecclesia cuius sumptibus vixerunt, non tam earum virtutibus & continentîâ splendeat quàm luxurie & petulantia dedecoretur: & hoc est quod

ad Tim. 5. innuit Paulus his verbis. *Vidua eligatur non minùs sexaginta annorum, quæ fuerit vnus viri vxor in operibus bonis testimonium habens, si filios educauit, si hospitio recepit, si sanctorum pedes lauit si tribulationem patientibus subministravit, si omne opus bonum subsecuta*

est. Adolescentiores autem viduas deuota: Cum enim luxuriata fuerint in Christo, nubere volunt.

ὁ πᾶν κατὰ
χρηστάσας
τῶ Χριστοῦ
γαμῶν δε-
λῶσι.

Nam viduas istas solitas ali de fundo Ecclesiæ, produnt subsequencia Pauli verba: Si quis fidelis habet viduas subministret illis ut non grauetur Ecclesia, & ipsæ quæ verè viduæ sunt sufficiat. Nec graue erit totam hanc sententiam auctoritate Theodoretī fulcire, qui in hunc locum sic ait: Ostendit Paulus causas, propter quas non vult iuniores referre in numerum viduarum: illud luxuriata fuerint, pro eo quod est Ecclesiasticum subsidium acceperint & quæ sunt corpori necessaria absque vlla sollicitudine susceperint, aluntur in otio: otium autem introducit nequitiam.

Theodore?
tus in 5. cap
I. ad Timot

Et hæc pauca sunt quæ de Ecclesiæ nascentis patrimonio è sacris codicibus eruuntur, quibus vnum hoc addi potest, quod ex Syluestro ducitur: nimirum venditas à primis illis Christianis, villas, domos, prædia: & cætera quæ immobilium nomine censentur, non quod ea retinendo se præuaricari fidei suæ arbitrarentur, sed quod scirent Ecclesiam non diu in Iudæa mansuram, atque ex ijs agris fructus vllos metere dedignarentur, qui seruatoris sui fuso tam atrociter sanguine maduissent. Expectabant itaque beatiores secessus, & terras amœniores, vbi Apostolicis vocibus victa gentium impietas vectigal Cruci penderet: Vbi Christiana Religio è Iudæorum finibus fœdissimè pulsa tandem pacis & splendoris potiunda de Iudæorum vbique vagantium erroribus triumpharet. Futuram (inquit Syluester) Ecclesiam in

03 *De bonis & possessionibus Ecclesiarum,*
gentibus Apostoli praeuidebant, idcirco pradia in Iudaea
minimè sunt adepti, sed pretia tantummodò ad fouendos
egentes. At verò cum inter turbines & aduersa mundi
succresceret Ecclesia, eo usque peruenit ut non solùm gen-
tes, sed etiam Romani principes, qui penetrotius orbis mo-
narchiam tenebant ad fidem Christi & Baptismi sacra-
mentum currerent. E quibus vir Religiosiss. Constantinus
primus fidem veritatis patenter adeptus licentiam dedit
per vniuersum orbem sub suo degentes imperio non solum
fieri Christianos, sed etiam fabricare Ecclesias, & pradia
tribuere posse constituit, &c. Ex quibus patet Ecclesiae
inter initia iacentis paupertatem, non tamè singu-
lari opum arcessendarum instituto, quam è prin-
cipum odio ac populorum inuidia dimanasse.
Non statim sol totus exoritur, paulatim è nubi-
bus, quibus quasi crepundijs immergitur, erum-
pit. Est etiam sua luci & diei infantia: Ita oport-
tebat Ecclesiam sensim in eum honoris, in quo se-
det, apicem prouehi, & antequam purioribus
radiis niteret, Martyrum cædibus & suppliciis,
Auroræ in modum purpurascere. Inquiramus
ergo, an tandem licitum fuerit Ecclesiasticis ho-
minibus locupletari.

CAPVT VI.

*VARIÆ HÆRETICORVM SE-
ctæ in Ecclesiæ diuitias declamantes, Antropomorphi-
tæ, Arnoldus Brixianus, Valdenses, Hussius, Lu-
therus, Spalatensis: Rationes eorum.*

Accusare cuiuscumque libeat antiqui Pictoris
commentum, qui cum egregiam Helenæ
pulchritudinem imitari non posset, atque eas fin-
gere oculorum flammæ, quæ post decemnales
rixas, tandem miserum Troiæ incendium pepe-
rerunt, victus maiestate argumenti, tabulam &
exteriores omnes corporis ductus auro impleuit:
vt cui formam & venustatem dare non poterat,
saltem pretium & splendorem conciliaret, faceret-
que diuitem quam pingere desperabat elegan-
tem.

Certè omnis forma, virtus & pulchritudo, si
stemus arbitrio huius sæculi, in auro & fortunis
iacet. Quotusquisque est, quem non supra Cato-
nis innocentiam infamis tollat adulatio; si modò
diuitiis fulgeat, & spe mercedulæ vel mediocris
ancillantibus linguis blandiatur? Fraudatur do-
mestico & naturali gloriæ prouentu squallens inte-
gritas, dumque emuntur fauore & auctoritate,
hominum suffragia, etiam furor & rapinæ venali-
bus elogiis consecrantur. Et quis non augurabi-

tur ad Ecclesiæ puritatem & sacerdotij honorem, diuino quodam consilio accessisse diuitias, ne tanti gradus maiestas opum ornamento destituta, apud mortalium iudicia vilesceret, & Ecclesiastici homines, quasi mundi sordes & purgamenta ab ambitiosis atque audacibus superbo & indignanti vestigio calcarentur. Quot sunt qui sponsæ pulchritudinem nec oculis metiuntur quâ columbas refert, nec staturâ qua palmas imitatur, sed capitis tantum fulgor, & quibus placere non posset, nisi reuera *Caput eius esset aurum optimum.*

Verum quàm sordidi sunt eorum amores, tam iniusti sunt Hæreticorum quorundam latratus in Ecclesiæ facultates insilientium, nec illam probantium nisi sordidam & tristi mendicitate squalentem.

Aug. lib. de
hæresibus
ad quod
vult Deum
hæres s. to.
& operum.

Inter quos primi occurrunt Antropomorphitæ, de quibus Aug. lib. de Hæresibus ad quod vult. *Deum* (inquit) *sibi fingunt cogitatione carnali, in similitudinem imaginis corruptibilis hominis quod rusticitati eorum tribuit Epiphanius parcens eis, ne dicantur Hæretici. Eos autem à communione nostra eparrasse se dicit culpando Episcopos diuites, & pascha cum iudæis celebrando: Ex quibus patet Epiphanium Antropomorphitis aliquatenus indulgisse, quod Deum humanâ fronte effingerent, quasi in eum errorem ipsos mentis nostræ debilitas impulisset, nec alio nomine schismaticos, & hæreticos censuisse, quàm quod diuitias in Episcopo scelus esse arbitrarentur.*

tur. Qui Clericorum opes præcipuè insecutus sit, nullum posteriora tempora hæreticum tulerunt ante annum circiter millesimum, quo insanus quidam nomine Leutardus è vico Virtutis, in pago Catalaunico natus decimas oppugnavit, ut refert Glaber Rodolphus.

Glaber Rodolphus hystoria lib. 2. cap. 11.

Post stolidos hosce & amentes neminem reperio, qui istam hæresim palam sit professus ante Arnoldum quendam, qui circa annum circiter 1130 Clericos peccare asseribat contra leges suæ fortis & conditionis, si quid possiderent, quibus vnum licere putabat Christum ambire & eius complexu suavissimo oblectari.

Arnoldus Brixianus apud Genebrardum.

De Arnoldo Brixiano Bernard. Ep. 95. ad Epil. Constantiensem.

Hunc sequutus est anno 453. Ioannes Behaim tympanista & pecorum pastor, qui in decimas quæ Clericis soluerentur contumacissimè inuectus est, eo maxime nomine, quod interdictam bonorum omnium possessione, Clericorum familiam existimaret: quasi verò quos Deus ut filios & hæredes agnoscit, illis, præter famem & inopiam, offensus Paterni nihil quidquam Patrimonij nomine reliquerit?

Genebrardus ad annū 1453. & Münsterus lib. 3. Cosmograph.

Fuerunt etiam Pauli temporibus, qui dicerent neminem posse se pro Christi vicario gerere, nisi paupertatem amplecteretur, quæ præcipua Christi virtus fuit, & qua mundum omnemque eius ambitionem, miserrimæ vitæ languoribus debellavit.

Quorum somnia proximi defenderunt Valdenses & tandem Vuiclephus Concilij Constantiensis

Aeneas Syl-
uius de ori-
ne Bohe-
morum
ca. 35.
Harpsfel-
dus Histo-
riae Vuiclef-
gaf

temporibus : Cuius errores in hac materia fue-
runt, Clerum & Monachos omnes diuinis legi-
bus à cuiuscunque rei dominio & proprietate in-
terclusos. Namque ut recitat Harpsfeldius histo-
riae Vuiclepsianae ca. 2. Omnes possessiones non Mona-
chis modò, sed uniuerso prorsus Clero eripit, nec solidum
aliquem aut stabilem decimarum fructum ei reliquit. Do-
tare, inquit, Ecclesiam, est contra sacra scripturae & re-
gulam Christi. Syluester Papa & Constantinus Impe-
rator errauerunt, Ecclesiam dotando. Papa & omnes
Cardinales & Clerici possessiones habentes sunt haeretici,
& Laici eis consentientes. Imperator & saculares sunt se-
ducti à diabolo, ut Ecclesiam dotarent bonis. Sacerdotes ve-
teris testamenti uiuebant ex proprietarie. Ecclesia non ha-
buit dotem vel possessionem rei immobilis ante Constan-
tinum magnum : Non esse sacrilegium auferre res Ecclesiae
datas & Deo consecratas, imò debere Principes sub poena
damnationis auferre bona temporalia, à Clero habitualiter
peccante : Parochianos autem admonet & hortatur ne
presbyteris in probe uiuentibus decimam soluant : dicit has
esse meras Eleemosynas, & posse parochianos ad libitum
auferre, nec licere pastoribus eas exigere per censuras Ec-
clesiae.

Istum errorem pene consepultum restituit Lu-
therus, qui cum suam sectam stare non posse ani-
maduerteret, nisi Principum & Magnatum pa-
trocinio niteretur, existimauit eos posse facili ne-
gotio in suas partes abduci, si ad Ecclesiae exu-
uias praedamque accerseret, persuaderetque eam
posse illis, quibus instructa est, opibus non impu-

ne tantum sed religiosè spoliari.

Illis omnibus nouissimè successit Spalatensis, qui cum è suo capite nouum quoddam Ecclesiæ & doctrinæ genus fingeret, è varijs documentis malè temperatum; vt pietatis aliquid præ sese ferret, neque ambitione duci videretur, in ambitionem quasi familiarem Ecclesiastici ordinis morbum præclarus declamator inuectus est, & præ

Matth. 10.

cæteris institutum istud Christi: *Nolite possidere aurum neque argentum neque pecuniam in zonis vestris, non peram in via, neque duas tunicas, neque calceamenta, neque virgam: dignus est enim operarius cibo, voluit non modò Apostolos obligasse; verum etià eius obseruatione vniuersos eorum successores obstringi. Rationes autem quibus speciosam istam paupertatis Ecclesiasticæ legem tuetur, sunt istæ potissimum. Primò Ecclesiam veteris testamenti, quæ imago tantum & rudis vmbra fuit tanti operis, quod suo sanguine Christus aliquando cæmentaret, vixisse pauperem & bonorum immobilium possessione interclusam. Iusserat quippe Dominus vt tota tribus Leui sacris ministerijs deputata, nullam in terris partem haberet, & à reliquis tribus, decimis & oblationibus ac primitiis sustentaretur. Vnde Hieronymus Clerici vitam*

describens: Si autem (inquit) Domini pars sum & funiculus hereditatis eius, nec accipio partem inter cæteras tribus, sed quasi Leuita & Sacerdos, viuo de decimis & altari seruiens altaris oblatione sustentor habens victum & vestitum, his cõtentus ero & nudam crucẽ nudus sequar.

Numeri 8.

v. 20.

Deuter. 9.

Iosue 13. v. 14

Hieron. Ep.

ad Nepot.

Secunda ratio petitur ex vocatione Petri & Andree, qui relictis retibus, totâque piscatoriâ suppellectile Christum sequuti sunt, quasi nullius rei deinceps capiendæ desiderio tenerentur, qui Christum cepissent, factique ipsius præda, inuicem illius amores essent deprædati. A quorum exemplo quàm longissimè absunt, qui ad Ecclesiasticas dignitates vocati, retia & pedicas circumferunt, quibus officia, dignitates, opes ac diuitias ambiciosè aucupantur.

Tertiò allegant petittum è Matthæi 5. ca. Christi documentum: *Si quis te percusserit in unam maxillam, præbe ei & alteram: Et is qui vult tecum iudicio contendere & tunicam tuam tollere dimitte ei & pallium: Quod consilium spectare volunt maximè ad Clericos, quibus imperatur, vt spoliatoribus suis consentiant, & prædatricem manum spontaneâ rerum suarum abdicatione præcurrant. Quarto citant illud Matth. 19. *Si vis perfectus esse vade, & vende omnia que habes, & da pauperibus* His argumentis, quæ leuicula sunt, abundè credemus satisfactum, si doceamus primò Ecclesiam etiam antiquioris testamenti bonis affluxisse, decimis, fundis, vrbibus. Secundo etiam ante Constantinum Ecclesiam habuisse bona temporalia.*

CAPVT VII.

De primitiis Sacerdotum veteris Testamenti: Duo genera primitiarum: Ezechielis locus explicatur: Mensura Judeorum Corus & Bathus: Ritus redimendi primogenita: Quâ nota insignes essent non redempti: Primitia panum, &c.

Qui Ecclesiam noui Testamenti diuitiarum acculant & splendorem illius, Christianorum pietate ac beneficiis aduultum, veluti grande piaculum increpant, nituntur præsertim exemplo veteris Ecclesiæ, cuius Leuitas, quasi nostri sacerdotij præuias imagines paupertatem coluisse volunt, vt futuræ Ecclesiæ opum ac diuitiarum desideria spemque eriperent, & ad æternitatis vnius ambitionem hortarentur. Ideoque paupertatem istam prioris Testamenti excutiamus, è qua patebit Sacerdotes nostros præ illorum opulentia egere.

Primi census redditusve Sacerdotum veteris Testamenti erant in primitiis; quarum, aliæ erant certa lege sancitæ, aliæ tantummodo liberæ & voluntariæ ex voto nempe & singulari affectu. De prioribus agendum primò loco.

Lex primitiarum habetur Exo. 22. *Primitias tuas non tardabis reddere, primogenitum filiorum tuorum dabis mihi: de bobus, quoque & ouibus similiter facies, septem die-*

*Primitiæ
aliæ iussæ;
aliæ liberæ.*

38 *De bonis & possessionibus Ecclesiarum,*
bus sit cum matre sua, die octaua reddes illum mihi.

De primitiis
iussis & im-
perati.

Duo genera
primitiarum.

Hieron. in
Ezech. c. 45.

Vbi nota in Hebræo haberi *וְהָיָה לְךָ* hoc est plenitudinem tuam & lachrymam tuam. In Chaldaïca paraphrasi. *Primitias frumenti & vini tui non tardabis reddere.* Ex quibus patet duo genera primitiarum illic mandari, frugum & animalium: & frugum quidem primitias imperari quidem, attamen mensuram modumque non præfigi: quod erudite notat Hieronymus in Ezech. cap. 45. lib. 14. vbi ait ante tempora Ezechielis li-
cuisse Iudæis sibi metipsis pendendarum in frugibus primitiarum modum imponere. At quia auari sacerdotes iniquis conditionibus populum vexabant, ideo visum est Deo per prophetam discernere ne in posterum offerrent amplius quam sexagesimam partem cori primitiarum nomine. Corus autem ad mentem Hieronimi continebat 30. modios, Bathus verò aut Ephæ continet tres modio, synde Corus siue Gomor videtur constare decem Bathis, aut Ephis. Cum ergo Deus præcipit vt detur pars sexta Bathi aut Ephæ, idem est ac si iuberet offerri sexagesimam partem Gomor. At verò ante hoc Dei præscriptum, ait Hieronimus, se ex Hebræorum traditione accepisse, solitos fuisse Iudæos ditiores, soluere quadragesimam partem Cori, pauperiores verò sexagesimam. Ita censuerant veteres legisperiti. Quo autem pretio redimerentur primogenita habetur Numerorum 18. *Omne animal quod immundum est redimi facies. Cuius redemptio erit post*

unum mensem siclis argenti quinque, pondere Sanctuarij. Siclus viginti obolos habet: primogenitum autem bouis & ouis & caprae non facies redimi, quia sanctificata sunt Domino; sanguinem tantum eorum fundes super altare, & adipes adolebis in suauissimum odorem Domino: carnes vero in usum tuum cedent, &c.

De modo quo etiam Iudaei filios primogenitos redimunt hæc traduntur. Die trigesimo, ex quo infantulus natus est, pater illius כהן seu sacerdotem, cui alij quidem boni amici adiuncti sunt, ad se accersit, infantulumque coram ipso super mensa sistit addita pecuniâ, vel alio quod pecuniæ loco esse possit, tanto quantum floreni duo, Sacerdoti sic ait: *Vxor mea mihi bechor siue filium peperit primogenitum lex eum tibi vult dari.* Cui sacerdos das ne? Pater respondet, etiam, postea percontatur matrem an iste sit primogenitus, an non abortiuus præcesserit, si neget, quærit à patre sacerdos, num pecunia chariorem habeat filium, pater filium chariorem ait, tum sacerdos acceptam pecuniam ad caput infantuli deponens. *Filiolus inquit, primogenitus est, quem Deus redimendum esse voluit, cuius redemptio erit post unum mensem, &c.* Conuersusque ad puellum quando tu (inquit) eras in utero materno, eras Patris tui Cælestis & parentum tuorum, nunc autem es in potestate manûque meâ, qui sacerdos sum: Pater autem tuus & mater tua redimere te cupiunt: quippe qui primogenitus sis Domino sacer, prout scriptum est, Sanctifica mihi omne primogenitum &c. Nunc pecunia hac loco tuo succedet pro

Modus redemptionis primogenitorum.

40 De bonis & possessionibus Ecclesiarum,
tui redemptione, sacerdotique donata erit, &c.

Notant quod si pater decesserit antequam filius attigerit diem trigesimum tertium, quo nempe secundum legem debet redimi: tum mater non tenetur filium redimere, sed filij collo cartam aut laminam auream circumponere, in qua scriptum est, בכור שגא נדדה hoc est, *filius iste, est quidem primogenitus, sed non redemptus.* Itaque cum adoleuit, ipsemet tenetur sese à sacerdote condito pretio redimere.

De votivis
primitiis.

Quod verò ad votivas primitias pertinet, certum est quidquid beneficij alicuius impetrandi causâ Deo vouerent Iudæi, illud in commodum Sacerdotum cessisse, siue è frugibus, siue è pecudibus & armentis. Ita enim legitur Numer. 18.

Num. 18.

Primitias quas vouerunt & obtulerunt filij Israël, tibi dedi, filiis tuis, ac filiabus tuis iure perpetuo, & versu decimoquarto additur, omne quod ex voto reddiderunt filij Israël, tuum erit.

Præter hoc Duplex primitiarum genus, erant & aliæ: nam singulis hebdomadibus, dum panem pinsunt mulieres Iudææ, placentam fecerunt & dicant Domino, offeruntque Sacerdoti: Sic etiam secundâ die Azymorum, novas spicas primitiarum nomine Deo offerebant. Item die sacro Pentecostes primitias panum nouæ messis, gratulantes Numini persoluebant. De quibus primitijs Leuit. 23. *Offeretis sacrificium nouum Domino ex omnibus habitaculis vestris, panes primitiarum duos de duabus decimis simile fermentatæ, quos coque-*

Leuit. 23.

tis in

tis in primitias Domini, &c. Vnde festum istud Pentecostes aliquando appellatur festum Primitiuorum.

Illud addo instar parergi, sollicitos fuisse Christianos veteres de primitiis suis Deo persoluentibus: adeoque sacerdotes non tantum decimis sed primitiuis quoque fructibus victitasse. Ita enim Hieron. in cap. 44. Ezechielis, *Primitiæ quoque ciborum nostrorum sacerdotibus offeruntur, ut nil gustemus nouarum frugum, nisi sacerdos ante gustauerit. Hoc autem facimus, ut reponat sacerdos benedictionem & oblationem nostram in domo sua: siue ut ad imprecationem suam, Dominus benedicat domibus nostris. Grandis dignitas Sacerdotum, sed grandis ruina eorum si peccant. Latemur ad ascensum, sed timeamus ad lapsum, non est tanti gaudij excelsa tenuisse, quanti mœroris de sublimioribus corruisse. Neque enim solum pro nostris delictis reddemus rationem, sed pro omnium quorum abutimur donis, & nequaquam sumus de eorum salute solliciti.*

Hieron. in
c. 44. Ezech.

CAPUT VIII.

DE REDITIBVS, QVOS EX SACRIFICIIS & oblationibus antiqui Sacerdotes capiebant.

Quam partem ex singulis. Sacrificia varij generis. Quotuplex oblatio. Quid Charam. Quo pretio redimuntur personæ.

Quæ prædia, &c.

SEcunda pars reddituum, quibus antiqui Sacerdotes alebantur in sacrificiis, posita est, quorum ferè nullum erat, cuius aliqua pars ad Sacerdotem non pertineret, ideoque si perpendamus, Iudæos tam assiduos & frequentes fuisse in sacrificiis Deo exhibendis, ut repudiatio mentis cultu omnem pietatis ac Religionis fructum in victimarum cæde constituissent, patebit, certè ex hostiarum continua mactatione copiosos satis & pingues census, Levitas & Sacerdotes collegisse, unde eorum familiæ nutrentur: Nam cum quinque enumerentur sacrificiorum genera, holocaustum, libamina pacifica, sacrificium pro peccatis, sacrificium pro delictis, sacrificium consecrationis: Vnum erat holocaustum, è quo nulla pars sacerdoti obueniebat præter pellem. Cùm enim sacrificium istud in solam Dei gloriam cederet, essentque quasi vectigal supremæ illius maiestati, qua mundum summo domina-

tu regij pensitatum, certè nefas erat quidquam ex eo ab hominibus decerpi, nisi ausu temerario vellent in diuinæ potestatis societatem inuolare, vnde Philo de sacrificio, quia ad honorem Dei holocaustum institutum est, idcirco victima tota absumitur, *μὴδὲν ἐπιφερὰ ἰδρῶνς ἢ θιντῆς φιλαυτίας*, humanâ cupiditate nihil inde auferente.

De libaminibus, quod supererat ex simila & oleo, illud erat filiorum Aaron, vt habetur Leuit. *Anima* cum obtulerit oblationem sacrificij Domino, simila erit eius oblatio, fundetque super eam oleum & ponet thus & deferet ad filios Aaron sacerdotis, quorum unus tollit pugillum plenum simila & olei ac totum thus, & ponet memoriale super altare in odorem suauissimum Domino: quod autem reliquum erit de sacrificio, erit Aaron & filiorum eius, sanctum sanctorum de oblationibus Domino.

E sacrificio pacificorum, quod Græci *ῥωϊας εἰρηνικῶν*, appellant, sacerdos pectusculum & armum dextrum accipiebat, quod ex mente Origenis demonstrabat, ope curaque Sacerdotis sic commutatum offerentis animum, vt eius studia & actiones omnes nil deinceps prophanum faperent, sed legi consentirent atque honestati: Per pectus enim affectus internos, per armum verò siue brachium, actiones vult significari. Cæterum ea erat huius sacrificij conditio, vt opor-teret illius carnes ab offerente in atrio tabernaculi ante diem tertium omnes absumi; itaut nil in tertium diem superesset, quod traducit Philo

Origenes
homil. 9. in
cap. 7. Lant

Philo libro
legis de vi-
ctimis p. 652

44 De bonis & possessionibus Ecclesiarum,
ad animam & corpus : Offeritur, inquit, sacrificium
pro salute duorum corporis & animæ, pròinde suus cui-
que dies epularis tribuitur, &c. quoniam autem,
tertium nihil est, cui propriè quærat^r salus, seriò ve-
ritum est proferri epulum usque in tertium diem: itaut
ne per obliuionem quidem liceat supere^sse reliquias sine
piaculo.

In sacrificio pro peccato duo distinguenda
sunt: Nam aut offerebatur pro peccato Sacerdo-
tis, aut populi, aut peccato priuatæ alicuius per-
sonæ: si pro peccato populi aut Sacerdotis hostia
offerretur, nil inde sibi retinebant Sacerdotes, sed
tota victima comburebatur extra castra, vt habe-
tur Leuit. cap. 6. Hostia quæ ceditur pro peccato, cuius
sanguis infertur in tabernaculum testimoniij ad expiandum
in sanctuario, non comeditur sed comburetur igni Si verò
hostia offerebatur pro priuati alicuius peccato,
tum oblata victima pertinebat ad Sacerdotem
offerentem: ita tamen vt ad esum inuitare posset
collegas & liberos eorum mares, Omnis masculus
de genere Sacerdotali vescitur de carnibus eius.

Leuit. 6.
v. 20.

In victima verò pro delicto, quæ portio Sacer-
doti obueniret satis proditur Leuit. 7. Hæc quo-
que est lex hostiæ pro delicto, sancta sanctorum est. Idcirco
vbi immolabitur holocaustum, mactabitur & vi-
ctima pro delicto, sanguis per gyrum altaris funditur, of-
ferent caudam ex ea & adipem qui operit vitalia, duos re-
nunculos & pinguedinem quæ iuxta ilia est, reticulum-
que iecoris cum renunculis & adolebit ea Sacerdos su-
per altare, incensum est Domino pro delicto: Omnis

masculus de Sacerdotali genere in loco sancto vescitur
his carnibus, quia sanctum Sanctorum est: sicut pro pec-
cato offertur hostia: ita & pro delicto viriusque ho-
stia Lex una erit: ad Sacerdotem, qui eam obtulerit
pertinebit. Sacerdos qui offert Holocausti victimam
habebit pellem eius & omne sacrificium simile, quod
coquitur ex dibano & quidquid in craticula vel sar-
tagine preparatur erit eius sacerdotis à quo offertur,
&c.

Ac ne quid supersit quod hîc scrupulum possit
mouere, obiter notandum peccatum, à deli-
cto distingui, illud Hebræi *חטא* Græci *ἀμάρτια*,
hoc verò *συν* Græci *πλημμελείαν* vocant & pecca-
tum volunt esse, quod committitur contra præce-
pta affirmatiua, quæ tot esse in scriptura asserunt
quot sunt ossa in corpore humano: At verò deli-
ctum censent esse, quo negatiua mandata violan-
tur, quæ tot esse volunt quot anni dies nempe
365. Peccatum August. vult esse commissionis, de-
lictum omissionis, Gregorius peccatum esse ope-
rum, delictum verò cogitationis. Alij peccatum
quod consultò fit & datâ operâ: at delictum quod
ex ignorantia.

Aug. quaest.
20. in Leuit.
Greg. hom.
21. in Ezech.

Quanta autem fieret singulis annis in templo
Hierosolimitano victimarum strages: inde maxi-
mè constabit, quod Flavius Iosephus excidij
Hierosol. lib. 6. cap. 4. notat vno die Paschatis
ducenta quinquaginta sex millia & sexcentas vi-
ctimas fuisse immolatas. Tertium genus obuen-
tionum, quarum fructus cedebant in commo-

46 *De bonis & possessionibus Ecclesiarum,*
dum sacerdotum , consistit in oblationibus &
spontaneismuneribus.

Oblationes autem aut hominum erant ac animalium, aut certè rerum aliarum vt pote agri, villæ, domus, &c: Vtraque autè oblatio siue rerum, siue personarum, duobus modis fiebat: aut per modum succisionis & anathematis, aut per modum simplicis consecrationis ac doni. Quidquid per modum succisionis dicabatur Domino, id nullo pretio redimi poterat, seu homo, seu fundus, seu animal: & homines quidem ac animantes mactari necesse erat, villas, prædia & agros æternum sacerdotibus addici.

Ex quo conijcere est, non esse à veritate alienam eorum sententiam, qui filiam Iepthe reuera mactatam asseruerunt, quod eam vouisset per modum succisionis & anathematis, quod ab Hebræis appellatur חרם. At Leuitici ultimo capite iubetur, חרם חרם vt omne quod deuotum fuerit Domino etiam ex humanis personis non redimatur, sed omnino morte afficiatur כל חרם אשר יחרם מן האדם לא יפדה מות יומת Quæ ergo personæ erant simplici voto consecratæ, vitam suam pretio recipiebant, quod pretium à sacerdote imponebatur, pro conditione, ætate, statûque personarum. Masculus à vigesimo anno ad sexagesimum, quinquaginta siclis argenti redimebatur, mulier, triginta, à quinto anno ad vigesimum, masculus viginti siclis, mulier decem: Ab vno mense ad annum quintum masculus quinque, fœmina tri-

bus, si pauper esset minuebatur pretium ex iudicio sacerdotis. Cæterum non erit alienum hîc annotare quod à Drusio in Leuiticum accipimus, nimirum fœminam cum crescit ætate & senectute, pretio quoque crescere, quasi bona non sit nisi quæ citò moritura. Nam in alia ætate fœmina mediâ parte minùs æstimatur quàm vir, sed in senectute quartâ tantum parte deficit à pretio viri, Ita Leuitici 27. vers. 7. vir Sexagenarius æstimatur quindecim siclis argenteis & fœmina decem. Quippe vt ait Rabbi Selomo *quum fœmina¹ peruenit ad diēs senectutis proximè est vt reputetur pro viro, quod homines (inquit : Prouerbio significant senex in domo, Dux in domo, Anus in domo, Thesaurus bonus in domo.*

Quod ad votum terrarum & domorum pertinet, vel erant propriæ possessionis, vel erant emptitiæ: Si propriæ possessionis poterant redimi additâ quintâ parte pretii, si quis nollet redimere, tû certè vendebantur habitâ ratione annorum, qui superessent ad Iubileum, si plures anni, chariùs vœnibant, si pauciores, viliùs Verùm hoc erat incommodi iis qui terras suas redimere volebant, quod eas nunquam reciperent, sed in formam anathematis & succissionis conuersæ, iuri & dominio sacerdotum accrescebant, ita tamen vt singulis Iubileis eas sacerdotes licitationi subiicerent venderentque alicui ex ea tribu, aquâ erant distractæ. Si verò terra non esset propria familiæ sed emptitia, tum certè æstimabatur illius pre-

48 De bonis & possessionibus Ecclesiarum;
tium habitâ ratione annorum, qui reliqui essent
ad Iubileum; eo exacto ad priorem dominum
quasi postliminio reditura. Vnde patet magnos
quoque fructus ac prouentus habuisse antiquæ
legis Sacerdotes & Leuitas, ex frequenti ista conse-
cratione domorum ac personarum, ac proinde
fragile argumentum ex eorum tenuitate assumi,
vt necessaria paupertatis onus nouæ legis sacer-
dotibus imponatur.

C A P V T X.

Q V O T G E N E R A D E C I M A R V M .

Quid δευτεροδixάδν & τριτοδixάδν Decimæ re-
gia. Ex quibus rebus fieret decimatio. Qui testes.

Modus seligendi pecora ex Paraphrasi

Chaldaica, &c.

QVartum genus prouentuum sacrorum colli-
gebatur ex decimis, quas populus ordini sa-
cerdotum quotannis persoluebat, quarum ratio
modusque persoluedi, vt plenius intelligatur,
animaduertendum ex Hieronimo tria fuisse apud
Iudeos decimarû genera, sic enim habet in Ezech.
cap. 45. Dicamus igitur primum iuxta litteram δειξά-
δα hoc est decimam partem omnium frugum Leuiticæ tri-
bui populus, ex lege debebat. Rursum ex decimis, Leuita
hoc est inferior Ministrorum gradus, dabat decimas sacer-
dotibus, & hæc est quæ appellatur δευτεροδixάδν. Erant
quoque

Hieron. lib.
14. in Ezech.
tom. 5. op.

quoque aliæ decimæ , quas unusquisque de populo Israel in suis horreis seruabat , ut comederet eas cum iret ad Templum & urbem Hierusalem, & Sacerdotes ac Leuitas inuitaret ad conuiuia. Erant autem & aliæ decimæ , quas pauperibus recondebant, quæ Græco sermone appellantur *πτωχοδίδου*; Nonnulli censent tertiam & quartam decimam non differre, nisi quod tertio & sexto quoq; anno decimæ istæ in peregrinos & hospites erogarentur : at annis intermediis in sacra conuiuia eas expenderent, cum Hierosolymas proficiscerentur. Nam si fieri posset, eas in Urbem Sacram comportabant , sin verò iterum longinquitas prohiberet , è pretio venditarum decimarum conuiuia Hierosolymis in atrio sacro instituebant. Ita censet Rabbi Ben, Mayemon, in Halac Maaf , Scheni capite primo *Separatis* , inquit , *prioribus decimis , dabant & secundas decimas ex omni prouentu singulis annis. Verùm anno tertio & sexto periodi septenariæ pauperibus.*

Cæterum præter hæc quatuor decimarum genera idem Rabbi Moses , in Halach Melach , c. 4. asserit quintum fuisse decimarum genus, quod nempe Regi solueretur; quandoquidem aliquâ ex parte sacerdotis dignitate floresceret , & diuina in terris vice fungeretur. Quæ sententia licet paucissimos habeat authores , nec ab vlllo antiquorum prodita sit, videtur tamen niti sacra scripturæ suffragio , vbi inter cætera Regij Iuris capita , hoc quoque disertè refertur : *Agros quoque vestros &*

30 De bonis & possessionibus Ecclesiarum,
vineas & oliueta tollet & dabit seruis suis: Sed & sege-
tes vestras & vinearum redditus addecimabit, ut det uni-
uersis & famulis suis, greges quoque vestros addecimabit
& eritis serui.

Quia verò hîc de decimis Leuiticis nobis insti-
tutus est sermo, dicendum quomodo legerentur;
& è quibus bonis.

Decimæ vel è pecoribus, vel è fructibus sole-
bant legi. E fructibus quidem omnis generis sci-
licet è frumento, tritico, auenâ, hordeo, legumini-
bus, oleo, musto, ficibus, malogranatis.

Nec fruges tantùm vtilēs & alendo corpori
commodæ huic oneri subdebantur: Verùm & è
lolio, zizaniis, cæterisque noxiis herbarum gene-
ribus, quibus frumenta præfocantur, sacerdotes
decimas sumebant, ita enim habet Rabbi Mo-
ses, Ben, Mayemon, in Halac Trumos ca-
pite 1. *Vicia quamuis non sint humana nutri-
menta, quia tamen famis tempore comeduntur, etiam
addecimari debent, sic & hyssopus atque origanum, quo-
rum semina sunt hominum condimentum, decimantur. Ex
hac tam rigidâ decimarum etiam è minutissimis
rebus pensitatione, manasse videtur increpatio
Christi, Matthæ vigesimo tertio: *Vae vobis, Scribæ
& Pharisei, qui decimatis mentham, & anethum,
& cuminum, & reliquistis quæ grauiora sunt legis, iu-
dicium & misericordiam & fidem, hæc oportuit facere &
illa non omittere.**

In hac autem decimarum segregatione, ita pie-
tati & bonæ fidei Iudæorum credebatur, ut nulli

adhiberentur arbitri, nulli immitterentur exploratores, qui pensitationi huic modum impone-
rent, donec diebus Ioannis, qui successit Simeo-
ni Senatus magnus emisit exploratores in omnes
terminos Israël, & deprehendit, quod pri-
mitiarum quidem oblationes fideliter redderent,
vtrâsque verò decimas primam videlicet & se-
cundam, & eam quæ pauperum est, immi-
nuerent.

Ideo decreuerunt, ne quis posthac solus sine
teste sufficeret ad decimationem, nisi homo no-
tæ probitatis: ac plebeiorum fructus semper dubij
essent, nec ipsimet de decimatione testari possent.
Ita prodit idem Rabbi Mayemon, in Halac Maa-
far capite nono.

Pecoris verò decimas etiam ex omni genere
persoluebant, Hebræus habet כֶּסֶף & omnis
decima ouis & pecoris, quæ duo Bacar &
Tson, comprehendunt omne genus animan-
tium; Eadem habet Paraphrasis Chaldaïca no-
mine verò Tson, non tantum oues intelliguntur,
sed etiam Capræ.

Modum verò seligendi & secernendi decimam
è pecoribus prodit Oleaster, aitque primum Pa-
stores matres omnes & fœtas ab ouili separasse,
deinde verò collectis in vnum locum agnis &
ouibus (è quo loco vnicus, isque arctior & angu-
stior egressus pateret,) ope virgæ omnes singula-
tim agnos pastorem emisisse, ea lege, vt qui deci-
mus egrederetur quisquis ille foret, seu macilen-

De bonis & possessionibus Ecclesiarum,
 tus, seu obæsus & pinguis, is in sortem Leuitarum
 transfiret, neque fas esset immutare. Vnde inquit
 præfato loco Leuitici habetur, decimam colligi ex
 omni, quod transsit sub virgâ Pastoris.

Verùm eius consuetudinis fontem Paraphra-
 sim Chaldaicam hîc libet adtexere, quæ in fine
 Leuitici, ultimo capite ita habet. *Omnisque decima-
 tio bouum & ouium & omne decimum quod transierit sub
 virgâ, erit sanctificatum coram Domino. Non requi-
 rat inter bonum & malum neque commutet illud, si au-
 tem commutans commutauerit illud, & id pro quo
 commutatum est erit sanctificatum & non redimetur.*
 Vnde patet sic mulctatam fuisse eorum fraudem,
 qui ouem pinguem macilentâ & tenui commuta-
 rent, vt vtra que Leuitarum esset, & jure quodam
 succissionis atque anathematis Domino vindica-
 retur.

CAPVT IX.

DEGAZOPHYLACIO ET PECVNIIS
*sacris. Duo genera Gazophylaciorum. A quo tem-
 pore cæpit Gazophylacio pecunia inferri. Origo tribu-
 ti quod Judæi viritim pendebant. Populi numeratio
 quare Deo odiosa. Siclus duplex. Pecunia è toto orbe
 Jerusalem delata. Ceremonia in refectione Templi.
 Locus Matthæi explicatur.*

Sexta bonorum Classis, quæ sacerdotibus an-
 tiquæ legis propria erant, colligebatur ex iis,

quæ populus in Gazophylacium siue Corbonam importabat.

Gazophylacium autem duo mihi videtur significare apud sacros auctores. Primò locum quendam seu cœnaculum satis amplum & spatiosum, in quod, non modo pecunias, verum & omnis generis donaria, quæ Deo vouerentur, Iudæi inferebant: Imo verò in illo Gazophylacio suppellex religiosa, vasa aurea, argentea, & quidquid instrumentorum sacris faciundis necessarium esset, sub cura Leuitarum seruabatur. Inde promebatur & recondebatur, eorumdem manu & sollicitudine, prout sacrificiorum ratio ac ceremoniæ postularent. Nam eam esse huius nominis, Gazophylacium, significationem satis constat capite decimo Nehemiæ, vbi primitiæ, quas Israëlita Deo offerunt & decimæ quas Leuitæ sacerdotibus pendunt, iubentur ad Gazophylacium deferri. Vnde liquet eo loco, Gazophylacium, non pro arca lignea excipiendis tantum nummulis aptata, sed pro grandi spatiosâque porticu, cellis variis distincta sumi, in qua fruges omnis generis recondi possunt ac reseruari. Ita vero habet Textus. *Ut primitias ciborum nostrorum & libaminum nostrorum, & poma omnia ligni, vindemiæ quoque & olei afferremus sacerdotibus, ad Gazophylacium Dei nostri, & decimam partem terræ nostræ Leuitis: ipsi Leuitæ decimas accipient ex omnibus ciuitatibus operum nostrorum. Erit autem sacerdos filius Aaron cum Leuitis in decimis Leuitarum & Leuitæ offerent decimam partem*

Duplex Gazophylacii significatio.

Gazophylacium maius.

Nehem. c. 10. v. 37.

54 *De bonis & possessionibus Ecclesiarum,*
decimæ suæ in domo Dei nostri ad Gazophylacium in
domo Thesauri. Ad Gazophylacium enim deportabunt
filij Israël & filij Leui primitias frumenti, vini, & olei,
&c. ibi erunt vasa Domini sanctificata, &c. Ex quo
loco patet Leuitas omnem decimam per ciuitates
Iudææ collegisse: Tum verò decimam illius deci-
mæ partem curasse deferri in Hierusalem, atque
importari in domum Thesauri, quam Gazophyla-
cium appellat scriptura.

Gazophyla-
 ciū munus.

Quo tem-
 pore cœpit
 Gazophyla-
 cio inferri
 pecunia.

Alioquin verò Gazophylacium significat ar-
 culam ex tabulis compactam, quarum vna, quæ
 tegumenti & operculi loco, arcæ imposita erat,
 superne fissilis, tenuique hiatu diducta, viam mon-
 strabat inducendæ pecuniæ. Videtur autem Ga-
 zophylacij istius vsus primùm cœpisse tempori-
 bus Ioæ Regis, qui cùm videret pecunias, quas po-
 pulus reficiendo ornandoque templo in dies con-
 ferebat, à sacerdotibus turpissimè corradī, nec in-
 de templi labes ac ruinas suppleri, noluit am-
 plius pecuniam istam sacerdotum auaris manibus,
 quibus tam sordide adhæresceret, attraheri: Eâ-
 que causâ Gazophylacium ligneum Ioiadas Pon-
 tifex concinnari curauit, in quod pecuniæ seu
 votiuæ, seu debitæ immitterentur, illinc postea
 coram scribâ Regis, Pontifice, & argentariis edu-
 cendæ: Nam hoc pacto summotis fraudibus &
 turpi prædatione interclusâ, in Dei gloriam tem-
 pli que ornatum cedebant, quæ prius in hominum
 luxuriam, & familiarum pompam verteabantur.
Dixit Ioas ad sacerdotes: omnem pecuniam sanctorum,

4. Regum
 12.

quæ infertur in Templum Domini à praterentibus, pecuniam pretij, & quam sponte pro arbitrio cordis inferrunt in Templum Domini, accipiant sacerdotes quisquis ab exactione sua & instaurent sarta tecta domus, si quid opus viderint instauratione: igitur usque ad vigesimum tertium annum Regis Ioas non instaurauerunt sacerdotes sarta tecta templi: Vocauitque Rex Joiadam Pontificem & sacerdotes, dicens eis, quare sarta tecta non instaurastis Templi. Nolite ergo amplius accipere pecuniam ab exactione vestra, quando ad instaurationem Templi daturi non estis, & consenserunt sacerdotes ne ultra acciperent pecuniam à populo causâ sartorum, domuum, & sumpsit Joiadas Gazophylacium unum, aperuitque foramen in tabula eius, & posuit iuxta altare ad dextram ingredientium domum Domini, & dederunt in id sacerdotes, qui custodiebant ostium omnem pecuniam, quæ deferabatur in Templum; cùmque viderent nimiam pecuniam esse in Gazophylacio, ascendit scriba Regis & Pontifex & argentarij, effuderuntque & numerarunt pecuniam, quæ inuenta est in domo Domini, & dederunt eam promptè in manus operariorum. Eadem prope descriptio Gazophylacij habetur 2. Paralip. cap. 23. vbi inducitur Ioas ita imperans. *Fiat*

2. Paralip.
cap. 32.

arca & ponatur in porta Domini extrinsecus & edicant in Iuda & Hierusalem, conferes Domino, ut Dixit Moyses in deserto, & dederunt omnes Principes & cunctus populus, & contulerunt & conjecerunt in arcam; ita ut compleretur: & attulerunt arcam ad prepositos Regis per manus Levitarum & viderunt quod abundabat pecunia, & venit scriba Regis & prepositus magni sacer-

56 De bonis & possessionibus Ecclesiarum;
dedit, & exhausserunt arcam & posuerunt eam in loco
suo.

Qua ratione
prius tem-
poribus pe-
cunia colli-
gebatur.
4. Reg. 12.

Itaque ante arcam appositam, apparet in veteri
Templo solitos fuisse quosdam à sacerdotibus se-
dere in conclavi, ad fores sacrae domus extructo,
ibique seu votivas, seu lege mandatas pecunias à
populo percipere, earumque numerum in com-
mentarium & pugillares referre: Erant autem ra-
tionum libri descripti iuxta Prouincias & Tribus,
vt pateret quis ex vnaquaque Tribu persoluisset
vectigal à Deo impositum, quis verò in mora esset:
Cum autem per vices & decurias ministrarent sa-
cerdotes, certè conijcere est non eosdem toto an-
no præfuisse pecuniis excipiendis, sed prout ordi-
nes & vices mutarentur, ita quoque mutatos fuisse
Quæstores, & rei pecuniariae Promos Condos.
Quod facilè est colligere ex cap. citato 4. Reg. 12.
vbi Ioas ita increpat sacerdotes, *Nolite amplius ac-
cipere pecuniam iuxta ordinem vestrum.*

Post extructam vero arcam ligneam, vel po-
pulus suâ sponte pecuniam istam collatitiam in
Gazophylacium immittebat: vel certè si quis non-
dum assuetus huic nouo mori in manus sacerdo-
tum aliquid contraderet, illi tum primùm populi
vota in Gazophylacium seu in Thecam ligneam
inferebant. Omnino verò censendum est prius-
quam populus tributum Gazophylacio injiceret
sacerdotes ipsos pecunias numerasse, quas census
nomine, Deo viri impendebant: ne populus Reli-
gionem

gionem falleret, aut certè ignoraretur quis tributo se exoluisset, & quis reus eiusdem ac debitor superesset.

Et hoc pacto conciliari possunt duo textus ad speciem contrarij, 4. Reg. 12. & 1. Paralipomenon 23. quorum primus ait per sacerdotum manus pecuniam fuisse in Gazophylacium delatam : alter verò à populo nummos fuisse largissimè immisos. Nam priori loco mentio est de pecunia condictâ per legem & instar census impositâ, posteriori, de votivâ & sponte oblatâ.

Quid autem deberent Templo Iudæorum singuli, constat ex eo quod habetur Exod. 30. *Quando tuleris summam filiorum Israël, iuxta numerum dabunt singuli pretium pro animabus suis Domino, & non erit plaga in eis, cum fuerint recensiti. Hoc autem dabit omnis qui transit ad nomen, dimidium sicli iuxta mensuram Templi : Siclus viginti obolos habet, media pars sicli offertur Domino. Qui habetur in numero, à viginti annis & supra dabit pretium : Dives non addet ad medium sicli & pauper nihil minuet, susceptâque pecuniam trades in usus tabernaculi testimonij, ut sit monumentum coram Domino, & propitiatur animabus eorum.*

Conciliatio
locorum
scripturæ.

Tributum
templo de-
bitum quale
fuerit.

Licet autem videatur lex ista ad tempus tantùm imposita, nec facile sit reperire præceptum aliud, quo in posterum Israëlita benigniores terras ingressi, & desiderato tandem solo potiti, tenerentur siclum tributi nomine, pendere : Attamen tradunt Hebræi viguisse perpetuò legem.

Lex tribu-
ti Taberna-
culo persol-
vendi an
perpetua.

hanc apud Iudæos, ut singulis annis, qui vigesimum ætatis annum emerfissent, illi dimidium fidei Tabernaculo solueret & in ærarium sacrum ad instaurationem Templi, eiusque suppellectilis, immitterent. Hoc autem officio pietatis perfungebantur in festo Expiationis, quæ decimo die mensis Tisri à sacerdote fiebat; ut totius populi sordes communi sacrificio elueret, & totam Iudæorum nationem vnâ victimâ Deo conciliaret.

Tributum
propter nu-
merationem
populi, pri-
mo imposi-
tum.

Alioquin tributum istud à Deo primum impositum est, propter numerationem populi. Quoties enim populus numeraretur, & si Deo annuente id fieret, attamen opus fuit placatione: Facile quippe erat populum, cum recenseretur, infinitâ sui copiâ ac multitudine in superbiam adduci, seque parem cæteris nationibus obruendis, etiam citra cælorum opem credere: Ac proinde ut sceleratus iste tumor infringeretur & inanis audacia hebesceret, noluit Deus, ut vnquam ista lustratio nisi inter seruitutis monimenta institueretur, ut spes suas Iudæi non tam è populi frequentia quàm è Religionis & Numinis reuerentia metirentur.

Quare pec-
catum fuit
numerare
populum.

Aliam adducit rationem Oleaster. Si quæras quare propter numerationem contingeret plaga in Israël nisi soluerent, quod hinc solui præcipitur lege cap. 27. Paralipomenon non. Vbi describitur percussio grauis populi pro-

Oleaster.
in cap. 30.
Exod. p. 133

pter istam numerationem: & videbis quod promiserat Dominus Abraham Genesim 45. multiplicaturum se semen eius sicut stellas cæli, & arenam, quæ ad litus maris est absque

numero, noluit supputari quod sine numero promiserat se multiplicaturum. : ideo tam grauem ferebat supputationem israelitarum, ut in eos sciret quoties numerabantur.

Neque verò grande fuit aut immoderatum precium, quod à singulis Deus exigebat, dimidium nempe sicli Sanctuarij: Duplex quippe apud Hebræos, ut ibidem notat Oleaster, erat sicus. Vulgaris, qui secundum Rabbi Solomonem habebat quatuor aureos: alter Sanctuarij, qui duplex erat ad communem & vsualem. Alij dicunt Sechel Sanctuarij habuisse quattuor drachmas, quarum quælibet continebat quinque obolos, quare fiebat ut sicus Templi haberet viginti obolos, Idem dicunt euenisse in Templi talento capiebat enim centum & viginti libras, prophanum verò, sexaginta.

Duplex
Sicus apud
Hebræos, De
Siclo & forma
Sicli vide
doctiss.
Morin. exerc.
cit. 2. pag.
202.

Quàm verò Religiosi essent Iudæi in hac pecunia pendenda, hinc maximè patet, quod sparsi per vniuersas terrarum partes & longissimo intervallo ab Hierosolimorum vrbe dissiati, curarent tamen singulis annis, istum capitalem censum, in Urbem Sacram importari, per constitutos huic negotio Quæstores. Vnde manauit in Flaccū crimen illud, quod Cicero *Crimen auri Iudaici* appellat: vetuerat enim Flaccus, in inuidiam gentis Iudaicæ, & ne fortasse aduersus populum Romanum pecuniarum copia armaretur, vetuerat inquam, aurum istud Hierosolimam deferri, quod ei rapinæ & latrocinij loco obiectum est: cum enim in-

Cicero orat. pro Flacco.

60 De bonis & possessionibus Ecclesiarum,
quit Cicero, aurum, Iudaeorum nomine, quotannis ex
Italia, & ex omnibus vestris Prouincijs Hierosolimam
exportari soleret, Flaccus sanxit edicto ne exportari ex
Asia liceret. Quis est, Iudices, qui hoc non verè laudare
possit, exportari aurum non oportere, quod, saepe antea
Senatus tum me Consule grauissimè indicauit. Huic
autem Barbaræ superstitioni resistere, seueritatis, mul-
titudinem Iudaeorum flagrantem nonnumquam in Con-
cionibus, pro Rep. contemnere grauitatis summæ fuit. De
illo verò auro, quod impensis & sumptibus tem-
pli pendebatur, loqui Ciceronem, satis patet ex
eo quod ait Pompeium, victâ captâque Hiero-
solimâ, ab illius auri, quod in templo seruabatur
congerie, manus & cupiditates continuisse. At
Cneius Pompeius captis Hierosolimis victor ex illo fano
nihil attigit, &c.

Dio Xiphil.
Ioseph.
lib. 7. Bell.
Iud. cap.
27.

Durauit autem hæc annua pensitatio apud
Iudæos, donec Vespasianus ultor nefariæ cædis
aduersus Christum perpetrata, captis euerisque
Hierosolimis, & templo in tristissimam ruinam
dissoluto, tributum istud, quod viritim Iudæi
pendebant, Ioui Capitolino eiusque sacris addixit,
vt testatur Dio Xiphilinus in eius vitâ, & Iosephus
de Bello Iudaïco lib. 7. cap. 27.

Quamquam verò corruptis legibus & succe-
dente in locum pietatis auaritiâ, Sacerdotes eam
pecuniam in sua commoda traherent, & de Gazo-
phylacio forsan luxuriarentur: attamen eam re-
bus templi componendis ornandisque ab initio
consecratam satis patet ex eo loco Exodi 30. vbi

pro opere tabernaculi conferendam istam pecuniam Deus ipsemet admonet *Susceptamque pecuniam, quæ collata est à filiis Israël trades in usus tabernaculi testimonij, ut sit monimentum coram Domino, & propitiatur animabus eorum.*

Exod. 36.

Cæterùm, quoniam hîc de instauratione templi sermo est, non incongruum erit annotare magnâ fuisse apud Iudæos *Ædis Sacræ obseruatiâ*, ac præsertim eius partis, quæ Sancta Sanctorum dicebatur, & quam implere Deus credebatur augustæ præsetiâ Maiestatis. Nam siquid in ea sarciedum, purgandumue esset, sic inducebantur fabri atque artifices, ut arcis quibusdam inclusi, nil quidquam videre possent, præter eas partes, quæ aut fractæ aut violatæ eorum operâ arteque indigerent. Sic enim scribitur Midoth. cap. 4. *sectione quarta foramina etiam erant aperta in Cœnaculo ad Sanctum Sanctorum, per quæ eatenus demittebant fa-*

Ceremonia in reficiendo templo.

Talmud in Midoth. cap. 4.

At verò præter istam pecuniam, quam capratim templo soluebant Iudæi, plurimâ adhuc votiuâ & sponte oblatâ augebatur ærarium, unde vis multa pecuniæ & sacre suppellectilis ingens atque illustris apparatus, quod sæpe multarum gentium auaritiâ irritauit, quæ cupiditas nec aris parcit nec sepulchris. His autem pecunijs & vasis ac vestibis præfuit vnus è numero sacerdotum cultos, ut patet ex Nehemiæ 13. *Erat super Elaiser*

Nehemiæ 13.

Sacerdos, qui fuerat præpositus in Gazophylacio domus

27 De bonis & possessionibus Ecclesiarum,
Dei nostri: fecit ergo sibi Gazophylacium grande & ibi
ante eum reponebant munera.

Sacerdo-
rum anti-
que legis
auaræ for-
des.

Immo verò cum spurcissima habendi cupido
omnia contaminasset, seruirentque Sacerdotes
altaribus, magis ut populi munera prensarent,
quàm ut diuinos fauores mererentur: augendi
istius census nefarias rationes inuenerunt, ac pa-
lam publicèque edixerunt, nullum esse pietatis
genus, quo citiùs Diuina indignatio mitesceret,
iustaque cœlorum iracundia mulceretur, quàm
liberali pecuniarum in arcas sanctiores immissio-
ne. Quidquid sumptus in alendos pauperes & su-
bleuandam parentum miseriam fieret, multùm
abesse, ab illius pietatis merito dicebant, quæ
Dei domum illustrando, ipsummet sibi constitue-
ret debitorem: Et ea causa ait Hieronimus Chri-
stum Dominum in corruptos sui sæculi sacerdotes
inuectum, qui parentum egestati atque inopiæ
liberorum officia subriperent, & callidissimo Re-
ligionis artificio dicerent nil esse parētibus etiam
extremâ calamitate pressis tam commodum ac
salutare, quàm si in Corbonam munera mitte-
rentur, quasi miserorum viscera fame angi desi-
nerent, cum frequentibus donis Gazophylacia

Hieronimus in cap.
15. Math.
eom. 9. lib.
2.

Matth. 15.

implebantur, *Quare transgredimini mandatum Dei
propter traditionem vestram. Nam Deus dixit Honora
Patrem & Matrem, & qui maledixerit Patri aut Ma-
tri morte meriatur Vos autem dicitis, quicumque di-
xerit patri & matri, munus quodcumque est ex me tibi
proderit, & non honorascabit patrē suum & matrē suam.*

Ec. Quidquid enim sit de aliorum opinione, qui volunt hoc esse execrationis genus, quo liberi in parentes utebantur (quæ certe sententia quomodo stare potest, quis enim crediderit sacerdotes tam prauos fuisse ut docerent specie pietatis posse liberos parentibus imprecari quidquid) inquam alii lucis asserant huic satis implicato textui. Certe Hieronimus Christi obiurgationem refert ad artem captandi donaria, quâ vasserimi eius ætatis sacerdotes utebantur. Præceperat (inquit) Dominus, vel imbecillitates, vel ætates, vel penurias parentum considerans, ut filij honorarent etiam in vitæ necessarijs ministrandis parentes suos : Hanc providentissimam Dei legem volentes Scribæ & Pharisei subvertere ; ut impietatem sub nomine pietatis inducerent, docuerunt pijsimos filios, ut si quis quæ Deo offerenda sunt, Deo vouere voluerit, qui verus est pater, oblatio Domini præponatur parentum muneribus, vel certè ipsi parentes, quæ Deo consecrata cernebant declinantes, egestate cōficiabantur. Atque ita fiebat ut oblatio liberorum sub oblatione templi & Dei, in sacerdotum lucra cederet. Hæc pessima Phariseorum traditio de alia veniebat occasione ; Multi habentes obligatos are alieno & nolentes sibi creditum reddere, delegabant sacerdotibus, ut exacta pecunia, ministerijs templi, & eorum vsibus deseruiret. Potest autem & hunc breuiter habere sensum, Compellitis filios ut dicant parentibus suis, quodcumque donum oblaturus eram Deo in tuos vsus cōsumo, & tibi prodest pater ac mater ; ut illi timētes accipere, quod Deo mancipatū videant, inopē magis velint vitam ducere, quā comedere consecrata.

Hinc triplex dolus in Phariseis ad rem suam augendamprehenditur. Primò docebant filios parentibus infestos vouere suo templo, ut hoc modo legi, quæ iubet succurendum parentibus fucum facerent. Secundò si quis à debitoribus pecuniam exigere non posset, stipulabatur cum Phariseis, & pecuniam sibi debitam ea conditione vouebat, ut ipse aliquam eius partem perciperet. Tertiò docebant liberos, cum parentes aliquid subsidij postulabant, respondere omnes suas facultates Deo erat consecratum. His itaque astutijs crescebat pecunia sacerdotum, & quæ specimen pietatis esse debuerat in oculis Dei, fiebat triste monumentum sceleris: cernebat in pecuniarum congerie, non tam populi largitatem quam sacerdotis auaritiam.

Totus mos
pro templo
non uum
quam su-
mitur.

Quamobrem cum Deus turpes sacerdotum questus longe ante prospiceret, nossetq; Gazophylacia tandem fore sordidæ nundinationis aucupia, ea longissime à Sanctuario summouit, & extratempli pomœria ablegauit. Neque enim putandum, est intra ambitum templi fuisse Gazophylacia: nisi templi nomine totum istud spatium, quod in planitie montis iacebat, velimus intelligi; sæpe enim totus mons, præsertim area ista, quæ à reliqua montis parte sepimento ligneo secernebatur, Téplum vocatur & Sanctuarium.

Sic itaque constructa erant illa pecuniarum & vasorum receptacula, ut atrijs contigua essent, eisque adhærescerent à parte exteriori templi in
solo

solo prophano & non sacro. Hoc certe colligi potest ex eo quod Marci cap. 12. v. 14. dicitur, quod Iesus sedens è regione Gazophilacij aspiciebat, quod multa turba iactabat æs in Gazophilacium, & multi diuites iactabant multa. At veniã sedendi intra ambitũ Ædis Sacræ seu in atrijs nunquam Christus à Pharisæis impetrasset, neque tacuissent violatam loci sanctitatem. Etenim lex erat apud Iudæos, ne quis in atrio Templi sederet præter Reges è Daudidis familia oriundos. At quamvis Christus ex eo genere esset: nunquam tamen Pharisæi in eo Regiæ familiæ decus agnoverunt. Deinde Thalmudici in Midoth, sectione prima, capite primo, receptaculum oblationum referunt inter ea loca, in quibus pro templi tutela & præsidio Leuitæ excubarent. At nemini dubium est extra atrium Leuitas solitos excubias agere. Tertio potest & hoc argumentum adhiberi, quod nemini olim liceret pecunias secum in templum deferre; saltem quæ linteo essent inuolutæ. Cum ergo pecunias Deus exhorresceret, & quæcumque metalla in hominum perniciem è terræ visceribus eruuntur, probabile, est locum & arcam pecuniarum à Sanctuario fuisse remotam. Hanc verò legem prodit Rabbi Moyse, Ben, Mayemó, in Halac Habbechira. *Nemo in montem templi veniat cum bacculo, aut calceamentis pedum, neque cum mantica aut pecunijs linteo inuolutis.*

Vbinam
Gazophylacia.

Prærogatiua Regum sedere in atrio.

Non licebat pecunias ferre in templum.

Ex his constat inanẽ esse & cõmentitiã eam, quam plurimi in veteris Synagogæ sacerdotibus

somniant paupertatem : neque ad eorum exempla reuocandos esse nostræ legis Antistites. Quomodo enim sine scelere imitari eos possent, qui sacra omnia spurcissima cupiditate diuitiarum contaminauerunt? & cum Cæsaris ac Pompej imagines in templo ferre respuerent, attamen foediori prope, licet non ita aperto, scelere, inter media sacra, aras Auaritiæ erexerant & Ambitioni.

CAPVT X.

DE BONIS IMMOBILIBVS

Leuitarum. Leuitæ appellatione, officio & sedibus distincti. Eorum ordines & classes. Vrbes eis quo situ & quo numero datæ. Plures habuerunt ciuitates quam aliæ tribus. Earum priuilegia & de Asylis notanda quedam.

Qui Clericos & omnem Christi familiam ad studia paupertatis inflammât, seu sinceriore zelo flagrantés, seu inuidia odioque Ecclesiasticæ Maiestatis vexati, omnes Leuitarum exépla memoriamq; importunâ declamatione ad nauseam vsque recânt: Et quia Leuitas nihil habuisse proprium arbitrantur, concludunt opertere sacerdotes nouæ legis, non patrimonijs modo, sed villis quoque, prædijs ac ruribus quibus libet spoliari.

Isto ariete olim Vuiclepsus validissimè Ecclesiam incussit : eodem sæpius Lutherani vsi sunt, & nouissime Spalatensis, pertæsus Maiestatis Ecclesiasticæ, ad cuius apicem prouehi posse desperarat, iisdem machinis Clericorum dotem, sacrosq; prouentus conatus est expugnare.

Quâ in rem vsus est præsertim Hilarij & Hieronimi patrociniò, qui Leuiticæ paupertatis præconium vbique iactant, & sacerdotibus quasi exemplar vitæ modestioris ingerunt. *Renunciandum est*

Hilarius in
psal. 118.

(inquit Hilarius) *sæculo omnibusq; rebus, ut nobis Deus portio sit. Caterùm, si nos ambitio detineat, si cura pecunie occupet, si illecebræ libidinum capiant, si negotia rerum familiarum demorentur : portio nobis Dominus non erit, sæcularium curarum atque vitiorum possessione detentis. Moysi cum iussu esset portiores incolatus distribuere duodecim gètibus Israël, ita de Tribu Leuitica præceptum est, Filijs Leui non erit portio neque sors in medio fratrum suorum, quia Dominus Deus pars eorum est, & rursum scriptum meminimus. Ego Dominus pars eorum : nullam ergo Deo seruientibus lex data, terram esse voluit portionem : quia pars eorum Deus esset. Meminit & Euangelij prædicator ille Petrus, nullam esse sibi portionem possessionis humanæ cum oranti alimoniam, respondit, Aurum & argentum, &c.*

Idem vbique fere, cum de Clericorum modestia & continentia ab opum & diuitiarum inanibus studijs agitur, repetit Hieronimus, quasi *Leuita & sacerdos vino de decimis & altari seruienti altaris oblatione sustentor, &c.*

Hiero.
Ep. 2. ad
Nepo.

Cum itaque supra ostensum sit à nobis, *Leuitas* omni genere reddituum abundasse, & immensas pene opes collegisse ex primitiis, decimis, votis, oblationibus: superest modò, vt discutiamus num illis fuerint agri, villæ, domus & vrbes.

Vrbes proprias habuerunt Leuitæ,

Et habuisse quidem sibi proprias, longèq; meliori conditione ac sorte possedisse, quàm ceteri è *Iudæis* manifestum est, ex pluribus locis sacrae scripturæ. *Leuit* 25. dicuntur *Leuitæ* habere ædes, quæ in vrbibus sunt, & cum cæteræ domus redimi non possunt, nisi exacto *Iubilæo*, *Leuitarum* domus quouis tempore redemptioni patebant, ædes *Leuitarum* quæ in vrbibus sunt, semper possunt redimi : Si redemptæ non fuerint in *iubilæo* reuertentur ad dominos, quia domus vrbium *Leuitarum* sunt pro possessionibus inter filios *Israël* : Cum ergo *Leuitæ*, domos & vrbes alienare possent cum emendi vendendique libertatem obtinerēt, signum est eos vrbes possedisse atque obtinuisse non tantùm ratione vsus-fructus, sed etiam titulo dominii.

Ciuitatum suarum proprietarij vt fuerunt Leuitæ,

Præterea Numerorum secundo iubet Deus vt *Israëlitæ* dent *Leuitis* de possessionibus suis vrbes ad habitandum & suburbana eorum per circuitum. At vero ne quis dicat eas vrbes aut exiguo admodum numero fuisse, aut incultas ac steriles, aut incommodas & pauperes: excutiamus illarum splendorem, numerum, ornatum, priuilegia. Numerus vrbium, quæ *Leuitis* in patrimonium cesserunt, describitur *Iosue* 21. qui locus vt commodè

possit ab omnibus intelligi, notandum Leuitas inter se fuisse triplici nota distinctos, primo appellatione, secundo officiis, tertio sedibus & domiciliis.

Ordines &
Classes Le-
uitarum.

Appellatione distinguebantur. Alij quippe dicebantur Aaronitæ, alij vero Caathitæ, alij Gersonitæ, alij Meraritæ: cuius quidem appellationis variæ & dissidentis, ratio inde petenda est. Leui, ut constat ex Numerorum tertio capite, tres habuit filios Gerson, Caath & Merari. E Caath orti sunt Amram, Iesau, Hebron & Oziel. Ex Amram vero nati sunt Moyses, Aaron. Itaque cum initium sacerdotii Mosaici cepisset ab Aaron: hinc factum, ut qui ex Caath per Aaron originem ducebant dicerentur Aaronitæ, qui vero ex Caath per reliquos filios, nempe Iesau, Hebron & Oziel erant propagati, illi simpliciter dicebantur Caathitæ. Iam ergo habemus duas Leuitarum classes ex vno Caath, nempe Aaronitarum & Caathitarum, quibus si addas Meraritas & Gersonitas, consurgent omnino quatuor Leuitarum ordines Aaronitæ, Caathitæ, Meraritæ & Gersonitæ.

Iam vero quoad distinctionem officiorum: certum est præstantissimam sacri ministerii partem penes Aaronitas constituisse, & Eleazarum eam dignitatem, ad quam defuncto Aarone prouectus est, ad posteros transmississe, apud quos sacri apicis splendor continuâ serie permanfit: donec ad Heli ventum est, qui non ex Eleazaro, sed ex Ithamare genus ducebat, à cuius subinde familiâ

prædaces filiorum astutiæ hunc honorem abstulerunt: itaut rediret denuo pontificatus ad Eleazari genus, Salomone regnante. Sadoc enim, qui in amoti Abiatharis locum suffectus est, erat ex Eleazari proge: cæteri ergo præter Aaronitas, inferioris gradus onera, in rebus sacris obibant, & sacerdotibus quodammodo obnoxii, eisdem in suppellectile tabernaculi ornanda, ferenda, explicanda famulabantur. Ita tamen ut Caathitæ, quia propinquitate generis cum sacerdotibus erant coniunctiores, nobiliora etiam officia partesque obtinerent.

Officia Le-
uitarum.

Numer. 3.
& 4.

Singulorum verò sortem & munera explicat sacer contextus diserte Numerorum 30. & 40. ubi Gersonitæ siue familia Lebnitica & Semeitica, quæ nomen sumplerant à duobus filiis Gerson Lebni & Semei, adsciscuntur in curam operimenti tabernaculi tentorii, quod trahitur ante fores recti fœderis cortinarum atrij, &c. Caathitæ præficiuntur ad excubias Sanctuarij, eisdem plaga meridionalis in castrorum situ adsignatur: his commendantur arca, mensa candelabrum, altaria, &c. Meraritis traduntur curandæ tabernaculi tabulæ, vectes, columnæ, bases, columnæ per atrij circuitum, illisque septentrionalis plaga deputatur.

Tertium discrimen quod ad rem nostram plurimum facit, petitur ex variis eorundem Leuitarum sedibus. Ut enim sacerdotium cæteris longe officiis eminet & ad regiam quodam modo dignitatem accedit: ita prospectum est ne sacerdotum

genus cum cæterarum familiarum sæce misceretur, sed comunes haberet domos vrbesque cum ea tribu, in qua principatus residebat, & quæ singulari Dei beneficio ceteris reges erat paritura. Vnde in sortitione terrarum Aaronitæ seu sacerdotes non sunt per reliquas tribus admisti. Sed vrbes habuerunt in tribu Iuda, Simeon & Benjamin. *Egressaque est sors in familia Caath filiorum Aaron sacerdotis magni de tribu Iuda, Simeon & Benjamin ciuitates tredecim.*

Aaronitæ
in tribu Iuda
collocantur.

Qui vero his genere erant coniunctiores, proximas quoque illis sedes eas occuparunt, habueruntque ciuitates in tribu Ephraim Manasse & Dan: *reliquis filiorum Caath id est, Leuitis qui supersuerant de tribus Ephraim & Dan dimidia tribus Manasse, ciuitates decem.* Hos sequuti sunt Gersonitæ, qui ciuitates acceperunt in tribu Isachar, Aser & Nephtali & dimidia tribu Manasse, quorum ciuitates fuere tredecim. Denique Meraritæ vrbes sortiti sunt in tribu Ruben, Gad & Zabulon, eorumque ciuitates fuerunt duodecim. Ex quibus constat omnes ciuitates Leuitarum fuisse numero 48. Ingēs certe hæreditas, & quæ cæterarum tribuum patrimoniam multis spatiis anteiret; præsertim si cogitemus Leuitas longe minori fuisse numero, quàm reliquas tribus. Nam dum recenseretur populus Numerorum vigesimo sexto, cæteræ familiæ visæ sunt Leuitico genere multo numerosiores. Etenim cum in tribu Gad numerentur quadraginta millia & quingenti: in tribu Iuda septuaginta sex millia & quingenti, adeoque in cæteris tribubus fre-

Iosue 21. v.

4.

Iosue 21. v.

5.

quens turba & populus infinitus: in tribu Leuitica numerantur tantum viginti tria millia.

Iosue 15. &
sequentibus

Et tamen vrbes multo plures iis assignantur quam vlli ex tribubus: nam ad summum alia tribus dicuntur habuisse sexdecim, nouemdecim, vel viginti oppida: nisi forte censeamus Iosue 15. & sequentibus, quo loci enumerantur ciuitates, quæ vnicuique tribui contigerunt, non omnes exprimi, sed insigniores tantum: vel certe dicendum est Leuitis, ideo tot vrbes & ciuitates fuisse traditas, quod illis nefas esset habitare ruri & in suarum vrbium municipiis, pagis, & villis, commorari.

Præter vrbes vero, quas in vnaquaque tribu clarissimas & opulentissimas habuerunt, etiam vrbibus proxima erant suburbana, quæ vendi aut impignerari nulla conditione poterant, & hac parte ab vrbibus erant distinctæ, quas alienari à Leuitis, iura non vetabant. Spatium vero & ambitum suburbanorū describit textus sacer, Numerorū trigesimo quinto. *Præcipe filiis Israël, ut dent Leuitis de possessionibus suis vrbes ad habitadum & suburbana eorum per circuitum, ut in ipsis oppidis maneant & suburbana sint pecoribus ac iumentis, quæ à muris ciuitatum forinsecus, mille passuum spatio, tendentur, contra Orientem duo millia erunt cubiti, & contra meridiem similiter erunt duo millia: ad mare quoque quod respicit ad Occidentem. Eadem mensura erit & Septentrionalis plaga equali termino continetur.*

Cæterum, inter vrbes, quæ Leuitis in patrimonio

nium cesserunt sex constituit Deus, quæ supplicij metu fugientibus homicidis perfugium essent & asylum: iuxta illud *de ipsis autem oppidis, quæ Leuitis dabitur sex erant in fugitiuorum auxilia separata, ut fugerit ad ea qui fuderit sanguinem.* Num. 35: v. 6.

Licet autem ius asyli his vrbibus præcipuum fuisse & singulare videatur: attamen omnes ciuitates Leuitarum asyla fuisse Hebræi constanter affirmant, ita tamen vt aliquid esset discriminis, inter has sex vrbes & alias, nec vno modo homicidam à pœna & manu insequentis tuerentur.

Nam priores sex, quemuis hominem, qui errore animi & præcipiti iracundia homicidium perpetrarat, ita inuiolatum præstabant; vt in eum sæuire nefas esset: hinc dicuntur præstare euasione à redemptore. Ita enim habet Hebraica lectio, quam intelligere facile poteris si animaduertas eum, qui iusta indignatione commotus homicidam insectabatur, vt eius morte interfecti manes placaret, appellari ab Hebræis, Redemptorem. Vt enim qui pignus pretiumue agri distracti ac diuenditi tradebat, quod agrum aut villam, cognitionis priuilegio reciperet, Redemptor dicebatur: sic qui cognati & propinqui cædem, interneccione homicidæ expiabat, is propinqui animam redimere videbatur, eiusque redemptor audiebat: Poterat itaque redemptor impune homicidam vlcisci vbiq̃ue cōsisteret, nisi intra vrbes refugij etiam si intra istas vrbes peractum esset homicidium.

At verò reliquæ quadraginta duæ Leuitarum.

Omnes
vrbes Leui-
tarum ali-
qua sacre
asyla.

74 *De bonis & possessionibus Ecclesiarum;*
vrbes, erant quidem receptui occisoribus, sed
cum hoc discrimine, quod ut illum tuerentur de-
bebat esse iuris & legis peritus, & eò confugisse
securitatis causa. Nam si forte iuris foret igna-
rus, neque eo commigrasset captandæ securitatis
ergò, carebat prærogatiua asyli. Item qui in asyla
peculiariter à Deo constituta confugiebat, mer-
cedem pro cõmoratione patri-familias, ad quem
diuertisset, soluere non tenebatur: in reliquis verò
erat certa merces protecto & hospitij benignitate
pendenda.

Ad asyla
quæ ciui-
tates re-
guantur.

In asylis
nefas est
reptes face-
re.

Addam insuper, quod de istis asylis in patrimo-
nio Leuitarum patentibus refert Gemara in caput
secundum tituli Sanhedrim: *Ad asyla non deli-
gunt castella, neque vrbes magnas, sed oppida mediocria.
Constituuntur eadem, non nisi locis aquosis, aut quo aqua
deduci possit, nec nisi ubi sit copia rerum venalium nec-
nisi populosis: si populus eorum habitatoresue diminuatur
noui illi ex sacerdotibus Leuitis Israëlitis ceterisque de-
ducuntur. Non veniunt ibi arma aut venationis instru-
menta ex sententia R. Neemia quod tamen sapientes per-
mittunt: in eo tamen consentiunt neque retia istuc expandi,
neque repes fieri, uti ne pes vindicis eò accessum habeat.*

Pater itaque ex hoc capite Leuitas ne quidem
rerum immobilium possessione caruisse, imo vero
eorum sortem & conditionem fuisse opulentissi-
mam; ac, ut vno verbo dicam, minus obnoxias esse
inuidiæ, quæcumque illustrent Ecclesiam no-
stram facultates, quam quibus exoleta ista & suis
extincta sceleribus Synagoga olim intumescebat.

Nam vt demus immensas esse in Ecclesia facultates & auctas pietate Christianorum, fortunas non modo suppeditare sacerdotibus, quæ necessitati sufficiant, sed quæ deliciis & ambitioni obsequantur! demus præ aris & templis squallere cætera, & paupertate Christi multo splendore obductâ, infamiam Crucis & suppliciorum iam pridem euanuisse. Attamen quis propterea iure inuidere possit? Patent omnibus opes & fortunæ Ecclesiarum: nullus ab aditu sacræ domus arcetur: nō est certis hominibus adscriptum Christi patrimonium, neque Seruatoris empta sanguine bonorum vbertas, intra vnius familiæ aut Tribus cōmoda continetur. Quis ergo fortunis & opibus inuideat, quæ omnium esse possunt? Veniunt vnde quaque ad aras, siue ex palatiis Regum, siue ex mapalibus subulcorum: nullus isto honore indignus est, nisi qui seipsum indignum vitiis & desidia fecerit. Quicumque purum adfert & innocentem animum, in eo virtus nobilitatem supplet, cuius vero illustrique stemmate, longe altius Ecclesia, quam inanibus Maiorum titulis gloriatur.

Sacerdotum legis nouæ opes, cum Leuitarum facultatibus comparantur.

At Leuitis tantum patebant opes sacri olim patrimonii, qui ex ea tribu nō esset, illi nec per virtutem ac rerum præclarè gestarum gloriam licebat ad sacri honoris fastigium anhelare. Secundò Leuitis erat certum tempus ministerio constitutum, quo exacto, in vrbes & ciuitates secedebant, forte otio atque altissima pace vitam

acturi. At ordo noster inducias nescit. Non amant altaria Christianorum desultorios & temporaneos sacerdotes. Quisquis se titulo vel Ecclesiæ consecrauit, eius salutis perpetuo uiuat & vigilet necesse est; adeoque, ut idem sol mundum continuo circuitu lustrat, nec captandæ quieti alterum in vicem sufficit: ita oportet sacerdotem perpetuis & in se quodâ orbe redeuntibus curis, in Ecclesia sua tuenda & amplificanda exerceri. Ut quid ergo leuis annonæ stipendia inuidemus, & diarium panem ab eorum manibus excutimus? quorum verbo panis ille diuinior in fœlicem mentium saginam crescit, & qui cibo tantum vi-liore donati, carnem Christi pretiosam diuidunt, qua accepta nefas est quidquam aliud aut amore prosequi aut inuidere.

Si enim Leuitis ad aliquod tantummodo tempus, in re sacra versantibus, communi ope Tribuum omnium victus pendebatur: quanto æquius est Sacerdotes nostros, quorum vita continua oratio & iuge sacrificium est, ex demenso publico victitare, & stipendiis eorum terrenis pasci, quibus immortalis vitæ delicias propinant?

Leuitarum &
Sacerdotum
discrimen in
bonorum
possessione.

Præterea Leuitarum hoc erat priuilegium ut rerum suarum hæredes filios relinquerent, adeoque in eadem semper familiâ sacrarum facultatum possessio, solatiûque tam facilis ac læti prouentus consistebat. At Sacerdotibus nostris nefas est alios hæredes scribere quam pauperes: neque illorum tantum inopiæ morientes testa-

mento succurrunt: verum & maximam sui census partem, deliciis & voluptati substractam egenorum leuandæ impendunt calamitati. Vnde enim tot Xenodochia, Gerontocomia, Nosodochia, aliæque domus iis parentes, quibus reliquæ clauduntur, quas implent miseri, errones, morbidī, non gemitu magis quàm corpore, & vbi certius quàm in Æsculapij fano reuiuiscunt. Vnde, inquam tot afflictorum perfugia nisi ex studio & impensis Episcoporum creuerunt? qui ea quæ Deo consecrata erant, nunquam sanctiùs arbitrati sunt posse collocari, quàm si in remedia pauperum & egentium solatia cederent, sub quorum miseria & detrito centone, iterū palliata Christi maiestas & oculis hominum subducta delitescit. At nihil tale de Leuitis legimus: quin potius præter collatas decimas, nouâ in pauperum alimoniam pensitatione Iudæi premebantur, quibus etiam anni septimi fructum reseruabant.

Tandem impigneratio, venditio, distractio non erat Leuitis interclusa. At res suas ab Ecclesia alienare Sacerdoti prohibetur, & cùm ei augendi census Ecclesiastici facultas, imo (vt videbimus postea) necessitas imposita sit, libertas tamen crepta est minuendi. Non est itaque aduersus Ecclesiæ facultates argumento veteris Synagogæ, vtendum, quæ inter delicias vixit, & molliore nutritu pene ad luxuriam educata.

CAPVT XL.

AN ANTE CONSTANTINI
tempora, Ecclesia opes aliquas habuerit.

Q Vicumque censurâ & rigido vngue dignum
aliquid in Christi Sacerdotibus vestigant, &
querunt materiam stomacho atque indignationi,
nil habent antiquius, quàm vt nos ad maiorum
exempla reuocent Petros, Paulos, aliosque mar-
tyres, qui sanguine Ecclesiam dedicarunt, con-
stantissimè obiectant, quasi ab eorum ingenio,
doctrinâ & moribus iam pridem ipsa defecerit,
nilque de tantâ sanctitate ac religione, per quam
fundata est, aliud præter sterile præconium &
inanem memoriam hac ætate retineat.

Fateamur nil esse tã salutare, quã Auos Ecclesiæ
& Fundatores religiosè intueri: ad horum constan-
tiam ac probitatem, vitæ cursum effingere: hoc
præsertim tempore, quo extinctâ innocentia, &
hominum commercio interclusâ, necesse est ad
mortuorum imaginem sese componere, cùm in-
ter viuos, rarus sit quem turò possis imitari.

At istud quam religiosum, cerrè tam stoli-
dum est velle Ecclesiam in eum statum ac condi-
tionem reuocare, quo primis temporibus fuit,
cùm publicâ omniū inuidiâ laboraret, neq; Chri-
stiani aliter quã vulneribus & infamiâ nosceretur.

Qui ferunt patienter, vices annorum & seriem tempestatum; qui non indignatur Verelato mutari hyemes procellosas, & terram exutis niuibus ac depositâ senili canitie, florum amœnissimo cultu splendescere. Qui arbores cernunt humilibus initiis, tandem in æquata nubibus fastigia distendi: qui viles familias è sordibus erumpere, & Sellis subinde Curulibus ornari ac superbire, sine strepitu fellæque patiuntur: illi Ecclesiæ otium suum & quietem inuident: eorum iudicio non placent Sacerdotes nisi miseri, squalientes, cito morituri; falsò titulum Petri fert navis, quam procellæ violentiores non allidunt: solus horror naufragi eam à piraticâ classe secernit, denique Christo fœderari Ecclesia non potest, nisi quam diu hominibus fuerit inimica. Ita sponsæ vocem intercludunt, fallique asserunt, cùm iucundior rem secessum sibi pollicetur & suauissimo affatu amicum compellat, *iam hiems transit, imber abiit & recessit.*

At abutuntur inquit Sacerdotes & Ministri Ecclesiarum redditibus tam multis & censu tam opimo. Res ita se habeat, volo; quot sunt qui adolescentiam, florem optimum ætatis, in viria & libidines exhauriunt? quot sunt qui oculis in alimenta vitiorum & incendia voluptatum vtuntur? quot sunt, qui melius animo haberent, si miseri languescerent & æternitatis memoriam tristi calamitarum disciplinâ docerentur? vt quid ergo iuuenes natura nos fecit? vt quid non oculis quoti-

80 *De bonis & possessionibus Ecclesiarum,*
die caliginem suffundit? ut quid non pestifera
lue angit miserum corpus, cuius morbis & ruinâ
animæ valetudo certissimè sarciretur.

Apage ergo tam supina argumenta. Qui Ec-
clesiam diuitem nolunt, hi certè nec mendicam
& calamitosam ferrent, & dum Sacerdotum pin-
gues redditus atroci stylo perfodiunt, aliunde Mo-
nachorû piis sordibus obstrepunt & austeræ indi-
gnantur mendicitati. Eo animo fuit Vuiclepfus,
de quo ita scribit Harpsfeldius historiæ Vuiclepfia-

Harpsfeld.
hist. vuiclep
c. 2. p. 172.

*næ cap. 2. Qui Monachos, qui possessionibus abundant,
totûmque Clerum obeandem causam asperè inuasit, is nec
fratrum inopiam atque mendicitatem ferre potest, nec men-
dicato eos viuere patitur, tam sibi bene constat, & paulo-
post, fratrum mendicantium nuditati atque mendicitati
inuidet, quos omnes indiscriminatim ad manuum opera
atque laborem, nisi velint aternâ salute excidere, reuo-
cat, omnes inquit de ordine mendicantium sunt hæretici
& dantes eis elemosinam sunt excommunicati.*

Ita insaniebat mendacissimus nouæ hæreseos
antistes, qui Clerum & Monachos nec suo censu
nec precario viuere patiebatur, ac præter famem
atque inopiam nihil eis licere existimabat.

Quia verò sunt nonnulli mali Catholici, qui in
eodem prope errore versantur, quique nihil im-
patientius ferunt, quam opes & quietem Ecclesiæ
& perpetuo gannitu nobis maiorum facta atque
historiam obtrudunt, inquiramus an Ecclesia
primis temporibus sine dote fuerit, atque ita opi-
bus destituta, ut nec prædiis, nec redditibus yllis
foret instructa:

CAP VI

CAPVT XII.

PROBATVR ECCLESIAM BONIS

immobilibus instructam fuisse ante Constantinum. Proferuntur in hanc rem Pontificum Epistola, Constantini Edicta, Cypriani Testimonia, &c.

AC primum, si Pontificum summorum Epistolas consulamus, quamquam illæ, supra Syricium, suspicione non carent: attamen nobis eam, quam huc vsque habuerunt auctoritatem commodabunt, ad probandum, Ecclesiam primis temporibus, sine opibus & prædiis non fuisse.

Pius Papa epistola 2. *Prædia, inquit, diuinis vsibus tradita, quidam humanis vsibus applicant, & Deo cui tradita sunt, ea subtrahunt, ut suis vsibus inserviant. Quod si quisquam præsumpserit, sacrilegus habeatur, & sacrilegus iudicetur: ipsos autem qui hoc agunt Cleros & Domini Sacerdotes persequi, eòsque infamare audiuius, ut malum super malum addant & deteriores fiant, non intelligentes quod Ecclesia Domini in Sacerdotibus consistit & crescit in templum Dei, & sicut qui Ecclesiam Dei vastat, & eius prædia & donaria expoliat & inuadit, sit sacrilegus: sic & ille qui eius Sacerdotes insequitur, sacrilegij reus existit & sacrilegus iudicatur. Ex quibus verbis apparet Pij I. temporibus fuisse quosdam, qui Ecclesiæ prædia inuaderent, & eius census ac redditus etiã renitente Clero & repugnante occuparet.*

Pius I. Epist.
2. ad Italos,
anno 141.

Urbanus
Epist. ad
omnes E-
piscopos. 2.
de cit. 17. q.
4. Can. at-
tendendum

Citat eandem Pij sententiam collectio Cresco-
niana. Huic consentit Urbanus I. ad vniuersos
Episcopos: *Attendendum est omnibus & firmiter custo-
diendum, ne pradia usibus sacrorum celestium dedicata,
à quibusdam irruentibus vexentur, quod si quis fecerit
post debitæ ultionis acrimoniam, quæ erga sacrilegos iure
promenda est, perpetuâ damnetur infamiâ, & carceri tra-
datur, aut exilio perpetuæ deportationis vratur. Quo-
niam (iuxta Apostolum) tradere oportet huiuscemo-
di hominem Satana. Memoratis ergo augmentationi-
bus & cultibus in tantum Ecclesiæ, quibus Episcopi præ-
sident Domino adminiculante creuerunt, & tantis maxi-
ma pars eorum abundat rebus, ut nullus sit in eis commu-
nem eligens vitam, indigens, si d omnia necessaria ab Epif-
copo suisque Ministris percipit.*

Ex quo textu liquet anathemate perculsos, qui
Ecclesiam suis opibus & facultatibus spoliabant.
Quod si hæc constitutio facta esset pace reditâ Ec-
clesiis, & Principum purpurâ cruci famulante.
Certè eorumdem auctoritas inuasores & raptores
ab Ecclesia peculio continuisset, nec sacrilegium
illud tam frequens aduersus sacra patrimonia
foret perpetratum. Vnde colligo istam Urbani
constitutionem editam, inter Ecclesiæ persecutio-
nes, & ante Constantinum, sub cuius patrocinio
Ecclesia de hostibus suis gloriosissimè triumphaba-
bat, nec tam de ea spolianda quàm de instauran-
da agebatur.

Canon A-2
post. 39.

Succedit Canon Apostolorum trigessimus no-
nus: *Præcipimus, ut in postetate sua, Episcopus res Ec-*

clesiæ habeat : si enim animæ hominum pretiosæ illi sunt creditæ, multò magis oportet eum curam pecuniarum gerere ; ita ut potestate eius, indigentibus omnia dispensentur, per Presbyteros & Diaconos, & cum timore omnique sollicitudine ministrentur. Ex his autem quibus indiget ad suas necessitates & ad peregrinorum fratrum usus, & ipse percipiat, ut nihil possit eis omnino deesse : Lex enim Dei præcipit, ut qui altari deferuiunt de altari pascantur, quia nec miles propriis stipendiis contra hostes arma sustulit. Qui Canon manifestè docet sacræ pecuniæ fundum, quondam apud Episcopos fuisse depositum, quorum arbitrio diuidebatur ; ita tamen ut Presbyteri & Diaconi Episcopo, in dispensandis sacris redditibus ministrarēt, & pauperes viduas cæterâsq; personas, quas Ecclesiæ suæ calamitas cōmendabat, piâ sollicitudine & beneficiâ solarentur. Cum verò ex hoc Canone, nō sine pecuniâ fuisse Ecclesiam constet, ex alio superiore hoc est trigesimo octauo apparet, sine prædiis & possessionibus non fuisse : nam præcipit, ut cū primum Episcopus sedem capessit & Ecclesiæ præficatur, res eius & bona in commentarium referantur, fiatque descriptio & bonum Ecclesiæ & bonorum Episcopi, ne confuso vtriusque patrimonio aut Ecclesia per hæredes spoliatur, aut miseri affines, ac liberi gentilitiis opibus & auito fundo depellantur : Sint autem manifestæ res propriæ Episcopi, si tamen habet proprias & manifestæ Dominicæ, ut potestatem habeat de propriis moriens Episcopus sicut voluerit, & quibus voluerit relinquere : ne sub occasione Ecclesiasti-

Canon A-
post. 38.

carum rerum, quæ Episcopi esse probantur intercidant; fortassis enim, aut uxorem habet, aut filios, aut propinquos, aut seruos: & iustum est hoc apud homines, ut nec Ecclesia patiatur detrimentum propter ignorantiam rerum Pontificis, nec eius propinqui sub obtentu Ecclesiæ proscribantur, & in lites incendant, qui ad eam pertinent, morsque eius injuriis, & mala fama subjaceat.

Licet verò ab Apostolis istos Canones minimè conditos verosimillimum sit, & eorum antiquitati officiant plurima, ut quod de Paschate celebrando agitur ante æquinoctium vernum, quod de Episcopatu per fauorem sæcularium non ambiendo, quod de iis, qui se ipsos exscindunt, constituitur: quæ omnia sunt Apostolis recentiora: attamen nō multo post, Apostolorum ætatem compositos fuisse, magni Authores firmissimis argumentis propugnarunt. Vide Baronium ad annum stii 102. numero 10. & sequentibus.

Baron. ad
an. 102. nu.
10. & seq.

Sed ne dubiis quidem ac incertis argumentis videamur inniti: certè Ecclesiam bona & possessiones habuisse ante Constantinum, non alio certiori quam Constantini ipsiusmet testimonio probare opus est. Postquam enim sese ad fidem Christianam recepisset & atrocissimæ tempestati, quæ Ecclesiam tandiu vexauerat, fecisset inducias, Edicto constituit, ut abrepta Christianis bona etiam insoluto pretio restituerentur, & iustissime quidem: sciebat enim neminem posse in re sacra tutò nundinari. *Istud autem præter cætera nominatim Christianis decernimus, ut loca eorum, in quæ ipsis in more*

Impetrato-
rium edictū
Constantini,

positum erat antea convenire, (de quibus quidem rebus, & ^{Licium} litteris superioribus ad tuam sanctimoniam datis, ^{apud Euseb.} alia ^{lib. 10. cap.} formulâ à nobis erat definita & præscripta) si qui vel à ^{s. hist. Eccl.} Quæstore nostro, vel ab alio quopiam ea emisse videantur, Christianis absque argento, absque ulla repetitione pretij, quod in illis emendis collocauerat, sine omni dubitatione restituant: aut si qui ea ipsa loca pro munere fuissent adepti, ut ipsis Christianis quàm celerrimè reddant: aut si qui ea, aut coëmerint, aut dono receperint, aliquid à nostra bonitate postulent, Præfectumque, qui regioni, in qua habitant, præest, adeant: quo ipsorum etiam à nostra munificentia prouisio & cura suscipiatur. Quæ Constitutio multa illustrat. Primò ante Constantini tempora Imperatores Christianis infensos, non tantum iniquissimis legibus supplicia & cruces denunciassent iis, qui Christum sequebantur, verum etiam vniuersa eorum bona & facultates, & præsertim ædes sacras, ubi conuentus agebantur, fisco addixisse. Quare eueniebat plerumque ut Principis fisco Præpositus, siue Quæstor, inuentas Christianorum Ecclesias iuberet euerri, locumque siue aream nomine Principis priuatis quibusdam personis venderet. Quapropter sic vendita etiam à Quæstore Christianorum bona iubet restitui Constantinus. Prætereà, cum vigeret persecutio, Aulici quidam siue Prouinciales Imperatoribus gratiosi, impetrabant ab iis nomine donarij ac muneris, quæcumque Christiani possiderent, agros & Ecclesias: atque ita freti diplomate, nuntique Principis, qui crudelitate in beneficentiam

utebatur, grassantes per prouincias, quæcumque Christianorum esse dicebantur, temerè arripiebant. Ex horum itaque manibus extrahi quod erat ablatum, & Ecclesiæ restitui iubet Constantinus: ita tamen, ut moneant regionis Præfectum sibi ereptos fructus imperatoriæ beneficentiæ, ut, si opus sit, Imperator pro bonis Christianorum, alia ipsis munera impertiatur. At vix credibile est aulicos assentatores Principum, & omnes eos, qui caducis hæreditatibus inhiant, postulasse ab Imperatoribus Christianorum spolia, & in gratiam rei benè gestæ ipsorum bona flagitasse, nisi eæ fuissent opes Christianis, quæ ambitionem alligere possent, & aulicorum auaras cupiditates incitare.

Sed ne quisquam asserat præter Ecclesias nil habuisse Christianos, & in sacro tantum solo ac templo eorum opes omnes fuisse collocatas. Subnecto reliqua, quæ Constantinus Edicto suo complectitur. *At quoniam, inquit, Christiani non solum ea loca, in quæ conuenire solent, sed alia etiam habuisse cognoscuntur, quæ non priuatim ad singulos, sed ad totam ipsorum communitatem spectabant, singulis qui ea possident, mandes, velim, ut omnia per legem quam supra posuimus, absque ulla controuersia, Christianis, id est, Societati ipsorum & Conuentui reddant. Id ipsum repetit Constantinus in Edicto quod ad Auelinum dirigitur. Est, inquit, hæc nostra clementiæ ratio & modus, Aueline honoratissime, ut illa quæ ad alienum ius pertinet, non solum non perturbari,*

Edictum
Imperato-
rium in fa-
uorè Chri-
stianorum,
loco citato.

Edictum
Auelino
missum a-
pud Euse-

sed etiam restituere quàm maximè cupiamus. Quare volumus ut simul ac hæscelitteras acceperis, si quæ ex his possessionibus, quæ ad Catholicam Christianorum Ecclesiam, in quibusque ciuitatibus aut aliis locis pertinent, etiam adhuc à ciuibus aut ab aliis quibusdam retineantur, eas quamprimùm iisdem Ecclesiis facias restitui. Quandoquidem animo institutumus, ut ea quæ Ecclesiæ antea possederunt, ad ipsarum ius denuò reuertantur. Ita Eusebius Ecclesiasticæ historiæ libro decimo, cap. 5. Ex quibus apparet iam ante Constantini tempora Ecclesiam fuisse prædiis & ruribus instructam, nec tantùm communes domos aut templa habuisse, in quibus conuentus & synaxes fierent, sed etiam fundos & villas, quarum fructus Episcopi, Presbyteri cæterique è clero caperent, & in viduarum ac pupillarum solatia expenderent. Quod si præter hæc argumenta è gestis Imperatorum petita, alia quoque requiruntur, quibus Ecclesiam & Episcopos illo tempore bonis non caruisse ostendatur: Adeamus Cyprianum, & multa eius antiquitatis vestigia relegamus. Cypriani bona, ut quid tempore persecutionis proscribuntur, si nulla omnino habuit? At id factum narrat ipse nec Cyprianus Epistola sexagesima sexta ad Puppianum de obtrektoribus. *Persecutio, inquit, veniens, te ad summam martyrii sublimitatem prouexit, me autem proscriptionis onere depressit, cùm publicè legeretur: Si quis tenet vel possidet de bonis Cæcilij Cypriani Christianorum Episcopi, proscribatur, ut etiam, qui non credebant Deo Episcopum constituenti, vel saltem*

biam, hist.
Ecclef. lib.
10. cap. 5.

Cyprianus
Ep. 66. ad
Puppianum
de obtrek-
toribus.

Diabolo crederent, Episcopum proscrībentū. At ea bona non fuisse Ecclesiæ, sed Cypriami patrimonium, fortasse aliquis dicet: proindeque non rectè inferri Ecclesiam iis temporibus, censibus & facultatibus fuisse dotatam. Verùm huic opinioni obstitit quod scribit Pontius in eius vita: nimirum Cyprianum, etiam antequam ad Baptismum peruenisset, omnes suas facultates & fortunas exuisse, & alendis pauperibus consecrassè. Non dum, inquit, secunda natiuitas nouum hominem splendore toto diuinæ lucis induerat, & iam veteres ac pristinas tenebras sola lucis paratura vincebat, &c. cū tota prædia propria dispensans, duo bona simul iunxit, ut & ambitionem sæculi sperneret, qua perniciosius nihil est, & misericordiam quam Deus etiam sacrificiis suis prætulit, quam nec ille qui legis omnia mandata seruasse se dixerat, fecit, impleverit.

Vnde verò constabant sportulæ menstruæ, quas viritim Clericis & Presbyteris diuidebat Cyprianus! vnde quotidianus victus & certa pensio, nisi ex ruribus, prædiis, villisque aliquibus, quas Ecclesia possideret. Neque enim ex oblationibus aut collatitiis tantum pecunia poterant ea omnia, quæ ad vitam necessaria erant, comparari. At sportulas solitas dari Clericis per menses singulos, & sportulantium, seu eorum qui sportulis donabantur, certum ac constitutum fuisse numerum docet Cyprianus epistola 27. ad Presbyteros, Diaconos, & plebem Furnis consistentes. *Qua nunc ratio, inquit, in Clero tenetur, ut qui in Ecclesia Domini ordinatione Clericali promouentur, in nullo ab administratione*

Pontius in
vita Cypri-
ani.

De fratri-
bus sportu-
lantibus Cy-
prianus,
ep. 27.

ministratiōe diuinâ auocentur : sed in honore sportularium fratrum, tanquam decimas ex fructibus accipientes, ab Altari & sacrificiis non recedant.

Illas verò sportulas & stipendia, quibus Clerici Deo militantes fruebantur, Episcopi suo nutu atque arbitrio diuidebant: Vberiores ac pinguiores vni indulgebant, quàm alteri: prout nempe officij, gradus, ordinis, & rei bene gestæ ratio postulat. Cuius œconomix insigne exemplum extat apud eundem Cyprianum Epistola 62. in qua Aurelium & Celerinum propter insignem constantiam, qua Tyrannorum feritati non semel illuserant, ait se Presbyteros designasse, iisque interim pares cum Presbyteris sportulas decreuisse: propterea, quod in ipsis, virtus ordinem supplebat, meritòque Sacerdotes censebantur, qui seipso immolandos generoso consilio deuouerant. Ceterum Presbyterij honorem designasse nos illis iam sciatis, ut & sportulis iisdem cum Presbyteris honorentur & diuisiones mensuræ, æquatis quantitatibus partiantur, &c.

Sportulas
diuidunt E-
piscopi.

Cyprianus
Epist. 62.

Earundem sportularum ac stipendiorum meminit Epistolâ quinquagesimâ quintâ, vbi quod sibi obtigerat stipendiorum, in alendos pauperes, iubet expendi. *Peregrinis, inquit, si qui sunt indigentes, sumptus suggeratis de quantitate mea propria.*

Cyprianus
Epist. 55.

Ea vero stipendia, quæ statis diebus, per menses singulos, Clericis dabantur, vnde colligi poterant, nisi ex agris, prædiis & possessionibus Ecclesiarum? Quomodo enim fortuitæ obuentiones & oblationes fidelium inter sacra mysteria col-

Ecclesiam
in Africa a-
gros habuisse
& redditus,
probat.

lectæ, tantis sumptibus sufficere potuissent? præsertim eo tempore, quo sine periculo Christiani conuenire non poterant, cogeabanturque diu aliquando à cœtibus habendis abstinere.

Adde quod eâ ætate non modo Ecclesiæ censu viuebant Clerici, verùm & impensis eiusdem alebantur pauperes: in tutelam Christi ac clientelam Sacerdotij cooptabantur viduæ ac pupilli: denique quos infidelium nefanda crudelitas carceribus & hypogæis conclusisset, eos Diaconi & Ministri, furtiuo pietatis officio adibant, & necessariis vitæ subsidiis solabantur. Itaque ut hæc omnia statò ordine & tempore fierent, necesse fuit in Ecclesia certos esse redditus, nec omnia ex casu & fortuitâ obuentione pendere.

Subjungamus aliud argumentum, quo probetur clarissimè Ecclesiam illis temporibus agris & possessionibus non omnino caruisse. Istud verò

Acta Cypriani martyris per Pontium eius Diaconum conscripta.

Acta Cypriani martyris subministrant. Cum enim Beatus Athleta multos dies in exilio transegisset, tandem reuersus dicitur habitasse in hortis suis.

At horti in quos se recepit Cyprianus, non erant proprii, gentilitij seu patrimoniales. Nam ut ait Pontius in eius vita, Christianam disciplinam sic aggressus est, ut initium duceret ab opum & diuitiarum contemptu, suæque omnia in sustentandos pauperes erogaret. Cum ergo patrimonium Cyprianus, in gratiam pauperum, longè antea distraxisset, concludendum hortos, in quibus latuit Cyprianus, non ipsius fuisse, sed Ecclesiæ.

Tandem generosus Martyr in procinctu mortis suæ, aliquid induciarū postulauit à tortoribus, eorum consilio, vt rebus Ecclesiæ prospiceret & de eius bonis ac facultatibus statueret: erat ergo eius Ecclesia bonis aliquibus instructa. Id autem refert Pontius eius Diaconus hoc pacto. *Dilationem petiit in crastinum cum de passionis sententia cogitaretur, postulans vt res suas, die illo quo impetrauerat, ordinaret, &c. Dilationis autem petendæ ratio de ordinatione rerum & de voluntatis dispositione veniebat. Quæ vero res illi aut quæ voluntas ordinanda, nisi Ecclesiastici status. Summa idcirco accepta dilatio est, vt quid circa pauperum fouendorum suprema iudicia disponendum fuerat, ordinaretur, & puto propter nil aliud, imo vero propter hoc tantum, etiam indulgentia ab his qui eieceraut, & qui occisuri erant admissa est, vt præsens & præsentis pauperes nouissimæ dispensationis extremis, & vt plenius dixerim, totis sumptibus releuaret.*

CAPVT XIII.

Quibus in partibus potissimum Ecclesia primis temporibus possessiones habuerit: In Gallia, Tungris & Treueris opes Ecclesie quales: Treueris Gallie Ciuitas: Prima Decima vbi soluta: Misericordia Ecclesie Romana: Locis Theodori Lectoris explicatur: Catibulum quid sit, &c.

Nil certius ac constantius dici potest, quàm Ecclesiam, dum irrigua sanguine Martyrum cresceret, & splendorem suum ab infamia ordiretur, non eodem modo sese in omnibus locis ac regionibus habuisse: Vbi enim Imperatores Romani sedem fixerant, vigebátque maximè sæua eorum auctoritas, ibi periculosius degebat Christiana Religio: illic bonis omnibus & fortunis interclusa, præter tenuem censum & angustos redditus nil habebat, quos, vbi Quæstores Imperiales, seu potius prædones publici inuenissent, confestim populabantur.

At vbi pax erat, & fauebant Alcyonia, illic lulentiores erant Ecclesiarum fortunæ: quod in Galliis maximè euenisse comperi. Nam in Treuerensi, Tungrensi, & Colonienfi territorio (quas sedes Deus ad pacem Ecclesie secreuerat) altero post Christum sæculo res Christianæ in tantum

florebant, & alta pace fruebantur, vt gradus & ordines Clericorum omnes distincti essent, & seorsim suis muneribus fungerentur. Illic Parœcia certis erant limitibus definitæ, ciuitates integræ Christum colebant: Adeoque publicè Decimæ & Primitiæ in iis partibus primùm cepère persolui. Ita enim habet Harigerus Abbas in vita sancti Materni Treuerensis, Tungrensis & Coloniensis Episcopi, (his enim tribus ciuitatibus vnicus primùm præfuit Episcopus.) *Hic, inquit id est, à parte Materni contra infideles paganae superstitionis, Mystas pugnantis, prodigiorum, signorumque celsitium splendor: donec pondere veritatis attrita est ciuitas falsitatis, vt non solùm reciperet signa militiæ Christianæ, sed confregerit quoque signa fallacis idololatriæ. Instruebantur Tungrenses iugum Domini ferre, qui consueuerant inferre. Facta est ciuitas Decimis & oblationibus Christo tributaria, quæ tributa provinciarum exegerat temeraria: Et paulò post, Dānatar cultura Jouis, lunonisque ac Veneris, emundantur delubra demonum, dedicantur Ecclesiæ Sanctorū, vsque ad numerum septuaginta duarum Congregationum. Hæc de Materno, cuius obitus incidit in annum centesimum trigessimum.*

Harigerus
Abbas in-
ta S. Mater-
ni cap. 1

Primæ De-
cimæ.

Maternus
obiit anno
Chr. 110.

Ex quibus patet eo tempore apud Gallias Ecclesiam multis ceptam opibus ornari & latifundiis ditescere. Nam cum tantus Ecclesiarum numerus Christianâ pietate consurgeret, ac de nouo fundaretur, oportuit necessario concedi Ecclesiæ fortunas non mediocres, quibus Ecclesiarum Clerici alerentur, & sacra Christi familia victita-

ret. Quippe templa & ædes sacras sine dote fundari Ecclesiæ disciplina perpetuo interdixit.

Merito itaque Gallia antiquitatem Religionis Christianæ sibi vendicat, & Primogenitæ prærogatiua gloriatur. Nam ante alias regiones Christum complexa, Ecclesiam insigni opum ac diuitiarum prouentu ornauit, cum ipsa in aliis terrarum partibus vix spirare sineretur.

Gallicanæ
Ecclesiæ
antiquitates.

Irenæus l. 1.
cap. 30.

Hinc primores illi Christianæ Religionis vindices scriptis suis Galliarum Ecclesias commendant, & earū authoritate doctrinam Catholicam, hæreticorum contumacia arietatam defendunt.

Irenæus Ecclesiarum quæ apud Gallos sunt meminit lib. 1. cap. 3. aduersus hæreses. Nam (inquit) *et si in mundo loquelæ dissimiles sunt: sed tamen virtus traditionis vera & eadem est: Et neque hæ quæ in Germania fundatæ sunt Ecclesiæ, aliter credunt, aut aliter tradunt, neque hæ quæ in Iberia, neque hæ quæ in Celtis, neque hæ quæ in Oriente.* Cæterum Tungros & Treueros inter ciuitates Galliæ, Belgicæ, numerant Plinius lib. 31. cap. 2. Cæsar lib. 2. de Bello Gallico, Ausonius in Epigrammate de Treuirorum vrbe. Ipse etiam Tertullianus, vt Messicæ imperio gentes paruissæ ostendat Galliarum meminit, quæ in Christi fidem iam pridem repudiata superstitione commearant. Etiam, inquit, *Getulorum varietates Maurorum multi fines, Hispaniarum omnes termini & Galliarum diuersæ nationes & Britannorum inaccessa Romanis loca Christo subdita.*

Plin. lib. 31.
cap. 2. Cæsar
lib. 2. belli
Gallici. Ausonius
in Epigr.

Tertullianus
aduersus Iudæos, c. 3.

Neque ab hoc studio Christianæ Religionis

prima Gallia seu Diœceses istæ cis Rhenum, descuerant Hieronymi temporibus, nam & illic dies complusculos ipse moratus est, vt constat ex Epistola ad Florentium, in qua refert, se Treueris de gentem librum de Synodis ab Hilario confectum descripsisse: Et rursus Epistola ad Suniam & Fretelam, *De Psalmorum interpretatione*, laudat Germanorum studium & contentionem in addiscenda Hebraica lingua. *Verè*, inquit, *in vobis Apostolicus sermo completus est, In omnem terram exiit sonus eorum. Quis hoc crederet, vt barbara Getarum lingua Hebraicam quæreret veritatem, & dormitantibus Grecis, ipsa Germania Spiritus sancti eloquia scrutaretur.* Aduerte autem per Germaniam, tam apud Hieronymum quàm Irenæum intelligi eam Galliæ partem, quæ cis Rhenum est, quæ diœcesim Treuerensem continet, apud quam etiam Athanasius pulsus Ariano furore, & è sua sede deiectus, constitisse memoratur.

Hieronym.
epist. ad Flo-
rentium.

Hieronym.
ad Suniam
& Fretelam.

Ferunt & in aliis Galliarum partibus Religionem Christianam nobilium studiis ac largitatibus decoratam, Druides à Potentiano ad fidem fuisse traductos, & quidquid in terris habebant apud Carnutas (quam maximè regionem incolebant, teste Casare) Ecclesiis illis constructis consecrasse. Item Priscum eius prouinciæ Comitem domino suo in fauorem Ecclesiæ cessisse. De quibus consulantur vita sancti Potentiani & Carnotenses tabulæ, &c.

Lege Par-
theniam,
Rouillardi.

Cùm itaque in Galliis, in Africa, cæterisque

96 *De bonis & possessionibus Ecclesiarum,*
 terrarum partibus Ecclesiæ aliquid pacis & quietis
 spirarent, neque omni ornatu ac subsidio diuitia-
 rum essent destitutæ; sola Romana Ecclesia diu-
 tissimè tempestatem passa est: nec nisi meliori sy-
 dere Constantini affulgente, ex iis, quibus con-
 tinuè iactabatur fluctibus, emerfit. Interclusa erat
 illi omnis opum ac diuitiarum possessio; in solis
 doloribus & suppliciis patrimonium versabatur.
 Nam si quando Christiani stipendia Clericis &
 dotem Ecclesiis è suo fundo ac patrimonio con-
 stituerent: tum Aulicorum rapacitas fero vngue
 in prædam irruerat, & tenues Sacerdotum redi-
 tus vnà cum eorundem sanguine exorbebat.
 Quapropter cùm opes & facultates Christiano-
 rum, arcessendæ tantummodo & inflammandæ
 Imperatorum crudelitati vtilis viderentur; hinc
 factum est, vt istis temporibus Romana Ecclesia
 omnes immobilium rerum possessiones respue-
 ret, & quæcumque donarentur venderet, ac col-
 lectum pretium in Clericos partiretur. Eorum tē-
 porū calamitatem respexisse mihi videtur Theo-
 dorus lector collectaneorum Historiæ Sacræ sub
 finem, vbi ait ab immobilium possessione Roma-
 nam Ecclesiam abstinere. Εθος λέγει τῇ Εκκλησίᾳ εἶναι
 τῆς Ρώμης ἀκίνητα μὴ κρατῆν διότι αἰετὶ εἰ καὶ περιέλθω-
 σιν εὐθὺς πωλεῖσθαι καὶ εἰς μοίρας τρεῖς διαίρεσθαι. Roma-
 na Ecclesiæ mos esse fertur, vt iura non sint immota, sed
 etiam si cuiquam contingant statim vendantur, & in tres
 partes diuidantur, ita vt Ecclesiæ una, Episcopo altera,
 tertia Clero diuidatur. Qui locus de primis tempo-
 ribus

Quare Ro-
mana Ec-
clesia im-
mobilia nō
habuit.

Theodorus
lector in
collectaneis
Hist. Eccles.

ribus, quibus feruebat persecutio, intelligendus est. Nam si posteriora tempora respicias, certè omnino falsum est Ecclesiam Romanam bona immobilia non habuisse.

Ex illa autem venditione rerum immobilium grandes conflagat pecunias Ecclesia Romana, quas non sibi tantum reseruabat, sed aliis quoque Ecclesiis impertiebatur, prout eas nouerat grauius premi. Ita apud Eusebium libro quarto, cap. vigesimo tertio, legimus Epistolam Dionysij, in qua commendat Ecclesiæ Romanæ charitatem, quæ cæteris largissimè succurrere solita erat, & pecunias in solatia pauperum toto orbe languentium erogare. Sed eam pecuniarum copiam non fuisse constantes, & perpetuos redditus, imò Ecclesiam Romanam quibusdam temporibus inopem ac calamitosam fuisse, probamus hoc argumento. In cæteris Ecclesiis eo tempore pauperes, Clerici, & qui in carceribus fidei causâ languerent, solebant communibus impensis subleuari: ad subitos euentus & solatia miserorum ærarium erat commune. At verò in Romana Ecclesia nullum publicum & commune ærarium fuisse, inde patet quod Marcelli Papæ temporibus, quidam Thrason nomine, de proprio censu ministrabat victum Martyribus omni ope destitutis. *In ipso tempore (sic habent gesta Marcelli) erat vir Christianus, nomine Thrason, vir potens, & facultatibus locuples, & vitâ fidelis, hic cum vidisset affligi Christianos fatigatione & labore,*

Ecclesia Romana in cæteris liberata.
Euseb. lib. 4. cap. 23

Cyprianus moriens iussit Diaconis ut spiculatori persolueret viginti aureos stipe pendij nomine ex ærario Ecclesiastico.

Gesta Marcelli Papæ apud Suriū 16. Ianu. P. 249.

98 De bonis & possessionibus Ecclesiarum,
 de sua facultate Sanctis Martyribus alimoniam &
 victum ministrabat, per viros Christianos Sisinnium
 & Cyriacum, Smaragdum & Largum. Hoc au-
 diens beatus Marcellus Urbis Romæ Episcopus, gau-
 dio repletus est: cūque ab illis ad se accersitis rem
 omnem didicisset, consecrauit Sisinnium, & Cyria-
 cum Diaconos Ecclesiæ Romanæ. Factum est autem,
 ut una nocte, dum deferrent humeris suis Sanctis
 Martyribus victum quem Thrason ministrabat, retenti
 sunt à militibus, &c.

Nec mirum quod tanta egestate premeretur
 Romana Ecclesia, nec haberet Marcellus, vnde
 Martyres aleret: nam eo tempore aliquid opis
 contulisse Christiano, & fundum aliquem aut
 prædium Ecclesiæ donasse piaculum erat: nam si
 eadem gesta peruoluamus, apparebit Lucinam
 nobilem Romanam, ea sola de causa, in exilium
 deportatam, quòd bona sua Ecclesiæ tradidisset.

Romana
 Ecclesiæ
 penuria
 temporibus
 Marcelli
 Papæ.

Beata Lucina eo tempore fecit donationem de faculta-
 te sua & ex omnibus quæ habuit, Ecclesiæ Catholicæ.
 Hoc audiens Maximianus Augustus indignatus,
 proscriptione eam damnauit. Imò verò nec Eccle-
 sias suas & Cœmeteria turò obtrinebant Christia-
 ni apud Romanos: nam si quando locum con-
 uentus sacri, Imperatores nansciscerentur; ut
 rem omnem Christianorum, ludibrio & contu-
 melia inquinarent, solebant Ecclesias in stabula
 & vilissimarum animantium hospitia commuta-
 re: ac ne quid atrocitatis deesset, cogebant sacra-
 tissimos Pontifices, ibi sordidis gregibus pascen-

dis curandisq; inferuire, vbi sacris apicibus fulgētes paulò antè Deo ministrassent. Itaq; Ecclesias inuentas complanari, & planis, hoc est, tabulis ligneis insterni curabant, in dedecus sacre Religionis. Hoc est, quod de eodem Marcello refert Anastasius Bibliothecarius, vbi eum iussu Imperatoris in catabulum detrusum asserit, pro quo malè Platina scripsit, Catabulum: est autem *κατάβουλον*, Suidæ emporium quodlibet & forum rerum venalium, apud Papiam verè catabulum sic exponitur. *Catabulum clausura animalium vbi desuper aliquid iscitur.* Verba autem Anastasij sunt: *Marcellus semper contemnens & deridens præcepta Maxentij damnatus est in catabulo, qui dum multis diebus seruiret in catabulo, &c.* Et hoc certè Anastasius expressisse videtur è gestis rebus Marcelli, vbi hæc ita habentur: *Rogauit Lucina Sanctum Marcellum Episcopum, vt domum eius Ecclesiam consecraret, quod cum omni deuotione fecit Marcellus Episcopus. At vbi frequenter in eadem ciuitate Missas celebrasset in Via Latina, & audiret hoc Maximianus Augustus, iratus præcepit, vt in eadem Ecclesia plantæ sternerentur, ad animalia stabulanda, & eundem Marcellum Episcopum ad seruitium animalium deputauit, cum custodia publica.* Sic amor Petri etiam in successoribus tentatus, diuque atroci suppliciorum serie probatus est, vt Ecclesia Romana non imperando tantum, sed patiendo Princeps existeret, nec inuidere ipsi quisquam posset eum splendorem, quem nonnisi flammis, cædibus,

Anastasius
Bibliotheca-
rius in vita
Anastasij.

Suidas in
voce, *κατάβουλον*.

Papias in
Glossis.

Acta Mar-
celli Papa
vbi supra.

100 De bonis & possessionibus Ecclesiarum.
equuleis , & longissima vexatione est con-
sequuta.

CAPVT XIV.

QVAS PRIMVM OPES COMPARA-
rent Christiani. Ecclesia primū impteaornatus. Ecclesia-
rum primis temporibus. Quo loco constructa. Ecclesia-
rum vsus etiam Apostolorum aetate, &c.

CVM primum Christiani Antistites atque
Episcopi ad urbem aliquam peruenissent, id
imprimis curabant, vt si quos ad fidem Christi
conuerterent, ex eorum numero Clericos elige-
rent, & Sacerdotes, qui rem sacram obire, & di-
uinis muneribus possent castè defungi.

Sauiente namque persecutione, & mortis pe-
riculo vnde quaque imminente, non vltra annos
aliquot duratura erat Religio, nisi Antistites pri-
mi, successuros sibi Sacerdotes prospexissent, qui
post ipsorum mortem rei sacrae praeficerentur. Ita
apud Gregorium Turonensem legimus Trophi-
mi, Astremonij, Pauli, Martialis aliorumque,
discipulum quendam, Bituricensem ciuitatem,
aggressum salutare omnium Christum Dominum nun-
tiasse. Ex his Bituricensibus (inquit) pauci admodum
credentes Clerici ordinati, ritum psallendi suscipiunt &
qualiter Ecclesiam construunt, vel omnino potenti Deo
solemnia celebrare debeant, imbuuntur.

Greg. Tu-
ron hist. lib.
1. cap. 29.

Clero itaque composito ac descripto prima subinde cura veterum Christianorum erat, vt Ecclesiam construerent, ac compararent: vbi aduertendum, plerumque nō fuisse opus Ecclesiam emi. Nam si qui nobiliores & opulentiores Christum amplecterentur, illi sacra ambitione feruentes, nil amplius optabant, quam vt domus sua in Ecclesiam cederet, eamque Christiani Pontifices legitimis ceremoniis inaugurarent. Argumentum est, quod de Blandina legimus in actis Marcelli, & multa eius generis reperiuntur in Sanctorum historiis. Sin vero nullus esset ē Christianis, cuius domus satis ampla & commoda esset, vt Ecclesiæ construendæ sufficeret, etiam à Paganis & infidelibus emebant, quā fieri poterat prudentiā. Ita domum Leocadij Senatoris antequam Christianus esset, emptam, Ecclesiæ componendæ gratiā, legimus apud eundem Gregorium libro primo, capite vigesimo nono. *Senatores (inquit) Bituricenses, vel reliqui meliores phanaticis erant tunc cultibus obligati: qui vere crediderant, ex pauperibus erant, hi vero non obienta à quo petierant domo, Leocadium quendam & primum Galliarum Senatorem, qui de stirpe Vecti Epagati fuit, &c. reppererunt. Cui cum petitionem suam & fidem pariter intimassent, ille respondit, si domus mea, quam apud Bituricam urbem habeo, huic operi digna esset, præstare non abnegarem: illi autem audientes, pedibus eius prostrati, oblati trecentis aureis, cum disco argenteo, dicunt eam, huic ministerio esse congruam, qui acceptis tribus aureis pro benedictione, clemen-*

Ecclesiæ
locū primò
comparabā
Christiani.

Acta Mar-
celli Papæ
apud Suriū
16. Ianu.

Greg. lib. i,
cap. 29.

102 De bonis & possessionibus Ecclesiarum,
ter indulgens reliqua, cum esset adhuc in errore idololatrię
implicitus, Christianus factus, domum suam fecit Eccle-
siam. Hęc est nunc Ecclesia apud Bituricam urbem pri-
ma, miro opere composita, & primi Martyris Stephani
reliquiis illustrata.

Interdum vero, vbi Ecclesię alibi ædificandę
facultas non esset, eam in loco publico erigebant.
Sic Beatum Clementem audimus, cum ciuitatem
Metensem appulisset, nec aliud potuisset hospi-
tium nancisci, sub arenis theatralibus habitasse,
ibique paruulam Ecclesiam construxisse. Ita Ha-
rigerus Abbas Historię Leodiensis cap. 6. Sic
etiam legimus apud Lampridium in vita Alexan-
dri, Christianos in loco publico Ecclesiam consti-
tuisse, ac motam aduersus eos litem à popinariis,
qui sua illic gurgustia, euersis Christianorum ædi-
bus, collocare nitebantur. *Quam Christiani (inquit
Lamprid.) quen. lam locum qui publicus fuerat occu-
passent, contra popinarij dicerent, sibi eum deberi rescri-
psit melius esse, vt quomodocunque Deus illic colatur
quam popinariis dedatur.*

Et si vero communis ea foret consuetudo, vt
Episcopi in vrbes recepti Ecclesias fundarent
ac dedicarent: tamen si quando ab vrbibus ar-
cerentur etiam in campis, & sub dio verbum
Dei prædicabant & sacris mysteriis operabantur.
Ita Petrus Venerabilis libro primo, Epistola se-
cunda aduersus Petrobusianos refert Trophi-
nium Arelatensium Episcopum numquam ora-
torium habuisse, *Nunquid apud Arelatem, quam nec*

Harigerus
Abbas hist.
Leodiensis
cap. 6.

Lampridius
in vita
Alexandri.

Petrus Ve-
nerab. lib. I.
Epist. 2.

dum per Dei gratiam vester sordidus error infecit, Pauli Apostoli discipulus Trophinius de cuius fonte, ut Papa Sosimus scribit, omnes Gallia, fidei riuulos acceperunt, semper in campo aut in foro prædicaui, baptizauit, orauit, & nunquam domum orationis, vel ipse habuit, vel alios haber instituit.

Non est autem, quod quis existimet incuriosos omnino fuisse primores Christianos in construendis ædibus sacris, eorumque Ecclesias tumultuariâ operâ conditas, omni ornatu caruisse. Huic opinioni expugnandæ sufficere posset, quod apud Gregorium Turonensem, de prima Christianorum Ecclesia legimus, cuius structuram ita depingit. *Sanctus vero Namarius post obitum Rustici Episcopi, apud Aruernos, in diebus illis octauus erat*

Greg. Turonens. lib. 2. cap. 16.

Episcopus. Hic Ecclesiam quæ nunc constat, & veterima intra muros ciuitatis habetur, suo studio fabricauit, habentem in longum pedes centum quinquaginta, in latum pedes sexaginta, in altum infra Capsum usque cameram pedes quinquaginta, in ante absidam rotundam, habens ab utroq; latere astellas eleganti opere constructas, totumque ædificium in modum crucis habet expositum. Habet fenestras quadraginta duas, columnas septuaginta, octo ostia, Ex quibus apparet, sub initia fidei Ecclesias Christianorum satis elegantes fuisse, cultumque animi & feruorem pietatis è profundo pectoris, etiam in ædificia templorumque ornatum redundasse.

Forsan autem arbitrabitur aliquis, studium istud Ecclesiarum ornandarum apud Gallias tan-

104 *De bonis & possessionibus Ecclesiarum,*
tum viguisse, vbi omnia quietiora & magis paca-
ra: At in Italia quoque, & intra Imperij Romani
viscera, Christum luculentas & splendoras ædes
habuisse satis commonstrant ea, quæ de feritate
Diocletiani scribit Theodoretus libro quinto Hi-
storiæ Ecclesiasticæ, cap. 38. sub finem, *Quotquot,*
inquit, Imperatores ante Imperium Constantini ma-

Theodoret.
lib. 5. Hist.
Ecc'c. 38.

gni regnarunt, contra veritatis professores insanâ ra-
bie furere non desierunt. Atque Diocletianus, ipso saluta-
ri Passionis die, cunctas Ecclesias, quæ in toto erant Im-
perio Romano demolitus est. Verum, vix novem iam an-
ni intercesserant, cum & illa ipsa denuo florere & multo
maiore amplitudine atque splendore quàm antea enitêre
ceperunt. Quæ verba satis ostendunt etiam persecu-
tionis tempore ornatum ab Ecclesia non abfuisse.
Quamobrem non possum satis demirari quo-
rumdam cæcitatem, qui Ecclesias & templa pri-
mis illis temporibus apud Christianos non agnos-
cunt, eosque temerè ac passim vbique sacra fecis-
se arbitrantur, vt ab infidelium nefaria supersti-
tione longiùs recederent, quorum templis infami
deorum farragine squallentibus, non tam co-
lebatur diuina Maiestas, quàm vilescibat.

Vicecomes
de ritibus
Missæ.

Eruditissimus scriptor Vicecomes, de antiquis
Missæ ritibus lib. 2. cap. 21. scribit ante Constanti-
ni tempora, Christianos Ecclesias non habuisse,
nec in iis sacra fecisse. Ac vt eius doctrinæ nil offi-
ciam, per quam orbis in dies proficit: videtur cō-
traria sententia non obscuris niti rationibus: nam
& Ecclesias habuisse Christianos sub exordia nas-
centis

centis Ecclesiæ probant sacri codices Actorum vigesimo, conueniunt Apostoli vna Sabbathi ad frangendum panem in commune cœnaculum.

Vna autem Sabbathi cùm venissemus ad frangendum panem, Paulus disputabat cum eis, protraxitque sermonem usque in mediam noctem, erant autem lampades multe

Act. 20.

iu cœnaculo, vbi eramus congregati, quid autem aliud frangere panem, quàm synaxim celebrare ex mēte Augustini epistola 96. Apud Paulum, Conuenientibus vobis in vnum, iam non est Dominicam cœnam

Aug. ep. 96

manducare, Et postea, an non domos habetis ad manducandum, aut Ecclesiam Dei contemnitis, vbi nomine Ecclesiæ templum significat, in quo peracto Missæ sacrificio Eucharistiam sumebant. Ignatius epistola sexta, iubet omnes ad orandum in eundem

1. Cor. 15.

locum commigrare. πάντες ὅτι τὸ αὐτὸ ἐν τῇ αἰεσί

ibidem v. 12

χῆ ἅμα συνέχεατε, μία δέσποτις ἔστω κτίσις, &c. Epistola vndecima ad Polycarpum, iubet vt sæpiùs celebrētur conuentus: πυνότεσσι συναγωγὰς μετέστωσαν, ὥς ὁ νόμος πάντας ζητεῖ. Accedunt his quæ diximus de Edicto Diocletiani, de responso Alexandri, quæ si non faciant satis, audiatur Cyprianus de Ecclesia, altari, oblationibus, & toto Missæ negotio disertè loquutus epistola 27. aduersus Victorem, qui contra Canonem Ecclesiæ, Geminium Faustinum Presbyterum testamento tutorem scripserat, Neq̃;

Ignatius ad Magnesep. 6. §. 11.

enim, inquit, apud altare Dei meretur nominari in Sacerdotum prece, qui ab altari Sacerdotes suos & ministros Leuitas voluit auocare, & ideo Victor cùm contra formam nuper in concilio à Sacerdotibus datam, Geminium

Ignatius ep. ad Polycarpum, p. 32.

Presbyterum testamento tutorem scripserat, Neq̃; enim, inquit, apud altare Dei meretur nominari in Sacerdotum prece, qui ab altari Sacerdotes suos & ministros Leuitas voluit auocare, & ideo Victor cùm contra formam nuper in concilio à Sacerdotibus datam, Geminium

Cyprian. Epist. 27

Presbyterum testamento tutorem scripserat, Neq̃; enim, inquit, apud altare Dei meretur nominari in Sacerdotum prece, qui ab altari Sacerdotes suos & ministros Leuitas voluit auocare, & ideo Victor cùm contra formam nuper in concilio à Sacerdotibus datam, Geminium

Presbyterum testamento tutorem scripserat, Neq̃; enim, inquit, apud altare Dei meretur nominari in Sacerdotum prece, qui ab altari Sacerdotes suos & ministros Leuitas voluit auocare, & ideo Victor cùm contra formam nuper in concilio à Sacerdotibus datam, Geminium

Faustum ausus sit tutorem constituere, non est quod pro dormitione eius apud vos fiat oblatio, aut deprecatio aliqua nomine eius in Ecclesia frequentetur. Apud eundem Cyprianum, liquet ita constitutas fuisse Ecclesias Christianorum, vt in iis sedes & pulpita altiora eminerent: vnde lectores, sacros codices aut memorias Martyrum populo legentes audirentur. Ita de Aurelio & Celerino epistola 62. Hos tamen Lectores interim constitutos sciatis, quia oportebat lucernam super candelabrum poni, & gloriosos vultus in loco altiore constitui, ubi ab omni circumstante fraternitate conspexi, incitamentum gloriæ videntibus præbeant, & eadem epistola ante verba allata, Quid aliud, inquit, quam super pulpitum, id est, super tribunal Ecclesiæ oportebat imponi, vt loci altioris celsitate subnixus, & plebi vniuersa pro honoris sui claritate conspicuus, legat præcepta & Euangelium Domini. Concilium Illyricanum circa Constantini tempora Ecclesiarum meminit: Placuit picturas & imagines in Ecclesia non esse, ne quod colitur, aut adoratur, in parietibus depingatur. Vbi vetat pingi in parietibus imagines, ne fauiente barbarie & in Christianorum templa scelerato impetu irrumpente, sacræ effigies polluantur, atq; infideles contaminent quod Christiani colunt. Itaque si quando Christiani authores videantur ab Ecclesia Catholica omnem templorum vsum remouere, nil aliud sentiunt, quàm Christianos longissimè ab infidelium stultissima crudelitate recedere, qui Deum nullis finibus aut terminis comprehensum, mundo non parem tantum, sed maiorem

Cyprianus
epist. 62.

Concilium
Illyricanum.

exiguīs templorum spatiis existimabant posse contineri, quique virtutis & bonæ mentis parum curiosi, credebant templorum luce atque ornatu longè fœliciùs, quàm compositis moribus vitæq; ad sanctitatem efformatâ deos conciliari. Ita Arnobius libro octauo aduersus Gentes: *Putatis nos occultare quod colimus, si delubra & aras non habemus: quod enim simulachrum Deo fingam? cùm, si rectè existimes, sit Dei homo ipse simulachrum, templum quod ei extruam? cùm totus hic mundus eius opere fabricatus eum capere non possit.*

Arnobius
l. 8. aduersus
Gentes.

Patet itaque primas Christianorum opes in comparandis Ecclesiis fuisse collocatas, & fideles sacri patrimonij primitias ad ædium sacrarum ornatum & structuram inter persecutionum ætus dedicasse.

CAPVT XVI.

DE VASIS SACRIS. Vasa aurea & argentea primis temporibus. Episcopi, thesauri sacri custodes. Seruant vestes erogandas pauperibus. Calices vitrei & lignei. Impositura Marci hæretici, qui transmutationem vini in sanguinem Christi fingebat.

Compositis Ecclesiis altera ad sacræ supellectilis comparisonem cura pertinebat, falsò

enim imaginantur nonnulli aurum argentumque, non nisi postremis temporibus in templa inuectum, cum pullæ pietati & eiectæ, fastus & ambitio successissent. Numquam enim sordibus & squallore Religio gloriata est. Imò verò sanctissimi omnium veteres Christiani in eo curam omnem collocabant, ut splenderent templa & speciem quamdam referrent cœlestis Hierusalem, cui lapides pretiosi pro fundamento substernuntur. Ita legimus Pontianum Pontificem, omnia ministeria Ecclesiæ fecisse aurea, argenteaque, & præ cæteris viginti quinque Patenas argenteas, tanto fortasse numero Patenarum, egente Ecclesia, quia tunc temporis mos erat, ut oblationes fidelium Patenis impositæ ad altare deferrentur per manus ministrorum.

Vnde cum scirent pagani pretiosa suppellectile uti Christianos, in re sacra obeunda: non modò in corpora sæuebant, sed priusquam Episcopos aut Diaconos trucidarent, cogeant eos vasa sacra & ornamenta Ecclesiarum prodere, ut inde turpem auaritiam saginarent. Ita in Concilio Cirtensi, cuius exemplar partim extat apud D. Augustinum contra Cresconium, libro 3. cap. 29. partim è Bibliotheca Pithœana editum est à Baronio, damnantur Episcopi vasorum sacrorum & librorum proditores. Ut autem cõstet quantæ fuerint opes in vasis sacris & ornamentis, legendus est indiculus rerum, quas Paulus Cirtensis Episcopus tradidit Fœlici Flamini Curatori: *Calices duo aurei, item*

Aug. contra Cresconium lib. 3. cap. 29.

Baronius ad annum 303. num. 1 & seq.

Calices sex argentei, cucumellum argenteum, lucerna argentea septem, cereofala duo, candela duæ breues aeneæ, cum lucernis suis septem. Item lucerna aeneæ undecim, cum carenis suis; Quibus enumeratis recensentur & plura vestium prophanarum genera, quas Episcopus vna cū reliquo Ecclesiæ thesauro seruabat, vt pro arbitrato, eas pauperibus Christianis erogaret, qui inopia & nuditate premebātur. Tunica nempe muliebres 82. mafortea 38. tunicæ viriles 16. caligæ viriles paria 13. caligæ muliebres paria 47. coplæ rusticanae 19. Legimus etiā apud Optatū Mileuitanū Mensurium Episcopū Carthaginensem cum ex vrbe fugere cogeretur diu anxium & dubium hæsisse cuinam Theaurum sacrum committeret. Actādem Sacerdotibus dedisse relicto eius inuētario aniculæ cuidam, eā lege, vt desinēte persecutione, illud aut sibi restitueret, aut ei, quē populus Episcopū nominaret. Erāt enim, inquit Optatus, Ecclesia, ex auro & argento quamplurima ornamenta, quæ nec defodere terræ, nec secum poterat asportare. Tacerem quæ de Laurentio sacris Ecclesiæ Theauris præfecto memorātur; propterea, quod satis nota sint, nisi Prudentij lepôres vetarent, qui compro admodum carmine diuitias sacra suppellectilis expressit.

Optatus
lib. 1. aduers.
Par. p. 41.

*Hunc esse vestris orgiis
Morēque & artem proditum est
Hanc disciplinam fœderis:
Libent vt auro Ansistites.*

110 De bonis & possessionibus Ecclesiarum,
Argenteis scyphis ferunt
Fumare sacrum sanguinem
Aurorque nocturnis sacris
Adflare fixos cereos.

Tum cura summa est fratribus,
(Vt sermo testatur loquar)
Offerre fundis venditis
Sestertiorum millia.

Licet verò in iis temporibus suppellectilis aureæ & argenteæ in Ecclesia usus esset, attamen vilibus aliquando capsulis condita mysteria, non est quod refragemur; sanguis Christi calice nonnumquam hauriebatur vitreo, & eiusdem corpus ligneâ includebatur arculâ. Citatur in hanc rem Tertul. de locus Tertuliani de pudicit. *At ego, inquit, Pastoris eius picturam haurio, quæ non potest frangi; quo loci videtur significare Calicem vitreum, è quo Domini sanguinem suggebat, in quo Pastoris, humero ouem gestantis, imago erat expressa: solebant enim istâ effigie veterum calices consignari.*

Optatus
Mileuit. lib.
6. contra
Parmenia-
num.

Optatus Mileuitanus lib. 6. contra Parmenianum grauitè inuehitur in Christianæ Religionis hostes, quod calices in quo preciosus Christi sanguis iaceret, contumeliosè diffregissent: *Hoc tamen immane facinus geminatum est, dum fregistis etiam calices, sanguinis Christi portatores. Denique huic antiquitati lucem adfert præclara Exuperij Pane-*

gyris à Beato Hieronymo conscripta, qui grassante & fine, & publicâ calamitate Tholosatum regionem vastante, ex sumptibus Ecclesiæ pauperes pascebat, nil sibi retinens præter corpus, & sanguinem Christi, ingentes sane diuitias, quæ nec tempori cedunt, nec raptori. Sanctus Exuperius Tholosa Episcopus Vidua Sareptensis imitator, esuriens, pascit alios, & ore pallente ieiuniis, fame torquetur alienâ, omnemque substantiam Christi visceribus erogavit, nil illo ditius qui corpus Domini canistro vimineo, sanguinem portat in vitro. Legatur Concilium Triburiense cap. 18. Radulphus Tungrensis lib. de Canonum obseruantia proposit. 23. Athanasius Apolog. 2. Epiphanius in Panario, Hæresi 34. refert, Marcum quendam Hæreticum & à fide extorrem, cum Christianorum ritus imitari vellet & speciem quandam tremendi illius referre mysterij, quo vinum in sanguinem Christi conuertitur, vsum fuisse calice vitreo, in quo affusum vinum albi coloris, post verba quædam à Marco prolata, in modum sanguinis rubescebat: impostore isto & sycophantâ, fraudem oculis subtiliter faciente. Ita enim refert ex Irenæo lib. 1. cap. 9.

Concil.
Trib. c. 18.
Radulph
Tungrensis
proposit. 23.
Athanas.
apol. 2.

ποθήναι ὅνῃ κεκαμμένα πρὸς αὐτὸν ὁμοίως ὡς αὐτὸν, καὶ ὅτι πλεον ὁ κατεῖον τὸ λόγον τὸ ὅτι κλησὶν πορφυρεὰ καὶ ἐρυθρὰ ἀναφαίνεσθαι ποικί. Pocula vino temperata gratiarum actionem simulans & solemnem precationis formulam, extendens purpurea rubrâque appareant efficit, cælestemque gratiam, ad eius inuocationem, suum in illa vasa sanguinem instillare putes, &c. At speciem sanguinis

Epiphani
in Panario
hæresi 34

112 De bonis & possessionibus Ecclesiarum
exhibere oculis fumentium non poterat, nisi cali-
ce vitreo vsus fuisset, vt satis constat. E quo, vt
obiter dicam, apparet Orthodoxos, transmuta-
tionem vini in sanguinem Christi perpetuò cre-
didisse.

CAPVT XVII.

DE SEPVLCHRIS ET COEMETERIIS

*Et domo Sacerdotum tempore persecutionis. Christiani
etiam Imperatores extra Ecclesiam sepulti. Sepultura
Christianis prohibita. Quo consilio, numerus Cœme-
teriorum ingens. Canones Eleberitani de Cœmeteriis
explicantur. Domus Ecclesia ad Sacerdotum habita-
tionem. Domus & mansio quomodo differunt*

VEteres Christiani Ecclesias in quibus myste-
ria celebrantur, quas Christi præsentia ve-
nerabiles facit, tantâ religione colebant, vt in iis
nefas esset quemquam sepeliri: nondum enim eò
progressa fuerat hominum ambitio, vt ibi sua
condi cadauera vellent, vbi pretiosum Christi cor-
pus ab Angelis colitur, nondum contaminata
fæce libidinum viscera iubebant illic reponi, vbi
Majestas iudicis sedet, & caro Virginis sanguine
concreta, ad hominum salutem immolatur. Nec
Imperatoribus quidem, initio Ecclesiæ nascentis
ea priuilegia concessa sunt. Nam ante fores &
porticus

Imperato-
res extra
Ecclesiam
sepulti.

porticus Ecclesiæ D. Petri, corpus Magni Constantini collocatum docet D. Chrysostomus, asseritque, eius filium existimasse, se paternæ gloriæ plurimum consuluisse, si eum, Ianitoris in morem Diui Petri foribus præficeret. *Constantinopoli, inquit, Constantinum Magnum ipsius filius honore magno censuit haberi, si pro foribus Piscatoris paternum corpus collocaret, & quod in regibus sunt Ianitores regibus, hoc sunt in monumento Piscatoribus Reges.*

Chrysost.
hom. 66. ad
populum
Antioche-
num.

Theodosium iuniorem vnâ cum auo suo Patre Arcadio, & Matre Eudoxiâ in porticu D. Petri sepultum meminit Nicephorus Historiæ Ecclesiasticæ lib. 15. cap. 58.

Niceph.
hist. Eccles.
lib. 15. c. 58.

Theodosius autem postea mox in paterno monumento Romani lapidis repositus est, in dextrâ sublimi Sanctorum Apostolorum templi porticu, eodémque lapide Pater quoque Arcadius & Mater Eudoxia, nec non Auius Theodosius siti sunt: In sinistra verò, quæ ex aduerso est porticus eius sacri templi, Iovinianus iacet.

Omnino verò non licere in templo sepelire corpora docet Concilium Triburiense cap. 17. Moguntiacum cap. 51. Pelagius 2. vt ex manuscripto docet Garcia. Concil. Braccarense primum Canone 18. *Placuit vt corpora defunctorum nullo modo in Basilica sanctorum sepeliantur, sed si necesse est, de foris circa murum Basilicæ vsque, adeo non abhorret.*

Concil.
Tribur. c. 17.
Mogunt. c.
51. Braccar.
l. c. 18.

Ab hac tamen lege postea excepti Pontifices, Abbates & Sacerdotes, personæ Religiosæ & spectatæ virtutis, vt videre est in Triburiensi & Moguntiaco citatis: Immo verò & Imperatoribus concessum postea, vt in Ecclesia sepeliri pos-

Licuit Sa-
cerdotes in
Ecclesia se-
peliri.

Kuag hist.
Ecclesiast.
lib. 4 c. 30.

...+ De bonis & possessionibus Ecclesiarum,
sent, animaduerte ex Euagrio Historiæ Ecclesia-
sticæ lib. 4. cap. 30. ubi ait, commune templum
fuisse, in quo Imperatorum simul & Sacerdotum
corpora conderentur. Ab eodem, inquit, Iustinia-
no edificatum est templum Sanctorum Apostolorum, quod
omnium facile primas fert, in quo Imperatores & Sacer-
dotes sepeliri solent.

Quare cu-
ram cœme-
teriorum
tantopere
gerabant.

Cum ergo Christianorum corpora in Ecclesiis
recondi & eligio prohiberet: aliud vero iura civi-
lii iuberent cadauera efferrī, & extra urbem con-
denda deportari, ut idem Canon Braccarensis pri-
mæ Synodi, rectissimè annotat: hinc post Eccle-
sias constructas atque ornatas, necessitas incum-
bebat Christianis nouum aliquod prædiū agrum-
ue cœmendi, in quo fidelium cadauera depo-
nerentur. Quippe exhorrescebant plurimum
cōmunes habere cum Paganis tumulos, & eorum
societatem etiam mortui execrabantur, à quorum
superstitione viui sese subtraxerant. Cœmete-
riorum verò curam augebat maximè apud veteres
Christianos, spes secundæ illius vitæ, quam cor-
pora ad vocem Christi resument; ubi mors in
victoria absorbebitur. Quapropter Gentiles, ut
gloriosæ isti Christianorum expectationi insulta-
rent, & omnem resurrectionis spem ex animo
eorundem reuellerent, concessam etiam scelera-
tis sepulturæ humanitatem iis intercludebant:
Ita corporum tormentis miserè dissipatorum Re-
liquias, aut igni absumebant, aut certè immitte-
bant in flumina. Sic cū grandis tempestas

Viennæ & Lugduni aduersus Christianos esset concitata, plurimique fideles cæsi ac trucidati sparsim per vicos iacerent, fœda sæuitiæ monimēta: vetuerunt quemquam ex iis sepeliri. Martyrum corpora, sex dies continuos sub dio iacentia & maxima ignominia affecta, post autem ab impiis illis & facinorosis carnificibus exusta, inque cineres redacta, in Rhodanum fluvium, qui illic in proximo defluit, spargebantur, quò nulla quidem ipsorum reliquæ amplius super terram restarent. Ista eo consilio patrabant, quò demum se posse viuere & illis regenerationem corporum prorsus eripere arbitrati sunt, quò ne illa quidem, sicut enim dicebant, spes resurrectionis illis reliqua fieret, qua freti (inquiunt) non solum peregrinam quandam & nouam nobis induxerant religionem, verum etiam neglexerunt penitus tormenta, &c. Eusebius lib. 5. cap. 1. sub finem. Imo verò non tantum in corpora recens enecta sæuitum est, iisque tumuli clausi, quibus vita nuper erepta fuerat: verum etiam inualecentibus Paganorum furiis violata est humanitas & effractis sepulchris dissipati Christianorum cineres: vt in persecutione orta Nicomediæ, factum refert Eusebius lib. octauo cap. 6. Cùm ergo sepulchrorum religione & sanctitate spem futuræ resurrectionis ali & foueri maximè arbitrarentur, hinc in cœmeteriis erigendis studiosi apprimè fuerunt; adeo vt ingens fuerit eorum locorum numerus, & longè maior quàm Ecclesiarum.

Baronius ad annum 226. sub Calixto Papa catalogum rexit Cœmeteriorum Romanæ vrbis, &

Euseb. hist.
Ecclesiast.
lib. 5. c. 1.

Euseb. lib.
3. c. 6. hist.
Ecclesiast.

Baronius
ad ann. 226.

Cœmete-
riorum va-
riæ appella-
tiones.

enumerat quadraginta tria : Cœmeterium Cal-
listi, Callepodij, Ostianum viâ Salariâ : Cœme-
terium ad Nymphas, viâ Numentanâ : Soteris,
haud longè à Cœmeterio Callisti: Zephyrini Cœ-
meterium : Cyriacæ Matronæ, in agro Verano:
Lucinæ, viâ Aureliâ : Priscillæ, viâ Salariâ : Thimo-
thei, viâ Ostiensi: Vbi nunc Basilica sancti Pauli:
Nouellæ Cœmeterium, viâ Salariâ : Balbinæ seu
Marci Papæ, inter viam Appiam & Ardeatinam:
Iulij, viâ Flaminiâ : aliud eiusdem nominis, viâ
Aureliâ : & tertium eius quoque cognominis, viâ
Portuensi: Cœmeterium Damasi : Anastasij Pa-
pæ; Hermetis: Nicomedis, viâ Ardeatinâ : Agne-
tis, viâ Nomentanâ : Sanctæ Fœlicitatis, viâ Sala-
riâ : Cœmeterium Iordanorum : Nerei: Felicis, &
Adaucti: Tiburtij & Valeriani: Sanctorum, Petri
& Marcellini, viâ Lauicanâ : Marci & Marcelliani:
Quarti & Quinti : Sanctæ Agathæ, viâ Aurelia:
Cœmeterium Vrsi : Cardianum Cœmeterium,
inter duas lauros ad cliuum cucumeris, viâ Salaria:
Thrasonis ad sanctum Saturninum : Cyriaci, viâ
Ostiensi: Petronilli: Ianuarij: Simplicij: & Serui-
liani. E tanto Cœmeteriorum numero, conii-
cias quæ fuerit Martyrum turba, quibus sepelien-
dis tot loca vix sufficerent, cum in amplissimis
ciuitatibus sex, aut quatuor Cœmeteria morien-
tibus tumulandis sufficiant.

Conuen-
tus in Cœ-
meterijs.

Ea vero fuit erga Cœmeteria veterum pietas, vt
statos illic conuentus haberent, & noctes aliquan-
do integras decantandis Martyrum laudibus,

Deoque in eorum memoriam adorando transi-
gerent. Quare cū Imperatores nossent conuen-
tus Christianorum maximè in cœmeteriis agitari,
solemni Edicto prohibuerunt sapiùs ne cœmete-
ria à Christianis adirentur. Eusebius lib. 7. Hist.
cap. 10. scribit, inter cetera ab Æmiliano Præfeto
Alexandriæ interdictum fuisse Dionysio Episco-
po, Fausto, Marcello Chærcæmoni, ne cœmeteria
ingrederentur: Sic enim habet sententia in eos
prolata: *In hac ciuitate non erit liberum vobis versari:
sed eritis relegati in parte Lybie in locum videlicet qui Ce-
phro nuncupatur. Neque vsquam omnino vel vobis, vel
aliis quibusq; potestas erit aut celebrandi conuentus, aut in
ea quæ appellatur cœmeteria ingrediendi.* Ita etià Tertul-
lianus ereptam Christianis sepulchrorum liberta-
tem queritur, sed eius sæuitiæ ultorem Deum ad-
fuisse, immissâ nempe sterilitate. Doleamus, inquit,
necesse est, quod nulla ciuitas impunè latura sit sanguinis
nostri effusionem, sicut sub Hilariano Præside, cū de
Areis sepulchrorum nostrarum acclamassent, Areæ non
sint; Areæ ipsorum non fuerunt, Messes enim suas non
egerunt. Vbi alludit Tertullianus ad nomen Areæ,
quod & locum vbiteruntur frumenta, fruges ver-
berantur, & sepulchra etiam Christianorū signifi-
cat, cœmeteria enim dicuntur Areæ, tumbæ, ca-
ratumbæ, Cryptæ, Arenariæ, &c.

Euseb. l. 7.
Hist. Eccl. 7.
cap. 10.

Prohibetur
adire cœ-
meteria.

Tertull. ad
scap. c. 3.

Mitiores & humaniores Imperatores permi-
serunt Christianis sepeliendi facultatem ex lege
Diocletiani, quæ non prohibet reos sepeliri. Ita
apud Eusebium lib. 7. cap. 12. legimus sub Galieno,

Leg. obnox.
Cod. de Rel.
sumpt. fun.

restituto tantisper persecutionis feruore restituta
Episcopis Christianorum & permiffa Cœmete-
ria. Aliud porro illius dicitur tum esse dicitur, quod ad
alios Episcopos dedit, per quod quedam loca, illa que cœ-
meteria nominabantur, integram aduadi occupandique
fecit potestatem.

Et si verò in eos, qui cœmeteria colerent, sæpiùs
Imperatorum indignatio eruperit, numquam ta-
men auitæ pietatis studium elanguit. Imò verò
erga Martyres semper Christianorum increuit
reuerentia, donec in superstitionem etiam effun-
deretur. Hinc factum est, vt cum conciliandis sibi
Martyrum fauoribus, nonnulli faces & lucernas
in cœmeteriis accenderent, putarentque isto pe-
regrino cultu Sanctorum spiritus euocari in suam
opem. Propterea Concilium Iliberitanum sanxit,
ne faces in cœmeteriis die accenderent, neue illic

Concil Ili-
beritanum,
can 34.

conuentus nocturni à mulieribus haberentur: *Cer-
cos per diem placuit in cœmeterio non incendi, inquietan-
di enim spiritus Sanctorum non sunt. Vult enim Ca-
non, prophano hoc ritu, quo etiam hodie vruntur
Persæ, Sanctorum spiritus offendi potiùs quàm
honorari: & canone trigesimo quinto, Placuit
prohiberi, ne femina in cœmeterio peruigilent, ne sub ob-
tentu orationis, scelera latenter committant.*

Idē can 35.

Cæterum, cœmeteriorum figuram & structu-
ram depingit accuratè Hieronymus in caput qua-
dragesimum Ezechielis: *Dum essem Romæ puer, &
à liberalibus studiis erudirer, solebam cum cæteris eiusdem
ætatis & propositi, diebus Dominicis sepulchra Aposto-*

Hier in cap.
40 Ezech.

lorum & Martyrum circumire, crebroque Cryptas ingredi, quæ in terrarum profunda defossa, ex utraque parte ingredientium, per parietes habent corpora sepulchrorum, & ita obscura sunt omnia, ut propemodum illud propheticum compleatur, descendant in infernum uiuentes, &c.

Cœmeteriorum forma & structura.

Post Cœmeteria coempta, si quid Ecclesiæ facultates aliquid amplius sinerent, nec inuidia paganorum officeret, quo minus Christiani Sacerdotum ac Clericorum quieti consulerent, tum publico sumptu domos illis comparabant, in quibus commodè degerent, ad officij suas partes piè & religiosè obeundas: & hæ domus dicebantur Ecclesiasticæ siue domus Ecclesiarum. Cuius rei insigne vestigium extat apud Eusebium lib. 7. historiæ Ecclesiasticæ cap. 24. Nam cum Paulus Samosatenus ob nefariæ hæreseos crimen, Episcopatu amotus, nollet Ecclesiæ domo abire, eamq; Domino (ita enim vocabatur qui ei successus fuerat) relinquere, interpellatâ à Catholicis, in eâ rem, Aureliani Imperatoris Maiestate, iussu est ab Imperatore, ut is domum possideret, cui Romanus Episcopus decerneret: ἀλλὰ ὁ μὴ δαμάσῃς ἐκστῆναι τῷ Παύλῳ, τῷ τῆς ἐκκλησίας οἴκῳ, καὶ τοῖς βασιλεὺς ἀντιέχουσιν Αὐρηλιανὸς ἀίσια ἅτα πάντα τῷ πρεσβυτέρῳ δηλώσας πύτοις ἡμεῖς πρεσβυτέρων τῷ οἴκῳ, οἷς ἀν, οἱ καὶ τῇ Ἰαλίδῳ καὶ τῇ Ρωμῆων πόλιν ἐπίσκοποι τῷ δόγματι ὑπὸ πείλοισιν. Verum cum Paulus ex Episcopi domo eius Ecclesiæ propria exire nollet, Imperator Aurelianus de ea re rogatus sententiam, sanctissimè quid esset agendum decreuit: præcepit enim ut domus Ec-

Euseb. lib. 7. hist. Ecclesiast. c. 24.

De domo Ecclesiæ orta controversia.

*clesiæ ijs tribueretur, quibus Christiani Italia & urbis
Romæ Episcopi tribuendam perscriberent. Sicdemum
Paulus de quo docuimus cum summo dedecore,
sæcularis Imperij ac potestatis autoritate ab Ec-
clesia penitus extruditur. Apud Gregorium Tu-
ronensem extat mentio domus Ecclesiasticæ. Vbi
de Urbico sermo est, Aruernorum Episcopo. Cum
enim relicta vxore, vt canones ferebant, conti-
nentiæ daret operam & in Ecclesiastica domo seor-
sim habitaret, tandem misera coniux facibus libi-
dinis incensa, eam domum noctu adit, & mille vfa
lenocinijs tandem euicit, vt maritus spurcissimæ
cupiditati obsequeretur, *Mulier, inquit, succensa
libidine, operta peccati tenebris, pergit ad domum Eccle-
siæ per tenebras noctis, cumque obserata omnia reperisset,
pulsare fores Ecclesiasticæ domus cepit, ac voces eiusmo-
di dare, Quousque Sacerdos dormis? quousque clausa
ostia non reseras? &c. Cæterum, animaduertendum
domum Ecclesiæ à manso, siue à mansionem Sacer-
dotali differre. Nam domus Ecclesiæ arcta & exi-
gua, Ecclesiæ parietibus adhærescebat. At verò
crediderim mansionem habuisse ædes laxiores, &
fuisse arcam, impluuium, hortis & alijs eiusmodi in-
structam, nec ita Ecclesiæ contiguum hæsisse
mansum, quin aliquo spatio ab eius parietibus
abesset. Coniecturæ argumentum præbet, quod re-
fert postea Gregorius Turonensis lib. 2. cap. 21. de
Eparchio eorundem Aruernorum Episcopo, qui
successit Namario. Ait enim eius temporibus au-
ctam & ornatam bonorum accessione, Aruernorum**

Gregorius
Turonensis
lib. 1. cap. 39.

Gregorius
Tur. lib. 3. cap. 21.

rum Ecclesiam prædiolū habuisse intra urbem, in quo mansionem Sacerdoti suo cōduxerat: *Defuncto*, inquit, apud *Aruernum* *Namario* Episcopo, *Eparchius* successit vir sanctissimus, atque religiosus, & quia eo tempore Ecclesia, parua intra urbis muros possessionem habebat, ipsi Sacerdoti in eo quod modo *Saluatorium* dicitur, mansioerat, atque ad gratias Deo nocturno tempore reddendas ad altarium Ecclesie consurgebat. De manso verò & Ecclesie domo, suo loco prolixius agetur.

*Saluatoriū
locus Eccle-
siasticæ im-
munitatis.*

CAPVT XVIII.

DE *ÆRARIO CHRISTIANORVM*,
tempore persecutionis. Pecunie post synaxes datae.
Quibus diebus colligerentur. Conuiuia Clericis & Sa-
cerdotibus data à Christianis. Quinam essent ærario
Præfecti. Conuersi ad fidem ex eo alebantur. Pax
empta pecunijs à Quæstoribus & Imperatoribus.

TEmpore persecutionis certum habebant æra-
rium Christiani, è quo promebantur com-
munes impensæ, ad Clericorum alimoniam, &
pauperes leuandos, cuius historiam hanc accipe.
Peractâ sacrâ synaxi, Diaconi, qui paulò antè po-
pulum sanctissimo munere Corporis Christi pa-
uerant, ab eodem colligebant quidquid sponta-
neâ charitate libêret in communem fundum, æra-

Iustinus
Mart. apol.
2. sub finem

Intelligit
dona sacra,
seu Eucha-
ristiam.

riumque publicum conferre. Eius rei testis est,
secundo sæculo, Iustinus Martyr, Apologia secun-
da, quam ingeniosè edidit, pro Christia-
nis, Distributio, inquit, communicatioque fit eorum
in quibus gratia sunt acta, cuique presenti: absentibus au-
tem per Diaconos mittitur; subinde qui copiosiores sunt,
& volunt pro arbitrio quisque suo quod visum est, contri-
buunt: καὶ ἡ διὰ δόσις καὶ ἡ μετελήψις ἀπὸ τῶν εὐχαριστούντων
ἐκάστῳ γίνεται, καὶ τοῖς ἑπαρχοῖσι διὰ τῶν διακόνων πέμπεται.
οἱ δὲ πρεσβύτεροι καὶ βολεύμενοι καὶ παροιστοῦντες ἕκαστος τὸ ἑαυ-
τοῦ, ὃ βούλεται δίδοσι. Tertullianus verò huius pecu-
nariæ collationis meminit, videturque refellere

Tertul. apo-
logetici ad-
uers. Gentes.
cap. 19.

nequissimam Gentilium calumniam, qui finge-
bant Sacerdotes Christianos, sacrorum specie &
nouæ religionis aucupio, pecunias suorum emun-
gere, ac veluti vectigali imposito in eorum fortu-
nas grassari: Si, inquit, quod arca genus est, non de onc-
raria summa quasi redemptæ Religionis congregatur: mo-
dicam unusquisque stipem mensi: uel die, uel cùm velit,
& si modò possit, apponit: nam nemo compellitur, sed
sponte confert. Partem verò plurimam eius æris ex
symbolis Christianorum collecti, cessisse in com-
moda Episcoporum docet nos Cyprianus; à quo
præterea discimus moris fuisse in Africa, ut Sacro
confecto, plebs suum Episcopum ac Clerum li-
beralibus honestisque epulis exciperet. Nam cùm
perduellis Fortunatius, eam manum, quam sacri-
legio incestauerat, vellet illotam sacris admouere,
& Sacerdotem se gerere Christi, qui modò thura
Idolis adolendo, fuerat mancipium diaboli, Cy-

prianus in eius audaciam inuehitur, & temerariam redeundi ad altaria pruriginem non tam fidei & pietati adscribit, quàm libidini & avaritiæ: Ægrè siquidem ferebat Fortunatius sibi lucella excidere, quæ prius è symbolica Christianorum stipe corradebat: dolebat se arcerià conuiuiis, in quibus aqualiculo tam incontinententer famulabatur. Nec mirum, inquit Cyprianus, si consilia nostra, aut Domini præcepta nunc abnuunt, qui Dominum negauerunt. Stipes & oblationes & lucra desiderant, quibus prius insatiabiles incubabant, & cœnis atque epulis etiam nunc inhiant, quarum crapulam superstitè in dies cruditate ructabant, nunc manifestissimè comprobantes nec antè se Religioni, sed veniri potius & quaestui, prophana cupiditate seruisse. Cæterùm, quis huic ærario præfectus esset, & apud quem pecunia deponeretur, indicat Iustinus Martyr loco citato, vbi præpositum, seu *πρωτοπρεσβυτερος*, (quo nomine Episcopum seu Christiani cœtus præsidem intelligit) notat eius esse pecuniæ sequestrum ac dispensatorem, *τὸ συλλεγόμενον πρὸς τὴν πρωτοπρεσβυτερίαν ἐπιτίθεται*, &c. Quod collectum est, inquit, apud præpositum deponitur.

Cyprianus
epist. 26.

Quis præfectus
æranj
Christianus

Iustinus
Mart. apo' 13

Probabile est autem, successu temporis, Episcopos in grandioribus negotiis occupatos, Ecclesiasticæ pecuniæ curam & œconomiam in Diaconos reiecis-
se: nam Diaconos sua ætate huic sacro ærario præfectos docet Origenes Homil. 15 in Matth. vbi Christi mercatoribus & nūmulariis, qui templi vestibula occupant, indignantis censuram torquet in Diaconos sacra pecunia abutentes,

Origenes
Homil. 15.
in Matth.

124 De bonis & possessionibus Ecclesiarum;
 Diaconi, inquit, qui non bene tractant Ecclesiasticarum pecuniarum mensas, sed semper de ijs fraudant, & ipsas quas dispensant non secundum iustitiam dispensant, & diuites fiunt de rebus pauperum, ipsi sunt nummularij pecuniarum mensas habentes, quas Christus euertit.

In quos usus
 sacrum pa-
 trimonium
 expendeba-
 tur.

Iustinus
 apol. 2.

In quos verò usus infumerentur communes pecuniæ prælaudati authores satis produnt, qui omnes annotant ex ærario Ecclesiæ nutritos pauperes, defensos orphanos, Martyres in carcerum fœtore iacentes, petitis inde subsidiis leuatos, & eorum, qui ad metalla damnati essent, calamitatem delinitam. Ita enim ait Iustinus apologia citata. *Πρόσθετος*, inquit, inde opitulatur pupillis, viduis, & his, qui propter morbum vel aliam causam egent, qui- que in vinculis sunt, & peregrè aduenientibus hospitiis, & ut simpliciter dicam : *πᾶσι τῶν ἐν χρείᾳ ὄντων χρημάτων* : omnium in egestate versantium curator est : Similia habet Tertullianus in apologetico. Hæc, inquit, deposita pietatis sunt, nam inde non epulis, nec potaculis, nec ingratis voratrinis dispensatur, sed egenis alendis, humanandisque & pueris ac pupillis re ac parentibus destitutis, ætateque domitis senibus : item naufragis, & si qui in metallis, & si qui in insulis, vel in custodiis, dumtaxat ex causa sectæ Dei.

Tertull. in
 apologetico

Imo vero si qui, antequam fidem Christo darent, fœdis artibus victum quærebant, illi tandem in Christi familiam adlecti, cum ab istis artibus nefariis cessare cogerentur, ex publico Ecclesiæ demenso victitabant : ne incommodum suis rebus Christum quererentur, qui fauentem an-

rea dæmonem erant experti. Ea propter Cyprianus increpat histrionem quendam, qui repudiato theatro, cum Christianus factus fuisset, attamen vicarios ludiones sibi suffecerat, qui eius in locum Comædias populo darent. nam frustra huic arti spurcissimæ excusationem paupertatis obtendi, ait Cyprianus. Si, inquit, penuriam talis & necessitatem paupertatis obtendit, potest inter cæteros, qui Ecclesiæ alimentis sustentantur, huius quoque necessitas adiuari, si tamen sit contentus frugalioribus & innocentibus cibis. Nec putet salario se esse redimendum, ut à peccatis cesset, quando hoc non nobis, sed sibi præstet. Licet vero communis hic riuus Ecclesiasticarum pecuniarum in omnes diffunderet, non tamen æquis portionibus & paribus sportulis, omnes Ecclesiæ pauperes donabantur. Ratio habebatur ab Episcopo, ætatis, conditionis, ac dignitatis. Si quos enim, in odium fidei, Gentilium furor, ex opulenta & illustri fortuna in calamitatem extremam cōpegisset, illis quia liberalius & honestius essent educati, largior quoque & amplior annona pendebatur. Ita etiam senibus ætate aut morbo confectis victus parabatur mitior & delicatior: & hoc est quod dilerte docet Origenes Homilia trigima prima in Matthæum. Non enim simpliciter, inquit, de rebus Ecclesiasticis dare oportet, ut unum hoc obseruemus, & ne quæ pauperum sunt deuoremus, aut furtum faciamus, de eis: sed ut prudenter intelligamus indigentium causas, propter quas sunt indigentes, & unusquisque dignitatem, quomodo aduocatus est, quantum ne-

Origenes
hom. 31. in
Matthæum.

cessarium habet, vel propter quam causam indiget. Non ergo similiter agendum est in iis, qui ab infantia duriter sunt educati, & stricte, & in iis qui large & delitiose nutriti sunt, & postea ceciderunt. Nec eadem sunt ministranda viris & mulieribus, aut multum senibus & iuuenibus & debilibus, & qui propterea non possunt sibi acquirere escas, & iis qui vel ex parte possunt sibi succurrere. Requirendum est autem, & si multos habeant natos non negligentes, sed omnia facientes, & non sibi sufficienter occurrentes, & ne plura dicamus multâ sapientiâ opus est ei, qui vult bene dispensare Ecclesiasticos redditus, ut etiam in istis fidelis & prudens dispensator inuentus, beatus efficiatur.

Stipes collata ad ornatum Ecclesiarum.

Origenes
homil 10, in
Iosue.

Cum itaque feruerent apud veteres Christianos pauperum studia, & in eorum gratiam maxime, ærarium publicum haberetur: aliunde tamen reperio etiam in ornatum & splendorem Ecclesiarum stipes ab eis collatas: ne quod hominum miseris liberaliter indulgebant, illud diuinis honoribus amplificandis viderentur denegare: Testem cito eius consuetudinis Origenem Homilia decima in Iosue, qui studium ornandarum Ecclesiarum inutile esse Christiano dicitur, nisi præcordia virtutum ornamentis fulgeant & mens studiis rerum optimarum simul exulta, quasi iucundissimum hospitium, diuinæ Majestati, sua amœnitate blandiatur. Si qui, inquit, sunt in nobis, quorum fides hoc tantum modo habet, ut ad Ecclesiam veniant & inclinent caput suum Sacerdotibus, officia exhibeant, seruos Dei honorent, ad ornatum quoque altaris &

Ecclesiæ aliquid conferant, non tamen adhibent studium, ut etiam mores suos excolant, &c. sciant sibi partem esse à Iesu Domino cum Gabaonitis tribuendam.

Inuenio & alium sacræ pecuniæ vsum. Nempe cum dira æstuarer persecutio, & Christiani scirent iram tyrannorum aliter placari non posse, quàm si eorum avaritiæ litaretur; non nunquam, ut sese ex graui & diuturna iactatione colligerent, & aliquid captarent quietis, solebant tributum & vectigal ex còuni ærario pendere: sicq; fortunarum dispendio aris & sacris securitatem impetrabant. Id vero potissimum haurio ex Tertulliano, qui morem hunc quasi illicitum & Christo iniuriosum carpit, quia nimirum eo census genere, infames quoque sectæ & turpissimorum hominum collegia, solerent artium nefandarum licentiam emereri ac impetrare. *Quid non timiditas persuadebit quasi & fugere scriptura permittat & redimere præcipiat. Parum denique est si vnus aut alius ita eruitur. Massaliter totæ Ecclesiæ tributum sibi irrogauerunt. Nescio dolendum an erubescendum sit? cum matricibus beneficiariorum & curiosiorum, inter tabernarios, & lanios, & fures balnearum, & aleones, & lenones, Christiani quoque vectigales continentur. Verum hoc vectigal recens & sua tantum ætate Christianis impositum liquet ex eodem Tertulliano, qui paulo ante ait à nemine vnquam Imperatorum Christianos factos esse vectigales. Hæ fuerunt opes, hæc œconomia nascentis Ecclesiæ; his iniitiis in eum splendorem euecta est, quem inuidia*

Alius vñs
sacræ pecu-
niæ in pla-
candis ty-
rannis.

De bonis & possessionibus Ecclesiarum,
 sæculi lacescit, cui etiam boni aliquando, & Religiosi viri obstrepunt: ne si diuitias & opes Ecclesiæ defendant, videantur nata ex iis vitia luxuriam, fastum, contentiones & dissidia propugnare.

Interim vero referamus assidue oculos in maiorum nostrorum imaginem, quibus in tenui fundo, angustaque recula, tanta pauperum vigeat sollicitudo: Erant illi in fordibus generosi, in vulneribus fortes, in penuria liberales. Habuit inuictos athletas, indomitos milites Ecclesia, quamdiu stipendiis caruit; nec sincerioribus votis ulli Christum coluerunt, quam quos ad nobilem militiam sola impellebat suppliciorum expectatio.

Nunc animum nobis mentemque fregere diuitiæ: prodidit seipsum largitate stipendiorum & honorum profusione Imperator noster: deumque pertæsus calamitatis Ecclesiasticæ, otium Clero & quietem indulget, tam illustri munificentiâ milites suos non magis opulentos habuit quàm vecordes. An nulli sunt, qui inanibus honorum aucupiis deliniti, Christum abjurant, qui amplissimas dignitates, scelere & perfidia sectantur, quas non possunt virtute ac doctrina promereri. Maiorum nos pudeat necesse est: & tamen quid sumus nisi illis succedimus? Quoties Petri, quoties Pauli, quoties Apostolorum nomina reclamamus, si dignitatis nostræ & honoris fundamenta tentantur? Filii sanctorum sumus, reuera filij: sed tamen rebelles, ingrati, contumeliosi, nisi patrum vitam amplectimur, nisi diuitias in pauperes spargimus,
 nisi

nisi vt in dignitate constitutos veneramus : ita in
imis subselliis languelcentes erigimus , nisi quos
Sacramentis & Christi corpore pascimus , eos-
dem necessariis vitæ prædiis instruamus , ne plu-
ris facere pecuniam , quam Christi corpus & ca-
duca fortunæ membra , supra sanguinem Agni
immaculati videamur æstimare.







LIBER SECVNDVS.
DE BONIS ET POSSESSIONIBVS
ECCLESIARVM A TEMPORE
Constantini Magni.

P R Æ F A T I O.

SARTIS hæctenus cum mala fortuna
luctatum : quas enim vires populo-
rum odia & tyrannorum furor huc-
usque in Ecclesiam non armavit ?
quibus artibus dæmonum inuidia
nascentem Christi gloriam non aggressa est ? vicit
tamen patientia Martyrum , dumque Ecclesia
suorum cladibus crescit, dum viuit mortibus , &
per supplicia ac carceres illustratur ; tandem ex-
cussâ frenesi orbis resipiscens adorare cogitur,
quod expugnare non potuit. Quas enim vltra
machinas strueret in Ecclesiæ ruinam , Principum
ingeniosa sœuities ? Quos faceret in posterum in
ea euertenda conatus ? Agnoscant necesse est

nihil esse in eculeis, tormentis & crucibus tam cruēti & horridi, quod eos animos tātis per moueat, quos Christus firmavit: intelligāt omnia mortis instrumenta longe gratissima iis esse, qui in terris viuentes, iacturam faciunt æternæ felicitatis, quam moriendo lucrantur.

Succedit itaque letior tempestas, & deterfis nubibus cœlum purius emicat. Iam constantiæ Martyrum non cœlum modo sed terra gratulatur. Illic generosi spiritus delicias capiunt immortales: hîc eorumdem corpora ac tumuli populorum honoribus florent: adorantur proscriptorum cineres, & quos in crucem nuper iracundi Iudices egerant, illos in templa religiosi Principes efferunt. Implorantur rei, orantur exules, fax & lacuna orbis aras implet, & quos sceleribus & criminum mole onerabat communis inuidia, ab eisdem, mutatis vicibus, scelerum venia postulatur.

Atque vt Gothorum Regibus moris fuisse referunt, vt non ante ad delicias suæ mensæ filios admitterent, quam hunc honorem longâ essent virtutis exercitatione consequuti: sanguine, cædeque hostium hic locus constabat, quasi regales mensæ laureata solummodo capita amarent, ac nefas esset Principis dapes alia quam victrice manu decerpi.

Ita diceres splendorem & securitatem Ecclesiæ non potuisse aliis artibus quàm per supplicia & calamitates acquiri, Deumque hanc pacem, qua

sub Constantino fruitur, eius constantiæ ac generosis facinoribus quasi præmium reservasse.

Verùm quid præmi nomine, diuitias, pacem, & otia amœniora complector. Hostes sunt, sed blandioribus machinis armati, qui edò facilius vincunt, quo videntur non tam ad nocendum quàm ad delectandum comparati. Non caret itaque infidiis bona fortuna, cum hac quoque pugnandum est: parum est Ecclesiæ infortunati sæculi vicisse tempestatem & iniurias, si in otio & rerum omnium vbertate pereat, si quam odia Principum debilitare non potuerunt, ea amoribus ac beneficentia opprimatur. Spectandæ itaque sunt Ecclesiarum opes, ut patrimonium aliquod sacrum, partum sanguine Christi & Martyrum. Quis vero de doloribus Christi luxuriam suam sine atroci scelere nutriet? quis de contumelia Sanctorum sine sacrilegio insolescat? quis eorum tormenta in delicias mutet? & quod Deo ac Religioni dictum est, velit impuro facinore vitiis ac libidini consecrare? Olim grande placulum fuit & monumentum eiuratæ impietatis, cum nefarius quidam statuam Herculis ligneam incideret, & eiusdem fragmentis ad rapas coquendas vteretur: creditus est Deum nescire, qui deorum ruinâ prandium sibi componeret, & Herculem tot monsterum victoria superbum sordenti culinæ tam turpiter immolaret.

Athenagoras in legatione pro Christianis.

Quis ergo Christianos esse meritò non dubitet, qui pacem & quietem Ecclesiæ emptam tot cla-

dibus ac tormentis spurcissimis sceleribus fœdant,
& populorum vota ac pietatem cogunt vitijs ac
impietati subseruire.

Nouerint ergo sacrorum Præsides quid sibi in
rem & dominium Christi liceat, quos in vsus sacræ
opes erogandæ, sic pecunias & redditus Ecclesia-
rum quasi Christi sanguinem curent, quem ne-
fando ritu dæmonilibant, quotquot de altarium
fructibus luxuriantur.

Atque ut olim malitiam Principum & populo-
rum sæuitiam vicit constantia Præsulum; ita de
eorumdem amicitia, & beneficijs triumphum in-
stituatur moderatio: doceat Ecclesia se nec aduersis
premi, nec secundis intumescere, quia res suas vel
prosperas vel aduersas, vnius Christi vel iactura vel
possessione meretur. Sic insolens quorundam fu-
ror faciliè retundetur, qui suas opes perpetuò Ec-
clesiæ impropereant. Sic Politicorum artes omnes
& machinæ corruent, qui Ecclesiam Imperijs in-
festam & rebus publicis ominosam perpetuò ob-
strepunt, quasi Principum maiestatem prædata, de
Regnorum spolijs, suum ipsa splendorem con-
sarcinarit.



LIBER SECVNDVS.
DE BONIS ET POSSESSIONIBVS
ECCLESIARVM, A TEMPORE
Constantini Magni.

CAPVT PRIMVM.

*Qui Reges & Principes in Ecclesiæ bona, eorumque
incrementum leges tulerint.*

AC ne videamur quidquam dissimulare,
earum rationum, quibus Ecclesiæ pa-
cem ac diuitias incessunt: prodeant in
medium omnes, si fieri potest, Reges
ac Principes, qui Edictis suis prohibuerunt, quo-
minus Ecclesiæ bonorum accessione cresceret, aut
qui in eius patrimonium manus immisere: videam-
us quamdiu hæc Edicta durauerint, quibus cau-
sis proclamata, qua ratione abrogata, ac tandem
quibus præmiis cœlitus donati, quæ aris & templis
dotes condictas, & sacerdotibus constituta sti-
pendia minuerunt.

Leg. 1. Cod.
de sacrosan-
ctis Eccles.

Constantinus Magnus, qui vtramque laudem ambiebat, & parti fortiter Imperij, & Ecclesiae religiosè constitutæ, legem tulit, vt in posterum liceret Ecclesiae Catholicae, vnicuique, quod vellet, testamento relinquere. Habeat vnusquisque licentiam, sanctissimo, catholico, venerabilique Concilio, decedens bonorum quod optauerit, relinquere: & non sint cassa iudicia eius; Nihil enim est quod magis hominibus debeatur, quam vt supremae voluntati, postquam iam aliud velle non licet, liber sit stylus.

Sosoménus
lib. 5. cap. 5.

Alij legunt
Constantio

Iniquissimæ
Iuliani ex-
actiones.

Hanc sanctam & piam libertatem primus compescuit Iulianus, qui antiquis dicitur Parabates, seu Apostata. Hic ratus Ecclesiam faciliùs euerti posse, si bonorum ei fulcimenta tollerentur, non modò prohibuit, ne quis in posterum ex suis facultatibus Ecclesiam ornaret, verùm etiam auctis opibus Ecclesias magna ex parte spoliauit. Clericis, inquit Sosomenus, omnem immunitatem, honorem, & frumenti congiaria, ipsis à Constantino donata, ademit, legesque eorum causâ conditas, abrogauit; Curis addixit. Porro à Virginibus & viduis, quæ in Clerum erant propter egestatem adscriptæ, ea exigi mandauit, quæ antè ab arario publico acceperant. Nam cùm Constantinus res Ecclesiae ritè disposuisset, & ex vectigalibus, cuiusque ciuitatis, ea quæ erant satis ad res comparandas necessaria, Clero cuiusque Ecclesiae erogauit, illudque lege stabiliiuit: quæ lex eo tempore quo moriebatur Iulianus, hæctenus diligenter obseruata fuit. Hanc exactionem multo crudelissimam fuisse, atque acerbissimam prædicant, atque tabulæ à patribus confectæ ad eum finem, vt res quas

ex lege Constantini acceperant, ita demonstrata restituerentur, de his quæ erant à Iuliano exacta, testificari possunt.

Ex quibus patet, Iulianum Ecclesias reperundarum postulasse; & vindicasse à Clericis, non solū ea quæ possidebant ex donatione Constantini, sed etiam omnes fructus & census anteaactorum temporum crudeliter exegisse, adeò vt Ecclesia cogeretur tantū restituere, quantū percepisset.

Et ne quid opum ac fortunarum Christianis relinqueret, illorum libertatem tributo compescuit, & constituit, ne cui liceret palam esse Christianū, nisi qui eius nominis licentiam pecuniā emisset ab Imperatore. Ita Socrates, *Cū sine pecunia bellum geri nō posse animaduerneret, pecuniā Veteratoriē extorquere cogitauit. Nam illis, qui sacrificare renuebant, multam imposuit pecuniariam: ipsaque exactio in Verē Christianos seuera & exquisita fuit, nam quisque pro facultatum proportionē tributa pensitauit, &c.* Apud Socratem libro tertio, cap. II.

Socrates l.
3. hist Eccl.
cap. 13
Niceph. lib.
10. c. 4. & 5.

Impius ille Barbari furor cita morte restinctus est, nec diu permisit cælum desertorem fidei Imperatorem, de Christianorum seruitute gloriari. Successit Iouinianus, qui iura & libertates Ecclesiæ restituit, & acceptas clades à Iuliano, liberaliter iuxta ac religiosè instaurauit. Nec quidquam postea in Ecclesia tentatum: donec auaritiā quorundam è sacerdotali catalogo, passim in simpliciorum opes inhiāte, & meticulosas anus spoliantē, Valens & Valentinianus largitioni publicæ,

Cod. Theo.
dos. lib. 16.
tit. 2. l. 20.

qua omnes Ecclesiam certatim ornabant, modum imposuerunt lege latâ, quæ extat in Codice Theodosiano, lib. 16. titulo 2. in qua sic rescribunt Imperatores Valentinianus, Valens, & Gratianus ad Damasum Urbis Romæ Episcopum. Ecclesiastici, aut. ex Ecclesiasticis, vel qui continentium se volunt nomine nuncupari, viduarum ac pupillarum domos non adeant, sed publicis exterminentur iudiciis, si posthac eos ad fines earum, vel propinqui putauerint deferendos: Censemus etiam ut memorati nil de eius mulieris, cui se priuatim sub pretextu Religionis adiunxerunt, liberalitate quacumque, vel extremo iudicio possint adipisci, & omne in tantum inefficax sit, quod alicui horum fuerit derelictum, ut nec per subiectam personam valeant aliquid, vel donatione, vel testamento percipere. Quinetiâ, si fortè post admonitionem legis nostræ, aliquid iisdem ex femina, vel donatione, vel extremo iudicio putauerint relinquendum, id Fiscus usurpet, & cetera. Lecta in Ecclesiis Romæ 3. Kalend. Augusti. Valentiniano & Valente iij. A. A. Conss. Qua lege videmus prospectû imbecillitati muliercularum, quæ superstitioso metu vexatæ, Sacerdotes ad speciem leueros, muneribus ac congiariis demulcent, & quidquid longâ serie curarum & annorum simul congegesserunt, id illis liberalissimè impertiuntur, dummodo velint anxium & nutantem earum animum certa expectatione æternitatis delinire. Tales erant quidam Valentiniani temporibus, hæreditatum aucupes mulierum (vt ita dicam) pædagogi, quibus inferiorum horror metusque pro fundo erant, qui ve-

lurinito cum Numine pacto, æternitatem vendebant, & cœlum, quod gratis fuso sanguine vniuersis quæsitum est, turpi nundinatione mercabantur.

Non ergo in aras & in templa lex lata est. sed in auaritiâ & sordes, in præstigias quorundam, sub specie pietatis, turpissima lucra sectantium, qui fabulosi instar Mercuri animas pro libidine orco immergunt aut excitant, Deum aut placant aut incendunt, & quasi fulminum arbitri, simulque serenitatis diribitores, pacem cœlorum & fauorem pretio distrahunt: denique simplicissimis mentibus facillimè persuadent Deum iis non posse irasci, quos amicè appellant, & benignè complectuntur. In eos verò scriptam hanc legem docet Hieronymus ad Nepotianum: *Pudet dicere, Sacerdotes idolorum Aurigæ, Mimi, & scorta hæreditates capiunt: Solis Clericis id lege prohibetur: & prohibetur non à persecutoribus, sed à Principibus Christianis: nec de lege conqueror, sed doleo cur meruimus hanc legem: Cauterium bonum est, sed quo mihi vultus, ut indigeam cauterio: & tamen nec sic frænatur auaritia: per fidei cōmissa, legibus illudius, &c.* Addit subinde artes sordidas, quibus plerique Clericorum viduas & simplices matronas ærulfarent & hæreditates aucuparentur. *Audio præterea in senes & anus absque liberis, quorundam turpe seruitium: ipsi apponunt matulam, obsident lectum, purulentiam stom. chi, & phlegmata pulmonis manu propria suscipiunt, paucis ad introitum Medici, tremantibusque labijs an commodius habeant sciscitantur,*

Hieron. ep.
ad Nepot.

Ambrosius
aduers. Sym-
machum.

Et si paulum senex vegetior fuerit, periclitantur, simulataque letitia mens intrinsecus auara torquetur, timent enim ne perdat ministerium. Vnde apparet Patres non tam Imperatoribus, quàm nequitiae suorum temporum indignatos, quibus & Monachi & Clerici Christianae simplicitatis immemores diuitias sub Christo captabant, quas in saeculo non habuissent. Et certè Ambrosius, ubi istius legis meminit, non tam iniustitiae damnat, quàm eadem vitur ad refellendas Gentilium querelas qui alimenta publica suis eripi sacerdotibus impatientissimè vociferabantur. Sacerdotibus quoque suis queruntur alimenta publica non praeberi: quantus hinc verborum tumultus increpui? At contra nobis etiam priuatae successionis emolumenta recentibus legibus denegantur, & nemo conqueritur: non enim putamus iniuriam quia dispendium non dolemus.

An vero ultra foeminarum testamenta legis vigor extendatur, dubium esse potest. Nam vbique dum vetant leges, aliquid Ecclesiae testamento legari, loquuntur tantummodo de testamentis foeminarum, quarum facilitati Imperatores fræna iniecerunt. Dum enim religiosis personis omnia temere profundunt, religionem qua posteris iubentur consulere, violant: & dum pietati student, in pietatem, qua vniuersos natura informauit videntur peccare. Et certe lex
27. de testamentis foeminarum tatummodo mentionem facit. Nulla nisi emensis sexaginta annis, cui
votina domi proles sit, secundum præceptum Apostoli ad

Cod Theod.
dos. lib. 16.
tit. 2 l 27.

Diaconissarum consortium transferatur : cum filiis suis (si idatas possit) curatore petito, bona sua idoneis sedula religione gerenda committat, ipsa tantum prædiorum suorum redditus consequatur, &c. Nihil de monilibus & supellestili, nil de auro, argento, cæterisque clara domus insignibus, sub religionis defensione consumat, sed uniuersa integra in liberos proximos, vel in quoscunque alios, arbitrii sui existimatione transcribat : si quando diem obierit, nullam Ecclesiam, nullum Clericum, nullum pauperem scribat hæredes. Lata est lex ista à Valentiniano, Theodosio & Arcadio vñdecimo Calend. Iul. Mediolani Valentiniano Aug. IIII. & Neotherio Consul.

An vero lex ista diu viguerit, an contraria consuetudine pòpuli indignantis pietati suæ fræna iniici, sit abrogata, nescitur. Certum est tamen eas leges non fuisse in Codice Iustiniani comprehensas, sed reuulsas, quasi Ecclesiæ, cuius gloriæ boni Principes seruiunt, ignominiam adferrèt: E contra vero Iustinianus sanctissimo Edicto, quod habetur lege quadragesima sexta Codice de Episcopis & Clericis, constituit ratas esse eorum voluntates, qui supremo & ultimo mandato Ecclesiæ, aut Xenodochio, aut omnino religiosis domibus aliquid reliquissent. *Sancimus si quis moriens, piam fecerit dispositionem, vel per institutionis modum, vel per legatum, aut fidei commissum, aut mortis causa donationem, vel alium quemcumque modum legitimum, siue iniunxerit Episcopo curam gerere ut impleantur, quæ ipse voluit, siue hoc retinuerit, siue etiam*

L. 46. Cod.
de Episc. &
Clericis.

Lex ista
habetur in
recès excu-
sis codici-
bus non ali-
be desidera-
tur.

*De bonis & possessionibus Ecclesiarum
in contrarium prohibueris, necessitatem habere hæredes
facere, & adimplere omni modo, &c.*

Qui Iustiniani gradum locum uè tenuerunt successores, non omnes pietatem sunt assequuti. Ex his enim, complures Ecclesiam atrocibus edictis vexarunt, eiusque diuitias ac facultates quasi crimen & piaculum sunt execrati.

Anno 717.

Leo Iconomachus non mitior in Ecclesiæ bona fuit, quam in imagines: has enim euertit, illa vero tributo annuo oppressit; constituit quippe, ut omnia patrimonia Ecclesiarum Romanæ ciuitatis, & maxime Sanctorum Apostolorum Petri & Pauli vectigalis nomine talēta tria cum dimidio, fisco importarent. Τα δὲ λεγόμενα, παξιμόνια, τῆς ἐν Ρώμῃ τῶν ἁγίων καὶ κυρφαίων ἀποστόλων ἐκ παλαι τέλγεμενα πάντα δια τῆς ἡμῶν τῶν δημοσίων λόγῳ τελέσθαι προσέταξαν. Ut est apud Bonafidiū pag 3. Post hunc Nicephorus Primus, anno 801. tributum vniuersis Ecclesiarum domibus ac prædiis imposuit, quod κατωικε, dictum est, seu fumarium, quia per fumaria pendebatur. Idem quoque religiosis domibus cruento diplomate bona vniuersa ademit, mali certe exēpli Imperator. Cui successit in feritate & Imperio Theophilus, qui disciplinæ Ecclesiasticæ contemptor, Monasteria solitudini, ac silētio dicata cōtuberniis sæculariū ac prophanæ turbæ commercio inquinauit, anno circiter 824.

Necieph.
Phoc. circ.
an 1. 963.

Sequentibus annis non inuenio modum esse impositum piæ testatorum dispositioni, nec prohibitum Ecclesias hæredes, scribere, ante tempora Nicephori Phocæ. Is enim circa annum 963.

ab ortu Christi, constitutionem edidit, ne cui religiosas domos liceret de nouo condere, aut antea conditas bonorum incrementis locupletare : si quas vero eiusmodi domos iniuria temporum afflixisset, permisit instaurari, & suffecta ad Monachorum, aut Clericorum alimoniam dote ornari : Qua autem ratione pressus, publicam largitatē à Monasteriis & sacris domibus auerterit, ipse explicat dicta nouella, quæ extat apud Leunelauium, lib. 2. Iuris Orientalis, pag. 114. & seq. *Quam, inquit, Monasteriorum sacrarumque pietatis officinarum manifestissimum morbum intueor : morbum enim appello, hanc insatiabilitatem, quod huic malo remedium excogitem, nescio, quauē ratione modi excessum coercam. Quibus enim patribus obsequentes, aut unde nacti occasiones, ad tantam superfluitatem & vanam insaniam, ut cum Davide loquar, exorbitarunt : dum infinitæ terræ iugera, structuras ambitiosas, greges equorum, bouum, camelorum, iumentorum, aliorum innumerabilium, singulis horis acquirere student, totamque animi curam in hac intendunt : adeo ut ista studia Monastica, nihil à vita mundanā, multisque sollicitudinibus æstuante differant. Queritur itaque Imperator turgere bonis Monasteria auaritiæ cupiditatibus religiosos abripi, fucum fieri consilio Christi, dum relictis pauperibus, quos fames premit, latifundia iis erogantur, qui iā pridem diuitiis & omni bonorum genere superfluent. Vnde ita concludit ὥστε ἀπο τῶν κτῶν μηδὲν ἔσται μὴ ἀγροὺς μὴ βόας, μοναστηρίοις ἢ γηρωκομείοις ἢ ξενώσιον ὅπως οὖν πλεονέμειν, ἀλλ' ὅδε μητροπόλεσιν ἢ ἐπισκοπεῖσι,*

Leunelauius. tom. 2. lib. 2. Iuris Orientalis pag. 114.

ὅθεν καὶ ὁ δὲν ἐκείνοις λυσιτελεῖ. Itaque ab hoc tempore ne-
 mini liceat, nec fundos agrosue, nec loca Monasteriis aut
 Gerocomiis, aut Xenonibus quocunque modo transmittere,
 adeoq; nec alicui metropoli, vel Episcopatui, nec enim hæc
 illis quid conducunt. Cæterum euauit citissimè du-
 ra ista Phocæ Imperatoris constitutio. Nam à tem-
 pore istius legis, res Imperatorum pessimè ire ce-
 perunt: indignata seueritati Principum bona for-
 tuna auolauit. Successere calamitates, morbi, cla-
 des & miseriarum omne genus, quas vt auerteret
 Basilius qui Porphyrogonetes est appellatus, &
 iram Numinis sedaret, ignominiosam hanc Clero
 & Monachis legem meliore sanctione abrogauit.
 In hac imprimis agnoscit constitutionem Nice-
 phori Phocæ fontem & originem malorum exti-
 tisse, quibus ab eo tempore res Imperij vexata est.
 Diuinitus, inquit, constituta Maiestas, quam & à Mona-
 chis quorum testata pietas, & ab alijs multis cogno-
 uerit legem à Domino Nicephoro usurpatore Imperij de
 Ecclesijs Dei Religiosisq; domibus latam, tum præsentium
 malorum, tum vniuersalis huius subuersionis, atque con-
 fusionis causam extitisse, veluti, non ad injuriam conti-
 meliamque dumtaxat Ecclesiarum & Religiosarum do-
 muum, sed ipsius quoque Dei conditam. ἅτε μὴ πρὸς ἀδι-
 κίαν καὶ ὕβριν τῆ ἐκκλησιαστικῆς μοίρης καὶ τῆ εὐαγαλῶν οἰκίας, ἀλλὰ καὶ αὐτῆς
 τοῦ θεοῦ γενομένην, &c. de eodem quoque Nicephori
 Edicto, & contraria Basilij constitutione vide
 Balsamonem in Canonem primum Synodi Con-
 stantinopolitanæ. Cæterum in Græcia non re-
 perio Principum deinceps odiis laborasse Eccle-
 siam

Basilius
 Porphyro.
 apud Lenu-
 cia, p. 117.
 rom. i l. 2.
 Eur. Orient.

fiam antequam Saracenorum infami iugo subderetur. Nisi quod apud Innocentium III. lib. 3. Epistolarum, Epistola 110. legimus quendam Ottonem de Roca, Dominum Athenarum, aliosque milites & Barones Imperii, atroci Edicto vetuisse, ne quis de possessionibus suis in vita sua Ecclesiæ quidquam conferret, vel in ultimo consilio testamento relinqueret. Fâ causâ mandat Innocentius Archiepiscopo Thebano, Daualienfi & Synodiensi Episcopis, vt compellant præfatos nobiles Edicta sua reuocare, alioquin Ecclesiasticam censuram in eisdem exerceant.

CAPVT II.

DE LEGIBVS FRANCIAE, BELGII,
Angliæ, Hungaria circa bona Ecclesiæ.

QUod verò ad alias regiones pertinet, certe nemini prohibitum est vnquam Ecclesiam hæredem testamento scribere: nam si Galliam ad-
eamus, iam ante tempora Clodouei, opibus abundasse Ecclesias in Gallia, satis produnt ea quæ passim à Gregorio Turonensi referuntur Cap. 23. libri secundi refert potestatem bonorum Ecclesiæ fuisse, Sidonio Auernorum Episcopo ablatam malis artibus & calumniis quorundam Presbyterorum, qui eius innocentiam rapinæ & avaritiæ

In Gallia
opes habuit
Ecclesiæ ante
Clodoueam.

146 De bonis & possessionibus Ecclesiarum,
falsis accusationibus laceſcebant, Surrexerunt, in-
quit, contra cum duo Presbyteri, & ablata omni potesta-
te de rebus Ecclesie, arctum ei victum & tenuem relin-
quentes, ad summam eam contumeliã redegerunt. Ex quo
patet res Ecclesie alicuius fuisse nominis & mo-
menti. Quis enim in paupere fundo rapinam ex-
erceret? Cap. 7. lib. eiusdem, refert exercitum
Clodouci in Ecclesias irruisse & multa ex eis vasa
pretiosa abstulisse: at nisi Ecclesie apud Gallos
diuites extitisset, non fuissent tanta multitudine
pretiosæ suppellectilis instructæ, quæ ad irritan-
dam militum rapacitatem sufficeret. Eo tempore
multa Ecclesia ab exercitu Clodouci depredata sunt: quia
erat ille adhuc fanaticis erroribus inuolutus. Igitur de
quadam Ecclesia vrceum miræ magnitudinis ac pulchri-
tudinis hostes abstulerant cum reliquis Ecclesiastici mini-
sterij ornamentis, &c.

E testamento vero D. Remigij liquet complu-
res per Galliam Ecclesias bonis ac fortunis non
mediocribus ornatas fuisse: quippe illic D. Re-
migius profitetur se, dum Clodoueus adhuc cæcâ
perfidia laboraret, nil quidquam voluisse de eius
beneficentia in proprium commodum vertere,
aut Ecclesie suæ vindicare, donec vniuersis Gal-
liarum Ecclesiis, quæcumque fuerant ablata resti-
tuerentur. Et quia, inquit, ex omnibus Episcopis Gal-
liarum, pro fide & conuocatione Francorum potissimum
me laborare cognouit, dedit mihi Deus tantam gratiam
in conspectu eius, virtusque diuina, quæ per Spiritum
sanctum me peccatorem plurima signa ad salutem prefatæ

Gentis operari fecit, ut non solum ablata omnibus Ecclesiis regni Francorum restituere, sed etiam de proprio, gratuitâ bonitate plurimas ditaret Ecclesias. Neque prius de Regno eius, quantum passus est pedis Ecclesiæ Remorum iungere volui, donec ut hoc omnibus Ecclesiis adimpleret, obtinui.

Recepto tandem in familiam Christi Clodoveo, constat ipsum non modo non prohibuisse, quominus Ecclesiæ testamento aliquid caperent, aut donatione ad pias causas ditarentur. Imò verum apparet ipsummet exemplum præbuisse populis piæ largitionis: nam ut constat eodem testamento D. Remigij apud Flodoardum multa Ecclesiæ prædia, multa sacra ornamenta donauit, quibus æternitati pietatem suam consignaret. Ita & Ecclesiam Arelatensem à B. Hilario legimus numerosis hæreditatibus à populo receptis ampliatam.

Flodoardus

Prosper de
vita contē-
plar lib. 2 c.
9 & refert
12 qu 1 cā.
expedit.

Licet verò passim omnibus liceret apud Francos patrimonium in Ecclesias profundere, & pietatem largitate testari: attamen quod prophanas possessiones Ecclesia capere possit, id inter beneficia & concessionem Principis enumerat Faber ad leg. quoties, de rei vindicatione, qui cum legem eam apud Francos vigere asserat, ne Ecclesia absque priuilegio, laicorum donis augeatur: attamen Legis & Edicti istius caput non citat: sed allegat Legem sacra loca, ff. de rerum diuisione, de qua suo loco dicemus.

Igitur primis illis temporibus, in Gallia nil ten-

148 *De bonis & possessionibus Ecclesiarum,*
 tatum est, quod bonis & facultatibus Ecclesiarum
 officeret, ante Decretum Clotarij, qui Clodoueo
 successit. Is fortè rerum angustiis pressus, & ino-
 pia pecuniarum, in qua vires Imperij maxima ex
 parte versantur, indixerat vt omnes Ecclesiæ Re-
 gni sui, tertiam partē fructuum Fisco dissoluerēt,
 illud verò licet inuiti omnes Episcopi cōsensissent,
 atq; subscripssissent, Attamen *Beatus Inuirosus sus-*
piciens subscribere dedignatus est, dicens, Si volueris res
Dei tollere, Deus regnum tuum velociter auferet, quia
iniquum est, vt pauperes, quos tuo debes alere horreo, ab
eorum stipe tua horrea repleantur: Et iratus contra Re-
gem nec valedicens abscessit. Tunc commotus Rex, timens
etiam virtutem beati Martini, misit post eum cum mu-
neribus veniā precans, & hoc quod fecerat, damnauit, si-
mulque rogauit, vt pro se virtutem Beati imploraret. Post
 Clotarium, Chilpericus veruit, ne testamentofas
 esset aliquid Ecclesiæ relinquere. At ea lex citò ex-
 tinctā per Guntranum, qui cū Clericis & Sacer-
 ddotibus impensè fauisset, res sacræ in tuto
 fuerunt ad ætatem vsque Caroli Martelli, quem
 primum in Ecclesiæ patrimonium vngues immi-
 fisse omnes ferè antiqui authores conqueruntur.
 Quippe inter æstus bellorum cū ætarium Prin-
 cipis militaribus impensis non sufficeret, coactus
 est ex Ecclesiæ redditibus stipendia militibus & tri-
 bunis petere, iisdemque decimas in congrarium
 & beneficium impertiri. Eam ob rem laceratur
 eius nomen: nec vllus est tam infœlix stylus, quo
 non pungatur eius memoria, adeo vt ipsum istius

Clotarii E-
 dictū apud
 Greg. Tur.
 lib. 4 cap. 1.

sceleris pœnas dare apud inferos prædicent, & flammæ voraces pascere, qui incontinenti voracitate Ecclesiarum facultates exedit: Magnum Chronicon Belgicum, Sanctus Eucherius, quem idem Carolus in exilium miserat, & qui in Monasterio sancti Trudonis requiescit, in oratione positus & ad alterum sæculum raptus, inter cetera, quæ Domino ostendente conspexit, vidit ipsum Carolum in inferno torqueri: Cui causam interroganti, responsum fuit ab Angelo ductore, Sanctorum iudicio, quorum res abstulit vel diuisit, ante illud iudicium anima & corpore sempiternis suppliciis fuisse deputatum. Nec factò tantum suo Ecclesiam vexauit Martellus, verum etiam reliqui optimates, qui facilius vitia Principum imitantur, quam virtutes colunt, ad eius exemplum res Ecclesiarum auferebant, & leui stipendio Sacerdotibus relicto, opimiores eius census ac reditus absorbabant. Vnde Carolus magnus, vt Ecclesiæ spoliatae inuidiam à se repelleret, & nefariam hanc bonorum Ecclesiasticorum partitionem intercluderet, vetuit in posterum res Ecclesiæ diuidi & militibus assignari. Ita enim habetur titulus cap. 83. lib. 2. Capitularium:

Anno Dominice Incarnationis D. CC. LXXIX.

Indictione xij. anno xxi. regni nostri actum est huius legationis Electum, in Aquisgrani Palatio publicè, data est hæc xiiij. die Kal. April. tempore Adriani Papa, & Caroli Magni Imperatoris, quando Paulinus Episcopus tenuit rices Apostolica Sedis, in Aquis fuit factum Capitulum, propter hoc, quia Laici homines solebant diuide-

Magnum
Chronicon
Belgicum

Eam narra-
tionem con-
tinet Epist.
Episcoporum
Franciæ ad
Ludovicum

De Ecclesi-
asticorum præ-
diorum li-
berrate, cap.
83 lib. 2.

510 De bonis & possessionibus Ecclesiarum,
 re Episcopia & monasteria ad illorum opus, & non re-
 mansisset ulli Episcopo, nec Abbati, nec Abbatisse, ni-
 si ut velut Canonici & Monachi viuerent. Capitu-
 lum autem est eiusmodi, Quia iuxta Sanctorum Pa-
 trum traditionem nouimus res Ecclesiæ vota esse fidelium
 pretia peccatorum & patrimonia pauperum cuique, non
 solum habita conseruare, verum etiam multa Deo opitu-
 lante conferre optamus. Tamen ut ab Ecclesiasticis de non
 diuidendis rebus illius suspicionem amoueremus, statuimus,
 ut neque nostris, neque filiorum, & Deo dispensante suc-
 cessorum nostrorum temporibus, qui nostram vel progeni-
 torum nostrorum voluntatem, vel exemplum imitari vo-
 luerint ullam penitus diuisionem aut iacturam patiatur.

Lib. 1. c. 83.
 pag. 844.

Omnes subinde Reges ipsius exemplum se-
 cuti, Ecclesiam multis opibus & priuilegiis orna-
 runt, adeoque liberam fecerunt potestatem pro-
 phanas possessiones adeundi, & relictæ sibi prædia
 capeffendi, modo tamen morticinij ius à Princi-
 pe impetrarent: pro quo iure obtinendo, in fis-
 cum principis certam pecuniarum summam Ec-
 clesiæ olim intulerunt; ita legimus anno 1470.
 quadraginta septem millia librarum à Clero
 Neustriaco in fiscum Principis allata, ut iure ma-
 nus mortuæ frueretur. Eadem morticinij præ-
 rogatiua Turonensium Clero concessa est mense
 Nouembri anno 1480. Confirmauit eam liberta-
 tem Normaniæ Clero Franciscus primus mense
 Iunio anno 1522. Clerus quoque Burgundiæ, Ma-
 tisonensis & Antissiodorensis pro eodem priuile-
 gio impetrando fisco Regis intulerunt quinquæ-

Ius morti-
 cinij quo-
 modo apri-
 cipe impe-
 tratum.

Renatus
 Chopinus
 de dominio
 Franciæ.

gena librarum millia mense Maio anno 1521. quod diploma Regis lectum fuit & probatum in suprema Curia Parisiensi anno 1523. leguntur & plurimaeiusmodi in tabulis & scrinijs Cameræ rationum, de quibus dicendum nobis erit alio loco.

Cum ergo in Galliâ nil decretum sit, quod Ecclesiarum ornamento & fortunis communibus officeret, priuatim tamen cautum est, ne aliqua collegia haberent facultatem coemendi Laicorû prædia & possessiones. Sic à supremo Senatu olim statutum est, ne liceret passim Cartusianis & Celestinis venalia rura & fundos mercari: forsan ne in vnus aut alterius domus comodum, omniû opes transirent, & earum frugalitas publicæ luxuriæ spoliis, opimioribus ditaretur. Ita refert Papus in sylloge Arrestorum, titulo 7. Arresto. 3.

Quod verò ad alias nationes pertinet video pacelætissima florentes Ecclesias bonis omnibus ad maiestatem vsque & pompam abundasse. In Anglia vix quisquam percensere possit Abbatiarum multitudinem, opes, priuilegia, quæ omnia intacta permanserunt vsq; ad Eduardum I. an. 1292. Is enim, suadente Guillelmo Marchiano, belli violentiâ pressus, sacras pecunias templis extulit, & militaribus impensis addixit, mediam quoque partem Ecclesiasticorum reddituum occupauit: annuentibus tamen Prælatiis, qui ab eo in fauorem Ecclesiæ, ius manus mortuæ postularunt.

In Belgio vero Carolus V. constitutione editâ anno 15. 8. x. Kalend. Martias edixit, ne liceret in

De bonis & possessionibus Ecclesiarum,
posterum Sacerdotum Collegiis prophanas emere possessiones, alioquin si emerentur, aliter retineri non possent, quàm iure manus mortuæ à Principe impetrato.

Ante hoc tempus, nil duri molitum in Ecclesiam, nisi quod refert Meyerus Arnulphum comitem, si credatur Monasteriorum Chronicis, multa Cœnobijs detraxisse, quæ suæ diuisit nobilitati, ut in Cœnobio Gandensi, in pago Curtracensi Elisachiam Aldenghen, & Holthen, &c. Referunt Marsanienses ablatas sibi apud Baianas ab Arnulpho possessiones suas, quas eo defuncto, mox intercessione Emmie Regina, à Lothario receperunt. Eandem ferre Bertiminiani canunt cantilenam, quanquam illis penè omnia ante obitum restituerit.

Meyerus
2. annalium
Flandriæ ad
ann. 956.
pag. 18.

Vt verò apud eas nationes, quæ idolorum frenesi maturè excussâ, Christum primis temporibus agnouerūt, Ecclesiarum opibus & latefundis ornandarū feruor incaluit. Vt Principes illi Constantinus, Clodoueus, alii que ignominiosam sibi purpurâ duxerūt, quâdiu Sacerdotes Christi & sacræ legis Interpretes, in squallore & sordibus versarentur. Ita qui tardius Euangeliū amplexi sunt, ad eorum exempla vitam instituentes, nil habuerunt antiquius, quàm Maiestatem Christi illustri loco ponere, per quam regnare, & in cuius vicē populis dominari se faterentur. Pudebat eos maiestatis suæ, quamdiu Christus inopiâ marcesceret, & verebantur ne magnitudine opum suarū cum Religionis tenuitate comparatâ, non tam potentes

parentes in homines viderentur ; quàm erga Deum ingrati.

Hac mente Stephanus, qui prophanum & insolentem cultum, nefariamque polytheiam ex Hungaria amandauit, sanctissimis legibus coli Sacerdotes & Religionum Præsides edixit, eorùmque dotes permisit, collatis prædiis & vniuerso bonorum genere amplificari. Ita enim habet decreti sui capite tertio, in quo capite filium hortatur ad reuerentiam & cultum gradus Sacerdotalis,

Regum, inquit, solium ornat ordo Pontificum, ac per hoc in Regali dignitate tertium possident locum Pontifices.

Stephan.
Hungaria.
Rex, Decret.
lib. 1. c. 3.

Charissime fili, seniores illos ita custodias sicut oculorum pupillas: si illorum benivolentiam habes, neminem aduersariorum timebis. Illis quidē te observantibus, eris securus in omnibus, illorum precatio commendabit te omnipotenti Deo. Illos enim Deus constituit Diuini generis custodes, fecitque speculatores animarum, ac totius Ecclesiasticæ dignitatis, ac diuini Sacramenti dispositores, & datores. Sine illis nec constituuntur reges nec principantur.

Regio certè digna pectore iudicia: quomodo enim populi principibus pareant, qui Deum neficiunt, aut quomodo vectigal pendent homini, qui se Deo vectigalem esse negat, & natiuis coloribus exaratam eius imaginem in sacerdote non veneratur. Omne sub regno potiore regnum est & Regum timendorū in proprios greges, Reges in ipsos imperium est Iouis. Inde est quod idem Stephanus, lib. secundo Decreti, se tutorem ac defenforem rerum Ecclesiasticarum profite-

Stephanus
Rex Hun-
garie l. 2. de
Regi cap. 1.

tur. Quisquis fastu superbia elatus domum Dei ducit contemptibilem & possessiones Deo consecratas, atque ad honorem Dei, sub Regiæ immunitatis defensione constitutas, inhonestè tractarit, vel infringere præsumserit, quasi inuasor & violator domus Dei excommunicetur. Decet enim ut indignationem ipsius Domini Regis sentiat, cuius benevolentia contemptor, & constitutionis præuaricator extitit. Et capite quarto libri eiusdem concedit omnibus facultatem donandi, & alienandi quam voluerint bonorum suorum partem, etiam in fauorem Ecclesiarum. Decreuimus Regali nostrâ potentiâ ut unusquisque habeat facultatem sua diuidendi, tribuendi, uxori, filiis, filiabusque, atque parentibus, siue ecclesiæ, nec post eius obitum quis hoc destruere audeat. Cum itaque Stephanus, qui postea sanctorum Catalogum auxit, multa Ecclesiæ contulisset, posterius eius & nepotes, ne à maiorum pietate deficerent, sed regni simul ac virtutum hæredes viderentur, Aui sui largitatem, magnis in Clerum effusis opibus cumularunt. Inde cum ex iure fisci multa in Ecclesiam transcripta fuissent, Regiumque domanium maximâ ex parte immittum, Colomannus Rex, tam immensas largitiones castigauit receptis sibi, & vindicatis quibusdam iuribus piscinarum & lacuum, quæ monasteriis antea concessa fuerant. Quamobrè reuocauit omnes donationes factas in fauorem Monachorum, præter donationem sancti Stephani. Id vero elicitur ex eiusdem Decreto. Nam capite primo confirmat donationem Stephani. Placuit Regi & communi concilio, ut dotes

cuilibet possessionis, seu Ecclesiis à Beato Stephano dispo-
sitæ inconvulsa remaneant. Et cap. decimo quinto
eiusdem Decreti, irrita decernit quæcumque ab
alio quàm à Beato Stephano essent donata Monaste-
riis. Quia communis videtur valere curia, quominus sup-
petant necessaria, ne nostra abundantia in eius super-
fluat penuria, placuit omnes piscinas, præter quas Step-
hanus donauit, summæ regali reddere. Quia indignum erat
nobis recedentibus curialem nobiscum honorem recedere,
ubi præstat nos & venientes copiam honoris inuenire. Si-
militer decreuimus piscinas monasteriis, vel Ecclesiæ datas,
alias quidem reddere, sed necessarias quotidiano fratrum
vui relinquere: nullas vero nisi superfluas auferre.

Hic locus
corruptus
est.

Licet vero Colomannus multa ab Ecclesiis re-
ceperit præsertim lacus & piscinas, quæ fortè ma-
ximum erant, & præcipuum fisci ornamentum: ar-
tamen sanctissime edixit, vt res Ecclesiæ immunes
essent ab omni Comitum & militum violentia,
qui vt plurimum rapinis & litibus Ecclesias vexât,
& inermen Clerû metu atq; auctoritate adoriun-
tur: & cum in hominû opes ac fortunas freti bel-
lorum licentiâ grassari non possunt, Deum in pace
prædantur. Nullus (inquit) Comitum in Ecclesia præ-
sumat sibi vindicare potestatem, præter solum Episco-
pum.

Post Colomannum Ecclesiam illustrioribus pri-
uilegiis quam antea ornauit Andreas eius nomi-
nis secundus, qui vixit & imperauit circa annum
1205. Is enim nobilibus Imperij sui indulxit singu-
lari Decreto, vt si filios non haberent, quorum

commodis paterna pietas iuberet prospicere, possent Ecclesiam, & monasteria vocare ad hereditatem, illisque fundos & villas relinquere.

At Andreae Regis beneficentiam, & singularem, in Ecclesias affectum repressit Lodoicus primus anno 1551. Is enim quęcumque priuilegia nobilitati concessa fuerant, nouo diplomate comprobauit. Et hoc vnum abrogauit quod ad Ecclesiarum emolumentum, & splendorem pertinebat

Confirmatio
Ludouici
probatantis
Decretum
Andreae an-
1551.

Predictas inquit litteras ipsius Domini Andreae secundæ Regis Aui, & prædecessoris nostri charissimi, auriâ suâ bulla roboratas. &c. Acceptamus, excepto solummodo vno articulo prænotato, de eodem priuilegio: excluso videlicet quod nobiles homines, sine hærede decedentes possint, & queant Ecclesiis, vel aliquibus aliis quibus volunt in uitâ, vel in morte dare & legare, possessiones eorum, vendere, vel alienare. Imo ad ista omnia facienda, nullâ omnino habeant facultatem: sed in fratres, proximos, & in generationes ipsorum possessiones eorundem de iure, & legitime, pure & simpliciter absque aliquali contradictione deuoluantur.

Idem verò decreto singulari constituit, ne possent Abbates & Episcopi aliquid nouarum possessionum adipisci absque Regis, aut Reginae priuilegio; Episcopi quoque, Capitula, Abbates, Præpositi, & ceteræ possessionatæ personæ Ecclesiasticæ, possessiones nec requirere, nec retinere possunt, nisi cum litteris priuilegiabilibus Regiis, vel Reginalibus, aut iudicum vicem gerentium Regie maiestatis.

Hæc sunt, maximâ ex parte, quę de bonis ac

facultatibus Ecclesiarum Principes censuerunt, hæc Edicta quibus eius fundum opesque popu-
lorum pietate crescentes præciderunt; E quibus, si
monimenta historiarum consulamus, constabit
eos demum fuisse inuidiosissimos ac fortunatissimos
Principes qui in Ecclesiæ patrimonio defendendo,
auctoritatis suæ nervos ac Imperij vires collocandas
esse duxerunt: Vnde enim Carlomanorum familia
splendorem suum exorsa est? Vnde tot triumpho-
rum sumpsit exordia, nisi ex Pipini in Ecclesiam
Romanam affectu, ac propensione. Huius causâ
Galliam deserit, & ingenti exercitu è regni sui fi-
nibus educto, Astulphum Longobardorum Re-
gem sedis Romanæ iura violantem compressit,
adeoque Papiæ inclusum coegit fidem suam de
non laceffendo amplius S. Põtifice datis quadra-
ginta obsidibus obstringere. Quis non opes, for-
tunam, & felicitatem huic Principi spondeat, qui
initia Imperij simul ac militiæ, in Vicario Christi
propugnando, ac defendendo collocat, per quem
felicitati nobis adirus pater. Nec semel verò hoc
officio defunctus est. Iterum Astulphum res Ita-
liæ turbantem, & noui aliquid aduersus Romanæ
sedis priuilegia molientem aggressus est, & perfido
ac rebelli superato, Exarchatum Rauennæ, S.
Pontifici, vti decebat, victoriæ suæ fructum conse-
crauit. *Rauennam* (inquit Otho Frisingensis) *cum*
aliis plurimis vrbebus Italiae Beato Petro designauit.

Otho fri-
singens. lib.
3. cap. 25.
Abbas VI.
pergens in
Chronico.
Sigonius
de regno
Italiae.

Otho Fri-
si g. loco
citato.

Nec religiosum minus, aut constantem in Ec-
clesiæ defensione Carolum Magnum Leo subin-

de Pontifex expertus est, qui ad iniuriam & contumeliā Christianæ genti in suo Præsule exoculato inflictam animatus & in Italiam profectus, & locum & dignitatem pulso atque exuli reddidit, ac tandem lætus de obsequio Religioni notis tam illustribus consignato, Galliam reuertitur: Lærior tamen futurus si vt dignitatem Leoni, ita oculos quoque suos reddere potuisset.

Iam verò Capetiorum familia, quibus initiis æternitatem famæ atque Imperii, quam ei spondent fata, auspicata est, nisi in rebus Ecclesiæ componendis, in cogendis militibus ac Imperii Proceribus, ad restituendum Sacerdotii patrimonium. Comitatus, Marchionatus, cæteraque honorum insignia, quæ infulas illustant, prima sunt Capetiorum in Ecclesiam beneficia. Taceo tot profectioes bello sacro aduersus impios Christi hostes institutas, cæteraque eiusmodi propensioris in Ecclesiam animi monimenta: quibus esset vltra addendum nihil, nisi inuictissimus nepos LVDOVICVS *decimus tertius*, auorū pietatem & victorias simul vincisset, & hæresim pace daturus insolentem, multitudine copiarum superbam, exterarum gentium fœderibus, ac patrocinio exultantem, suis quibus ipsa incubuerat rupibus ac præsidiiis, Magnanimo consiliorum Duce RICHELIO adiuuante, eiecisset. Sic optimi semper Reges Ecclesiam ornandam iuuandamque censuerunt, sic existimarūt annitendum esse bono Principi, vt res sacræ in tuto sint, neque cuiusquam prædaci, &

sacrilegâ manu spolientur. Ea causâ Dagobertus referente Trithemio cum meminisset res Ecclesiâ se quondam turbatas, ut damnum, fortasse iuuenili ardore & tumultu militari infligunt sarciret, monasteria plurima construxit, & inter cetera Vassenburgese. In cuius foundationis diploma, ipse se diuino iudicio per visionem adfuisse memorat, & ob violatas Ecclesias grauissime correptum. Merito itaque Gunthranus videns omnia sibi præter spem ac desiderium contingere, atque exercitus suos sæpius pulsos, aduersa semper fortunâ vexari: tandem pœnitundine ductus, & rerum præteritarum memoriam reficiens, calamitatis suæ causam, Ecclesiarum cladibus ac ruinis per milites suos allatis, adscribit: atque ita duces suos alloquitur.

Trithem.
lib. i. Compertij
An-
naliu.

Qualiter nos hoc tempore victoriam obtinere possumus, quia ea, quæ patres nostri consecuti sunt, non custodimus. Illi vero Ecclesias ædificantes, in Deum spem omnem ponentes, Martyres honorantes, Sacerdotes venerantes victorias obtinuerunt, gentesque aduersas diuino opitulante adiutorio in ense, & per arma sæpius subdiderunt. Nos verò, non solum Deum non metuimus, verumetiam sacra eius vastamus, ministros interficimus. Ipsa quoque sanctorum pignora, in ridiculo discerpimus ac vastamus, non enim potest obtineri victoria, ubi talia perpetrantur. Ideo manus nostræ inuálidæ sunt, Ensis hebescit, nec Clypeus nos, ut erat solitus, defendit.

Apud Greg.
Turonens.
lib. 8. cap. 30

Iustissima certè Principis indignatio, qui res suas vitio militum, & insolentiâ Tribunorum cer-

160 *De bonis & possessionibus Ecclesiarum.*
nebat afflictas. Vnde merito Rex Gothorū Theodoricus, vt suis consulat fortunis iubet Ecclesiarum fortunas restitui, & Narbonensem Ecclesiam suis prædiis spoliatam, instaurari. *Præsenti tibi iuctoritate præcipimus, possessiones Narbonensis Ecclesie secundum præcelse recordationis Alarici præcepta, à quibuslibet peruasoribus occupate teneantur, æquitatis facias contemplatione restitui. Quoniam versari nolumus in Ecclesie dispendio præsumptiones illicitas, dum nostra deceat tempora sedare confusa.* Apud Cassiodorum lib. 4. Epistol. 17.

CAPVT III.

De diuisione bonorum Ecclesie. Diuisio bonorum in mobilia & immobilia. Quænam sunt mobilia, aut immobilia Ecclesiarum. Vasa Ecclesie, in quo bonorum ordine numerentur.

Diuisio bonorum in mobilia & immobilia.

QUoniam omnis de re qualibet disputatio debet esse, certis cancellis ac limitibus circumscripta, nihilque est, doctrinæ tam incommodum quam vaga & incondita rerum multitudo, sine iudicio, & ratione glomerata; ideo bonorum Ecclesie meditationem adeunti placet vti methodo & à diuisione bonorum auspicari. Vniuersim ergo præmittendum bona in genere diuidi in mobilia, & immobilia. Immobiles res sunt, quæ

quæ moueri omnino non possunt, & talia sunt res soli, de quibus Vlpianus l. à Diuo Pio. §. in venditione. ff. de re Iudicata. Non solum autem quæ nullatenus moueri possunt, siue solum ipsum: verum etiam quæ solo adhærescunt, & destinantur vt ei perpetuo inseruiant, ea immobilium nomine censentur. Ita coloni, domus, casa, mancipia rustica ad res immobiles spectant.

Authentica de non alienandis rebus Eccles. §. vult enim. Nam eiusmodi mancipia prædium sequuntur, prædio vendito, venduntur, retento retinentur. Ita Valent. Valens, Grat. A.A.A. rescripserunt, l. quemadmodum. C. de agricolis & censitis: Ideoque

Valentinianus & Valens scripserunt, factâ donatione seruorum fundi, per Principem, videri & fûdum donatum. l. quisquis. C. eodem tit. Adeoque

is cui facta est donatio seruorum prædij, tenetur ad pensitationes fiscales, quibus prædium est obnoxium. Fructus etiam, quandiu adhuc hærent solo, inter immobilia reputantur. l. fructus pendentes. ff. de rei vindicatione. l. arboribus. §. Julianus. ff. de usufructu: Item vsusfructus ex re immobili percipiendus, est ex numero immobilium, quia est ius in corpore, & sublato corpore tollitur. l. Est enim ff.

de usufructu, & propterea pensiones quæ ad longum tempus pendi debent Ecclesiæ, inter immobilia reputantur, item annonæ à Principibus concessæ, & iura similia, cap. querela de electis. Mobiles autem res illæ sunt proprie, quæ facile à loco moueri possunt, tradi & transferri de manu

Vlpianus
lib. 42. leg.
15. tit.

Authentica
de non alienand.
rebus Ecclesie §.
vult enim.

L. quemadmodum C.
de agricolis & censitis,
lib. 11. tit. 49.

L. quisquis
Ced. de agricol.
& censitis.

L. Est enim. ff. de
usufructu. lib.
7. tit. 1.

162 D. bonis & possessionibus Ecclesiarum,
in manum, etsi seipsas non moueant.

Sūt & alia apud Iurisperitos dubiæ cuiusdā naturæ, quæ nec mobilia, nec immobilia sunt, cuiusmodi vocātur, nomina debitorū, seu debita ipsamet: nā si debita sint rerū immobiliū, immobilibus adscribūtur, secus mobilia iudicantur. Rursus inter mobilia, quæ ad Ecclesiā pertinet: quædā sunt, quæ faciunt partem dotis Ecclesiasticæ, quædam verò non. Partē dotis faciunt vasa sacra & ornamenta, quorum omnium venditio, & alienatio non est in potestate Episcopi, aut Ecclesiarum iudicio, nisi in casibus à Iure memoratis, puta ad subleuandam pauperum inopiam, ad redemptionem Captiuorum. Vnde si quid olim earum rerum incuriā Episcopi, aut certē auaritiā deperirer, ex rebus Episcopi propriis, indemnīs præstabatur Ecclesia, eo fere pacto, quo res quædam mobiles quæ partem dotis vxoriæ faciunt, si distrahantur à marito, tenentur hæredes alias eiusdem quantitatis & qualitatis reddere. *l. res in dotem. ff. de iure dotum.* Imo vero si panni in dotem dati æstimati sunt, & mulier eos consumpserit, ad æstimationem maritus tenetur, quia res mobiles in dotem datæ periculo mariti deteriores fiunt.

Quin potius vasa & ornamenta ecclesiarum videntur efficere partem immobilium Nam etsi instrumenta rustica partem prædij & fundi non faciant, adeoque legato fundo suppellex rustica non censeatur legata. *l. fundo legato. ff. de suppellectile legata:* attamen longè dispar est ratio sacræ suppel-

Mobilia Ecclesiæ quod duplicis sunt generis.

Iustinianus Nouella 7. de non alienandis, aut permut. reb. Eccl.

l. æstimata. ff. soluto matrimo-
gio.

Vasa Ecclesiæ sunt res immobiles.

l. fundo legato. ff. de suppellectile legata, lib. 33. tit. 10.

leſtilis: ſiquidem videtur Eccleſiæ tradita, vt illic perpetuo maneat: at, quæ ſic prædio aut fundo inſunt, vt perpetuo manſura ſint, faciunt partem prædij, vt colligere eſt ex antediſtis & ex l. *ſi fundus legatus. ff. de legatis & fidei commiſſis.*

Alia verò mobilia quæ non ſunt dotalia, nec dantur Eccleſiæ, vt illic perpetuo inſint ſunt ea quæ à fidelibus offeruntur ſacerdoti, ſacra facienti, nempe oblationes quæ fiunt inter Miſſarum ſolemnia, aut quæ dantur intuitu alicuius officij ſaceri & religioſi, vt intuitu funeris, matrimonij &c. quarum rerum, poteſtas mera & ſumma, eſt penes ſacerdotem; Alienare enim, & vti iis rebus ad arbitrium poteſt, detractâ Clericorum ſorte, & pauperum vt infra dicitur, rerum enim mobilium vilis & abiecta æſtimatur poſſeſſio. l. *ſi rem mobilem. ff. de acquirenda poſſeſſione.*

Itaque hîc tractationem de bonis Eccleſiæ inſtituere poſſemus, vt initio ducto à ſpeculatione rerum immobilium ad mobilia fieret progreſſio.

Verum libet alio itinere progredi, & eum ordinem ſequi, quo bona in Eccleſiarum nomen, & poteſtatem tranſcripta ſunt. Vno verbo ordinem ſequemur acquirédi, non conditionem rei poſſeſſæ. Ita autem acquiruntur bona Eccleſiæ, vt vel ex primâ conſtitutione & fundatione Eccleſiæ ſiue ædis ſacræ, ad eam pertineant, vel poſt fundatam Eccleſiam parta ſint, & comparata: Quæ competunt Eccleſiæ ab initio, & à prima illius origine,

Alia diuiſio
bonorum
Eccleſiæ.

De bonis & possessionibus Ecclesiarum,
 sunt ea quæ dotem eius conficiunt, vt Ecclesiæ
 ædificium sacrum, mansus Ecclesiasticus, cum ser-
 uis, colonis & mancipiis: redditus & obuentiones
 ad luminaria & sumptus sacrorum. Quæ verò
 post constructâ Ecclesiam de nouo acquiruntur,
 vel ex oblationibus sacris constant, vel ex votiuis
 donationibus: vel certe sunt sportulæ Clericales,
 & stipendia quæ ministris conferuntur ratione mu-
 neris alicuius Sacri. Ministri autem, alij maiores,
 vt Episcopi & Parochi, alij minores, vt Diaconi,
 Clerici. De quorum omnium Iuribus, & stipen-
 diis quacunque ex causa, nobis erit ordine, &
 methodo pertractandum.

CAPVT IV.

*De origine oratoriorum. Quid differant prophanum,
 sanctum, sacrum. Oratoria apud Hebræos. Thera-
 phim in oratoriis condita. Quo ritu fierent Thera-
 phim. Oratoria Persarum, & veterum Christiano-
 rum. Constitutiones Iustiniani, & Leonis de ora-
 toriis.*

LOca omnia in Iure, vel sãcta sunt, vel prop̃ha-
 na, vel sacra ac Religiosa. Sancta dicuntur, quæ
 Sanctione quadam subnixa sunt, adeoque violare
 nefas est. Hinc muri Ciuitatis sancti sunt, quia ne-
 que pertransilire licet, nec perfodere, nec ædifi-

cium coniungere, nec tignum immittere, *l. sacra loca. ff. de rerum diuisione.* Pari modo personæ sanctæ dicuntur, quibus nefas est iniuriam facere, ut legati. Sacra autem plus habent Religionis, & venerationis quàm sancta. Nam ea proprie sacra dicuntur, quæ certis ceremoniis vel à Principe, vel à Sacerdotibus sunt consecratæ *l. eadem tit. eod.*

Sacrum ergo nemo sibi voluntate propriâ constituit, quia cum Religio vinculum sit societatis publicæ, debet quoque manifestis, & probatis publico suffragio ceremoniis peragi. Cum ergo loca sacra triplicis generis apud Christianos veteres reperiantur, nempe Oratoria, Basilicæ, & Ecclesiæ: Oratoria dicuntur, quæ intra priuatos parietes extruuntur sacella, causâ pietatis & orationis. Basilicas appellant maiores Ecclesias antequam consecrentur. Peracta vero consecratione dicuntur Ecclesiæ. Quia eò libere confluere, ac coire possit populus, & sub vno pastore, ac præside Religionem profiteri.

Quid Sacrum
& quomodo sit.

Hæc distinctionem
affert Glossa in cap.
Nunc autem. De
Religiosis domibus.

Oratoriorum vero antiquitas si altius repetatur, patebit eum priuata sacella condendi prurium, non tam profuisse pietati quam nocuisse. Etsi enim clauso ostio moneat Christus orandum Patrem, cui, inter serras, & ferrea domorum muni-mêta pectus patet, & animi penetralia panduntur. Attamen læpissime in superstitionem abit libera illa, & quæ testes non admittit, religio, præsertim si ultra orationem excurrit, & in Numine aliis ceremoniis, quam pura sinceraque præce deliniendo

occupatur. Propterea putauerim oratoria manasse primum, ab infira libertatis cupidine, quâ homines ita aguntur, vt nil nisi quod suum est existiment, dominatum etiam in Religione auersentur, & eam non ament pietatis formam, nisi quam de proprio cerebro sibi confinxerunt. Nam vt historiam edamus, Primum oratorium nunquid fluxit à superstitioso cultu idolorum, quo Hebræorum primi & maiores, veram sinceramque de Deo notitiam infecerant? Nunquid Theraphim, quibus seruiebat Laban, domi colebatur; eratq; illis sacellū extructum in effossi parietis sinu. Sic de Theraphim scribit Elias Thesbi-

Oratoria
antiquissi-
ma.

Elias Thes-
bites in Le-
xico. pag 273

tes in Lexico, pag. 273. *Maētabant hominē primogenitum, cuius caput torquendo præscindebant, quod postea sale & aromatibus condiebāt, scribebantque super laminam auream nomen spiritus immundi, qua supposita capiti eius, ponebant illud in pariete, incendentes coram eo candelas, & adorantes coram eo.*

Cedreni tra-
ditio, & ora-
torio Thare.

Imo vero Thare, pater Abraham superstitiosum eiusmodi oratorium habuit, si credimus Cedreno, qui è veterum monumentis refferit Abrahamum, cum natus esset annos sexaginta, sapius de abdicandis idolis patrem interpellasset, tandem eius Larario incendium immisisse, quo conflagrante, cum Aram eius frater simulachra vellet flammis liberare, igni absumptum interiisse. Ritushic colēdorum priuatim Theraphinorum confirmari potest, ex eo quod legimus, Iudicum decimo septimo de Micha; *Quæ uult, da-*

Iudicum
17. v 4. & 5.

centos argenteos, & dedit eos argentario, ut faceret ex
eis sculptrile, atque conflatile: quod fuit in domo Micha,
quæ adiculam quoque in ea Deo separavit, & fecit E-
phod, & Theraphim, id est vestem Sacerdotale & idola,
&c. Apud exteras gentes fuerunt, & priuatæ eius-
modi ædicolæ. Apud Persas singulæ fere domus
sua habebat πυρῳθῆα, in quibus æternum ignem
seruabant, quem nonnisi extincto Rege fas erat
emori. Testis Strabo lib. 15. vbi loca illa appellat
σῆνους, Socrates in domo Regis Sacrarium ignis
æterni agnoscit Historiæ Ecclesiast. lib. 7. cap. 8.
Apud Romanos licebat priuato cuique suum
habere lararium, vbi Deorum & illustrium viro-
rum, quos maxime colebant, imagines seruaban-
tur, ideoque in Larario quorundam Imperato-
rum, Christi effigiem fuisse reperimus, ut de
Alexandro Seuero prodit Ælius Lampridius. Si
non cum uxore cubuisset matutinis horis in Larario suo,
(in quo Diuos Principes, sed optimos electos, & animas
sanctiores in queis, & Apollonium, & quantum scri-
ptor suorum temporum dixit Christum, Abraham,
& Orpheum, & huiusmodi Deos habebat ac ma-
iorum effigies, rem diuinam faciebat. Omnino vero
locus ille priuatus, quem sibi quisque domi strue-
bat, videtur Delubrum ab initio dictum. Nam li-
cet delubrum nonnulli lignum siue hastile inter-
pretentur, delibratum, ac cornice exutum, quod
Græci ἑορῶν dicunt, ut annotat Scaliger, in notis
ad Festum attamen vero similis Delubrum locum
dici, vbi Deus ponitur, ut à candela candelabrum.

Strabo lib.
15. Geo-
graph.

Ælius Lam-
pridius in
vita Ale-
xandri Se-
ueri.

Scaliger in
notis ad Fe-
stum.

Apud Christianos vero quamdiu publice precari, & Synaxes agere nefas erat, certe oratoria domestica in usu fuisse quis inficiabitur? Et si locus est coniecturæ: quādo sacrum Christi corpus domum comportabant fideles, nunquid illud certo loco ceteris multo religiosiore condebant? ubi etiam Dominicum, id est velum, quo sacra pignora à sacerdote excipiebant, mulieres solebant reponere.

Plato priuata sacra prohibet.

Clemens Alexander, lib. 5. Stromatōn.

Quidquid sit de antiquo ritu, certe sublata necessitate nullus videtur priuatis oratoriis locus relinquendus. Ideoque Plato domesticam Religionē, & priuatas ceremonias damnauit, ut est apud Clementē Alexandrinum lib. 5. Stromatum. Plato inquit, *ὅτι ἀπέδειξεν ἥριον τῆς πόλεως, ἵνα ἔμελλεν ἀνακαταβάς τὰ εἰδωλα, ἰδίᾳ δὲ ἀπίπεν μηδὲν κεκτῆσθαι θεῶν ἀγάλματα.* Ciuibus ostendit unum locum ciuitatis ubi eis essent reponenda simulachra: priuatim autem prohibuit, ut nemo haberet Deorum simulachra.

Iustinian. nouellā 57. alias 58.

Adeoque cum sanctissimi Imperatores animaduertenter domestici oratorij priuilegio plurimos à sacris ædibus abduci; & sacram hanc Societatem, cui cæmentandæ Christus sanguinem impendit, priuatæ pietatis specie dissipari, sanctissime edixerunt, ne quis domesticum oratorium sibi construeret, eoque ad sacra mysteria celebranda vteretur. Omnibus interdiximus magnæ huius ciuitatis habitatoribus, magis autem etiam totius nostræ ditionis, in domibus suis habere quasdam quasi orationum domos, &c. Permittit tamen ibidem Iustinianus, haberi loca eiusmodi religiosa: modo illic, præter orationem nihil

eorū ageretur quæ ad sacra mysteria pertinerent, quam suam voluntatem longe solemnioribus, licet breuioribus verbis expressit nouella centesima trigesimâ primâ §. si quis. Si quis (inquit) domusue, aut in iurbio; prædione Ecclesiasticum celebrare ministerium præsumpserit, aut alijs celebrandum nisi clericis Religiosiss. locorum Episcopo subditis concesserit: *Iustianus nouell. 131.* Iubemus, ut ea domus aut suburbium aut prædium, ubi tale aliquid admissum fuerit, sacrosanctæ eius loci Ecclesiæ per Dei amantiss. Episcopum, & æconomum eius ciuilemque magistratum, vindicetur. Qua in parte quæ pœnam indicit differt nouella 131. à nouella 58. aliàs 57. Nam in priore hac denunciat fore, ut domus in qua sacra mysteria priuatim celebrata sunt, deducatur in fiscum & ærarium Principis; posteriore verò, vult ea prædia domosue cedere in commodum & compendium Episcopi locorum, in quibus scelus priuatæ Religionis fuerit admissum.

Cum ergo priuata sacra his legibus cohibuisset Iustinianus, neque vllam reliquisset facultatem in domestico sacrario mysterijs operam dandi, nisi vocatis in eam rem Clericis Ecclesiæ maioris Constantinopolitanæ, aut alterius Ecclesiæ in cuius Diocesi Oratorij locus versaretur, contingebat ut potètiore solum Patricii, Nobiles & Senatores, qui sumptus & impensas sacrorum ferre poterant & sportulas in Clericos erogare domi sacella sibi construerent & clandestinæ precationis ac sacrifi-

cii beneficio fruerentur : tenuioris vero fortunæ homines plerumque sacris abstinere cogerentur siue quod sumptibus in Clericorum stipendia præstandis pares non essent, siue quod Clerici Diocesani alibi mysteriis obeundis essent occupati. Atque ira fiebat, ut memoria defunctorum plerumque cessaret, nec ad clementiam Numinis pro eorumdem salute interpellanda, oblationes institui possent, propter defectum Sacerdotis: cum tamen mos vellet defunctorum memorias, maximè in domesticis oratoriis & sacellis celebrari. Itaque his rationibus motus Leo Imperator, non modo unicuique, priuatim sibi lararium extruendi, facultatè dedit: verum etiam quos vellent Clericos ad mysteria obeunda euocandi. *Verisimile est* (inquit) nonnunquam defunctorum memoriâ instanti, præsentis memoria diem nullo facto sacrificio elabi, ut inde, & qui hîc viuunt, & quos altera vita tenet, utrisque non exiguum damnum obuéniat. Statuimus igitur, ut non solum generalis Ecclesiæ Sacerdotes, sed etiam qui ad quâcumque aliam Sacerdotum domû pertinent quibuscumque cuiuscumque domus dominis accersitis, accessum ad sacra-
toria & sacrarum rerum functionem dare volueris, in quibuslibet adibus sacrificandi, Deique arcana enarrandi facultatem. Ac ne quid libertati aut potius licentiæ sacrorum domi peragendorû deficeret, idem Imperator nouella 15. constituit, ut sacrum fontem liceret, etiam in oratoriis domesticis habere, & baptismum in illis celebrare. Statuimus igitur quemadmodum de sacrificijs sic quoque de salutifero baptismo ut

Leo Impe-
rator Cōst.

ipsum in quolibet sacro oratorio quibuscumque peragere licitum sit, &c. An vero potuerit Imperator unicuique priuati sacri facultatem indulgere, viderint eruditi & probi omnes. Quid enim est aliud domesticis ceremoniis frænum laxare, nisi Religionem quam in scrinio pectoris Pontifices gestare oportet arbitrio inconsultissimæ plebis, & inanibus superstitionum commentis sacra optima corruptipentis permittere. Sic pietas quæ ad animos ciuium colligandos plurimum valet in discordiarum ac rixarum semen vertitur: dum quisque ritibus suis præsidium quærit, & mauult suâ sententiâ falli, quam alienâ sapere. Imo vero quis tam pure ac innocentè sacris domesticis, quàm publicis interest? Audiunt ne domi declamantē in vitia sacerdotem, & suos mores duro vngue carpentem? Clericos quasi seruos admittunt, nec honestiùs plerumque tractant quam artifices qui ad opera conducenda spe mercedis inuitantur. Adulari Sacerdotes insolenti & incompolitæ familiæ necesse est, & eodem ore quo Christi corpus conficiunt, lasciuia & petulantia Matronarum fractis oculis libidinem & insanos plerumque amores meditantium collaudare. Hæc sunt aliquando in priuatis sacellis tremendorum mysteriorum initia, his ceremoniis Clerici vtriusque notæ compositi, ad aras temere profiliunt, precantur virtutem, & mentis sanitatem illis, quorum vitiis fauent, veniamque iis dari tacitâ prece à Deo supplicant, quos non audent in tanta scelerum licentia, peccatores nominare.

| Sic ad infame seruitium descendunt, quos sua dignitas supra Angelorum sortem euexit. Vbi domum venerūt, & Dominas salutant: quid aliud animo versant, quam ut earumdem gratiam fœda adulatione mercantur. Sit cœca curis, matronæ sanitatem, si speciosus rubor iuuentutis florem, si flagrantia oculorum noctis quietem, & molles tranquillioris somni inducias prodit: continuo ingeniosis acclamationibus risuque meditato bonæ valetudini applaudunt; laudant colorem floridum, sub cuius fallacibus inuolucris vitia, delitescunt, & mens arrosa vitiis, ac scelerum sentinâ putrescens, callidissime cælatur. Ita Clericorum domestica ista liturgia, in ordinis contumeliam cedit: dum eorum obsequiis laïcorum superbia inflatur, qui vilissimo stipendio Sacerdotum adulatione ementes, iam incipiunt eos inter vilissima mancipia numerare, quibus æquum est etiam coronata capita famulari. Iam vero quid honoris, & gloriæ priuatis eiusmodi sacris Deo quæritur? Tumultuariâ Religione, præceps familia relictis ægre operibus, ad puluinar priuatû confluit. Illic indecenti cultu glomerata palpitantibus buccis, ore tremulo, nescio quid incogitatum balbutit, & si quid silentij, si quid pietatis ac reuerentiæ afferatur, illud ancillares animæ, non tam Deo quam Dominis reddunt, quorum vultus, & frontem longe curiosius ac religiosius quam sacra mysteria tremantes serui respiciunt: & de eorum beneuolentia quam de Numinis pace perplexioribus curis augurantur.

Inde verò scrao peracto, cena mutatur, & complicatis aulæis longe aliud à Religione cogitatur. Illic plerumque, vbi Deus stabat rerum humanarum arbiter, theatrum lasciuæ, & vanitati consurgit: Christi altaria inuadit Dæmon, vbi Angelorum Hymni insonuerunt, ibi insolens ludio, aut lyrista delicatus molle carmen incinit, & quo loco negligenter Religionem exceperant, illic mancipia vitiis & sceleribus Dominorū studiosissime famulantur. Taceo cætera. Nam & pauca ista, quæ sæculi corruptelam notant, iustus dolor extorsit, omnino vero nihil sanctius Deoque gratius quam homines ad pietatis officia colligi, & in templa commeare, vbi Imperium erexit, vbi Majestatis insignibus lucet, vbi æmulis feruoribus Religionis studia incalescunt, vbi sanctioribus admixti peccatores, facilius cælum exorant, & qui innocenter viuunt iunctis precibus, maiora, & ampliora beneficia promerentur.

Merito itaque quasi speciem schismatis priuatos conuentus antiquitas exhorruit, & sine Episcopo in lucernarium quidem, vespertinas horas celebrare permittitur. Nec tamen omnino interdicta priuata oratoria agnoscit Balsamon ad Canonem trigessimum primum Trullanæ Synodi. Nam & Antimensiorum vsus institutum ad priuata solummodo oratoria refert, non enim in maioribus Ecclesiis opus erat Antimensio. Cum earum altaria essent solemni ritu inaugurata. Est autem Antimensium panni genus, quod altari

Concil.
Tolet. I.
Can. 9.

De Anti-
menſio, vide
Manuelis
ſolutiones
ad dubia
quædã apud
Leuclauum
Tomo I. lib.
3. p. 239.

non conſecrato ſolebat imponi, cuius conſcien-
di ritum habent in Græcorum Euchologio: nempe
cum Pontifex Templum dedicaffet pannum hu-
mi ſtratum, & menſæ circumuolutum in partes
diſcindebat, Sacerdotibusque diſtribuebat, vt eo
ſacras menſas tegerent inter ſacrificandum: quan-
doquidem abſque eo panno nefas erat in locis, &
altaribus minime dedicatis ſacrum celebrare.

C A P V T V.

*De dote Oratoriorum. Oratoria duplicis generis publi-
ca, & priuata. Oratoria à magnatibus nefas erat
ſine dote conſtrui. Quibus in oratoriis, erant, vel non
erant reliquiæ ſanctorum. De Oratoriis & Capel-
lis Monachorum.*

DVbium eſſe poteſt, an oratoria ad res, & bo-
na Eccleſiæ pertineant, & an ante condita
oratoria, neceſſarium fuerit iis dotem condicere.
Quod vt innoteſcat, aduertendum oratorij nomen
ſumi duobus modis, vel pro priuato ſacrario, de
quo antea locuti ſumus, vel pro publico, nempe
extrà ædium ſepta, quò vniuerſis liceret cõfluere
Oratorium priuatum inter res Eccleſiæ numerari
non poteſt: non enim proprie eſt res ſacra neque
rite dedicata à Pontifice, & vt ait Iuriſconſultus
aliud eſt eſſe ſacrum locum, aliud ſacrarium: ſacer

Diſtinctio
ſacri, & ſa-
crarij.

locus, est locus cōsecratus. Sacrarium, est locus in quo sacra reponuntur quod etiam in ædificio privato esse potest, l. *sacra loca* S. *de rerum diuisione*. Itaque ad hoc oratorium construendum nulla dote opus erat, sed si quando in eam domum ad sacra faciūda Clerici aduocarētur, necesse erat stipendia, & sumptus à Domino domus præstari, vt ex Nouella Leonis quarta apparet, & ex Nouella Iustiniani.

Oratorium vero publicum, vel à potentioribus, & magnatibus erigebatur: vel certe à tenuioris fortunæ hominibus. Oratoria magnates extruebant ambitionis plerumque causâ, & nominis conciliandi ergo, vt in ædibus etiam sacris nobilitatis suæ notas, & vestigia insculperent. Solebant autem ea oratoria cōdere, vel in vrbibus, vel extra vrbes, in prædiis nempe, ac villis: quocumque vero loco placeret magnatibus oratorium extruere, compellebantur ab Episcopis ad dotem condicendam. De isto oratoriorum genere intelligendus est Canon trigessimus tertius Concilij Aurlanensis quarti. *Si quis in agro suo, aut habet, aut postulat habere Diœcesim, primum & terras ei deputet sufficienter, & Clericos qui ibidem sua officia impleant, vt sacratis locis reuerentia condigna tribuatur.* Nā Diœcesis nomine intelligit oratoriū, cui certus Clericorū numerus adscriptus est. Quamobrem Gregorius Magnus, lib. 2. Epistola 9 ad Ariminensem Episcopum præcipit, vt ab Hemothea illustri fœmina, quæ oratorium condidit dotem congruentem

Oratoria
publica à
magnatibus
condita
dote indi-
gent.

Concil. Au-
rel. & can.
33 anno 543

176 De bonis & possessionibus Ecclesiarum
accipiat, priusquam eius oratorij consecrationem
adoriatur. Hemothea (inquit) Illustris femina peti-
toria nobis insinuatione suggestit quod habetur in subdi-
tis, intra ciuitatem Ariminensem in loco iuris sui orato-
rium se pro sua deuotione fundasse, quod in honorem sanctæ
Crucis desiderat consecrari, & ideo frater charissime, si in
tuæ ciuitatis memorata constructio iure consistit, & nul-
lum corpus ibidem constat humatum esse perceptâ primitus
donatione legitima, id est totius facultatis eius, excepta
familia, prius mobilium, vel immobilium seque mouen-
tium unciiis octo retento sibi usufructuario diebus vitæ
sua, gestisque municipalibus alligatam, prædictum ora-
torium absque Missis publicis solemniter cōsecrabit. Hinc
manabat optimatum arrogantia, qui postquam
Diœcesim & oratorium condiderant, non modo
arbitrabantur licere sibi, quos vellent Clericos in
oratoriis instituere, verum etiam ad superbiæ
incrementum, nitebantur Clericos oratoriorum,
& facultates eorundem omnino cognitioni, &
potestati, tam Episcoporum, quam Archidiao-
norum subducere. Vt questi sunt patres Concilij
Cabilonensis, ad quorum postulationem con-
ditus est Canon eius Concilij decimus quartus,
quo iubetur vt in potestate sit Episcopi & de ordi-
natione Clericorum & de facultate ibidem colla-
tâ, qualiter ad ipsa oratoria & officium diuinū
possit impleri & sancta Libamina consecrari.

Arrogantia
magnatum
qui oratoria
condiderāt.

Conc. Cabi-
lonens. ann.
639. can. 14.

Præter ista oratoria in prædiis magnatum sunt
& alia publica quidem, sed in gratiam rusticorum
cōstructa. Cum enim rustici extra oppida degen-
tes

tes & passim in prædiis constituti longius plerumque à parochiâ abessent nec possent nisi longis itineribus & magno labore ad ædē maiorem & communem proficisci indulgentia Episcoporum cōdebantur in prædiis oratoria sine vllius dotis constitutione, quoniam nulli in illis manebant Clerici. Ideoque cum ad alimoniam & annonam Clericorum maximè dos Ecclesiastica inuēta sit, in qua æde Clerici non erant, eam non erat necesse bonis dotalibus exornari De hac oratoriorum forma intelligendus videntur Canon. vigesimus primus Concilij Agathensis. *Si quis extra parochias in quibus legitimus est ordinariusue conuentus, oratorium in agro habere voluerit reliquis festiuitatibus. Vt ibi missas teneat propter fatigationem familia, iustā ordinatione permittimus: Pascha vero, Natale Domini Epiphania, Ascensionem Domini, Pentecosten & Natalem Sancti Ioannis Baptista, vel si qui maxime dies in festiuitatibus habentur, non nisi in ciuitatibus aut in Parochijs teneant. Clerici vero si qui in festiuitatibus quas supra diximus, in oratorijs nisi iubente aut permittente Episcopo Missas facere, aut tenere voluerint à communione pellantur.* Hic etenim canon loquitur de oratorijs non dotatis, ad quæ nimirum minoribus festis & diebus Dominicis veniebant Clerici ex proximâ parochiâ ad missas celebrandas, vnde animaduertēdum quod ista oratoria, quæ erant sine dote & carebant proprijs Sacerdotibus nullas plerumque habebant martyrum reliquias, nisi forte tam vicina essent parochiæ vt ex ea facile commigrantes Clerici

Concil. Agath. anno 506. sub Clodoueo can. 21.

Concilium
Epaonenſe.
can. 2.

Reliquiarū
veneratio,

poſſent in oratorio frequenti pſalmodiâ defungi:
nam martyrum reliquias ſine honore & Hymnis
quotidianis alicubi iacere nefas erat. Hoc totum
præclare docet Canon. 25. Concilij Epaonenſis, vbi
tota hæc diſtinctio oratoriorum quæ proprios ha-
bebant Clericos & aliorum quæ aduentitios
tantum ſole clarior eluceſcit. *Sanctorum reli-
quie in oratorijs villaribus non ponantur, niſi forſitan Cle-
ricos cuiuſcumque parochia vicinos eſſe contingat, qui ſa-
cris cineribus pſallendi frequentiâ famulentur. Quod ſi
illi defuerint, non ante proprij ordinentur, quam eis compe-
tens victus & veſtitus ſubſtantia deputetur. Et certe
tantam fuiſſe reliquiarum apud veteres reueren-
tiam animaduerto, vt vel Pſalmos vel miſſas, ſi fieri
poſſet, coram illis quotidie peragi ac decantari pa-
tres antiqui decernerent.*

Greg. p. 18.
lib. 4.

Quamobrè Greg. Mag. cum Mauro Abbati Ec-
cleſiâ Sancti Pancratij tradidiſſet, eiſque obuentiones ac redditus Monachorū cōmodis, ac poſſeſ-
ſionibus adſcripſiſſet, ſerio eum monet vt Pácratij
reliquiæ honeſtiſſime tractentur, & ante eas quo-
tidie opus Dei peragatur, vbi per opus Dei intelli-
gendum arbitror ſacram Miſſæ Liturgiam. *Præ
omnibus (inquit) tibi curæ ſit vt ibidem ante ſacra-
tiſſimum corpus Beati Pancratij, quotidie opus Dei proculdu-
bio peragatur.*

Superiora iſta ex penetralibus antiqui iuris de-
prompta ſunt. Quod ad iuris noui diſpoſitionem
pertinet nemini intercluſum eſt orationis cauſſa
domi ſibi ſacrarium erigere: modo piè & religioſe

se id fiat, non ad fastum & inanem pietatis ostensionem, quæ plerumque tota è pectoribus, in suppellectilem effunditur: adeo vt plurimorum hominum parietes plus Deo placeant quam animi. Ita Glossa extrauaganti *ad conditorem* ad §. *oratorijs*. Nec tamen oratorium istud priuatum inter religiosa loca censetur, nam religiosus locus sine doctæ & auctoritate Pontificis non fit.

Animaduertendum insuper oratoria iure se-
 quiori appellari Monachorum ædes sacras, quæ cum Ecclesiarum nomine non censeantur, dicuntur tantummodo Capellæ siue Oratoria Vnde titulus de Capellis Monachorum: ista autem oratoria quæ ad vsus Regularium condita sunt, non censentur loca publicis vsibus dedicata, sed tantum Monachorum & Regularium, quorum fortasse habitatione publica sunt, seu quatenus comparantur cum domibus laicorum. Vnde carèt monimentis & insignibus locorum publicorum seu Ecclesiarum: cuiusmodi monimenta & insignia sunt campanæ ad conuocandum populum. Ita Celestinus tertius Abulensi Episcopo. *Patentibus* (inquit) *litteris certificari desideras, utrū Templarijs & Hospitalarijs, & alijs oratoria in domibus suis habentibus liceat campanas in eis ponere publicèque pulsare. Respondemus autem consultationi tuæ, quod non licet eis hoc agere, quin potius per censuram Ecclesiasticam appellatione remota coercendi sunt, ut ita sint suo iure contenti, quod iustitiam non impedias aliorum. Vbi glossa annotat quod excedentes metas priuilegiorum priuilegio excidunt & pos-*

De oratorijs Monachorum.

Cap. Patentibus de priuilegijs.

Ioan. 22.
extra quia
cunctos de
officij cu-
stodis.

sunt reprimi. Id ipsum de oratoriis & ædibus sacris mendicantium rescripsit Ioannes 22. in extrauagante *Qui cunctos*. De officio custodis hoc edicto perpetuo ordinamus quod Religiosi dictorum ordinum mendicantium, in nullo Conuentu suo, seu loco plures campanas habeant sine sedis Apostolicæ licentiâ speciali, sed una tantummodo pro loco quolibet sint contenti. Nec tamen abnuuit summus Pontifex, quin si plures campanas in vsus duntaxat proprios iidem Religiosi sine lite, & contradicente nemine habuerint, possint iis in posterum vti §. *ceterum*. Animaduertenda insuper Monachorum in Græcia consuetudo; Nam cum in reliquis Ecclesiis soleret populus conuocari vnicotantum signo: monachi tribus signis seu campanarum pulsationibus utebantur. Quorum primum exile erat: secundum paulo altius: tertium fortissimum. Accusabantur autem eâ causâ, nouitatis monachi. Hos defendit Balsamon dicens primum signum notam esse antiqui testamenti, quod obscurum est: secundum Euangelii quod clarius: tertium vltimi iudicii, apud Leunclauium lib. 7. pag. 476. Hæc vero oratoria siue Capellas Religiosi etiam exempti non possunt extruere in loco non exempto, sine consensu & licentia Prælatorum: in exempto vero sine venia summi Pontificis. Ita Alexander. 4. rescripsit cap. *auctoritate de privilegijs* Plura de Ecclesiis Monachorum suo loco dicemus, nunc ad Ecclesiarum & Basilicarum structuram dotemque contendimus.

Leuncl. 1. 7
Juris Orient.
p. 476.

CAPVT VI.

De Ecclesiarum & Basilicarum erectione. Ritus seruandus ab eo qui Ecclesiam condere vellet. Insinuationes seu ἐμψυχίαι duplicis generis. Insinuationum codices olim habuerunt Clerici. Intra quod tempus necesse esset oratorium aut Xenodochium erigi. Falcidia ex legatis ad pias causas non detrahitur. Locus & spatium ædis sacræ quod & quantum. Romanorum ritus circa fines templorum, &c.

IN construendis ædibus sacris prima Religiosæ munificentiae ac liberalitatis initia laici olim constituebant, nec laici tantum sed Episcopi & Sacerdotes qui nonnunquam in sua, nonnunquam in aliena Diœcesi (vt patebit in progressu) sacras domos, Monasteria & Basilicas ex-
xerunt.

In constructione autem ædium sacrarum hæc potissimum spectanda: pecunia ad sumptus operis, locus seu arca, cui domū sacram inextrui oportet, consecratio, dos, dedicatio, & ius Patrocinij, quod vulgo ius Patronatus vocant. Dicamus hoc capite de pecunia, loco, consecratione & extru-
ctione.

Quod ad pecuniam pertinet: animaduertendum ædes sacras solitas construi, vel munificentia

& sumptibus viuentium, vel impensis eorum, qui vitâ functi ædem sacram extrui vltimo iudicio, & testamento mandassent.

Ritus seruã-
di in extruē-
da Ecclesia,
aut Xeno-
dochio.

Quibus erat animus Ecclesiæ Xenodochij, & domus sacræ extruendæ, illi voluntatis suæ monimentum, & testificationem consignari publicis tabulis curabant: profitebantur se donare hoc, aut illud prædium, hanc aut illam pecuniæ summam, vel Martyri, vel Prophetæ, vel Angelo, vt oratorium sub eius nomine, ac titulo extruatur: sibi esse in animo, quatuor pluresve illic Clericos constitui, & propterea se dotis nomine, tantum in agris, mancipiis pecuniisue relinquare. Pari ferè formâ scribebant, qui testamento iuebant de suo ære Religiosas domos construui.

Insinuatio-
nes donatio-
num,

Viuentiū autem, & defunctorum donationes necesse erat insinuari, vt perenne earum vestigium extaret. Nec vlla temporis iniuria deleretur. Nam si donationes propter nuptias insinuantur apud acta, siue in publicum proferuntur, vt amisso forte donationis instrumento principali, fides peti possit ex publicis instrumentis: multo cautius prospiciendum ne donationis ad pias causas memoria exoleseat, & curandum, vt Ecclesia amissa fortasse cartâ donationis, aut testamento, ex publicis actis documentum rei sibi traditæ possit repetere.

ἐν ἀνίστα
quid sint.

Dicuntur autem Insinuationum Codices, ac Commentarij Græcis, τὰ ἐμφανίστικα, quod est publicatoria suæ declaratoriæ. Cuiusmodi (ne error

fortasse subrepat nominum similitudine) animaduerto fuisse duo genera: quædam enim sunt, *ἐυφαιστικά*, Clericorū, & eorum qui Ecclesiæ deseruiebant, quæ nil aliud sunt, quam codex, seu Catalogus in quem referebantur Clericorum nomina, qui stipendia, diaria, siue sportulas ab Ecclesia, sumebant. Solebat enim eorum fieri descriptio. Alia fuerunt *ἐυφαιστικά*, siue insinuatia donationum, & oblationum sacrarum, item testamentorum, de quibus nobis est sermo.

Ex antiquo itaq; ritu ipsimet Clerici, itē defensores Ecclesiarū, habebāt apud se insinuatia donationū & oblationū. Apud eos publicabantur testamenta; Sed ne abducerentur ab obsequiis Ecclesiæ debitīs, & turbarentur officia, constituit Iustinianus, ut in posterū Insinuationes testamentorum fierent apud Magistrum census: *Repetita promulgatione, non solum iudices quorumlibet tribunalium verum etiam defensores Ecclesiarum, apud quos turpissimum intimationis genus irrepserat præmonendos censemus, ne rem attingant, quæ nemini prorsus omnium secundum cōstitutionum præcepta, quam census Magistro competit: Absurdum, namque est si promiscuis actibus rerum turbentur officia, & alij creditum alius subtrahat, ac præcipue Clericis, quibus opprobrium est, si se peritos rerum forensium velint ostendere, l. Constituta Cod. de testament. Erat autem Magister census, is apud quem publicari, & insinuari solebant, quæcumque opus erat publico testimonio confirmari, ut annotat Cuiacius ad dictam, l. Constituta.*

L. Constituta Cod. de testamentis.

Lib. 6. tit. 23.
l. 23.

Ex quo donatio fuerat insinuata, & instrumentum insinuationis facte, quod Græci *δωρετικόν*, appellant receptum, nemini fas est consilium mutare, & rem donatam Martyri, vel Angelo impio genere pœnitundinis sibi retinere. Nolunt enim leges religiosa vota humana leuitate infringi & quæ fidem hominibus seruari constituunt, sanctissimè prohibent, ne Deus vanis mortalium pollicitationibus illudatur. Itaque cum neminem, in opere religionis causâ inchoato pœnitere oporteat Zenon Imperator edixit, vt cogi possent ad perficiendum qui Ecclesiam inchoassent, aut qui tantummodo se ædificaturos promississent, & insinuasent donationem prædij alicuius, aut Iuris. Si quis donauerit rem aliquam mobilem, vel immobilē, vel se mouentē, ut ius aliquod personæ Martyris, aut Prophætæ, aut Angelitāquā ipsi postea oratoriū ædificaturus, & donationem insinuauerit, apud quos necesse est cogitur. Opus quamuis nondum inchoatum fuerit perficere, per se, vel hæredes, l. si quis C. de Sacrosanctis Eccles.

Constit.
Znon l. si
quis Cod.
de Sacro-
sanct. Eccles.

Et certe Ecclesiarum prærogatiua non minor esse debuit, quam operis alicuius prophani, quod vel ornamento ciuitatis, vel commodo populi cedere debet. At opera eiusmodi si quis olim vouisset, aut inchoasset, perficere tenebatur. Quod si per negligentiam hæredum staret, quominus opus publicum testamento legatum compleretur, & ad umbilicum duceretur, cogeabantur hæredes, ex edicto prætoris, sex primis mensibus vsuras leuiore perfoluere Reipublicæ, & in poste-

rum

rum exactis nempe sex mensibus vsuras tremis-
ses. Ita Vlpianus l. si legatum ff. de operibus publicis, &
l. si pollicitus. ff. de pollicitationibus. Cœpisse autem di-
citur, opus publicum, qui fundamenta iecit, qui
locum purgauit, qui apparatus siue impensam in
publico posuit dictâ lege si pollicitus §. cœpisse ff. eo-
dem titulo. Pœna autem non caruit negligentia
eorum, qui sacro operi extruendo segnus incum-
bebant, & animas defūctorum subsidio religionis
frustrabantur: Nam si quis venerabile Oratorium, aut
Xenonem, aut Ptochium, aut Orphanotrophium, aut No-
socomium, aut aliam venerabilem domum extrui, in vlti-
ma voluntate disposuerit, iubemus ut oratorium, intra
quinque annos, perficiatur prouidentia locorum Episcopi,
& Civilis magistratus: Xenon vero aut Ptochium, aut
alia venerabilis domus, intra annum unum extruatur; si
intra annum heredes Xenonem, aut quamque venerabi-
lem domum, quam testator extrui disposuit, non fecerint:
iubemus ut ij domum vel emant, vel conducant, ubi iussa
queant exequi, tamen per dum eiusmodi venerabilis domus
absoluatur. Nouella 131. §. si quis. Ex qua lege appa-
ret in Hospitalibus, seu Xenodochiis erigendis,
Imperatorem plus seueritatis adhibuisse, quam in
Oratoriis. Nā Oratoriorū extructio potest differri
in annos quinque: at Xenodochium debet com-
pleri intra annū; Si enim ultra differatur Xenodo-
chiorum cōstructio, legatis sibi subditis fraudan-
tur pauperes, & complures languor, atque ino-
pia conficit, qui malis suis accalamitatibus reme-
dium aliquod, & finem inuenissent, si eis Xeno-

Nouella est
§. si quis.

D. Oratoriis
& Xenodo-
chiis con-
struendis,
quod tem-
pus ab Im-
peratore
præfixum.

dochij alicuius, aut Nosocomij asylum paruisset. Ex dilata vero Oratoriorum extruptione id incommodi non sequitur: nam possunt in aliis ædibus precari fideles, nec desunt templa, in quibus pietatis officia commode exequantur. Ea causa constitutionem edidit Manuel Imperator mense Martio Indiēt. 14. quā vetat ne, si quis pauperibus seu Christo sub eorundem miseria ac sordibus latenti, bona sua diuidi supremo iudicio, & testamento instituerit, eius voluntatem Curatores exequi differant, & moram faciant piissimis votis, per litium ambages, & dilationes solitas iudiciorū. Idcirco censet in iis causis, quæ pauperum commoda spectant, non oportere ordinem Iuris & Ceremonias seruari, sed quanta fieri potest celeritate finiri. *Hinc enim euenit* (ait Imperator.) *Ut morientium anima detrimento afficiantur, & quæ propter bonum, & Uniuersi utilitate lata sunt leges, in contrarium conuertantur.* Apud Photij Scholiastem Balsamonem, tit. 1. de Fide. Quamobrem si Xenodochio extruendo moram facerēt hæredes, tunc Episcopus domum aliquam pro arbitrio locabat sumptibus hæredum, in qua hospites, & peregrini excipi possent, aut morbo languentes, religiosè curari.

Constitut.
Manuel.
Indiēt. 14.

Cæterum, ne quid impedimento esset, quominus sacra vota defunctorum possent ad exitum perducī, non licebat hæredibus, ante operis sacri, & voti complementum, quidquā ex defuncti bonis præcerpere, vel detrahere Falcidiā, hoc

est, quartam hæreditatis partem, quam aliter Trebellianicam appellant. Nam etsi tota hæreditas foret in sumptus, vel Oratorij, vel Xenodochij exhaurienda, adire tamen hæreditatem cogeantur vellent nollent, qui scripti erant hæredes, & votis, ac voluntati testatoris satisfacere. Nemini enim graue ac durum esse debet, quod religionis causâ institutum est, adeoque turpe est hæredes, ac liberos, de parentum, aut adgnatorum pietate conqueri, & dum mortuorum opibus avarâ cupiditate inhiant, eorundem saluti, ac quieti inuidere.

πρὸς αὐτοὺς
ἐν αἰτίαις
κατὰ τὴν
παρονομίαν
καὶ τὸν νόμον
ταύτην.
Balsimon
ad Nomac
tit. 2. De fi-
de.

Et certe si militum testamenta Falcidia lege non continentur, & inuiti hæredes militum coguntur adire hæreditatem, etsi Falcidiam seu quartam portionem minime lucrentur, quanto magis hac prærogatiuâ niti oportet testamenta eorum, qui si Reipublicæ non militarunt sua tamen omnia pietati, qua Respublica viget, ac florescit religiosè mancipant.

L. miles. ff.
ad legem
falcidiam,
lib. 35. tit. 2.
ultima.

Interea monendum non prius licuisse aggredi domus sacræ constructionem, quam impetratâ veniâ ab Episcopo, cuius erat locum benedicere, Crucem figere, quos ritus in transcurso attingemus, vbi de monasteriorum erectione agitur.

Itaque viso inspectoque testamento, liberam dabat extruendi facultatem Episcopus, rescissis tamen conditionibus, & clauulis, si quas testamentum contineret, quæ sacris Canonibus & lu-

ribus Episcoporum officerent, neque enim potest testator, aut quivis alius adigere Ecclesiam ad conditiones iniquas, & illius libertatem, aut disciplinam quasi ære condicto nundinari. Ita Balsamon

Balsamon
in *Nomocanem* so-
cij, tit. 2.
pag. 45.

norat consistere non posse conditio-
nes Antistibus iniurias, ut si testator scripserit
secâ lege fundare Monasterium, ut in eorum bo-
nis locorum Antistites nullam omnino partem
habeant. Similiter, inquit, Episcopi non possent
fundare Monasterium. His conditionibus, ut eo-
rum successores in ea nihil habeant iuris.

ἀνυπό-
στατα εἶναι τὰ ἐν τοῖς τυπικαῖς γραφόμενα τῶν κληρικών,
ἵνα μὴ μετέχῃ ὅλως τοὺς ἐκκλησιαστικοὺς ἀρχιερεῖς εἰς τὰ
παρὰ τὰς ἐκκλησιαστικὰς μοναστήρια ὡσαύτως καὶ τὰ τῶν ἀρχιε-
ρέων ὑπομνήματα, τὰ ἀφαιρῶντα μὴ μετέχῃ εἰς
τὰ μοναστήρια τὸς μὲτ' αὐτοὺς ἐπίσκοπους.

Pergamus
ad locum, siue Arcam ædificando templo desti-
natâ. Primum quidem oportet fundû, cui ædis sa-
cra inextruenda est, ab omni hominum iure &
dominio exauctuari, ut totum in Numinis po-
testatem transeat, cum quo mortales non habent
commune diuidendum. Itaque ea causa forsan
locum sacrum extrui non licebat olim, nisi cum
assensu Principis, l. *Sacraloca.* ff. *de rerum diuisione.*
Quamobrem locus & fundus, qui sub conditione
legatus est, & ad prophanam naturam redire po-
test, non valet à quoquam religiosus fieri, l. *Si lo-
cus sub conditione.* ff. *De Religiosis & sumptibus fune-
rum.* Vnde antequam inextruatur Ecclesia, locus
est ab omni prophana ditione eximendus: ita ut

etiam Princeps nullam in eo sibi retineat potestatem. Vnde legimus apud Ordericum Vitalem quod cum locus extruendo Monasterio Vticensi, seu Ecclesiæ sancti Ebrulfi, electus esset, Nobiles Normanix omne ius quod sibi in eum locum titulo dominiij vindicare poterant, eiurarunt in fauorem religionis, vnico sibi orationum monasticarum censu reseruato, quam eorum voluntatem Dux Normanix probauit, & libertatem loci solemni diplomate confirmauit. Locum, inquit, nominatum, communi consensu ita liberum tradiderunt eius tutelæ, vt nec sibi, nec alijs quibuscumque, aliquam ad-suetudinem, aut redditum, præter beneficia orationum, à Monachis liceret, vel hominibus eorum exigere: Dux, autem bonæ voluntati eorum gratanter acquieuit, & testamentum de rebus, quas optimates sui sancto Ebrulpho dabant, confirmauit. Cæterum principes nullam amplius retinere in sacras ædes potestatem, sed eas omni humanâ potestate exemptas esse, satis probat infracta illa, & illustris Constantia Ambrosij, quâ aduersus auctoritatem Imperatorum, & vim militum prohibuit, ne Basilicæ ex mandato Principis, Arrianæ factionis Sacerdotibus traderentur. Noli, inquit, te granare Imperator, vt putes te in ea quæ diuina sunt Imperiale aliquod ius habere, noli te extollere, sed si vis diutius imperare, esto Deo subditus. Scriptum est, quæ Dei Deo, quæ Cæsaris Cæsari. Ad Imperatorē palatia pertinent; ad Sacerdotem Ecclesiæ: publicorum tibi manium ius commissum est, non sacrorum. Epistola 14. lib. 2. An autem quis fun-

Ordericus
Vitalis, lib. 3
Hist. Eccle-
siasticæ,

dum suum vendere teneatur, si quando commodus visus sit Ecclesiæ extruendæ, non satis conveniunt Iuris interpretes. Mihi quidem cedendum Religioni videtur, adeoque cogi posse Dominos fundi existimo, ut iusto pretio accepto, illum distrahant: nam si vicinus per suum prædium cogi potest viam ad sepulchrum dare. *l. si quis sepulchrum. ff. de Religiosis & sumptibus funerum.* Ex rescripto Antonini. Si communem servum manumittere volens compellit eum, cum quo communis est, pretium servi capere, ut ex integro servus manumittatur, ex rescripto Severi & Antonini, *l. in Communes servos, C. de communi servo manumisso.* Denique si ob causam publicam tenetur quis res suas distrahere moderato pretio: ut de agro militibus assignato habetur. *l. item si verberatus. S. item si forte. ff. de rei vindicatione.* Et *l. Lucius. ff. de Evictionibus*, Si inquam hæc ita se habent; Quanto æquius est, ut quis sui fundi iustum pretium recipere cogatur, quando id religio pollulat, & sacrorum veneratio. Nec vero loci tatem viventium tantummodo religiosæ ædes refugiant, sed etiam timent mortuorum contrubernio violari. Vnde ædes sacras nefas erat olim construi, ubi mortuorum cadavera iacerent. Insignis locus in Trecensium extat Annalibus, in vita sancti Frodoberti, per Nicolaum Camuzarium, è manuscripto edita. Nam cum Beatus Antistes Prudentius, rogaretur ædem extruere in loco, ubi corpora defunctorum iacebant, ante consecratio-

Antiquitates Trecenses in vita sancti Frodoberti.

nem iussit ea erui, & exportari. *Js ad prædicta Basilica consecrationem à fratribus euocatus diligentius percunctatur, utrum inter sacros parietes sepulta aliquorum cadauera tegerentur. Cūque comperisset inesse quam plurima, vniuersa prius de templo eliminanda præcepit, contestans se non aliter consecrationis officium suscipiturum.*

Ita diuus Gregorius Epistola 22. libri primi ad Surrentinum Episcopum, mandat consecrari Monasterium sancti Stephani, eâ conditione: si nempe eo loco constructum sit, vbi nullum corpus fuerit humatum. Eandem conditionem apponit in consecratione oratorij per Hemotheam Matronam conditi, libro secundo Epistolâ nonâ. Quibus quidem gestis conformis est ferè sanctio Regia Capitul. lib. 5. tit. 48. nisi quod de solis infidelium corporibus loquitur. *Eccliam, in quam mortuorum cadauera infidelium sepeliuntur sanctificare non licet: Sed si apta videtur ad consecrandum inde euulsis corporibus & ras, vel latis lignis, eius readificetur. &c.*

Quinetiam si locus ille fuisset commercio Hæreticorum inquinatus, nefas erat illic extrui sacram ædem, quasi sordes istæ, infandi conuentus receptatione contractæ, adeo tenaciter hærent, vt nullâ possent purgatione ablui. Ita Concilium Epaonense, Can. 33. *Basilicas Hæreticorum, quas tanta execratione habemus exosas vt pollutionem earum purgabilem non putemus, sanctis vsibus applicare despicimus, sane quas per violentiam nostris tulerant possumus reuocare.*

Greg. ep. 22.
l. 1. & ep. 9. l.
2.

Capit. l. 5. tit.
48.

Concil.
Epaon. c. 33.
Anno 51

Spatium vero, vel maius, vel minus pro ædium ratione metabatur. Omnino vero animaduertendum possessionem Ecclesiasticam muris, & ambitu ædis sacræ non finiri, sed libera semper olim fuisse quoquoersum spatia quædam, quæ sacra, & religiosa haberentur. Hæc autem spatia vel atrio, vel scholis inseruiebant. Vnde priuilegium immunitatis Ecclesiasticæ, ad 30. passus in circuitu dicitur extendi, intra quos sacrilegium committitur si quid ablatum raptumue fuerit, ut scribit Ioannes 8. Can. *quisque* 17. q. 4. Nec præterire possum, quod auctores finium regundorum de terminis ædium sacrarum à veteribus præfixis, & designatis referunt. Si quidem ut ambitum loci sacri definirent, quatuor aras, à quatuor mundi partibus, humi defodiebant: ut si templi limites quærentur, hi termini proderent, quousque religio pertineret. Ita enim habet Dolabella. *Fines templares sic quari debent, ut si in quadrifinio est posi-*

Dolabella de
finibus apud
Aggenum &
alios.

tus, & quatuor possessionibus finem faciet, & quatuor aras quæris, & ædes quatuor ingressus habet, ideoque, ut ad sacrificium quisque per agrum suum intraret. Quod si desertum fuerit templum, aras sic quæris: longe à templo quæris pedibus xv. & inuenis vilia fundamenta aliqua quod si inter tres, tres ingressus habet, inter duos, duos ingressus habet templum.

Vnde patet fines templorum aris fuisse designatos in interuallo pedum quindecim, & totidem ingressus fuisse quot aræ & confinia.

Amplitudinem

Amplitudinem verò ædium sacrarū describit Nicolaus Papa II. Epistolâ ad omnes Episcopos. Nic. ol. 2. & habetur 17 q. 4. C. sicut
Sicut antiquitus à Sanctis Patribus statutum est statui-
mus, ut maior Ecclesia per circuitum 40 passus habeat
Capellæ vero vel minores Ecclesiæ 30. &c. Ita etiâ Con-
cilium Toletanum duodecimum canone deci-
mo ius immunitatis Ecclesiastici intra spatium
triginta pedum circa ambitum ædis sacre definit,
intra quod nefas erat cuiquam confugienti vim
inferre. His ipsis qui Ecclesiam petunt, per omnia lici-
tum in 30. passibus ab Ecclesiæ ianuis progredi, in quibus
triginta passibus uniuscuiusque Ecclesiæ, in toto circuitu
defendetur: sic tamen, ut qui ad eam confugiunt, in ex-
traneis, vel longe separatis ab Ecclesiâ domibus nullo
modo obcellentur.

CAP V T VII.

De dote Ecclesiarum, & ritibus antiquis donationum, & cartarum. Qui fuerint Cartarum scriptores. Stylus Cartarum. Cartæ dotis Ecclesiasticæ aris imp sita. Denūtiatio anathematis à donatoribus usitata. Quid traditio per herbam & cespitem, per ostium, & anatica. Scotationis ritus, &c.

Ecclēsiās & Basilicas sine reliquiis Martyrum nefas erat construi. Vnde Concilium Africanum capite quinto, dirui iubet Ecclesiās, quæ sa-

Refertur de
consecrat.
dist. 1. cap.
26.

cris martyrum pignoribus carēt. Placuit ut altaria quæ passim per agros, & villas tanquam memoriae martyrum construuntur, in quibus nullum corpus, aut reliquie martyrum conditæ probātur ab Episcopis qui locis eisdem præsent, si fieri potest, euertantur: si autem hoc propter tumultus populares non finitur, plebes tamen admoneantur, ne illa loca frequentent. Quia ergo Basilicas omnes oportet venerandis martyrum exuviis ornari. Ideo ne sine cultu, & reuerentia tam illustres reliquie iacerent, ne quorū animus in cælo triumphat, eorum cineres hominum fastidio, atque incuriā læderentur: Clericos, & Sacerdotes necesse fuit adscisci, qui martyrum reliquiis assiduo famulatu deseruirent, & in ornâdis ædibus sacris, ac Ecclesiis, siue luminibus (quibus martyrum memoria perpetur coluit antiquitas) componendis versarentur.

Itaque Clericos fœdus aliquod & coniugij speciem cum Ecclesia ineūtes, nomine dotis, aliquid bonorum, & reddituum habere oportuit, quibus seipso alere possent, & congruentem ædibus sacris cultum, atque ornatum comparare. Hinc verant patres Episcopos ædem consecrare, nisi prius dotem à laicis acceperint, Canon quintus Concilij Braccarenfis. *Vnusquisque Episcoporum meminerit, ut non prius dedicer Ecclesiam nisi antea dotem Basilicæ, & obsequium ipsius per donationem Cartulæ confirmatum accipiat. Nam non levis est ista temeritas, si sine luminarijs, & vel sine sustentatione eorum, qui ibidem seruituri sunt tanquam domus priuata, ita consecretur Ecclesia.*

Vnde Gelasius Papa, Senecioni alias Senonenſi Epifcopo confecrari poſſe ſancti Viti Eccleſiam ſcribit, ſi modo authenticum, & firmum acceperit dotationis inſtrumentum. *Pia mentis amplectenda deuotio eſt, qua ſc. Julius nobis, in re Iuliana ſui iuris fundaffe perhibetur Eccleſiam, quam in honorem ſancti Viti Confefſoris eius nomine cupit confecrari: hanc igitur (frater chariſſime) ſi ad tuam Diœceſim pertinere non ambigis, ex more conuenit dedicari collata primitus donatione ſolemni quam miniſtris Eccl. ſc. deſtinaffe ſe præſati muneris teſtatur oblato, &c.* Licet vero Eccleſia ceremoniis iuris non teneatur, & habeat poſſeſſionem ſine rei traditione, l. *ut inter.* Cod. de *Sacroſanctis Eccleſiis*: tamen reperiuntur ritus quidam, & ſolemnitates, quibus interpoſitis neceſſe erat Eccleſiæ dotem, aut donationem quamlibet contradi. Imprimis vero animaduertendum dotem dari ſolitâ antequam Eccleſia ædificaretur, non enim ſinebat extrui Epifcopus, niſi dotis condicta inſtrumenta accepiſſet: vt conſtat ex iis, quæ de Emphanifticis ſiue Inſinuatiuis ſcripſimus, item de oratoriis quæ magnatum, ſeu pietate, ſeu deſiderio extruebantur, quæ omnia hîc non libet repetere. Addamus tantum ex Capitularibus Caroli Magni, cap. 229. Nemo (inquit) Eccleſiam ædificet antequam ciuitatis Epifcopus ueniat, & ibidem crucem figat publice, & ante præſiniet qui ædificare uult, quod ad luminaria, & ad cuſtodiam, & ſtipendia cuſtodum ſufficiat: & ſic factâ donatione, domum ædificet.

Licet vero dotis instrumenta ante extructionem confecta essent: tamen æde iam cōstitutâ, & ad fastigium perducta, cum Ecclesiæ fundatores Episcopum ad consecrationis munus inuitarent, solebant donationem confirmare, & addere ceremonias, quibus etiam utebantur ij, qui postea aliqua parte suorum prædiorum vellent Ecclesiam augere. Cæremoniæ autem, istæ fuerunt potissimum apud Gallos nostrates, & Germanos.

In legibus Baiuuariorum edicitur, vt cui in animo est, aliquid ex facultatibus suis Ecclesiæ tradere, ille Cartam donationis conficiat, manu sua, si fieri potest, inscribat, adhibeat testes idoneos. Testes autem illi debuerunt esse homines liberi & ingenui: deinde Cartam donationis ita confectam præsentē Episcopo, aut Sacerdote in altari deponat. Si quis liber persona voluerit, & dederit res suas ad Ecclesiam pro redemptione animæ suæ, licentiam habeat de portione suâ, postquam cum filiis suis partiuir, nullus eum prohibeat, non Rex, non Dux, nec ulla persona habeat potestatem prohibēdi, & quidquid donauerit, villas, terram, mancipia, vel aliquam pecuniam, omnia quaecumque donauerit pro redemptione animæ suæ, hoc per Epistolam confirmet propria manu sua ipse, & testes adhibeat sex vel amplius, si voluerit imponat manus in Epistola, & nomina eorum notentur ibi, quos ipse rogauerit, & tunc ipsam Epistolam ponat super altare, & sic tradat ipsam pecuniam coram sacerdote qui ibidem seruit, &c.

Innumera Cartarum eiusmodi exempla ex-

tant in Annalibus Fuldensium, & in Antiquitari-
bus Alemanicis. ex quibus liquet Cartarum scri-
ptores, vt plurimum fuisse, vel Clericos vel Mo-
nachos, qui soli priscis illis temporibus, scribendi
peritia callebant. Cartas vero & instrumenta, La-
tino idiomate concinnabant, stylo breui, atque vt
plurimum sordido, cui passim admixta sunt Bar-
bara, & Germanica vocabula, etiam in Cartis quæ
in Franciâ, & sub Regibus nostris scriptæ sunt; nam
linguæ Germanicæ vsum durasse apud Francos,
ad Ludouici Pij tempora, inde constat quod idem
Ludouicus, inter mortis certamina, nescio quo
spectro pressus, & territus, dicitur eam vocem
emisisse *huz, huz*, quod Germanica lingua est inter-
pretatum Foras. In his vero Cartarû scriptoribus,
& notarijs numerâtur præcipuè Madalfredus, qui
Monachus fuit sancti Galli, cuius cartæ plurimæ
reperiuntur circa annum 847. Albunius Clericus
qui scripsit anno 770. Præ ceteris vero Iso qui-
dam Monachus, & magister sancti Galli scripsit
Instrumenta non pauca circa annum Christi 913.
imo & formulas quibus cartæ scriberentur com-
posuit, quæ dicuntur formulæ Isonis.

In cartis vero donationum primum exprimi-
tur nomen Donatoris, deinde quâ causâ donaue-
rit, 3. quam rem donet, quod prædiû, quæ manci-
pia, apponuntur testes quorum nomina scribebat
manu sua, qui cartam conficiebat: vnusquisque
vero testium signum, & characterem suum iuxta
nomen suum apponebat. 4. Nomen suum adhi-

Author vitæ
Lud. Pij, a.
pud Pitho-
cum, pag. 10.
6. edit verset

bebat auctor cartæ : ac denique nomen Comitissæ,
vel Regis, & annum regni, ac Imperij.

Illud interim animaduertendum fuisse in libertate donatorum, ut certam pœnam multamue irrogarent hæredibus suis, aut aliis quibuscumque, qui donationem rescindere tentarent, & ausu nefario vindicare prædium, aut mancipium semel Deo religiose consecratum. Adeoque in hac parte priuatus quilibet iudicem agebat, quia in defensione rei sacræ magistratus auctoritatē nemo est, qui non possit sibi adscribere. Exemplar vero eiusmodi donationum, ut lectori alibi requirendi laborem, & fastidium submoueam hinc adtexo.

EXEMPLAR DONATIONIS EX
SYLVESTRO DIAcono.

In nomine Christi. Ego Riuulfus cogitavi Dei intuitum, vel diuinam retributionem, vel peccatorum meorum veniam promerere. Propterea vernaculam Iuris mei terram eam in loco nuncupanti quod dicitur Petinuillare, quantum mihi Deus donauit, & parentes mei, in hereditate dimiserunt, trado, seruum Allidulfum, cum omnia mea, cum agris, cum pradis, cum campis, cum aquis, cum filijs, cum pumiferis, trado de meo Jure sancto Galloni ad possidendū, & postea quidquid exinde facere volueris vëndendi, donandi, possedendi, liberam in omnibus habeas potestatem faciendi. Si quis vero, quod fieri non credo, si ego ipse, aut ullus de hæredibus meis, vel ulla opposita persona, qui contra hanc donationem venire, aut agere tentauerit, in primis Dei iram incurrat, & à communione corporis, vel

Sacerdotum extraneus sit, & in fisco soluat auri libras duas, & argenti pondera quinque, & quod petit, vendere non valeat, sed præsens hac carta omni tempore firma permaneat cum stipulatione subnixa. Actum præsentibus, quorum signacula continentur. Sign. Riolfi qui hanc donationem fieri rogauit, Sign. Ruodolfi, Sign. Asdari, Sign. Audonis, Sign. Fredualdi, Sign. Ariberti, Sign. Suabonis, Sign. Ludualdi, Sign. Suzcini, Sign. Odpadi, Sign. Estegi, Sig. Arconis, Sig. Zilonis, Sig. Ruodcoz. Notauit quod feci in mense Junio. V. Id. Iulias, in anno quinto decimo, regnante Domino nostro Theodorico, Rege supra Carulum maiorem domus. Ego quanquam peccator Siluester descripsi, in Dei nomine. Amen.

Ex quo patet comminationes excommunicationum, & Censurarum, non tantum à S. Pontificibus (quibus est Ius pellendi sacris perduelles & sceleratos) verum etiam à priuatis quibuscumque fuisse usurparas.

Cóminationes excommunicationum etiam laice usurpate.

Quanquam verò cartis & instrumentis rei traditio, ac donatio firmaretur: attamen, & aliis ceremoniis utebatur Ecclesia in adeunda possessione. Aliter enim in domus & casæ, aliter in prædij, aut agri possessionem mittebatur. Si enim aliquis Casam, vel domum Ecclesiæ legasset, & donasset: tum nomine Ecclesiæ, Sacerdos Monachus vel Aduocatus Ecclesiæ, vnà cum donatore domum illam adibat, & per traditionem ostij, & anaticulorum domus, in Ecclesiam rei dominium transferebat, ita elicimus ex Marculphi formula 154. Quid sit autem tradere domum per ostium, & Anaticula

Ritus traditionis per Anaticula. Marculphus formulâ 154

meo, quidam iudicio non est difficile augurari. Nam cum possessionem tradi scripserint Iuriconsulti, non cogitatione sola, sed corporali apprehensione, probabile est eos qui se dominos, & possessores domus factos de nouo, significabant, ostij contactu, cardinum & pessulorum ea possessione initiatos. Anaticula autem sunt cardines domus ab ἀνατέλλω, id est orior, conuerto, inde ἀνάπολαι, dicuntur Cardines cœli

Quid anaticula, & inde appellata.

Qui autem prædium agrumue Ecclesiæ tradebat, is gramen siue cespitem, ex eadem terra reuellebat; & reuulsum tradebat Aduocato Ecclesiæ, vel Clerico, qui nomine Ecclesiæ possessionem prædij adibat. Eius rei insigne exemplum habemus in Chronico Vnde semiēsi, l. i. cap. 17. *Discre-*

Chronicum
Vnde semiē
se, cap. 17. p.
p. 74.

cus etiam, & prudens Ciuis Zuuollensis Gosuinus Tyacen octo iugera terra cum dimidio dedit Monasterio, simpliciter, & pure propter Deum, in animæ suæ, & progenitorum suorum salutem, hæreditario iure à parentibus ad se deuoluta, realiter & legaliter resignans ea, coram notario & testibus, cum stramine de terra suscepto, & priori tributo legitime abrenuntiando.

Innocentius
3. Capit. ex
litteris. de
Consuetu-
dine.

Paulo aliter hunc ritum explicat Innocent. III. in cap. *Ex litteris de consuetudine.* ad Archiepiscopum, & Capitulum Londensem (vbi male, Vulgo scribitur Lugdunensem.) Nam cōsuetudinem esse ait, vt qui agrum & terram Ecclesiæ donat, eius glebam seu portionem aliquam togæ sinu inuoluat, quam deinde coram Antistite, in altari deponit: Si vero quis possessiones aliquas claustris, vel aliis religiosi

religiosis locis; in bona valetudine, vel ultima voluntate pro suorum vult remedio peccatorum conferre. Hæc conferendi formam esse proponitis quod in eiusmodi donationibus modicum terræ in manu consuevit accipere, vel in extremitate pallij quod manu prælati Ecclesiæ sustinetur, aut super altare ponendum sub testimonio videntium, & audientium sub dictâ formâ, ut Scotatio vulgariter appellatur, &c. Alias donationum formulas antiqui Codices subministrat Codex manu exaratus, tabulario è Apſiensis Monasterij in Diœcesi Pictonum formam donationis continet quâ, Matrona quædam illustris, instrumentum donationis confirmat, per traditionem flocci capillorum.

Qui l'ſic
Scotatio.

In eodem Codice Nobilis quidam morbo decumbens donat Ecclesiæ iura quædam, & prædia, & confirmat donationem traditione Calicis in quo communionem sumpsit.

In Archiuis Ecclesiæ sancti Hilarij Pictauiensis donatio suburbani prædij confirmatur à Comite Pictauiensi, per traditionem Cinguli & impetum nem eiusdem super altare. Hæ itaque sunt lemniores donationum formulæ.

Quod vero ad foundationum, & donum Cartas pertinet, de quibus hoc caput præcipue institutum est, nihil habent singulare, quod in illis nomen scribebatur episcopi, qui Basilicam consecrasset: & si forsan episcopus Diœsanus non posset consecrationem perficere, mentio fiebat in Carta, licentiæ ab eo impetratæ, a quo episcopi ad consecrandam Basilicam iuui-

204 De bonis & possessionibus Ecclesiarum;
di. Secundo loco fiebat accurata totius dotis des-
criptio, 3. loco scribebatur quot Clerici, vel Sacer-
dotes essent in eadem Basilica sacris rebus mini-
straturi. Exemplar dotationis, & fundationis ex
scribo, ex antiquitatibus Alemanicis.

EXEMPLAR DOTATIONIS.

*Quoniam ex varietate rerum mortalium, & tempo-
rum continuata prolixitate, & humani generis debilitate,
memoria rerum gestarum obliuionis irreptione extrudi-
tur. Ideo prudens industria hominum id quod posteritati
voluit esse certum, sapissime reliquit successoribus suis,
testamētis confirmatum. In nomine ergo Sanctæ & Indi-
uiduæ Trinitatis, notum sit omnibus, tam futuris, quam
presentibus, quod ego Notpertus Monachorum S. Galli
Ecclesiæ Abbas in nouali loco, qui Abbacella nuncupatur,
in conualle circumpositorum uontium sito, Basilicam ad
seruitutem Dei condidi, quam & edificatam à Thietma-
ro Curiensi Episcopo cum licentia, & rogatu Rumaldi
Constantiensis Ecclesiæ presulis, per legitimā consecratio-
nem loci illius in colis ad oratoriū stabiliri. Denique hanc
eandem Ecclesiam præbēda pueri unius de claustro nostro,
& una Vuatspenda, & beneficio unius mansus, & omni
post subscriptæ decimationis determinatione dotavi, à
uonte Hersberch, ab alpe Solim, à Maggelisalpa, à
Barental, à Portaris alpa, à Chranperch, à riuulo Buchen-
bach, ab ostio fluuioli Rota, usque dum fluit in Sitterum,
usque ad originem; ita ut procliuitas circumpositorum
montium ad eandem cellam secundum liquentiam niuis*

*imminet apertissime determinavi. Hanc etiā dotationem Sacerdoti ibidem Deo seruienti, banno Rumaldi Constan-
tensis Episcopi consensu Fratrum nostrorum perpetuo iure
stabiliz. Facta sunt hac anno ab Incarnatione Domini
MLXI. indictione 9. regnante Rege nostro Hainrico Ro-
manorum Imp. Anno 4. Signa testium Vuitone Aduo-
cato, Opreth, Atzo, Tietpreht, Vodalrich, Liebo, Rege-
nolt, Eppo, Heilman, Vuolspreth, & ceteri complures.*

Ad cuius cartæ notitiam quædam vocabula ex-
plicanda. Noualem itaque locum, in quo Basilica
extructa est, intellige locum prius infertilem re-
cēs vero excultum. Vastpenda autem qua dota-
tur ea Basilica, nihil aliud est, quam vestiaria pen-
sio Monachis præstari solita ab Abbate. Nam
apud Germanos Vuatt, vestem significat, & Var-
mam dicitur qui pannos vendit, Spenda vero an-
nonam significat.

Restant duo tantum ritus explicandi. Primus,
quomodo Ecclesiæ potestaté Episcopo traderent.
Secundus, qua ratione Episcopi in Ecclesiâ recens
conditâ Clericos instituerent, seu vt vulgo dicunt
inuestirent.

Et quod ad primum pertinet: Episcopi, prius-
quam Ecclesiæ *καθιέρωσι*, seu consecrationem ag-
grederentur, sollicitè inquirebant à fundatoribus,
quibus conditionibus vellent eam dotare, ac si
conditiones proponerent Ecclesiæ iniuriosas, & à
sacrorum Canonum auctoritate discrepantes, pu-
ta si nollent Ecclesiam fundatam cognitioni &
potestati Episcoporum subiacere, tum præsules

sacri, consecrationem adoriri renuebant, ne operis religiosi prætextu Religio ipsa læderetur. Sive-
 ro fundatores omnino se Canonum potestati
 submitterent, Episcopus consecratione peracta,
 coram sacris altaribus Ecclesiæ dominium, & gu-
 bervationem à fūdatore accipiebat. Tradebat au-
 tem fundator potestatem Ecclesiæ **P E R P A L-**
L I V M altaris, ut vocant. Hoc est sumebat in ma-
 nus altaris pallium, & Episcopo tradebat, qua ce-
 remonia significabatur Ecclesiam in ditione Episcopi,
 quantum ad omnia iura esse constitutam.

Traditio
 per pallium
 altaris.

Notitia
 donationū
 Ecclesiæ
 Salisburgē-
 sis, cap. 9
 apud Canis.
 tom. 6.

Illustre monumentum huius rei habes, in no-
 titia donationum Ecclesiæ Salisburgensis cap. 9.
 apud Canisium, Tomo 6. antiquarum lectionum,
 ubi de Guntherio Comite sermo est, *Conuocauit,*
 (loquitur de Guntherio) *illuc sanctum Virgilium*
Episcopum eodem anno quo ad Episcopum ordinabatur,
dixitque ei se velle ibi Monachos congregare, & Abba-
tem constituere & tunc Virgilius Episcopus requisivit ab
eo in cuius dominio voluisset, ut Abbas ille esset, & Mo-
nachi quos illic congregasset: & ille ei primitus hoc dicere
noluit, dixitque ei Episcopus, Neque ego tibi Ecclesiam
consecro, nec Monasterium, neque Abbatem, nisi secun-
dum Canones sciam ad quem, locorum illorum rectitudo,
& donatio constare debeat, & voluit inde abire. Deni-
que idem Comes Guntherius diuino compunctus amore,
cognouit quod Episcopus secundum Canonum statuta in-
cedere vellet, & promisit se hoc ipsum quod ibi constru-
ctum habuit, ad monasterium perficere velle, & cum omni
proprietate suā eandem Ecclesiam, si consecrasset, ad

Salzburgensem sedem Episcopatus, & ad illam dominationem pleniter per omnia, secundum Canones tradere velle, & per omnia inde ita facere sicut Virgilius Episcopus illum doceret, & tunc demum consensit Virgilius Episcopus, & consecrauit ipsam Basilicam, in honore sancti Stephani, & omnem locum hunc. Quo facto Guntherius tradidit per Pallium altaris Virgilio Episcopo ipsam Ecclesiã, cum omnibus quæ ibidem antea perdonauit tradere.

Ex his patet quem animum attulerint veteres illi Episcopi in dignitate sui nominis propugnandâ, qui nolebant vlla in suâ Diœcesi Monasteria construi, nisi quæ Episcopi ditione, & auctoritate continerentur.

Alterum vero quod ad inuestituram Ecclesiæ pertinet. Solebant Clerici, vel Monachi post solemnem consecrationem Basilicæ benedici ab Episcopo, & accepto ab eodem rerum Ecclesiasticarum inuentario de mysteriis rite peragendis admoneri. Idipsum in Monachis fiebat quos religiosa veste, si eam de nouo assumerent, idem Episcopus induebat, vt constat ex Chronico Vindesemiensi citato. cap. 13.

CAPVT VIII.

De vario genere dotationum. Ac primum de dote Oratoriorum, & Monasteriorum. Iustiniani edictum. Basilicarum variae dotes. Origo beneficiorum simplicis Tonsura. Qui sumptus in Monasterio. Quot Monachi efficiunt Monasterium. Breuium siue Codex Ecclesiae apud quem seruabatur. Cartophilacij dignitas.

*l. Quæro.
ff. de iure
dotium.*

DOs sequitur conditionem mulieris, & mariti, unde honestioribus matronis dos quoque opulentiore perpetuo est, constituta *l. quæro. ff. de iure dotium*. Quare non omnibus quoque Ecclesiis dos æqua fuit. Pro numero enim, vel Monachorum; vel Sacerdotum dotem pingue, & reditus opimos necesse fuit condicere: ut ex censu Ecclesiastico ministri omnes commode ali possent, neque prophanis artibus victum queritando, congerentur dignitatis suæ, & Religionis maiestatem dedecorare. Ita maiorum suorum prouidentiam laudat Iustinianus Nouella 3. *Deprehendimus (inquit) eos qui sacrosanctam aliquam Ecclesiam, in hac alma urbe exedificarunt, non solum curam ædificij gessisse, sed etiam ut sacris ædibus quas ipsi instituisent, sufficiens erogatio suppeteret, utque definirent, quot per singulas Ecclesias Presbyteros versari conueniret, quot Diaconos, vel mares, vel fœminas, quot Subdiaconos, & item Cantores*

Dos ad Ecclesiam necessaria Iustinianus Nouella 3.

simul & Lectores & Ostiarios: ad hac adis sumptum adieciſſe: præterea peculiares redditus, qui instituto huic ſuo ſatis eſſent, neque multitudinem aliquam adiectam, cui exinde competens ſolutio fieri non poſſet. Vnde animaduertendum Oratoriis & Aediculis, ad priuatæ pietatis ſolummodo monimentum & ſignificationem grati erga Deum animi conſtructis, dote non opus fuiſſe tam lautâ, quàm Parochiæ aut Monafterio.

Et certe in oratoriis habebatur ratio Clericorum, qui illic erant inſtituendi. Nam ſi forent è ſacerdotû numero, redditu opimiorè dotabâtur, quàm ſi in inferiori gradu conſiſterent, puta in Diaconorum, aut Oſtiariorû ordine. His enim ſufficiebant mediocres ſportulæ: quippe quibus nil incumberet oneris, præterquam ædem ſacram purgare & candelis ac luminibus moderari. Ita definitum in Concilio Toletano ſub Recaredo Rege Era DCXXXV. *Placuit Dei ſacerdotibus, ne quiſquâ infra ſuam paroeciâ Dei aulam inquirat, & munificus ille qui ſanctam Dei ædificauerit Eccleſiam, quod ibidem pio ſuo hærede largitus eſt, eodem loco præbyter ſecundum priorum Canonum inſtituta deſeruiens habeat. Et ſi præbyterum ea facultas habere non permittit, vel diaconus inſtituatur. Certe ſi minor eſt cenſus, oſtiarius à ſacerdote ſit electus, qui nitorem infra ſinus ſanctæ Eccleſiæ faciat, qui & ſanctarum Reliquiarû luminaria omni ſubſequenti nocte accendat.*

Oratoria
quam dotæ
poſtulerent.

Concilium
Toletanum
ſub Recaredo
cap. 2.

Ex eo fortasſe quod aliquæ ædes fundatæ eſſent, vt aliorum ordinû, præterquam Oſtiariorum mi-

Greg. lib. 2.
ep. 19.

nisterio non egerent, manavit forsan origo Beneficiorum, quæ simplicis Tósuræ appellantur à Gal-
lis. Fuisse autem Ecclesias quasdam, quas non
Presbyteri, aut Diaconi, sed inferioris nominis ac
gradus Clerici regerent abunde liquet ex epistola
decima nona Gregorii Magni lib. 2. ubi Ecclesiam
sanctæ Agnetis, quæ viâ Suburrânâ constructa erat
commendat curæ ac ministerio Leonis cuiusdam
Acolythi, cui propterea assignat pensiones domo-
rum. De quibus postea agemus.

Synodus
Trull. can.
16.

In monasteriis vero pro numero monachorum,
census oportuit constitui competentes. Qui autem
numerus ad conficiendum monasterium sufficiat
præclare edisserit Balsamon ex nouella decima
quartâ Leonis Imperatoris ad Canonem decimū
sextum Trullanæ Synodi. Rogauerit (inquit Bal-
samon) quispiam & quantus sumptus ab eo exigetur qui
velit monasterium extruere? Multane auri talenta an sta-
teres aliquot? Solutio. Neutrū. Non enim cogetur quispiam
magnificam & magni pretij Deo offerre oblationem, nec
minutula aliquot auri numismata, ad ea quæ proposuit
non sufficientia offerens exaudietur. Sed quia monaste-
rium à tribus ad minimum monachis constituitur, cogetur,
qui vult edificare, afferre, si non plura, ea quidem certe,
quæ sufficiunt ad templi perfectionem suamq; & trium
monachorum habitationem & prouisionem. Dicit enim
decima quarta Imperatoris Domini Leonis nouella post
præmium. Dicimus, quod quoniam diuino ore dictum est,
ubi sunt duo vel tres congregati in nomine meo, illic sum
in medio eorum, oportet tribus ad minimum sufficere opus,
quod

quod monasterij subit appellationem, & aliorum, scilicet pretiosiorum vasorum, quæ ad ceremonias Deique cultum & existentis felicitatis reputationem pertinent, non deesse facultatem. Eum ergo qui monasterium consecrare velit adgredi citra, prohibitionem, eo usque ad minimum oportebit ad eius consecrationem impendere.

Balsamon
ad Canonē
16. Trullanæ
synodipag.
537.

Quòd vero fundator Monasterij non tribus tantum monachis domum victumque, sed sibi quoque debeat prospicere, causa est: quoniam iubent Canones, ut si ædium sacrarum fundatores, in calamitatem incidant, atque ad inopiam redigantur, victus & habitatio illis ex fundo censuue Ecclesiæ suppetat, ne beneficium se perdidisse lugeant, in ingratos conferendo.

Cæterum non omittendum apud Episcopum fuisse Codicem rerum Ecclesiasticarum, in quem referebantur ea, quæ quis, seu dotis nomine, seu alio quouis donationis genere contulisset, & in arbitrio stabat Episcopi ut pro dote Ecclesiæ hæc aut illa prædia admitteret vel respueretur Nam si prædia utilitatis aliquid essent allatura admitterebat Episcopus, si vero non commodo, sed oneri futura repudiabat. Codicis interim Ecclesiastici meminit Synodus Constantinopolitana quæ dicitur prima & secunda, Canone primo. Nam postquam damnauit scelestum facinus aliquorum, qui ut pietatis famam aucupentur, monasteria construunt, & postquam ambitioni fecere satis, res Deo sacratas repetunt, & infami postliminio sibi vendicant: tandem ut huic morbo medeatur, definit, ut ne-

Synodus
Constantin.
p. prima
secunda
Canones.

rochiarum dissipatio. Itane vero, turbari Diœceses, Parochias confundi, Episcopatus permisceri, nunquid perinde est, ac orbem istum ad antiquam redire *ἀρχαίαν*. Delirarunt itaque Martyres generosi, Prælati illustres, qui hunc ordinem quem sæculi nostri vecors sapientia, & falsa sagacitas contumaciter euertit, tantis conatibus compegerunt Inter flammæ, & incendia sæuientium & furētium Imperatorum quid aliud egerunt Pontifices quàm vt Ecclesiam ordinarent, parochias conderent, & certis finibus Ministrorū curam definirent. Si libertate opus erat maxime iis temporibus quo cælare pietatem cogeabantur, quo impiæ tyrannorum leges Christianorum patientiam satis exercebant, etsi Ecclesiastica disciplina nil vltra oneris addidisset. Sed ne conducti ad lessum planctumue parochiarum videamur, prouehamus stylum in earum antiquitatem, dotem, & foundationem.

Parochi & Parochiarum nomen antiquum, sed non tam illustri, significatione. Quippe parochus antiquis idem fere ac diuerforij dominus, qui nimirum peregrinantes parte commeatus iuuabat, maxime cum Reip. causâ esset iter institutum. Ita Porphyrio ad Satyram 5. Horatij lib. primo sermone, *Parochi* (inquit) *copiarj dicuntur* *ἀπὸ τοῦ ἀπέχειν* idest *ab exhibendo*. Hodie autē à copiarjjs præstantur hæc, nimirum lignum & sal, ijs qui Reip. causâ iter faciunt, nec tantum lignum & sal, sed etiam gratuitam & honorariam euectionem præbebant gentium

Porphyrio
ad Satyram
S. Horatij
lib. 1.

exterarum legatis. Nonius Marcellus. *Parochos* à Nonius Marcellus in voce parochos.
Græco tractum est nomen quod vehicula præbeat, &c.
 Acron ad Horatij Satyram 8. lib. 2. *Parochi dicuntur* Acron ad Satyram 8 lib. 1.
qui hospitibus publice exhibent necessaria. Idem appel- l. Munerum ff. de muneribus.
lantur Xenoparochi l. munerum, ff. de muneribus.
 videtur autem multum differre parochia & paroecia. Est enim parochia præbitio seu spatium, intra quod veteres illi parochi tenebantur peregrinantibus lautia suppeditare: at vero *παροικία* est plurium domorum vicinia & conglobatio. Parochias vero Diœceses integras quibus Episcopi præficerent, appellarunt veteres. Ita Canon. 14. Apost. vetat ne Episcopi à paroecia in paroeciam transiliant. Ita apud Eusebium vocatur paroecia Alexandrina, paroecia Ephesina pro Diœcesibus. Tacito innumera eiusmodi, & titulum totum apud Photium de parochiis.

Parochia & paroecia qui differant.

Canon. Apost. li. 14. Euseb. lib. 3. hist. cap. 25. & 31.

Parochiarum vero imaginem quandam habuit antiquitas. Nam cum ciuitas in tribus nouemdecim Vrbanas, & vnaquæque tribus in decem Curias foret distincta: nemo nescit vnicuique Curiae suum fuisse templum & suum sacerdotem. Marcus Varro, *Curia*, inquit, *duorum generum & ubi curarent sacerdotes res diuinas ut Curia veteres: & ubi Senatus humanas ut Curia hostilia quam primus edificauit Hostilius Rex ante rostra, &c.*

In municipiis vero sui quoque fuere sacerdotes, nam & alia habebant à Romanis sacra, & alios ritus: vnde cum è municipiis in urbem commigrarent, sacris municipalibus cogebantur renun-

CAPV T. IX.

De parœciarum origine & progressu. Parœcię etymon. Quinam parochi apud Romanos. Species quadam parochiarum apud infideles. Initia parochiarum etiam rusticarum Apostolorum temporibus. Parochiarum in urbibus distinguendarum causa. Evaristus parochiarum author non Dyonisius. Declaratum fermentum quid. Parochiarum rusticarum distinctio & limites, à quibus positi. In Hispania parochiæ ante Concilium Fliberitanum. Domus Nobilium primę parochiæ, &c.

NIl est sanctū & inuiolatum quod aliquando temporis longinquitate non corrumpatur. Societas nostra non tam est subsidiorum quàm viriorum turpe commercium, nam mutuo affrictu suas quisque sordes alteri allinit, & priuatæ libidinis licentiam, atque impunitatem assequitur, alterius cupiditatibus indulgendo.

Hinc morum pestilentia sæuius per vrbes, quàm per oppida grassatur. Nam qui ciuitates incolunt, non tam humanitate cultuque virtutum, quàm vitiis, & sceleribus rusticitatem excutunt, & eò se politiores existimant, quò magis fuerunt in nequitiiis fingendis ingeniosi.

Atque vt ex tabidis corporibus lues maligna in aërem effunditur, vt nitentibus speculis anus

putridæ squalidas nubes inducunt; Ita & hominum ingenia vitiorum halitus infestos etiam in sacra solent transfundere. Quamobrem sanctitatem sacrorum vrbes primum corruerunt, dumque innocentes Deos, Faunum, Pana, Cererem, simplicissimi agricolæ fistula & arundine colunt, Senatus, Floras & Veneres Deas esse iubet infami meretricatu cœlum polluit, facitque hominum fœlicitatem, scortorum societatem. Nec præteriti temporis mala lugendi locus est, dum nostræ nos calamitates vexât: Non finit instituta de parochiis disputatio à querelis abstinere. Nam cum omnia teporis progressu in Ecclesia, adoleuerint, Episcoporum splendor, dignitas, Monasteriorum amplitudo, numerus, prærogatiua: sola parochiarum disciplina ita exoleuit, vt nisi mediocres villæ, & pagicarum vestigia quædam retinuissent, vix sciremus parochias extitisse. Nam quotusquisque est hodiernâ die, qui in parochia Missarum solemnibus sacris intersit? Quotus quisque oblationibus Deum placat? Quotusquisque monenti Pastori aurem patientem, & docilem præbet? Ista omnia vetustatis accusantur: ingenij famam, nouitatum studio omnes ambiunt, & nisi cœlum meliorem nobis mentem immittat, periculum est, ne sacrum Euangelij fœdus in antiquitatis infamiam incurrat, & lex Christiana, eâ quâ maximè est commendabilis longæuitate rideatur. At rei Christianæ splendorem parum minuit, inquiet aliquis, ista pa-

mini liceat monasterium ædificare absque Episcopis sententia, & consilio, illo sciente & permittente, & eam quam debet orationem peragente, ut ab antiquis pie ac religiose cantum est, monasterium quidem ædificetur, omnia autem quæ ad ipsum pertinent cum illo in ipso brevi inscribantur, & in Episcopaliibus archiviis reponantur, &c. *μὲν πόριων ὅ τῆς αὐτῆς ἀγορηκόντων σὺν αὐτῇ ἐκείνῳ βρέβιον ἐκαταγχαίφεται καὶ τοῖς ἐπισκοπικοῖς ἀρχείοις ἐναποθέσθαι.* Vbi nota. τὸ βρέβιον esse Cartam, seu Indiculum donationis. Quæ vero hoc Canone appellantur *δεχθεῖα ἐπισκοπικά*, alibi ad Canonem 17. Trullanæ Synodi, Balsamon vocat, *ἐκκλησιαστικὸν κώδικα* appellat. Hic autem Codex postremis temporibus à Cartophylace seruabatur, apud quæ fundator Monasterij indiculum edebat earum rerū, quas vellet in sumptus noui ædificij, & Monachorum annonam contradere; Quod si dotem eam competentem Cartophylax iudicaret, tum Crucis figendæ, hoc est inchoandi monasterij facultatem impertiebatur. Et hunc esse morem si temporis testatur Balsamon loco citato. In urbiū quidē Regina, ab huius temporis Cartophylace crucis fixa extra urbem non datur templum excitare volenti, nisi in scriptis deposuerit iuxta Canonem primum. i. & 2. Synodi se omnia attulisse quæ ad eius perfectionem pertinent, & ea minutatim confirmauerit in Codice Ecclesiastico. Nec mirum Cartophylacis veniā opus fuisse, ad extruendum Monasterium, quippe qui Balsamonis temporibus, in tantum dignitatis gradum conscendisset, ut Episcoporum iure, & honoribus fru-

Balsamon
ad Can. 17.
Trull. Synod.

retur. Ita idem Balsamon ad Canone 9. septimæ
Synodi, ἀφορίσθησαν τὰς σικρέτας τῷ καρποφολακεῖ τῷ
ἐπισκοπικῇ δίκαια, καὶ ὁ καὶ καίρις καρποφύλαξ ἐρεῖ
δικαίῳ τῷ καὶ καίρις ἀγιωτάτῃ πατριάρχῳ, πάντα τα
πύτω αἰήματα, ὡς ἐπισκόπος. ἀφορίζει γὰρ, διορθοῦται τὰ
ψυχικὰ σφάλματα, διακόνους καὶ ἱερεῖς ἐπιβέπει χερσὶν
αὐτοῦ, τὰ τῶν ἱεροπλεσιῶν πινάκια ἐκτίθεται καὶ ἀνὰ ποιοῦ-
ται ὑνὰ, καλῶς ἐπισκοπεῖον κληθῆσεται τὸ καρποφολακεῖον.
*Cartophylacij autem seu tabularij secreto, seorsim
deputata sunt iura Episcopalia, et qui hoc tempore est
Cartophylax sanctissimi huius temporis Patriarchæ, iure
omnia quæ ad eum pertinent exercet, ut Episcopus. Etenim
excommunicat, animæ delicta corrigit, Diaconos et Sa-
cerdotes ordinari permittit, sacrorum ministeriorum tabu-
las, seu indices exponit, et quadam eiusmodi alia. Carto-
phylacium recte Episcopatus dicitur. Vnde non mirum
si insignibus honoris, tam egregiis donatus fue-
rit Cartophylax. Alexius Comenus iubet eum
προκαθῆναι τῶν ἑρχομένων, sedere ante Episcopos. Si
quando oportet eos conuenire, antequam admit-
tantur ad Patriarcham, cui nemo inconsulto Car-
tophylace loquebatur. Apud eundem Balsamo-
nem ad Canonem 18 Nicænæ Synodi Cartophy-
lacem in equo patriarchali albo linteamine in-
strato equitasse in festo Notariorum, & tiara uti
solitum idem refert in Nomocanone Photij
tit. 8. de Parochiis.*

Balsamon
ad Can. 18.
Nicænæ
Synodi.
Fuit festum
notariorum
ludicrum,
puerile in
quo pue-
ri agebant
Episcopos.

ciare & Romanis ritibus vti Festus, *Municipalia sacra dicta sunt ea quæ ab initio observabant ante civitatem Romanam acceptam, quæ observare eos voluerunt Pontifices, & eo more facere quo adfuerent antiquitus.* Sed ne umbram parochiarum relicto corpore sectari videamur, & prophana pro sacris obtrudere, originem, & progressum apud Christianos intueamur.

Parochias qui recens aliquod inuentum putant, meo quidem iudicio falluntur. Inter ipsa Ecclesiæ primordia parochias reperio earumque memoriam sacris codicibus consignatam. Nam ubicumque est Ecclesia cui solus presbyter moderatur, ibi est paroecia. Paroecia quip in eo distinguitur à Diœcesi quod auctoritate Episcopi regatur Diœcesis, paroecia vero presbytero subsit quem Episcopus ad curam animarum instituit. At sacri codices mentionem faciunt quarundam Ecclesiarum, quæ non alios habebant Duces quam presbyteros & secundi ordinis sacerdotes. Paroeciarum itaque usus etiam illis temporibus non erat incognitus. Quæ vero Ecclesiæ solos presbyteros habebant non est difficile augurari. Non profero in medium quæ D. Paulus

Ad Tit. i. v. s. Tito loquitur nemine ipsum Cretæ relictum ut constituat presbyteros per Ecclesias. Scio enim responderi posse nomen presbyterorum illic pro Episcopis sumi. Nec difficile est credere in vna insula Cretensi plures fuisse Episcopos, cum Creta nobilis insula fuerit, ἐκατόμωλι dicta ab antiquis, quod centum vrbes insignes & famosas contineret. Cre

ta Iouis magni, medio iacet Insula Ponto, centum
vrbes habitât magnas. Vt itaque alio argumen-
to. Paulus Romanorum decimo sexto commen-
dat Phœben, quæ erat in ministerio Ecclesiæ, quæ
est in Cenchris: erat ergo Ecclesia quædam Cen-
chris instituta. At ea Ecclesia non erat Metropolis,
nec Episcopum habebat. Nam Cenchris non est
ciuitas, sed pagus tantum insignis Corinthi: ita an-
notauit Theodoretus in caput 16. Pauli, *Cenchree*,
inquit, *erat pagus maximus Corinthiæ*, At in pagis
nūquam constituebantur Episcopi. Deinde Cen-
chris nūquam inter Episcopatus Corinthiæ me-
tropoleos nominatur: sub sunt enim Corinthi tres
Diœceses Damala, Argiuis, Monēbasia. Ibidem
Paulus Aquilæ domesticam Ecclesiam salutat. At
illa domestica Ecclesia sine presbytero non erat.
Ergo speciem habebat parochiæ.

Veniamus ad subsequētia tempora. Paro-
chiarum, quæ apud Christianos postea institutæ
sunt, non eadem origo. Namque aliquas earum
constat ab ipsis fidei incunabulis constitutas; cum
Episcopi prima Religionis Christianæ semina in
prouinciis spargerent: aliquas vero liquet poste-
rioribus sæculis natas, cum domini prædiorum
peterent ab Episcopis extruendæ parochiæ licen-
tiam, ne familia & municipes sui, propter itine-
rum incommoda parcius sacris interessent. Paro-
chias & in vrbibus & in agris primis sæculis condi-
tas quis ignorat? In vrbibus parochias fecit neces-
sitas & populi frequentia. Nam cum insignes ci-

uitates, quas solas Episcoporum sedibus assignant Canones, vnius sacerdotis cura regere non posset, neque immensum populum vnius ædis spatia concludere, visum est Episcopis in legiones & Centurias populum partiri, & regiones ciuitatis certis limitibus describere, vt vnicuique earum suus sacerdos & Curio præficeretur. Roma ipsa parochiarum initia videretur debere sancto Clementi, qui regiones diuisit septem notariis qui gesta martyrum describerent. Nam si notarij quidam erant regionarij, instituti ad scribendam memoriam martyrum, probabile est etiam fuisse diaconos & presbyteros regionarios, qui martyres ad constantiam hortarentur, & eosdem carceribus conclusos inuiferent. Quod si hæc coniectura fallitur, certum est quod post Clementem, Euaristus dicitur titulos in vrbe Roma diuisisse presbyteris apud Anastasium Bibliothecarium. Titulus autem quid aliud quàm Basilica titulo crucis insignita. Nam & vt Imperatores prædiis fiscalibus solebant titulos præfigere, quibus lectis, territi nominum auctoritate milites aut prædones ab inuasionem abstinerent: ita in ædibus, seu domibus, ad peragenda mysteria consecratis, venerandum religionis nostræ characterem inscribebant, vt constaret deum hîc adesse præsentem, discerentque locum cultu impensiore venerari. Sic Pius Papa titulum appellat, domum Euprepiae, quam ipsa dederat Ecclesiæ vt solemnes in eâ synaxes agerentur.

Anastasius
Biblioth. in
Euaristo.

I. si quando
C. de Bon.
vacant.

I. Epistola
ad Episcop.
Vienne.

Ac ne parochiarum ista in ciuitatibus diuisio,

quidquam vnitati Christianæ noceret, quam vt apicem perfectionis prima sæcula coluerunt, neue qui presbyterorum regionalium curæ credebantur, viderentur esse ab Episcoporum potestate reuulsi, hac ceremonia utebantur. Quoties sacra Fermētum per parochias missum. mysteria Romanus Pontifex obibat, toties fermentum sacrum per omnes Ecclesias mittebat, vt vnus panis ab Episcopo profecti esu & comestione, omnes profiterentur se vni Episcopo tanquam patri adhærescere, & se plures quidem habere pædagogos, sed vnum patrem, vt monet Paulus. Et hoc est, quod de Melchiade narrat Anastasius, Anastasin vita Melchi dis Innoc. epi. ad Decentium. *Hic fecit vt oblationes consecrata per Ecclesias ex consecratu Episcopi dirigerentur quod declaratur fermentum,* verum hunc morem elegantius exprimit Innocentius epistola ad Decentium Eugubinum I piscopum, *De fermento vero quod die Dominica per titulos mittimus superflue nos consulere voluisti, cum omnes Ecclesie nostræ intra ciuitatem sint constitutæ quarum presbyteri, quia die ipsa propter plebem sibi creditam nobiscum conuenire non possunt, idcirco fermentum à nobis confectum per Acolythos accipiunt vt se à nostra communione, maxime illa die non iudicent separatos.* Concilij Laodicensi temporibus durasse adhuc hunc morem coniectamus, nam Canone 14. constituit, *Sancitas oblationes ad vicem Eulogiarum per festiuitatem Paschalem ad alias parochias minime mitti oportere.*

Itaque ad exemplar Romanæ Ecclesiæ maiores quæque ciuitates, vt Alexandrina, ab Episcopis fuerunt in parochias distributæ. I dipsū de Lutetianâ

222 De bonis & possessionibus Ecclesiarum,
eruditè admodum annotauit Doctissimus Filsa-
cius.

Hæc ergo sunt initia parochiarum in ciuitatibus
quarum minores & angustiores parochias non ha-
buerūt. Dicamus de parochiis rusticanis. Non du-
bium est, quin facilius fuerit ciuitatum parochiis
terminos præscribere, quam Rusticis & Villari-
bus; siue quia ciuitatum regiones apoliticis magi-
stratibus iam descriptæ reperiiebantur, siue quia
facilius esset urbem partiri quàm prouinciam, neq
possent Episcopi rebus grauioribus impediti ad
hanc disciplinæ partem curas appellere. Imo vero
in Episcopatibus quorum sunt angusti fines, nul-
læ primis temporibus erant Rusticanæ paroeciæ,
vt de Episcopatu Romano liquet ex epistola Inno-
centij ad Decentium. Nam facile è proximis ma-
palibus, si qui essent Christiani, in urbem conflue-
bāt. Quo ergo tempore distinctæ sunt & terminis
ac limitibus descriptæ, dubium maximū. Nonnulli
ab Anacleti temporibus earum initia deducunt,
qui Episcopos per maiores ciuitates, presbyteros
vero per villas & oppida iubet constitui. Episcopi,
inquit, Domini Apostolorum, presbyteri quoque 70.
discipulorum locum tenent. Episcopi autem non in Castel-
lis, aut modicis ciuitatibus debent constitui, sed presby-
teri per Castella & modicas ciuitates, atque villas debent
ab Episcopis ordinari, & poni, singuli tamen per singulos
citos suos. Vixit autem Anacletus circa annum
Christi 103.

Villarum
parochiæ
quando il-
lustratæ &
descriptæ.

Anacletus
episcopus
Episcop. to.
I. Concil.

Alij Dionysij Papæ epistolam proferunt, quem

etiam volunt quidem initium titulis, & parochiis
in vrbe Roma dedisse. Is enim Seuero Episcopo
Cordubensi sciscitanti, quâ ratione Corduben-
sem Diœcesim regeret, & parochias per eam con-
stitueret, sic respondit. *De Ecclesiis vero parochianis*
unde Apostolicam sedem consulere voluisti, qualiter custo-
dienda per Cordubensem Prouinciam, & diuidenda Sa-
cerdotibus, nil tua charitati melius nobis videtur intimare,
quam ut sequaris quod nos in Romanâ Ecclesia nuper
egisse cognoscitur. Ecclesias vero singulas singulis Presbyte-
ri dedimus, Parochias, & cœmiteria diuisimus, & vni-
cuique ius proprium habere statuimus, &c.

Dionysij
Epist. ad
Seuerum
episc. Cor-
dubensem.

Initia pa-
rochiarum
Rusticarum
in Hispania.

Quis enim dubitat hoc accepto responso Seue-
rinum totam Diœcesim parochianis Presbyteris
partitum, ac proinde his saltem auspiciis paro-
chias in Hispania incepisse.

At nemo nescit Epistolarum, & Anacleti, &
Dionysij fidem nutare, neque ante Syricium Pa-
pam vllas summorum Episcoporum tabulas sus-
picionem carere.

Ne ergo ruituris Atlantibus innitamur, dica-
mus Presbyterorum antiquissimam esse origi-
nem: Presbyteri autem, & parochi iidem fere,
nam sine titulo, & cura presbyteros facere ignora-
uit antiquitas A discipulis, itaque Domini fluxere
parochi, qui Apostolorum curis, & sollicitudinibus
succenturiati, partem muneris obibant, & quò
Apostoli commigrare non possent, eo se confere-
bant. Ita Fulbertus Carnotens. Episcopus Epistola
2. Anacletus epistola. 2. ad Episcopos Italix. Mon-

Discipulis
Christi suc-
cesserunt
parochi
Fulbert.
Carnot. ep
2. Anaclet.
epist. 2 ad
Episc. Italix.

Ignatius ad
Trallianos
Epist.col. 5.

tantus episcopus Toletanus, Epist. ad Episcopos Territorii placentini, quæ habetur post Concil. Tolet. 2. licet Ignatius, Epist. ad Trallianenses, Episcopos Christo, presbyteros vero Apostolis successisse iudicet, cum ait, *ὡς ἀποστόλοις Ἰησοῦ Χριστοῦ*.

Licet itaque non constet quandonam limites fuerint parochiis præfiniti, certum est tamen Episcopos semper fuisse vfos operâ Presbyterorum, eosque in regiones, villas, & oppida misisse Evangelij disseminandi causâ, quia cto se erga discipulos gesserant Apostoli.

Atque ut ipsimet Episcopi non tantum in amplis ciuitatibus, verum etiam in villis, & pagis Evangelium prædicabant, ita si villarum dominos propitios habuissent ac fauentes, in illorum certe prædiis & Castellis Ecclesias consecrabant, quibus quando erant discessuri Presbyterum præficiabant. Sic existimat antiquissimam in agro Parisiensi parœciam esse Christolium, in qua Altinus, & Eodoldus à Sauiniano Aureliam missi, viros clarissimos, eius loci Dominos, ad fidem conuerterunt Agoardum videlicet, & Aglibertum vnâ cum ingenti turba populi. Hoc enim factò euerfis idolorum simulachris Ecclesiam illic construxerunt, & Presbyterum instituerunt, ut ex monumentis illius loci facile liquet. Pari quoque exemplo Harigerus Abbas scribit Beatum Maternum, multas per Coloniensem Diœcesim Ecclesias instituisse. *Fundauit, inquit, per Diœcesim Coloniensem*

multas sanctorum diuersorum Ecclesias, primo destructis idololatriæ templis, & multos Nobiles signis, & miraculis ad Christi Fidem conuertit. Sic ergo primæ parochiæ rusticanae fuerunt in Castellis & domibus Nobilium, quos Apostolorum successores ad fidem conuertebant.

Progressu vero temporis plures in pagis parœcias fidelium numerus effecit, quorum nomen Presbyteri parœciani assumebāt. Ita in Concilio Iliberitano, hi subscripsisse reperiuntur. Restitutus Presbyter de Elepel. Natalis Presbyter de Orfuna. Barbatus presbyter de Aduingi, hæc autem nomina fuere oppidorum & pagorum quibus præerant. Adde Eucharium à Municipio qui huic ipsi Concilio subscripsit: At in municipiis nulli erant Episcopi. Ne vero sine exemplo simus Antiquissimam parochianæ Ecclesiæ ideam videre est, apud Palladium in Historia Lausiaca capite sexto, ubi de parochia Monachorum, qui in Nitriæ solitudinibus pietati operam dabant. *Veniunt, inquit, ad Ecclesiam Sabbato solum, & Dominico: sunt autem octo Presbyteri, qui præsunt huic Ecclesiæ in qua quandiu uiuit primus Presbyter eius Ecclesiæ, nullus alius offert, nec iudicat, nec habet sermonem, sed solum cum eo sedent. Initia autem eius parochiæ, quæ pæne cum Monachorum Republica inchoata est, longe sunt Constantini temporibus antiquiora.*

Subscriptio-
nes Conc.
Iliberitan,
apud Gar-
siam Loai-
sam

Palladius
hist. Lausi-
acæ cap. 3.

Nec tantum in desertis & solitudinibus, sed etiam in pagis illustribus parochias video. Seuerus dialogo primo, scribit Bethleem esse parochiam

Seuerus
Sulpitius
dialogi cap.
3.

Hierosolimitani Episcopi, atque huic præfuisse Hieronymum quendam Presbyterum. Igitur inde digressus Bethleem oppidum petiit, quod ab Hierosolymis sex millibus distatur. Ab Alexandria autem sedecim mansionibus abest, Ecclesiam loci illius Hieronymus Presbyter regit. Nam Parochia est Episcopi, qui Hierosolymam tenet.

CAPVT X.

De dote, & foundationibus paroeciarum. Presbyteri non tenentur manibus victum quærere. Ipsi debentur stipendia à populo. Liberalius stipendium Presbyteri olim capiebant quam Diaconi. Episcoporum auctoritas in res Ecclesiæ. Distributio & partitio antiqua oblationum ex Clemente. Partitio oblationum recentior. Quomodo tertiam decimarum Episcopi remiserunt, &c.

DVm communi gentium inuidiâ laboraret Christianum nomen, dum pietatis, ac honestatis vindices Prælati, pro scelerum magistris haberentur; quid erant aliud stipendia Clericorum dotes Presbyterorum honores Episcoporum, nisi cruces, tormenta, equulei, verum Christi patrimonium: cuius participatione, eius filij agnoscimur, qui nullo magis quam patientiæ miraculo voluit illustrari.

Nr

Ne quæramus ergo fundos, prædia, villas in primâ Christianæ rei adolescentia: tenues admodum erant reditus Episcoporum: tenuiores Presbyterorum.

Hoc tamen sciendum, primo Presbyteros ex oblationibus, & votiuis fidelium muneribus victitasse. Licet enim Paulus sibi manibus victum parauerit, ius tamen habuit stipendia poscendi ab iis, quorum saluti militabat: nemo enim propriis stipendiis, nequidem in Dei causâ militat. Nec est quod in ergastulum velit aliquis Presbyteros compingere, & cogere eosdem, ut manibus laborent. Nam etsi honestis artibus victum quære-
Eniphanius
hæresi 80.
lib. 3. tom. 2.

re possint Clerici, & eas artes tractare quæ à dignitate Ecclesiastica minime abhorreant, ut scribit Epiphanius, *τῆς τεχνικῆς τῆς ἐκκλησιαστικῆς ὀφειλίδος συμπεριπούσας*, attamen ius habent petendi à populis necessaria vitæ subsidia, quatenus sunt eorum pastores. *Quam eandem ob causam*, inquit, (Epiphanius) *pro incredibili ipsorum in gubernandis populis occupatione, atque Ecclesiastica procuratione administrandique labore perpetuo. Divinum hoc oraculum edicit. Quis gregem pascit, & illius lacte non alitur? Quis plantat vineam, & eius fructu non vescitur? Deinde operam inquit nauantem agricolam ante omnes, par est fructus edere, ut ne presbyterum, vel Episcopum quotidiano cibo indigentem constituat. Ob id populos hortatur, ut quæ ad alendos Sacerdotes necessaria sunt, iustissimis suis laboribus quæsitâ suppeditent. Et paulo post de Sacerdotibus loquitur in hunc modum Epiphanius:*

1. Corinth. 9.

Epiphan.
Hærel. 80.
lib. 3. tom. 2

Nulla, inquit, ad manibus laborandum necessitate damnati coactique sunt, sed cum iustissimos alios labores, & Ecclesiasticas occupationes habeant pro eo atque æquum est aliū idē ad idem debent.

Itaque primi illi præfules victum suis Presbyteris largiebantur è populorum oblationibus. Paulus eos qui bene præsunt Presbyteri duplici honore dignos indicat, at duplicem honorem geminum stipendium omnes terræ interpretantur.

Cyprianus.
p. 62.

Cyprianus liberaliores sportulas Presbyterorum ordini, quam ceteris inferioris notæ Clericis indulgebat, ut constat ex Epistolâ sexagesimâ secundâ, in qua aperte sportulas Presbyterorum à sportulis Lectorum distinguit, & vult Aurelium honore sportularum presbyteralium gaudere, licet in lectorum numero adhuc consisteret. Quid vero & quantum habuerint presbyteri parochiarum, postquam ceperunt cōstitui, non est difficile explicare. Imprimis vero agnoscendū est, Episcopos eorum omniū Ecclesiasticarum dominos, ac dispensatores perpetuo extitisse, neque Clericos & presbyteros è facultatibus Ecclesiæ, quidquam potuisse consequi, nisi ex beneficio, & cōsensu Episcopi, cuius erat & animis hominum, & opibus Ecclesiarum moderari. Apostolorum Canon 38.

Canon. A
post. 38.

πάντων τῆς ἐκκλησιαστικῆς παραστάσεως ὁ ἐπίσκοπος ἔχει τὴν φροντίδα καὶ διοικεῖ αὐτὰ ὡς τοῦ ἐρωῶντος. *Omnium rerum Ecclesiasticarum curam gerat Episcopus, & administrat tanquam Deo intinente.* Et Canone 41. *πρωτοσόμεν τῷ ἐπισκόπῳ ἐξουσίαν ἔχειν τῇ ἐκκλησίᾳ*

Canon. A-
post. 41.

παρρησια. Jubeamus Episcopum rerum Ecclesie potestatem habere, si enim pretiose hominum anime eis sunt credende, multò magis ei sunt committende pecunie, ut in eius sit facultate omnia administrare, & ijs qui egent, per Presbyteros & Diaconos subministrare, &c. Idem habet Concilium Antiochenum Canone 25.

Concil. Antiochenum.
Can. 25.

Eam Episcoporum in Ecclesia maiestatem sic antiqua coluit Ecclesia, ut nemini è Clericorum Catalogo licere arbitraretur oblationes fidelium admittere, nisi cum Episcopi consensu, adeoque Anathemate feriebantur, qui inconsulto Episcopo darent, & aut reciperent. Concilium Gangrense Canone 7. *Si quis oblationes Ecclesie extra Ecclesiam recipere, vel dare voluerit præter conscientiam Episcopi, vel eius cui eiusmodi officia commissæ sunt, ne cum eius voluerit agere consilio Anathema sit.* Et Canone 8. *Si quis dederit, vel acciperit oblata præter Episcopum, vel eum qui constitutus est ab eo, ad dispensandam pauperibus misericordiam, & qui dat, & qui accipit Anathema sit.* Cuius Canonis ratio nulla esse potest, nisi quod eius est oblationes suscipere qui Dei partes in terris sustinet, qui cum è cælo saluberrima hominum generi beneficia eliciat, debet etiam hominum vota, & largitiones Deo commendare.

Nemini licet oblata recipere nisi Episcopo

Cum itaque res Ecclesiarum in potestate Episcopi versarentur, liceretque ei pro arbitrio dispensare, sequitur dotem parochiarum primis temporibus ex nutu Episcopi fuisse constitutam. Unde in plurimis hodie Episcopatibus decimæ onus

In Episco-
patu Albiē-
si, & aliis
Narbonēsis
Prouinciæ
id fit.

nes, & quidquid obuentionum parochiis aduenit, id totum cedit lucro & commodo Episcoporum, qui annuas tantum pensiones Parochis, & Sacerdotibus præstant, cæteris fructibus sibi vëdicatis. Id autem non ita frequens fuit, & locum tantum habuit, vbi Episcoporum redditus proprii tenues erant, & angusti. Ideoque partem fructum, & oblationum Presbyteris tribui, solemnibus, & publica propè fuit consuetudo.

Clemens
Romanus
lib. 2. constit.
cap. 32.

Portiones
Episcopo,
Sacerdoti,
Diac. Lect.

Antiquissimus scriptor Clemens Romanus, lib. 2. Constitutionum cap. 32. modum describit, quo Presbyteris, Diaconis, Clericis, & Episcopis certa portio conferretur in Agapis siue conuiuibus Christianorum, *Seponatur, inquit, in conuiuio quod pastori consuetum est dari, dico autem id quod ad primitias pertinet veluti Sacerdoti, etiam si conuiuio non adsit, idque in honorem Dei, qui ei Sacerdotium commisit. Quatnum autem unicuique Presbyterorum datur, eius duplum detur Diaconis in honorem Christi. Presbyteris vero, ut qui laborant in verbo doctrinæ duplex seponatur pars ingratiam Apostolorum Domini, cuius locum sustinent tanquam consiliarij Episcoporum, & Ecclesiæ corona: sunt enim ij Senatus confessus Ecclesiæ. Si Lector sit, capiat partem unam in honorem Prophetarum eodem modo. Cantor & Ostiarius. Ex quo loco colligendum Episcopo etiam à conuiuibus absentis partem vnā sepositam fuisse nomine primitiarum, quas capit vice Dei, cuius in terris dignitatem sustinet, Presbyteros vero quadruplum fere Diaconorum accepisse. Nam septem Diaconi (tot enim erant in ciuitate*

iis temporibus) tantundem sumebant, quantum
duo Presbyteri. Diaconos vero liquet ex eodem
textu duplum habuisse Lectorū, & Ostiariorum.

Concil.
Neocel.
cap. 4.

Quod vero dicit dari duplum Diaconis in hono-
rem Christi illud meo iudicio ad eius humilitatem
spectat, quicum omnium Dominus esset, factus
est minister, & maiestatem velauit ignominia tri-
stissimæ seruitutis. Vel ad officium Diaconorum
referre oportet, qui Christi Euāgelium in Ecclesia
legebant. Ita enim lectoribus partē tribuendam
censet in honorem Prophetarum, quod ad eorum
officium spectat: Lectores quippe è suggestu pu-
blice Prophetas legebant. Ceterum ex Clemen-
tis verbis apparet Clericis, & Sacerdotibus ad
Agapas solennes vocatis, liberum fuisse partes
quasdam & symbola è conuiujs auferre, ac domū
asportare. At eam consuetudinem velut sordidam,
& Clericorum nomini iniuriosam tolli iubet Con-
cilium Laodicenum, Canone vigesimo septimo.

Agaparam
consuetudo.

Concil.
Laodicenū
can. 27.

*Non oportet, inquit, ministros altaris, vel quoslibet Cle-
ricos, aut laicos, ad Agapen vocatos partes tollere propter
iniuriam, quæ ex hac occasione Ecclesiastico ordini possit
deputari.*

Licet vero ex præfato Clementis loco liqueat
presbyteros in oblationibus sacris potiore longē
Diaconis partem habuisse: non tamen constat,
quid in Ecclesiarum redditibus iis permiserint
Episcopi: nisi ex Siluestri Canonibus repetamus
totam ecclesiasticarum facultarū molem, in qua-
tuor partes distributam, quarum prima episcopo

Canones
Syluestri
Papæ.

cedebat, secunda presbyteris, Diaconis & Clero, tertia Templorum, & Ecclesiarum fabricæ, quarta pauperibus. *Commoneo, inquit, vobis omnibus mihi consortibus monimentum hoc, ut de redditibus Ecclesiæ quatuor partes fiant, quarum una cedat Pontifici ad sui sustentationem. Altera Presbyteris & Diaconis, & omni Clero: tertia Templorum, & Ecclesiarum reparationi, quarta pauperibus, & peregrinis.*

Quomodo
Episcopi
tertia obla-
tionum &
decimarum
relaxarint.

Concil.
Aurel. I. can.
15.

Duravit hæc partitio Bonorum Ecclesiasticorum aliquandiu & Episcopi pro consuetudine regionum tertiam vel quartam decimarum & obventionum omnium partem à parochianis Ecclesiis recipiebant, donec Ecclesiæ auctæ sunt plurima rerum immobilium accessione. Nam postquam ex prædiis & villis satis habuerunt Episcopi, unde tueri dignitatem possent, tertiam illam obventionum partem remiserunt tumque ceperunt bona Ecclesiarum & oblationes in tres tantum partes diuidi, quarum una ad Presbyterum, secunda ad pauperes, tertia ad fabricam Ecclesiarum pertinebat. Et tamen tertia ista, quæ ad Ecclesiæ facta tecta spectabat, seorsum seruabatur & Episcopo parochias lustranti tradebatur, ut prospiceret ruinis ædium sacrarum sarciendis, si opus esset. Totam hanc disciplinam eximie illustrat Canon decimus quintus Concil. Aurel. primi, *De his quæ Parochiis in terris, vineis, mancipiis, atque peculis quicunque fideles obtulerint antiquorum Canonum statuta seruentur, ut omnia in Episcopi potestate consistant: de his tamen quæ in altario acceperint, tertia fideliter Episcopis deferatur.*

Ex quo Canone, vides omnia immobilia seruata Episcopo, tertiam vero oblationum ideo illi traditam, quod onus sacrae domus instaurandae atque ornandae in se reciperet. Cum vero aedes sacrae sine labe essent, & nullos sumptus earum resectio postularer, liberum erat Episcopis, vel tertiam istam Ecclesiae eiusque sacerdotibus relinquere, vel in aliarum Ecclesiarum lacunas supplendas impendere. Ita definitum in Concilio Toletano 9. can. 6.

Concil. Tolet. 9. ca. 6.

Cum praeieritis sanctionibus notissimum habeatur, quae de rebus parochialium Ecclesiarum pars Episcopo conferatur, opportune duximus decernendum, ut si Episcopus tertiam quam de rebus eisdem sanctione Paterna sibi debitam nouit, aut ipsi Ecclesiae, cuius res esse patescit, aut alteri Ecclesiae, cui elegerit conferre, decreuerit, & licitum maneat, & irrevocabile robur eius sententia habeat.

Episcopus sumendo tertiam tenetur ad reparandas Ecclesias.

Postea vero cum sordes & auaritia meliora consilia corrumpere, neque tam aedibus sacris ornandis quam propriis rebus augendis studerent Episcoporum nonnulli, decretum est in Concilio Emeritensi, ne in posterum tertiam istam portionem Praesules sibi vendicarent, neque aedium sacrarum cura apud ipsos resideret, sed parochorum unusquisque suae Ecclesiae reficiendae incumberet: secus vero ab Episcopo coereretur.

Tlacuit huic sancto Concilio, ut nullus provinciae Lusitaniae Episcopus sententiae huius terminum excedat, nec a qualibet parochiana Ecclesia tertiam auferre praesumat, sed quidquid inde consequi potuerat, totum in reparationem ipsarum Basilicarum proficiat. Omnes supradicti presbyteri qui vir-

Concil. Tolet. 12.

Episcopis tertia ablata.

234 De bonis & possessionibus Ecclesiarum,
tutem habuerint, Episcopo suo placitum faciant ut repa-
rare Ecclesias suas intendant. Quod si facere distulerint ab
Episcopo suo districti Ecclesias sibi creditas, ut ratio per-
mittit, digne reparent: Ecclesia tamen, quæ mundiales res
nullas habent, sollicitudine, intentione; & dispositione Epis-
copali, ut ratio permiserit, habeant reparationem.

Subinde vero cum parochiani presbyteri in
eandem sacrarum ædium sarcendarum incuriam
incidissent, & auaritiæ malo laborare viderentur,
Concilium Toletanum decimum sextum tertiam
partem obventionum sacrarum Episcopis resti-
tuit vna cum onere & debito, instaurandarū Eccle-
fiarum. Ita enim Canone 5. Unio nostræ adunationis
decernit atque instituit, ut tertias quas antiqui Canones
de parochiis suis habendas Episcopis censuerunt, si eas exi-
gendas crediderint, ab ipsis Episcopis disruptæ Ecclesiæ re-
parentur si vero eas maluerint cedere ab earumdem Eccle-
fiarum cultoribus, sub curâ & sollicitudine sui Pontificis
reparatio eisdem adhibenda est Basilicis, &c.

Concil. To-
let. 16. can. 5.

Tertia Epif-
copis resti-
tuta.

Nec vero satis visum est Episcopis parochianos
Sacerdotes fortuitis obventionibus sacrarū obla-
tionum dotare, vel etiam primitias & decimas illis
in solidum contradere: verum ad munificentiae
cumulum, ne quid sibi deesse parochi quererentur,
villas ipsiuit & prædia Ecclesiarū vtenda fruenda
commendabant. Quod liquet ex innumeris pæne
Canonibus, quibus permittitur Episcopo. partem
aliquam prædiorum Ecclesiasticorum Clericis ce-
dere, Agathensis Cónilij Can. 7. Aurelian. 3. can 17.
Lugdunens. 2. cap. 5. Aurel. 4. c. 36. Epaonensis c. 14.

Sed

Sed maxime & clarissime apparet ex Agathensi canone vigesimo secundo. Vbi de parochianis presbyteris expressa fit mentio. *Ciuitatensis, siue Diocesani presbyteri vel clerici, saluo iure Ecclesiæ, rem Ecclesiæ, sicut permiserunt Episcopi teneant: vendere autem aut donare penitus non præsumant, &c.*

Nec mirum Episcopos primæ ætatis de parochorum commodo & stipendiis fuisse sollicitos. Agnoscebant quippe illorum studiis & laboribus præsulum vices suppleri, neque aliud esse parochos magnis alioquin, sed sine honore laboribus occupatos, tristi insuper egestatis sarcinâ obruere, quàm oculum quo visurus sis effodere, & manum amputare, quæ ad operis alicuius molitionem tibi necesse est vti.

Quis vnquam pater vndique rerum omnium copia circumfusus sinat liberos seruili constantiâ cum fame atque inopia luctari: quis ferat tributum, aut ducem cupediis ac voluptatibus solui, dum miles etiam gregarius vix filiquis & sicco gramine vescitur. At Episcoporum filij sunt sacerdotes: quod si non filij, saltem milites & amici paulo dignitate inferiores. Merito ergo in eorum rem & commodum inuigilant, sine quibus Episcopi esse non possunt, & quorum ordine summo- to, necesse est præsules ælux dignitatis fastigio ad vltima sacræ hierarchiæ officia descendere.

Excitabat itaque Episcoporum præcæ illius ætatis prouidentiam & affectum erga presbyteros necessaria eorum opera: sed maxime pietas & cha-

236 *De bonis & possessionibus Ecclesiarum,*
ritas, in quam peccat, quisquis sacerdotem squal-
lore & sordibus plectit longè fœdiùs, quam olim
ab infidelibus & inimicis Christianæ fidei ad me-
talla damnarentur. Sacram hanc non voluntatum
modo, sed opum & fortunarum societatem inter
clericos, suadebant Apostoli, è quorum Cano-
nibus hoc Anathema in fratrum despectores
erumpit. *Si quis Episcopus vel presbyter, cum sit aliquis
ex clericis egenus, ea quæ sunt necessaria ei non suppe-
ditat, segregetur, sin autem perseveret deponatur, ut qui
fratrem suum interfecerit.*

Can. Apost.
589.

Itaque occisi Deo sacerdotis reus est, qui egen-
tem non pascit, & qui calamitatibus pressum &
inopia squalentem cogit turpi mendicitate ho-
norem Ecclesiastici gradus Angelis verendum,
prodere, & principem Christi dignitatem proca-
cibus laceffentium sannionum contumeliis ob-
iectare.

C A P V T XI.

*De novarum paræciarum extruptione, & dote. Tres
Causse novis paræciis initium dederunt. Qua neces-
sitate cogente fierent de novo paræcie. Nobilium an-
tiqua in parochos superbia. Archidiaconorum fa-
cilitas in diuidendis parochiis.*

REbus Christianorum feliciter compositis, &
Diœcesibus iam suos limites habentibus no-

uas parochias extruendi, tres potissimum caussæ extiterunt. Prima necessitas rusticorum. Secunda ambitio Magnatum & nobilium. Tertia lucrum, atque vtilitas Prælatorum.

Necessitate rusticorum compulsi Præsules nonnumquam parochias diuidebant, & nouas erigebant. Quâdo nempe, seu inaccessa montium iuga, seu torrentes hibernis imbribus, & niuium liquatione collecti, seu lacu, aut stagna prohiberent, quominus ex diffitis locis, & mapalibus, rustici in Ecclesiam maximâ anni parte commearêt, adeoque cogherentur sacrorum mysteriorum fructibus, & præsidio diutissime defraudari. Ita in Capitulari Tolosano edito à Rege Carolo Caluo, anno 834. Capitulo septimo. Vbi diu pensandum ait Episcopo, de nouarum parochiarum erectione, nec temere querelis popularium indulgendum. Ac si necessitati, eorundem, oratorij (quod Galli modo Succursum vocant) constructione subueniri commodè possit, abstinendum esse docet à nouarum Parochiarum erectione. *Si necessitas populi exegerit, ut plures fiant Ecclesiæ, aut statuuntur altaria, cum ratione & auctoritate hoc faciant. Scilicet ut si longitudo, aut periculum aquæ, aut siluæ, aut alicuius certæ rationis, vel necessitatis causa poposcerit, ut populus, & sexus infirmior mulierum videlicet, aut infantium, aut etiam debiliū imbecillitas ad Ecclesiam principalem nō possit occurrere, &c. Statuatur altare, & si ita populo complacet, & commodum fuerit, ne sine ratione scandalizetur, & parochia maneat indiuisa.*

Capit. Tolosano. sub Carolo Caluo, anno 834.

Quâ causâ nouas parochias erigi opus sit.

Sin vero ne oratorium quidem sufficiat, & tantum absint villæ ab Ecclesia, & domo Presbyteri, ut ad Missas peragendas eò venire nequeat, ac rustici morbo periclitantes, non possint Sacerdotem accersere, qui sacro viatico confirmet morituros. tum certe censet nouam parochiam in villarum confinio collocandam quando nempe sic longe est villa, ut presbyter illuc sine periculo ad tempus, & congrue non possit venire. *Sin præfatæ causæ postulauerunt, & populus non conductus, neque cupiditate, vel inuidiâ excitatus, sed rationabiliter acclamauerit, ut Ecclesia illis fieri, & Presbyter debeat ordinari: hoc Episcopaliter teste Deo in conscientia puritate cum ratione, & auctoritate sine intentione turpis lucri, mature, Consilio Canonico tractent, & utilitati, ac saluti subiectas plebis quæque agenda sunt pergeant.*

Ambitione
nobilium
paroeciarum
numerus
creuit.

Secunda nouarum parochiarum erigendarum causa petitur ex ambitione, aut certe pietate nobilium. Nobiles plerumque longitudo itineris vexabat, & impediēbat, quominus frequentissime sacris interessent, nonnunquam etiam in agro alieni iuris dominij ad Ecclesiam ventitare angēbantur. Nam honorum & sessionum prærogatiuam Dominis locorum cedere cogebantur, quod durum semper, & molestum fuit huic hominū generi qui fastum exuere etiam presente Deo nesciunt: Adde quod non poterant pro arbitrio Clericos alieni territorij regere, & horas sacrorum pro suo & familiæ commodo moderari. Ea enim

ambitio Sacerdotibus imperandi, Nobiliū pietatē
 ſemper inceſtauit fecitque, vt dum ſacra adeunt
 non tam videantur Chriſto ſamulari, quā eiuſ-
 dem miniſtris, ac Sacerdotibus, arroganter inſul-
 tare, nec tam Regionem profiteri quam Impe-
 rium.

Itaque his cauſſis & rationibus preſſi Nobiles
 parochias erigebant ſuis ſumptibus, & noua dote
 condita, hinc Concilium Aurelianenſe 4. *Si quis*
in agro poſtulat habere Diœceſim primum ei terras de-
putet ſufficienter. Hinc paroeciæ iſtæ dicuntur con-
 ſtitutæ in domibus potentum eodem Aurel. 4.
 can. 36. Hinc earumdem Eccleſiarum dominium,
 tam contumaciter olim ſibi vendicarunt Nobiles,
 quaſi nil eſſet diſcriminis inter gratiā patrociniij,
 & ius dominiij quod videbimus agendo de iure
 patronatus. Hinc Eccleſias munitionibus & vallo
 cingebant, quod incaſtellare dicunt veteres Cartæ
 lex Ducis Monfortij anno 1212. *Eccleſias à laicis in-*
caſtellari prohibemus, & in ſeruitutem redigi, imo etiam
incaſtellatas dirui præcipimus vel ſeruari arbitrio Episco-
porum. Sed in Caſtris & in villis aliorum dominorum
Episcopi non poſſunt retinere tales munitiones.

Concil. Au-
 rel. 4. Can.

Concil Au-
 rel. 4. can. 36

Eccleſiæ in-
 caſtellatæ à
 Nobilibus.

Tertia tandem & vltima cauſſa nouas erigendi
 parochias, fuit facilitas ſeu indulgentia Prælatorum
 & Archidiaconorū, qui & ruſticorū precibus
 & ſuo interim cōmodo ducti, vnam parochiam in
 duas partiebantur. Nam cum vnulquiſque pres-
 byter diurnum com meatum & præterea ſtipen-
 dium aliquod Circatici nomine, Archidiaconis de-

beret. Imo vero Episcopis cum Synodum proficiscuntur quot plures erant parochi, eò lucra & obuentiones Prælatorum & Archidiaconorū erant opimiores. Quapropter si habendi cupiditate, quæ degeneres animi premuntur, nonnunquam Præfules infelicissime laborarent, facile sinebant se Magnatum aut etiam villanorum precibus inflecti, ut nouarum parochiarum erigendarum facultatem impertirentur. Vnde Hincmarus Remensis eam auaritiam & facilitatem coercendam monet capitulo 7. ad Archidiaconos presbyteros. *Expresse inquit vobis in nomine Christi præcipio, ut rusticanas parochias pro alicuius amicitia vel petitione, aut pro aliquo præmio non præsumatis confundere, nec diuidere, neque Ecclesias illas, quæ ex antiquo presbyteros habere solitæ fuerunt, aliis Ecclesiis, quasi loco Capellarum non subijciatis: neque Capellas de illis Ecclesiis quibus antea subiectæ fuerunt: ut per omne ministerium vestrum unusquisque vestrum describat omnes Ecclesias & titulos, quæ antiquitus presbyteros habuerunt & Capellas illis antiquitus subiectas, & mihi renuntiate.*

Hincmarus
Remensis,
cap. 7.

Capitulare
Tolosanū.

Vnde Capitulare Tolosanum supra citatum, monet ut Episcopi, si quādo parochias diuidunt, id faciant sine intentione turpis lucri. Addit vero ut quia diuisione facta reditus antiquioris parœciæ minuuntur, minuuntur quoque sumptus & expensæ, quas presbyteri eius Ecclesiæ in receptandis Episcopis & Archidiaconis faciunt, & annuas præstationes leuiiores ac moderatiores exhibeant: *Secundum quod subtraxerint cuilibet presbytero de parochia*

et dispensa quoque debita ab illo minus accipiant, et alteri qui, quod diuiditur à parochia suscipit, sub hac eadem mensura onerari impo-
nant.

Hæ ergo rationes constituendarum de nouo parocciarum fuerant cum autem fundarentur, primùm illud obseruandum fuit, nō minus quam decē villæ & mancipia parochio vbi subderentur. Nam vt Episcopos in pagis, ita quoque in domibus priuatis esse parochias Canones prohibuerūt. Oportuit ergo congruam esse multitudinem, quæ populus dici & esse posset Tolet. decimum sextum capite quinto. Ecclesia quæ usque ad decem habuerit mancipia super se habeat sacerdotem, quæ vero minus decem mancipia habuerit alijs coniungatur Ecclesijs. In dotandis vero parochiis decimarum, & oblationum obuentiones non suffecerunt, nisi præterea mansus adderetur. Sanctum est vt unicuique Ecclesiæ vnus mansus integer absq; alio seruitio attribuatür & presbyteri in eis constituti non de decimis, neque de oblationibus fidelium, non de domibus, neque de atrijs vel hortis iuxta Ecclesiam positis neque de præscripto manso aliquod seruitium faciant præter Ecclesiasticum Concilium Vvormatiense can. 5. Ita quoque Trosleianum can. 6. & in capitularibus Caroli magni lib. 1. c. 91. ita etiam Concilium Mel-
dense canone 63.

Quor villis
opus est ad
parocciam
fundandam,

Anacletus
epist. ad oēs
Episcopos
de Patriar-
chis, Pri-
matib. &
Episcop.

Concil. To-
let. 16 cap. 5

Cōci. Vuor
matienſe
can. 5.

Trosleianū
c. 6. c. 1. c. 91.
Conc. Mel.
dēſe can. 63

Sanctus Stephanus Rex Hungariæ dotē paro-
chialis Ecclesiæ sic constituit, Decem villæ Ecclesiam
ædificent quā duobus mansis malè legitur, apud Bonifi-
niū duabus mēsis, tot idemq; mācipiis dotent equo & iu-
mento, sex bobus & duobus vaccis, triginta quatuor minu-

Decretum
Stephani
lib. 2. tit. 34

nutis bestiis vestimenta vero & corporalia & coopertoria Rex provideat, presbyterum & libros episcopus. Vbi animaduerte singularem Regis pietatem, qui ornamdi altaris sibi curam retinuit, quasi aliâ quàm regiâ manu dedeceret Christi thalamum insterni. Vecti-

Reges Calices & vestimenta altaris donant.

Ladlaus Decretali. cap. 7.

galem ergo Coronam Sacrosanctis altaribus oppigneravit, qui sciebat summum Imperium in Dei seruitute versari. Huius exemplum secutus Ladlaus Ecclesiis vastatis voluit ornamenta ex ærario Regio suppeditari lib. 1. Decretorum cap. 7. *Ecclesias propter seditionem desolatas aut combustas inssu Regis parochiani restaurent, calices & vestimenta ex sumptu Regis dentur, libros Episcopus provideat.*

Colonica restita.

Concilium Valentinum Canone 9.

Quod vero mansum alij passim canones appellant, id Concilium Valentinum Colonicam appellat. Nam vult pro dote Ecclesiæ, tradi à fundatoribus Colonicam vestitam, id est mansum vestitum & instructum mancipiis, bobus, armentis, totoque instrumento rustico, vt clarius patebit agendo de mansis. Itaque sic dotem Ecclesiasticam paroeciarum singularum præfinit. *Saculares & fideles laici si condere Basilicas voluerint in prædiis suis sicut edictum piissimorum Augustorum continet unam Colonicam vestitam cum tribus mancipiis donationis gratia eis conferant, moxque Episcoporum iuri & sanctæ matris Ecclesiæ eandem Basilicam submittant.*

Sanctissime vero prospectum est, ne mansus autreditus ecclesiarum parochialium vlllo onere premerentur, neve ex earum dote & facultatibus vlllum censum laici præcerperent, quod tamen sibi

fibi temere arrogabant Ecclesiarum fundatores
 Concilium Trosleianum can. 6. Metense can. 2.
 Colonienſe canone 4. Valentinum can. 9. *Item* Concil.
Trosleianū
Can. 6.
Metense
Can. 2. Co-
lonienſe,
Can. 4.
quia parochiales presbyteri indigne à secularibus pre-
muntur, nullaque reuerentia sacerdotali gradui ab ali-
quibus ſeruatur, & quia poſſeſſiuncula vel dotes, Baſi-
licis collatæ irreuerenter auferuntur &c. placuit ut ipſi
Presbyteri ſub Episcopis quibus adiutores ſunt, mancant:
& ſub matre Eccleſia libere, & quiete officium Eccl ſi-
ſticum exequantur: dotes vero à fidelibus deſignatæ Baſili-
Concilii. Va-
lent. Can. 9.
cis, ad hoc quod ſtatutum eſt ab eis vindicentur, nullaque
redhibitio cenſus inde à quolibet ſeculari exigatur.

Ut vero parœciarum redditus, vel tenues eſſent,
 vel opimi: ita oportebat parœcos, ſibi plures aut
 pauciores Clericos in confortiū adſciſcere. Itaque
 nonnumquam Parœci, Sacerdotes alios apud ſe
 habebant. qui vicariam operam præſtarent, non-
 nunquam Diaconos nōnunquā Clericos. De nu-
Concilium
Emeritenſe
Can. 18.
 mero Clericorum (quo nomine etiam Sacerdotes
 poſſunt intelligi) loquitur Canon Emeritenſis
 Concilij decimus octauus quo ſtatuitur, ut Paro-
 chitani Presbyteri pro facultatum ſuarum modu-
 lo. certum apud ſe alant Clericorum numerum.
Inſtituit hæc ſancta Synodus, ut omnes parochitani pres-
byteri, iuxta ut in rebus ſibi à D o creditis ſentiant habere
virtutem, de Eccleſiæ ſuæ familia Clericos ſibi faciant,
quos per bonam voluntatem ita nutriant, ut et) officium
ſanctum digne peragant, & ad ſeruitium ſuum aptos
cos habeant. Hi etiam victum & veſtitum diſpenſatione
Presbyteri merebantur, & Presbytero ſuo, atque utilitati

244 *De bonis & possessionibus Ecclesiarum.*
Ecclesie fideles esse debent, &c.

Concil.
Vasense se-
cundum
Can. 2.
anno 529.

Diaconos vero aliquando secum habebant Presbyteri parochitani. Etsi quando morbo lenticolaborantes Dominico die sacra facere non possent, ac sermonem habere ad populum, Diaconi in eorum vicem suffecti, non quidem concionabantur, sed sanctorum Patrum Homilias recitabant. Liquet ex Canone secundo Concilij Vasensis secundi, ex quo etiam conicere est parochitanos Presbyteros non semper habuisse potestatem concionandi. *Hoc etiam pro adificatione omnium Ecclesiarum, & pro utilitate totius populi nobis placuit, ut non solum in ciuitatibus, sed etiam in omnibus parochiis verbum faciendi daremus Presbyteris potestatem: ita ut si Presbyter aliqua infirmitate prohibente per seipsum non potuerit predicare, sanctorum Patrum Homiliae à Diaconibus recitentur.*

Concil.
Vasense.
Can. 1.

De onere vero alendorum in familia lectorum, & aliorum inferioris subsellij Clericorum idem Concilium Vasense, Canone primo. *Omnes Presbyteri, qui sunt in Parochiis constituti, secundum consuetudinem quam per totam Italiam satis salubriter teneri cognouimus, Iuniores Lectores quantoscumque sine uxore habuerint, secum in domo, ubi ipsi habitare videntur recipiant: & eos, quomodo boni patres, spiritaliter nutriendos Psalmos parare, diuinis Lectionibus insistere, & in lege Domini erudire contendant, &c.*

Hoc autem animaduertendum, quod licet parochitanis Presbyteris, aut parochiam relinquere, atque ad aliam migrare nefas esset, ut Canones

Apostolorum prohibent, adeoque non prius aliqui titulo possent inferi quam stabilitatem promississent, ut habetur lib. 5. cap. 108. Attamen aliquando legimus eos è parochiis suis excitos, & euocatos fuisse iussu Episcopi, in urbem matricem, ut illorum studio, & industria in sacris obeundis, ac componenda diœcesi commodius vterentur. Tum non amplius Parochiani, sed Cathedrales dicebantur. Neque vero propterea iure, & prærogatiuâ percipiendorum in parochiis fructuum carebant, sed constituto illic Presbytero annum dabant stipendium, reliquis interim obuentionibus sibi reservatis. Quæ consuetudo maxime locum habuit in Hispaniæ regionibus, nam in Concilio Emeritensi Eligis unanimitas nostra, ut omnes Episcopos Provincia nostræ, si voluerint de parochianis Presbyteris, atque Diaconibus cathedralem sibi in principali Ecclesia facere, maneat per omnia licentia. Hi tamen qui fuerint traducti, humiliatam digne Episcopo suo teneant, & eo honore ac reuerentia habeantur, & venerentur in Cathedrali Ecclesia, sicut hi quos constat fuisse ordinatos in eâ. Et quamuis ab Episcopo suo stipendiij causa aliquid per bonam obedientiam accipiant: ab Ecclesiis tamen in quibus consecrati sunt, vel à rebus earum extranei non maneant, sed Pontificali electione, Presbyteri ipsius ordinatione Presbyter alius instituatur, qui sanctum officium peragat, & discretionem prioris Presbyteri victum & vestitum rationabiliter illi ministratur.

Cap. lib. 5.
cap. 108

Quinam
olim Ptes.
byteri Cathedrales.

Concil.
Emeritense,
Can. 12.

Vtrum vero vni, & eidem Presbytero liceret plures parochias obtinere, aut eandem parochiam

Concilium
Emeritense,
cap. 19.

Concil. To-
let. 16. can. 5.

Capit. lib. 1.
cap. 92.

à pluribus presbyteris regi, non est huius loci dis-
ceptare. Illud obiter dicam, cum tenues essent Ec-
clesiarum redditus, permissum olim vni presbytero,
plures Ecclesias habere, & diebus Dominicis, in
singulis illarum sacrificium offerre, vt patet ex
Emeritensi Canone 19. Postea vero Concilium
Toletanum decimum sextum sanxit, ne plures
Ecclesiæ vni presbytero subderentur, sed quæ
sufficienti dote instructæ essent, Sacerdotem pro-
prium haberent, sin minus aliis coniungerentur
Ecclesiis. Eodem modo decreuerunt Reges nostri
primo Capitularium, cap. 92. & in tertia addi-
tione Ludouici. capit 96.

CAPVT XII.

*De paræciis Cōstantinopolitanis. Tria paræciarum genera
extra urbē. Quid Monæcia, ἐξωτερι Presbyteri. Qui-
nam fuerint μεζωτερι. Prtopapas quod officium
apud Græcos. Paræcia Urbana quomodo administra-
ri solita, &c.*

PRÆTER eas, quæ in vrbe essent paræcias, tria ex-
tra urbem earundem genera reperio. Quan-
diuisionem sic censeo instituendam. Paræcias, vel
vnius domus ac villæ angustis conclusas, vel plu-
riū villarū finibus ac terminis circūscriptas Ori-
entalis Ecclesia habuit. Quæ vnicâ tantum domo fi-

niebātur parœciæ illæ Monœciæ dicuntur, siue ut Qui sunt
Monœcia.
Photius τὰ μονοκία. Vbi enim parochiarum men-
tionē facit, earumque possessionem ait tricennali
præscriptione acquiri, ius illud ad parœcias non
tantum μονοκία dictas, sed etiam ad parœcias, quas
ἐξω εἰς appellat, ait extendi *ὡς ἐὰν οὖν κατέχων ἀμά-
χος τοὺς ἐπισκόπους καὶ ἐπὶ τριακονταετία νεμεσιδείας
πρὸ αὐτῶν ἐνοείας ἀδίδας, καὶ ἀγροικινὰ ὥσιν, ἢ τοὶ μικροὶ
αἱ καὶ μονοκία λέγεται, καὶ ἐγγυεῖοι ἢ τοὶ πολλοὺς κατοίκους
ἔχουσαι.* *Decretum est ut* Episcopi citra controuersiam
obtineant regiones à se triginta annis possessas, si-
ue sint rurales seu parue, quæ etiam μονοκία, hoc est
unam tantum domum habentes dicuntur siue ἐγγυεῖοι,
id est multos habitatores habentes, &c. Vbi apparet
cas parœcias, quæ raros haberent accolæ dictas
Monœcia. Vel certe quemadmodum in Gallia ita
& in Oriente domus erant, quæ parochiarum iure
& prerogatiua utebantur.

Quæ vero parœciæ plures familias comple-
bantur, vel in suburbiis, vel in pagis extra urbem
erāt cōstitutæ parœcis vero omnib⁹ *μειζότερος* fieri
nefas erat, vbi aduerte quod qui præerāt domibus
magnarum illi *κεκοσμημένοι* dicebātur, qui autem ru-
sticis suburbiis præerant, erantque velut capita in-
colarum ad res eorū tractādas, illi *μειζώτεροι*, hoc
est maiores dicebantur. Eam vero curam vetat
Clericos obire Synodus Septima. Nam cum
animaduertenter Patres, Clericorum complures
splendore, & pompâ ciuitatis illectos migrare è
suis paroeciis, & eas desertas relinquere, ac Con-

De parœ-
ciis, quas
plures ha-
bent paro-
chianos.

Septima
Synodus
can. 10

De maiori-
bus regionū
vide Sym-
machi rela-
tionem de
rebus per
Euladium
Romæ ge-
stem.

stantinopoli Oratoriis sese addicere Magnatum, aduersus eiusmodi transfugas edidit hunc Canonem, Quoniam nonnulli Clerici Canonicas constitutiones circumscribentes, sua relictâ parochia in alias excurrunt, ut plurimum autem in hac à Deo custodita & imperiali urbe, etiam sese apud Principes locant, & in eorum oratoriis missas faciunt eos, sine proprio episcopo & Constantinopolitano non licet in quauis aede ut Ecclesia recipi. Si quis autem hoc fecerit si perseueret deponatur, &c. si quis autem eorum qui dicuntur maiores (τῶν λεγόμενων μαιζώτερων) curationē (id est) domesticā curam familię magnatum) obtinere deprehensus fuerit vel cesset, vel deponatur, potius autem ad docendos pueros & seruos accedat legens eis diuinas scripturas. Ad hoc enim etiam sacerdotum fortius est.

Cesset aut
deponatur.

Balsa mō ad
Can. 10.
7. Synodi.

Et quo Canone patet eos, qui μαιζώτερος siue maiores se facerent è sacerdotum Catalogo fuisse, sublatos nā illa verba cesset aut deponatur παυσάτω ἢ καὶ θαιρείτω, censurā in Ecclesiasticos homines ferri solitā significant. Omnino vero nominis istius significationē prodit Balsamon μαιζώτεροι μείτε λέγονται οἱ κρείττους τῶν ἀγροικικῶν πρεσβυτέρων. Maiores dicuntur curatores agrestium, quę in suburbis sunt.

Concilium
Ancyranū
Can. 13.

Quę in villis aut in pagis erant Ecclesię simplici vocabulo dicuntur ἐγχαεῖοι siue ἐπιχαεῖοι. Ita Concilium Ancyranum ἐπιχαεῖς πρεσβυτέρους appellat. Illorum autem inter presbyteros postremum locum fuisse, docēt sacri Canones. Nam neque præsente Episcopo, neq; præsentibus pres-

byteris ciuitatis poterant sacrum facere, & mysteria celebrare in ciuitate, siue vt ait Concilium Ancyranum ἐν τῇ κρείσσῃ τῆς πόλεως θεωρεῖν, & citatur à Zacharia epistola nona ad Pipinum Maiorem domus. Erant vero inter presbyteros vicarios, qui singulari dignitate pollerēt, & propterea quod primum locum in eorum numero occupabant, dicti sunt Protopapades. Ad exemplum forte vrbis Constantinopolitanæ, in qua erat Protopapas, qui præerat toti cōmuniū sacerdotum ordini. de quo Codmus in sexta Pentade officiorum Ecclesiasticorum, & eruditus eius Interpres Grethferus, ad idem caput Hunc vero Protopapadem vsurpasse licentiam dandi epistolas pacificas siue communicatorias patet ex scholiis Balsamonis ad Canonem octauum Antiochenæ synodi.

Zacharias
Papa, epist.
9. ad Pipinū
maiores
domus.

Codmus in
sexta pēdate
off. Ecclesi-
sticorum.
Grethferus
Codmum.

Balsamon
ad can. 8.
Antioch.
Synodi.

De parochiis vero intra urbem Constantinopolim sitis non multa, nec rara ad dicendum occurrunt.

Vnum hoc sese offert, nempe in vrbe duo fuisse genera Parœciarum; Quædam enim regimini & administrationi maioris Ecclesiæ suberant, ac per eius Canonicos, seu Clericos regebantur. Quædam vero sui erant iuris, nec alio nomine Ecclesiam maiorem colebant, quam eo, quo Diœcesus matricem ac fontem venerari ceteræ tenentur parochiæ.

Duo genera
parochiarū
in Ecclesia
Constanti-
nopol.

Quas parochias administrabant clerici maioris Ecclesiæ, illæ proprios sacerdotes ac parochos non habuerunt. Sed in eas Ecclesias suo ordine

250 De bonis & possessionibus Ecclesiarum.
fuisque vicibus commigrabant singuli Canonico-
rum, iisque defungebantur officiis, quæ ad cu-
ram, & salutem animarum pertinet. Itaque neque
dotem propriam habebant istæ parœciæ, sed ea-
rû facultates ac redditus, erant cum redditibus ma-
ioris Ecclesiæ confusi. Eius generis & condi-
tionis erat Constantinopoli Ecclesia sanctæ Ma-
riæ, quam Verrina extruxerat, & Ecclesia sancti
martyris Theodori, de quibus serino est Nouel-
lâ 3. *Ut determinatus sit numerus, &c.*

Iustinianus
Nouella 3. vt
determina-
tus.

*Et sane Reuerendiss. Clericorum sacro-sanctæ maio-
rius Ecclesiæ regiæ urbis nostræ mensura certis finibus des-
cripta, & in arctum admodum contracta erat, quo tẽpore
sola adhuc erat Sacrosanctæ maior Ecclesiæ. Postquam
vero, & veneranda domus sanctæ, & gloriose virginis
Deique genitricis Mariæ, in vicinia Sacrosanctæ maioris
Ecclesiæ posita, ab ipsa pia memoria Verina capit e-
strui, item religiosa domus sancti martyris Theodori à Sphra-
cio gloriose memoriæ consecrata, & veneranda domus
sanctæ Frines, Sacrosanctæ maiori Ecclesiæ copulata
fuit, redigere plane numerum ad veterem formam impos-
sibile est. Neque enim tot simul Ecclesius pauci quidam
sufficere possint, quandoquidem nulla harum trium adium-
peculiares Clericos habeat, sed pro communibus, utatur
iis, qui ad Sacrosanctam maiorem Ecclesiam pertinent
qui omnes eas ordine, & veluti in orbem obeuntes sacra
in eis officia concelebrant.*

Iustinianus
Nouel. 3.

Aliæ erant parochiæ in vrbe Constantinopoli-
tana, quæ proprios Sacerdotes, ac priuatos redi-
tus habuerunt: de quibus eadem Nouella 3. Sic lo-
quitur

quitur Iustinianus. Sed neque in alijs Ecclesijs quæ alimenta, & sumptus ex Sacrosancta Maiore Ecclesia non habent, conueniens est ut ordinandorum in ipsis multitudo intromittatur, aut mensura initio in illis statuta transcendatur.

CAPVT XII.

De Episcopatum origine, de e ac fundatione. Locus Episcopalibus infulis idoneus quis sit. Vuambæ Regis Hispaniæ irritus conatus in nouis Episcopatibus fingendis. De Episcopo Cephæ Castelli Arabum consuetudo, & Scytharum circa Episcopatus. In vna ciuitate non sunt plures Episcopi. Explicantur subscriptiones conciliorum Hispaniæ. Et de pluribus in eadem sede Episcopis. Aegydi Remensis in Episcopatu Dunensi fundando audacia. Laudunum Clauatum quomodo Episcopatus.

INtegro volumine opus esset ad Episcopatum origines sigillatim recludendas : tam illustre negotium hîc non aggredimur, quod operæ longioris, & prolixioris studij est quam trimestris. Si quando vota Illustrissimorum Galliæ Præsulum fauerint. & reclusis tabulariis licuerit antiquitatis lustrare monimenta, stylum tam heroïco argumento sacrabimus, in quo, etiam conatus gloriam sperat, in quo habet vbi se exerceat pietas, eorum

puluerem ac cineres libando, qui Galliarum Ecclesias suo sanguine, ac sudore olim cementarunt.

Nunc dicendum nobis quis locus fundando Episcopatu commodus, quæ dos congrua Episcopalibus infulis, quæ conuersiones & mutationes Episcopatum, quibus caussis factæ, unde Diœceses nonnullæ extinctæ, aliæ de nouo creatæ. De loco dicere adoriamur. Elegantes picturæ, & simulachra multo studio ingenioque elaborata, tenebras fugiunt Partem optimam formæ ac pulchritudinis natura in oculis posuit quod ea pars præ cæteris, aut similitudine, aut occultis ac latentibus illecebris aliorum ad se oculos trahit, adeoque ambiguum & incertum relinquunt, facti ne sint ut videant, an ut videantur.

Quia ergo nemo lucernam ponit sub modio, sed suprà candelabrum. Ideo dignitatum Ecclesiasticarum principem, lucem humani generis, facem Religionis ac pietatis Episcopalem honorem oportuit loco nobili, excelso & illustri consistere.

Ideo Episcopos poni nefas esse duxerunt veteres nisi in amplis, & spatiosis ciuitatibus: ne locorum ignobilitate dignitas tanta vilesceret: & ut loci maiestate informati docerentur homines, de Episcoporum gradu, ac infulis magnifice semper cogitare.

Anacletus
Epistolâ ad
Patriarchas
Primates.

Pseudo Anacletus in Epistolâ, ad omnes Episcopos, de Patriarchis primatibus & reliquis verat

in pagis illis & Castellis hæreret Episcopos, sed in maioribus tantum, ac primariis ciuitatibus, sue dignitatis thronum collocare.

Hanc Anacleti constitutionem, Patres & Consilia confirmarunt, freti præsertim Apostolicis Pauli vocibus, qui quidem iubet Titum Episcopos instituere, non quidem per oppida & vicos, sed per ciuitates. Concilium Sardicense Canone sexto, hanc legem censet non posse sine detrimento tantæ dignitatis violari. *Licentia vero danda non est ordinandi Episcopum, aut in vico aliquo, aut in modica aliqua Ciuitate cui sufficiat vnus Presbyter, quia non est necesse Episcopum fieri, ne vilescat nomen & Episcopi authoritas*: Concilium Laodicenum Canone 56 Concil. Africanum Canone 42. Eleganter in hanc sententiam dixit Leo magnus, Epistola 87. *Episcopalia gubernacula non nisi maioribus populis, & frequentioribus ciuitatibus oportet præsidere: ne quod Sanctorum Patrum diuinitus inspirata decreta vetuerant, viculis & possessionibus, vel obscuris, & solitarijs municipijs tribuatur Sacerdotale fastigium: & honor cui debent excellentiora committi, ipse sui numerositate vilescat.*

Paulus Apost. ad tit. I. v. 5.

Concil. Sardicense, can. 6.

Concil. Laodicenum can. 56. African. Can. 42. Leo magnus, epist. 87

Quamobrem cum Stephanus olim Emeritensis Episcopus, iussu & flagitatione Vuambæ Regis Hispaniæ impulsus, in Suburbio Toletano in Ecclesia Prætorienſi sanctorum Petri & Pauli, Episcopum, præter morem & consuetudinem Ecclesiæ instituiſſet, ipse eius facti pœnitundine ductus patres Concilij Toletani duodecimi cum lachrymis adortus est, veniamque labefactatæ disci-

Concil. To-
le. 12. Ca-
non 12.

plinae precatus. Quod factum omnes Episcopi eo concilio collecti improbarunt, ac summouendos censuerunt Episcopos, non modo ab eo suburbio, sed ab aliis quoque obscuris ac ignobilibus villis, in quibus per voluntatem Vuambæ Regis fuerant instituti. Dixit enim ita Cōcilium de Stephano loquitur, se violentia principali impulsus fuisse, ut in monasterio Villula Aquis, in qua venerabile corpus sancti Pimenij Confessoris debito quiescit honore, nouam Episcopalis honoris ordinationem efficeret. Et ideo quia indiscreto, & facillimo assensu iniustis Vuambæ Principis iniustionibus parens, nouam & iniustam illic Pontificalis sedis praelectionem induxerit, ubi Canonica institutio id fieri omnimodo ratione refellit, praedictus idem vir prostratus humo medicamine nostri praecepti, & sibi dari veniam petit, & quid potissimum oporteret fieri de persona eius, qui illic ordinatus fuerat nostri oris sententia decernendum poposcit. Et quibusdam verbis interiectis, quibus proferuntur in medium veterum Patrum, ac Conciliorum sententiae, de maiestate & nobilitate sedis Episcopalis, tandem Patres ita concludunt. Ut in locum Villula supradictæ Aquis. Deinceps sedes Episcopalis non maneat, neque Episcopus illic ultra constituendus existat: hic tamen Cuniulduus qui contra maiorum decreta illic videtur institutus fuisse Episcopus, nullis canonum erit ad condemnationem sui sententiae, ulciscendus: quia non ambitione, sed Principis impulsione illic constituit ordinatus. Et ideo hoc illi remedium humanitatis concedimus, ut in sede alia decedentis cuiuslibet Episcopi transfundatur, & praedictus locus sub monastica dein-

Can. 4. Con-
cil. Tolet. 12.
pag. 593.

cepti institutione manens, non Episcopali ultra privilegio fretus, sed sub Abbatis regimine sicut hucusque fuit, eodem modis omnibus mancipandus.

Eiusdem generis & conditionis fuit decretum, quod factum est in Concilio Parisiensi quarto aduersus Promotum quendam Presbyterum. Eum enim summi gradus insolenti cupiditate flagrantem, & maiorum infularum desiderio pressum Ægidius Episcopus Remensis in Castro Dunensi, qui vicus est in Diœcesi Carnotina Episcopum ordinauerat, & in facultatis Ecclesiasticæ possessionem miserat. Cuius facti monitus Episcopus Carnotensis, nomine Pappolus querelam edidit apud Patres Concilij Parisiensis quarti, qui omnes expellendum castro Dunensi Promotum Presbyterum censuerunt, & omni officio ac functione Episcopalis ordinis interdicendum. Ita vero loquuntur patres Concilij Parisiensis ad Ægidium Dominus Pappolus Episcopus, mediocritati nostræ detulit in querelam, in castro Dunensi, parœcia denique Carnotina, quod castrum nec ad territorium ciuitatis vestræ, nec ad vestram Prouinciā manifestum est pertinere, à vobis contra omnem rationem, & contra canonicam disciplinam Episcopum consecratum. Et licet secundum prisca beatissimorum Patrum Decreta potuit huiusmodi excessus in vestra iniuria acerbius coerceri: sed nos caritatis iura seruantes beatitudini vestræ indicamus, ut Presbyterum ipsum nomine Promotū, qui omissa seueritate canonica à vobis dicitur tam temere consecratus, ut iustè debeat de gradus ipsius dignitate deponi, sicut Canonum constituta

Concil. Parisiense quatum aduersus Promotum.

Epistola Episcoporum Concil. Parisiensi. tom. 1. p. 351. ad Ægidium Remensem

De bonis & possessionibus Ecclesiarum, sanxerunt, ad vos euocetis, vel vobiscum retineatis, ut iniuriam nec Ecclesie, nec Sacerdoti suo ulterius debeat interrogare.

Quare Lau-
duno Castro
Episcopus
præfatus
est.

Flodoardus
Hist. Remen-
sis, lib. I.
cap. 14.

Hincmarus
Remensis
Opusculo
55. Capitulum.

Codex Ca-
nonum Eccle-
siae Africanæ.
Can. 98.

Itaque singulare priuilegium fuit Castri Lau-
dunensis, cum in eo loco, cui splendor nomenque
Ciuitatis decrat, Beatus Remigius Episcopum in-
stituit. Vt vero hoc præstaret, Beatissimum Antisti-
tem duo potissimum impulerunt. Primo infans
hominum vnicuique, amor soli natalis, & deside-
rium honestandi, ac illustrandi eius loci in quo
fuerat educatus : nam primores annos, ac rudem
infantiam Lauduni transegisse Remigium, testis
est Flodoardus Historiæ Remensis, libro primo
capite decimo quarto. Secundo incitabat eum, ad
hoc opus, Diœcesis suæ amplitudo, cui regendæ
atque lustrandæ vix vnus sufficere poterat Episco-
pus. Idcirco fretus auctoritate Concilij Africani,
ut ait Hincmarus Remensis in Opusculo 55, Capi-
tulum ad Hincmarum Laudunensem, illuc Episco-
pum instituit. Quæ vero fuerit auctoritas Con-
cilij Africani, quâ vsus Remigius Laudunen-
si Castro Episcopum præfecit non video. Nisi
quod in Codice Canonum Ecclesiæ Africanæ,
ex Concilio Carthaginensi sub Honorio & Theo-
dosio refertur Canon de plebibus, quæ nunquam
Episcopos habuerunt. Quo Canone licentia datur
nouos Episcopos instituendi, vbi nunquam fue-
runt, cum Decreto Concilij plenarij vniuscuiusque
Prouinciæ, & Primatis, atque consensu eius, ad cu-

ius Diœcesim eadem Ecclesia pertinebat, ἡρεσκεν κακεῖνο ἵνα οἱ ὄχλοι οἱ μηδέποτε ἰδίως ἐγκαίστες ἐπισκόπους εἰ μὴ ὅκ πάσης τῆς συνόδου ἐκαστὴς ἐπαρχίας, καὶ τῶ παρ-
 τευόντος ψήφισμα γένηται, καὶ κατὰ συναίνεσιν ἐκείνη, οὗ υἱος ὡς
 τὴν διοίκουσαν καθίστατο ἡ αὐτὴ ἐκκλησία, μηδαμῶς δέξονται.
*Placuit illud, ut plebes quæ nunquam Episcopos proprios
 habuerunt nisi ex Concilio plenario universiusque Pro-
 uinciae, & Primatis atque consensu eius, ad cuius Diœ-
 cesim eadem Ecclesia pertinebat, decretum fuerit, minime
 accipiat. Itaque si Hincmaro credamus probabile
 est non ante Dium Remigium Episcopum Lau-
 duni posuisse, quàm Episcoporum comprouincia-
 lium suffragio resea probata fuisset.*

Quod vero fuerit istud Concilium, nulla anti-
 quitatis vestigia produnt. Sigibertus Gemblacen-
 sis noui illius Episcopatus exordia & Genebau-
 di primi Laudunensium Episcopi consecrationem
 refert ad annum quingentesimum, hoc est fere
 decem annis ante Concilium Aurelianense pri-
 mū. Quantum vero loci conditio Episcopatum
 illustret, & quàm ceteris longe ignobiliores essent
 hi minorum gentium Episcopi, satis prodit scōm-
 ma ab Hincmaro Remensi coniectum in Laudu-
 nensem Episcopum, quem à loci tenuitate quasi
 per fastidium & contemptum appellat, Episco-
 pum Oppidanum, *Assè ut dicitur excrenisti de pusillo
 magnus apud te oppidanus Episcopus.*

Sigibertus
 Gemblacē-
 sis in Chroni-
 co.

Hincmarus
 Opusculo
 prefato.

Licet vero in Castris minoribus non fierent
 Episcopi, tamen castella quædam olim fuerunt
 quæ essent veluti capita regionum, & prouincia-

Concilium
Calcedonense
parte 2.
Act. 2.

rum, in quibus episcopi sedere poterant. Huiusmodi Caltri mentio est in subscriptionibus Concilij Calcedonensis, parte secundâ, actione tertiâ, ad cuius calcem subscripsit quidam Noe Episcopus *Cepha Castlli*, quid autem Cepha Castellum nisi maius aliquod, atque insignius castrum, sub quo plura alia consunt, cuius generis plura sunt apud Tectosages.

Sosomenus
lib. 7. Historiæ
Ecclesiasticæ
cap. 19.

Sosomenus
lib. 6. cap. 22.

Neque tamen asserendum tam rigidam fuisse hanc legem & disciplinam ecclesiæ, ut nunquam omnino in minoribus pagis episcopi ponerentur. Plerumque enim legem hanc infregit priuata Regionum, ac Prouinciarum consuetudo. Quot in Oriente episcopatus in exiguis vicis, quorum memoria neque apud recentiores, neque apud antiquos geographiæ scriptores reperitur. Res ipsa patebit percurrenti Conciliorum subscriptiones, quæ in græcia habita sunt. Imo vero solemnem fuisse apud Arabes, & Cyprios morem refert Sosomenus Historiæ ecclesiasticæ lib. 7. cap. 19. ut in villis ac pagis omnibus episcopi instituantur: cum è contrario in Scythia, vnus tantum per vniuersas ciuitates præsideat episcopus qui in vrbe Tomen- si sedem habet, ut refert idem Sosomenus, lib. 6. cap. 22. Quinetiam in Occidente obscuri nominis pagi ac villæ ignobiles, episcopos habuerunt, quot exiguæ Diœceses sub Romano Pontifice? aut quis putet ostia Tiberina olim florentem, & locupletem fuisse ciuitatem?

In Concilio Arelatensi primo subscripsit
Gregorius

Gregorius quidam Episcopus de loco qui est in portu Romæ. Locum verò istum sine nomine fuisse ciuitatem nobilem & superbam nemo cogitabit.

Concil. Are-
latense pri-
mum.

Vt autem ad maiestatem Episcopalis fastigij retinendam, prospexerunt patres, ne in locis obscuris ac tenuibus pagis, Episcopi crearentur ita & sanctissime edixerunt, ne in quauis ciuitate duo Episcopi esse possent, quia vt orbis duos soles non patitur, ita vna diœcesis duos Episcopos non admittit: vnde si qui Episcopali titulo insignes ex hæretica prauitate ad rectam & Catholicam doctrinam commearent, illi titulo Episcopali deposito in Chorepiscoporum ordinem descendebant liquet ex Concilio Regiensi cano-
ne 3. *Quod ergo in quibusdam schismaticis magis, quam hereticis recipiendis Nicenum Concilium statuit à singulis per territoria sua, hoc etiam præsens conuentus in hoc statuit ab omnibus debere seruari. Id est vt cuiumque de fratribus tale aliquid caritatis consilia distauerint, liceat ei vnā parochiarum suarum Ecclesiam cedere, in qua aut Chorepiscopi nomine, vt idem canon loquitur, aut peregrina, vt aiunt, communionē foueatur. Ac ne antiquæ dignitatis iura retinere viderentur aut diœcesis appareret in geminos Episcopatus scissa, eodem concilio decretum est. Ne vnquam in ciuitatibus, vel sub Episcoporum absentia, offerre præsumat, nec ordinare vel vltimum Clericum, nec in ea quidem Ecclesia, qua illi cuiuscunque misericordia fueris attributa. Nec vlli Episcoporum,*

Concil. Re-
genſe anno
43. canon. 3.

260 De bonis & possessionibus Ecclesiarum,
vel succedente ætate assumpto, in rudimentis suis huic
in aliquo, quasi pro ætatis reuerentia, cedere liceat.
Nec usquam ipsi quidquam de Episcopalibus officiis usur-
pare, præterquam in Ecclesia, quam cuiusquam miseri-
cordia fuerit indeptus: In qua ei solum Neophytos con-
firmare, & ante presbyteros offerre conceditur.

Conc. To-
let. 3.1

Neufila.
num. 16.

Cùm ergo in vna Ciuitate duo Episcopi esse
non possint, sitque hæc dignitas societatis im-
patiens, videndum qua ratione soluantur dubia
duo, quæ ex Conciliis Hispanicis occurrunt. Primũ
est de Ouedo quæ dicitur Ciuitas Episcoporum.
Secundum de pluribus Episcopi eiusdem diœ-
cese ac ciuitatis, qui quidem in Concilio Tole-
tano tertio simul subscripsisse reperiuntur. Quip-
pe in subscriptionibus illius Concilij reperi-
as plures in eadem Ciuitate Episcopos, numero de-
cimo sexto subscribit Neufila Tudensis Ecclesiæ
Episcopus & alius numero quadragesimo nono
eiusdem Ecclesiæ Episcopus subscribit cui nomen
Gardingus. Similiter Pantardus Ecclesiæ Bracca-
rensis Episcopus, refert se subscribere tam suo
nomine, quàm pro fratre suo Nigisio Episcopo
de Ciuitate Luci, & tamen eiusdem Lucensis Ci-
uitatis alius reperitur subscripsisse nomine Bec-
cilla numero quadragesimo septimo. Item duo
reperiuntur Dertosanæ Ecclesiæ Episcopi, Iulianus
& Froisclus numero 43. & quadragesimo quarto.
Præterea duo reperiuntur Episcopi Portulacen-
ses, Constantius qui vigesimo septimo loco sub-
scripsit, & Argiouitus qui quinquagesimo primo.

Cui dubitationi illustrandæ multa proferri possunt, primùm est fieri potuisse vt ætate fessi & vulneribus fidei causâ acceptis debilitati, præfules alios sibi adsciuerint in subsidium, quibus nominis sui ac dignitatis partem aliquam indulgerent. Secundùm est, plures esse posse eiusdem nominis Ciuitates, ac proinde eos qui prima fronte vni & eidem vrbi præfuisse videntur duas reuera distinctas ac discrepantes rexisse diœceses. Ita in Lucensi Nitgesio & Beccila Lucensi nominum fallit similitudo. Duæ quippe sunt Ciuitates Lucum nomine, vna in Gallœcia sub metropoli Braccarensi cui præfuit Nitigius, qui propterea eodem textu subscripsit, cum Pantardo Ecclesiæ Braccarensis metropolita. Altera Ciuitas Lucensis sita est apud Astures, cui præfuit Beccila.

Tertio addi potest quod ex Roderico Toletano elicitur lib. secundo de Rebus Hispaniæ cap. quarto, nempe Leouigildium Hispaniæ Regem Arrianæ rabe infectum, & Catholici nominis ac fidei odio furentem Catholicos omnes Episcopos suis sedibus eiecisse, atque ibidem in eorum locum Arrianæ perfidiæ insanos vindices suffecisse. Verum cum eius facti pœnitudo subiisset, moriens filio mandauit vt Episcopos ab exilio reduceret, & suis iterum sedibus ac dignitatibus postliminio instauraret. Itaque Recaredus & Religionis memor & paterni mandati, Catholicos præfules ad sua gubernacula reuocauit, iussitque omnes Arrianos fidem Catholicam profiteri. Cum ergo plurimi ex Arrianis Epi-

Rodericus
Toletanus
lib. 2. de re-
bus Hispaniæ
cap. 4.

scopis, suæ perfidiæ renunciassent, ne dignitatis suæ iacturam paterentur, æquum visum est Ecclesiæ illis nomen & gradum Episcoporum relinquere, ac vnā & eandem Diœcesim duobus simul prælatis committere. Huic verò coniecturæ, quin potius historiæ lucem adfert sollemnis abiuratio Arianismi, quam ediderunt Episcopi eiusce factionis in Concilio Toletano tertio: in hac enim abiuratione plures reperiuntur ex iis, qui vnā & eandem sedem occuparunt, Gardingus Tudenſis Episcopus, Froisclus Dertosanæ Ciuitatis Episcopus, Beccila Lucensis Episcopus, qui cum Arrium eiusque frenesim eiurassent, retento Episcoporum nomine, Concilio Toletano postea subscripserunt. De Recaredi Fide ac Pietate qua in eodem Concilio ipse Arrianismum execratus est, lege Rodericum Santium Historiæ Hispanicæ cap. vigesimo parte secunda.

Rodericus
Santius hist.
Hisp. cap.
20. part. 2.

Quod ad Ouetum, siue Ouedum pertinet, quæ dicitur ciuitas Episcoporum, leuis est difficultas Non enim idcirco Episcoporum ciuitas est appellata, quod eius gubernaculis plures olim Episcopi præfuerint, sed quod ipsa olim asyllum fuerit ac receptaculum Episcoporum Nam cum Asturiarum partem Arabes expugnassent, & Episcopos suis eiecissent sedibus, illi miseri atque exules Ouetum sese conferebant & territorium Ouetense inter se partiebantur, cuius partem vnusquisque sibi regendam assumebat, hoc autem contigisse refert Rodericus Toletanus circa tempora Adelphonſi Regis.

De Episcopatum progressu ac mutatione.

CAPVT XIII.

Rerum earum quæ naturæ ambitu continentur imperitia laborantes, & qui animi deside ignorantia feriantes, solis omnia oculis metiuntur, illi vana rerum specie ac imagine delusi, syderum frontes vultusque mutari autumant, & stellas, quibus cum inconstantia mortalium, nihil est commune, nisi quod testes sunt leuitatis humanæ, in mille colores transformari.

Ita imaginantur solem modo iracundo rubore suffundi, modo senescenti pallore albescere, modo scintillis purioribus ardere, modo concepto penitus igne inflammari. Et tamen errores sunt oculorum non mutationes syderum: adeo inconstantia morbo laboramus, vt hanc etiam labem æternis rebus humana cogitatio inspiret, & quæ sua sorte & prærogatiua verti ac immutari nesciunt, ea nostro vitio fatis ac senectuti summittuntur.

Consimili prope ingenio sunt, qui Ecclesiam, qua nil firmitus ac constantius fingi potest, & parem fere est cum auctore suo sortita æternitatem, rerum humanarum vicibus agi ac volutari existimant, & Imperia ac Respublicas suam in sacra ac mysteria leuitatem transfundere.

Ideoque propagines Episcopatum, prærogati-

264 *De bonis et possessi- nibus Ecclesiarum,*
uas sedium, ordinem & honorem Cathedrarum,
non in alium fontem quam in vrbium maiestatem
& amplitudinem referunt, quasi verò Deus non
alia quam hominum luce splendeat, & quam Pon-
tificum suorum infulis maiestatem Christus impres-
sit, eam à sæculi quam fastidiuit opulentia & vanis-
simo ambitu coactus sit mendicare.

Ne vero dissimulare quidquam hac in parte vi-
deamur, exponamus quæ sit Politicorum & aliorum,
qui his aduersantur opinio, circa incrementa, pro-
gressus, dignitates ac cónexiones sedium & Cathe-
drarum maxime circa Metropoles, Primatias & E-
piscopatus, nam ceteros gradus libens præmitto;
vt ex rationum vtriusque partis inspectione decer-
nat lector, quid sibi hac in contentione credendum.

Qui ergo ecclesiam imperiorum fatis seruire di-
cunt, illi sedium omnium & Cathedrarum digni-
tatem è ciuitatum luce, & magistratuum in illis re-
sidentium honore metiuntur. Nam Patriarcha-
tus ideo Antiochiæ constitutus quod illic sedem ha-
beret præfectus Prætorio Orientis. Ideo Carthago
in Africæ metropolim euecta quod sedes esset præ-
fecti Prætorio Africæ. Ideo Alexandriæ Patriarcha
collocatus, quod ibi præfectus Ægypti seu Augu-
stalis moraretur. Olim inquit Firmium caput erat
Ecclesiarum Illyrici, at postquam præfectus Præto-
rio Illyrici inde sedem mouit & Thessalonicam
profectus est, in eam quoque ciuitatem maiestas Ec-
clesiæ pristina sede abdicata commeauit. Ita Iusti-
nianus Nouella 11. collat. 2. tit. 6. *Postea autem At-*

tilanis temporibus eiusdem locis deuastatis Appannius præfectus Prætorio de Firmitana ciuitate in Thessalonicam profugus venerat, tum ipsam præfecturam & Sacerdotalis honor secutus est: Et Thessalonicensis Episcopus, non sua auctoritate, sed sub umbra præfecturæ meruit aliquam prærogatiuam.

Addunt præterea Arelatensem urbem, quam ideo sortitam volunt Primatum Galliarum, quod in ea resideret præfectus Prætorio Galliarū. His accedit exemplum honoris sedis Constantinopolitanae; quæ non alio titulo eam, in qua tot sæculis floruit maiestatem adepta est, quam quod Imperatoris throno fulgeret, & ex ea nutus ac oracula Principū in cæteras Orientis partes funderentur. Attamen notandum Arelatensi Episcopo Narbonensē & Vienneusē Prouincias ablatas fuisse, & suos Metropolitans, succedentibus sæculis habuisse, vt Ecclesiarū regimen, ad natiuam ciuilis administrationis legem formaretur, & desineret Arelas esse caput Ecclesiarum postquam desiit esse caput ciuitatum.

Et certe omnino ex arbitrio & voluntate Principum sæcularium pendere sedium gradus ac dignitates iā olim videtur Decretum. Nam cū Basilæi Madytorumque ciuitates suis essent Episcopis orbatae, velletque Metropoli Heracleensis Madytorum Episcopum consecrare, quia Madytorum ciuitas erat intra Metropolim Heracleensem, & vnus ex eius Episcopatibus, similiterque Metropoli Ancyranus consecrationem sibi vendicaret Basileensis: niterentur amplius Canone duodecimo Con-

266 *De bonis & possessionibus Ecclesiarum;*
 cilio Calcedonenſis, Decretum eſt ab Imperatore
 Alexio Comeno. Preſente Synodo communique ſuffra-
 gio decernente, ut Imperatori permiſſum ſit preſiden-
 tia thronum Eccleſiis largiri & tam Episcopatus, quam
 Archiepiſcopatus in Metropoles erigere, quaque perti-
 nent ad electiones in his faciundas ceteraque recte con-
 ſtituenda pro libitu ſuo diſponere citra ullum Canonis
 illius impedimentum. Ita refert Baſſamon apud Leun-
 clauium tomo primo Iuris Orientalis libro ſecundo
 Nouellarum Imperatoriarum.

Baſſamon
 apud Leun-
 clauium
 tom. 1. Iuris
 Orientalis
 lib. 2. p. 137.

Quis vero neſcit poſtremis illis temporibus ſoli-
 tos Græciæ episcopos adire Imperatorem & apud
 eum Metropoleon iura & prærogatiuas exambire,
 ut hoc pacto ſoli Conſtantinopolitano Epifcopo
 ſubeſſent, & ab eodem conſecrarentur. Vnde in
 pluribus nomen nudum & inane Metropolitaram
 hærebat, cum nullas haberent Diœceſes ſibi man-
 cipatas.

Quam ambitionem reſpreſſit idem Comenus,
 adiecitque, ne in poſterum cuiquam liceret Metro-
 politam ſe profiteri niſi quem Imperator citra pre-
 ces & proprio motu talem nominaret.

Eam opinionem, quæ politicæ diſpoſitioni Ec-
 cleſiam obnoxiam facit, fauet prouinciarum & Diœ-
 ceſeon partitiō. Nam in Gallia ſeptemdecim Pro-
 uinciæ tot conſiciebant Metropoles. Verum reuul-
 ſis ex vaſto illo & illuſtri Gallorum Imperio non-
 nullis Germaniæ partibus; imminutus quoque fuit
 Metropoleon numerus, & tandem aliquarum po-
 ſtea acceſſione auctus ac locupletatus. Eam diſpoſi-
 tionem

tionem Ecclesiarum iuxta urbium dignitatem & politicam Prouinciarum distributionem probat exacte Canon decimus sextus Calcedonensis, Synodi cuius verba sunt. *Si qualibet ciuitas per auctoritatem Imperialem renouata est aut si renouetur imposterum ciuilibus & publicis ordinationibus etiam Ecclesiarum sequatur ordinatio.* Adde Canonem 2. Taurinensis Synodi de controuersia inter Arelat. & Viennensem, ubi decernitur quod episcopatus Prouincias sequentur.

Ex his omnino concluditur Diocesæon propaginem & ordinem ac seriem, ex Politici status institutione esse repetendam. Quam sententiam confirmant ea quæ Anacletus, seu quis alius recentior eius nomine personatus, de sedium differetia conscripsit: nepe sedes pro Iudiciorum & tribunalium maiestate ac splendore distributas. Vbi enim supremi Iudices erant ad quos ab inferioribus sententiis erat prouocatio, illic Primates censet constitutos: in iis vero urbibus, ubi erant minores iudices ibi sedisse Metropolitas, tandem, ubi Comites residerent illic Episcopos fuisse ordinatos.

Anacletus
epist. de Pri-
matibus Pa-
triarchis,

Inuenio & alia ratione causaque ordinem & seriem Episcopatuum adornatam: Quippe Harpsfeldius ex Chronicis Thomæ Ruidburni refert quod Dunuallo Molimcus 16. Britonum Rex recepta Religione Christiana, vniuersos superstitionum antistites suis sedibus eiecit, & in eorum locum Episcopos atque Archiepiscopos suffecit: quibus omnes istorum assignauit facultates, cum hoc ta-

Chronicon
Thomæ
Ruidburni,

men discrimine, vt vbi fuerant Archiflamines illic Archiepiscopos esse iuberet: at vero Episcopos eas sedes occupare, vbi antea Flamines constitissent: atque ita factum ab initio refert Harpsfeldius ex eodem Ruidburno, vt tres Archiepiscopi in Anglia stauerentur Londinensis, Eboracensis, Legionensis, eo quod nempe eas vrbes sub Gentilium infami Polytheia totidem Archiflamines rexissent.

Quas opiniones etsi fortasse præter animum lædendæ, Ecclesiæ editas aliqui putant, non esse difficile & arduum expugnare. Si enim Principum sedes atque Imperiorum vrbes præcipuæ, in Ecclesiastici ordinis capita euectæ sunt, vt quid lex ea in Galliis tanto tempore violata? Nam si rerum & temporum seriem explicemus, vrbes omnes quæ Regum ac Principum domicilio floruerunt, maioribus semper atque altioribus infulis parueret. Sub prima Regum nostrorum propagine quis nescit Parisios, Sueffionas, Aureliam, siue Genabum, sedes fuisse Imperii potissimas, ac Clodouei filios & nepotes diuiso patrimonio in istis ciuitatibus sedem elegisse. At Aurelia, Sueffionum ciuitas, vrbs Parisiorum non sunt Metropoles. In Hispania estne Madritum, aut Seuilla, sedes insignis & Metropolitana? In Anglia nunquid Cantuariensis Episcopus cæteris eminet & tamen nunquam illic Rex Angliarum thronum collocauit. Sub secunda Carlomanorum stirpe Aquis granum, ciuitas Metēsis fuere Regum nostrorum hospitio ac domicilio celebres. Idem de Theodonis Villa dici potest, & tamen ad summam Ec-

clesiarum dignitatem nunquam vrbes illæ sese eue-
xerunt.

Parem huic nostro argumēto rationem opponit
Gelafius I. ambitioni græcorū de Constantinopo-
litanæ sedis Maiestate superbientiū. *Risimus*, inquit,
quod prerogatiuā nolunt Acacio comparari, quia Episco-
pus fuerit Regiæ ciuitatis. Nunquid apud Rauennā Me-
diolanum Syrmiam, apud Treuiros multis temporibus nō
constitit Imperator? Nunquid harum urbium Sacerdotes
ultra mensuram sibi met antiquitus deputatam quidpiam
suis dignitatibus usurparant?

Gelasius
primus ad
Episcopos
Dardaniæ,

Quod si non è maiorum nostrorum volunta-
te, sed ex antiquiore Romanorum politia peten-
dam istam distributionem aliquis respondeat, huic
ego vnum oppono. Præfectus Prætorio Galliarum
non modo Galliarum septemdecim Prouincias re-
gebat, sed etiam Angliam vniuersam, & Hispani-
am. Si ergo Episcopus Arelatensis sacram suam,
& Ecclesiasticam authoritatem cognitione & po-
testate præfecti Prætorio metiebatur, sequitur E-
piscopum illum non modo sub sua Primatia gallias
conclusisse, verum etiam Angliam, Hispaniā, alias-
que regiones, quod est inauditum.

Amplius vero expendamus, an Diœcesan parti-
tio Prouinciarum dispositioni omnino respon-
deat. Atque vt cæteras omittamus prouincias, gallia
ipsa, cuius Diœceses summam cum politica & ciuili
Regionum distributione affinitatem habuit: satis
tamen ostendit Ecclesiam non semper suas digni-
tates ac prerogatiuas ab urbium amplitudine ac
maiestate desumpsisse.

Ac si vetustiora liceret rimari, nonne olim, etiam ante Augusti tempora, Aedui, Lingones, Carnutes populorum erant Antesignani & ciuitates istę totis Regionibus nomen suum imprefferant. Atqui nec ciuitas Aeduorum, nec Lingonum, nec Carnutum Metropoles fuerunt. Contra vero Lugdunensium populorum rara mentio hisce temporibus, & tamen Metropoleas nomen & pręrogatiuam subinde ciuitas Lugdunum est assecuta.

Sed his prętermiſſis ad recentiorē Imperii notitiā veniamus. Fatendum certe plurimam esse Ecclesiasticę dignitatis & Politicę cōsensionē in vrbibus ac ciuitatibus Galliarū: attamen non omnia eadem. Nam Tūgrorum ciuitas subest Agrippinensi in notitia Galliarum, & tamen certum est Episcopatum prius Tūgris hāuisse, quā Agrippinā aut Treueris. Et certe Beatus Maternus eiusque succēssores non Agrippinā, aut Treueris sed Tūgris pręcipuā sedem posuerant. Magunciacum quondam sedes facta est Archiepiscoporum: nisi tempore Bonifacii. Imo ipse Bonifacius diu, solum nudumque tulit nomen Episcopi, nec prius Metropolita seu Archiepiscopus effectus est, quam potestatem accepisset à Gregorio tertio nouos Episcopatus fundandi, atque erigendi, vt constat ex epistola prima eiusdem tom. . Con-

Greg. 3. vol.
Concil.
Gallie.

cil. Gallię Et tamen Magunciacum in Notitia Gallię prima inter Germanię ciuitates numeratur. Arc-laten, quam Galliarum omnium Metropolim ab initio extitisse sciunt omnes, nonne Prouincię Viennensis ciuitas fuit & tātum abest, vt Metro-

lis fuerit, quin potius in notitia Prouinciæ Viennensis penultima recensetur. Et tamen Arelatensem Episcopum alios ordinasse per Prouinciā Viennensem & Narbonensem, constat ex epistola quarta Zosimi Papæ ad Hilarium Episcopum Narbonensem.

Idem argumentum ex antiquâ Massiliæ Primatiâ potest deduci. Nam cum sanctus Proculus vindicaret sibi Primatum in Ecclesias omnes & episcopatus Prouinciæ secundæ Narbonensis, eo quòd nempe omnes istas Ecclesias instituisset, primusque in iis Regionibus per discipulos fidem propagasset, obstitere eius conatibus Prouinciæ secundæ Narbonensis Episcopi dicentes, non debere se ab alterius Prouinciæ Episcopo (nam Massilia est ciuitas Viennensis) ordinari. Concilium Taurinense litem secundum Proculum diremit, eique Primatiam super Episcopos secundæ Narbonensis assignauit. *Id indicatum est à sancta Synodo contemplatione pacis atque concordie, ut non tam ciuitati eius quæ in altera Prouincia sita est, cuius magnitudinem penitus nesciremus quam ipsi potissimū deferretur, ut tanquam pater filij honore Primatus assisteret.* Duo tamen addo: Vnum Primatum hunc cito defuisse, nec ultra viginti annos durasse. Nam Zosimus Papa Narbonensem secundam Arelatensi restituit. Alterum est quod vbi confusæ erant & obscuræ Ecclesiarum origines, hoc est cum nesciretur quanam ecclesia ab alia originem traxisset, ecclesia ordinem ciuilis distributionis sequuta est. Imo vero cum nimis

plures vni Episcopo Diœceses subderentur, neque posset his obeundis ac lustrandis sufficere Ecclesia, ad ciuilem & politicam amussim Metropolitaram fines ac terminos præfigebat, & ea fortasse caussa Narbonensis Prouinciæ Diœceses Ardatensi fuerunt subtractæ, à Bonifacio allegante hanc in rem Canonem sextum Nicenæ Synodi, quo decernitur vt episcopatus seriem atque ordinem Prouinciarum sequantur.

Faciunt itaque contra aduersarios non leues coniecturæ. Absurdum est ad mobilitatem necessitatum mundanarum Dei ecclesiam commutari, honoresque & diuisiones perpeti, quas pro suis causis faciendas duxerit Imperator, vt recte monuit Innocentius primus epist. 18. ad Alexandrum Antiochenum.

Et certe ne quidem nouæ Diœceses erigendæ facultatem Regibus atque Imperatoribus ecclesia siue fonticis rationibus condonauit superiori capite remotum vidimus ab episcopatu eum, quæ Vuamba Rex Hispaniarum in ecclesia Prætoricensi collocarat. In Gallia nostra, cum Rex Childebertus Meleduni seu Mecledone, quæ Parochia est Senonensis Diœcesis Episcoporum instituere vellet, obstitit nouitati eiuscemodi Leo episcopus Senonensis, vultque, indicto ordinantibus & ordinatis Anathemate, ne in vrbe ista sui iuris & imperii nouus Præsul crearetur. eadem ratione cum Theodoricus & Theodebertus in partibus Franciæ, quæ episcopo Taurinensi Parochiarum nomine & titulo subie-

Quæ erant nouos episcopos instituisſent, eos remoueri mandauit Gregorius Papa, vt conſtat ex eiusdem epist. 120. lib. 7. Si ergo Regibus olim non licebat nouas ſedes pro arbitrio fingere, neq; etiam licitum fuit dignitates, earundem ordinem, ac iura pro rerum ſuarum commodo immutare.

Greg. epist.
120. lib. 7.

Fatendum tamen non ita aduerſam fuiſſe Regum conſiliis ac meditationibus Eccleſiam, quin eorundem ſtudiis ac deſideriis inclinata, Diœceſeon formam & ſtructuram permutarit. Ita nouiſſimo hoc ſæculo datum eſt LVDOVICI inuictiſſimi Regis felicitati ac magnitudini, vt ciuitas Pariſiæſis in Metropolitim tolleretur. Exiſtimauit etenim Romanus Põtifex non decere ſummum virtutibus ac victoriis Principẽ niſi ſummis quoque Præſulibus ſummitti.

Vnde vero factum ſit, vt maximæ & luculentiffimæ ſedes in ampliffimis quoque ciuitatibus fuerint collocatæ, non eſt operoſum imaginari. Si quidem primi fundatores Eccleſiarum ac Chriſti præcones, quærebant urbium frequentiam & populi cœtum: nam facile eſt è numeroſa turba aliquem nanciſci cui perſuadeas. Deinde commodiùs latebant in magnis ciuitatibus quam in vicis. Tandem propoſitum erat Apoſtolis Reges adoriri, atque Imperatores, atque ab iſtorum victoria tam illuſtres ac florentes triumphos auſpicari. Vnde monebat Chriſtus, *Cum ſteteritis ante Reges & Principes nolite cogitare quid loquamini.* De Primatu vero Arclatenſi ſingularem inuenio rationem. Nam Arclatenſium ciuitas præcipuo erat & priuato fœdere cū

Romanis connexa: Antiqui eam Romam Gallulā vocabant, ibi Latini idiomatis vsus & exercitatio: Itaque qui Roma missi sunt, eam primum urbem appulerunt; quod linguæ, gentis ac Imperii commercio & necessitudine faciliorem ad flectendos populorum animos rationem inuenirent.

Certum est itaque episcopatus & Diœceses fuisse descriptas habita ratione disciplinæ ac institutionis. Vt enim Roma, è qua totus orbis rerum credendarum legem depromit, caput est, & mater Ecclesiarum: ita reliquæ Diœceses Metropolean nomen & dignitatem sibi pepererunt, alias edocendo, & ad Christi cultum perducendo.

Apud Syrmundum
tom. I. Cōc.
pag. 89. sub
ann. 450.

Eo respexisse videntur episcopi Prouinciæ in libello, quem Leoni Papæ obtulerunt de renouando Ecclesiæ Arelatensis priuilegio. Si quidem ad restituendos ei honores antiqui Primatus, Leonem hortantur non ab urbis magnitudine aut claritate ducto argumento, sed ex eo quod ipsa inter omnes Galliæ ciuitates, luce Euangelij prima fulserit, quam deinde cæteris ciuitatibus sit impertita. *Omnibus, inquit, Gallicanis Regionibus notum est, sed nec Sacrosanctæ Romanæ Ecclesiæ habetur incognitum, quod prima intra Gallias Arelatensis ciuitas missum à beatissimo Petro Apostolo sanctum Trophimum habere meruit Sacerdotem & exinde alijs paulatim regionibus Galliarum bonum fidei, & Religionis infusum, priusque alia loca ab hoc riuo fidei quem ad nos Apostolica institutionis fluentia miserunt, meruisse manifestum est Sacerdotes, quam Viennensem ciuitatem, quæ nunc impudenter*

ac notabiliter Primatus exposcit indebitos. Vnde apparet eiusce temporis Episcopos ignorasse sedium prerogatiuas esse ab urbium dignitate & maiestate repetendas. Namque non erant nescij Viennam Metropolim esse Viennensem, Arelatem verò huic esse politica lege subiectam, proindeque fieri non posse, vt Primatus dignitas Viennæ negaretur, si modo constans erat Episcoporum gradus & prerogatiuas locorum mutatione conuerti.

His addendum, Episcopatum in Anglia dignitatem non ab alio fonte, quàm ab ordine Euangelij recepti promanasse. Etenim postquam Euangelici verbi facibus iterum illustrata est Anglia, Cantuaria Primatum consequuta est, quod illic Augustinus ad fidem prædicandam missus à Gregorio sedem habuisset, & hanc sequitur Episcopatus Rocestrensis, licet urbis nomine, censuque tenuis, quandoquidem eodem fere tempore Rocestrenses cum Cantuariensibus ad fidem venerunt, vt est apud Harpsfeldium pag. 67.

In hac ergo contentione dubiis hinc inde rationibus atque argumentis, concludi, vt arbitror legitime posset, in summas, atque amplissimas ciuitates Ecclesiam summos quoque atque eximios honores contulisse, non quod ciuilis dignitas sola, suam in Episcopos lucem transfundat, & non alio quam urbium suarum nomine Patriarchæ aut Metropolitani glorientur: sed quod fere vbique contigerit, vt in egregiis urbibus ac Metropolitibus seu Apostoli seu Apostolici viri constiterint, ac inde salutares E-

276 *De bonis & possessionibus Ecclesiarum,*
uangelii riuos reliquæ ciuitates hauserint. Ita noui-
mus Alexandrinum & Antiochenum Patriarchas
honorem suum è Petri, qui illic sedit, merito deriuaf-
se. Sic apud Tertullianum Apostolicæ Ecclesiæ le-
guntur fuisse in iis præsertim vrbibus quæ capita

Tertullian.
de præscrip-
tionibus.

Prouinciæ essent. Age, inquit, qui uoles curiosita-
tem melius exercere in negotio salutis suæ, percurrere Ec-
clesias Apostolicas, apud quas ipsæ adhuc Cathedræ, A-
postolorum suis locis præsidentur, apud quas authenticæ
litteræ eorum recitantur, sonantes uocem, represen-
tantes faciem. Proxima est tibi Achaia? habes Corin-
thum. Si non longes à Macedonia? habes Philippos.
Si potes in Asiam tendere? habes Ephesum: si autem Ita-
liæ adieceris, habes Romanam, unde nobis quoque au-
thoritas præsto est statuta.

*De dote & fundatione Episcopatum. Episcopis amplæ
facultates prouise. Familia Episcoporum Gallie pri-
mis temporibus non inculta. Episcopatum cum aliis
Ecclesiis uniones propter redituum tenuitatem.*

C A P V T XIV.

S Vb prima Christianæ Religionis initia dos &
erectio episcopatum, non ex opibus ac censu
pendebat nec nutu aut flagitatione Principū insti-
tuebantur. In magnis atque amplis ciuitatibus ubi
messes plurimam sperabant Apostoli illic thro-
num non auro, argentoque fulgentem sed sangui-

ne ac vulneribus clarum collocabant. Pro dote erat populorum pietas, pro censu Religio, pro stipendio charitas: Neque tamen inficiari quisquam audeat summam rerum omnium, etiam quæ opes ac fortunas spectant, penes Episcopum resedisse; nec oblationes aut vota fidelium alia quam Episcopi manu ac voluntate licuisse regi. Id fuscè à nobis & tractando de Parochiis, & de primæua Ecclesiæ politia expositum, non potest, sine nausea recoqui. Concludendum ergo dotem antiquorum Episcopatum fuisse prædia & res pene omnes immobiles tertiam Decimarum & Oblationum apud Hispanos, apud Gallos & Italos quartam. Deinde iura quædam & obuentiones, Cathedraticum, Circatas Synodaticum Eulogias, & alia quæ Deo dante exponemus, libro secundo, partis secundæ.

Quod ergo hîc occurrit difficultatis, in nouorum Episcopatuû erectione & dote est. Ac illud imprimis animaduertendum antiquos patres perpetuo nitori ac splendori Episcoporum consuluisse, provideque prospexisse, ne ea dignitas nimio squallore ac paupertate mortalibus, qui vniuersa cultu ornataque metiantur, fordesceret. Licet enim obiciant nobis, olim Episcopos sine familia fuisse, quod probare contendunt ex eo quod etiam Constantini temporibus duobus Episcopis & Chresto Siracusæ Metropolitæ tres tantum famuli assignentur, qui Arelatem proficentibus in via ministrant: atque ex eo conijciant tenuem fuisse eo tempore & modestum Episcopis famulatum. Attamen etiam inter

Epist. Constant. Augusti ad Christum Episcopum Syracusanum tom. 1. Cœc. Gall. p. 31.

278 *De bonis & possessionibus Ecclesiarum,*
 initia nascentis Ecclesiæ apud Gallos non ita fuisse
 tenues & angustos redditus Episcoporum quin fa-
 miliam haberent in certas classes atque ordines di-
 stinctam, produnt Historici. Brixius qui proxime
 Beato Martino successit in Episcopatu Turonensi
 dicitur habuisse seruos Cubicularios apud Grego-
 rium Turonensem lib. 12. cap. 1. *Mulier*, inquit, *ad*
quam eius cubicularij vestimenta deferrebant ablucenda,
quæ sub specie Religionis erat veste mutata, concepit &
peperit, &c. Ex testamento Remigij liquet ipsum
 non mediocrem, nec incultam habuisse familiam,
 vasa apud ipsum fuisse aurea atque argentea, item
 vim pecuniæ non exiguam, quippe qui Sparnacum
 villam dicat se emisse ab Eulogio quinque millibus
 librarum argenti.

Greg. Tu-
 ronens. lib.
 12. cap. 1.

Comitatum vero Episcopis semper illustré fuisse
 etiam ex decreto mandatoq; Principū, liquet ex eo-
 dé Gregorio, vbi Comitatu describit Cautino Ar-
 chidiacono assignatum, cum ad occupandū episco-
 patum Aruernæ ciuitatis profecturus esset. Tunc ex
 iussu Regis, nempe Theodoualdi, traditis & clericis &
 omnibus, quæ hi de rebus Ecclesiæ exhiberant ordinatis-
 que qui cum eo pergere deberent Episcopis Camerarijs
 Arverno eum direxerunt. Vbi vides Comites datos
 Cautino Clericos, Episcopos Camerarios. Gre-
 gorius magnus lib. tertii, epistola quadragesima
 quarta agnoscit in Episcopis sui temporis familiam
 satis numerosam, in qua nil reprehensione dignum
 animaduertit, nisi quod suadet, vt abiecto famula-
 tu laico, Clericis seruis & ministris vtantur: Paulus

inter virtutes Episcopales hospitalitatem recenset. At hospitibus esse non possunt benefici & liberales, qui vix habent sibi vnde famem arceant. Itaque Gregorius in responsione ad primam interrogationem Augustini Anglorum Episcopi, largiorem Episcopis portionem in opibus Ecclesiæ decerni constituit, vt & suæ familiæ & hospitibus suppetant necessaria. *Mos est, inquit, Apostolica sedis ordinatis Presbyteris præceptum tradere, vt de omni stipendio quod accidit, quatuor fiant portiones, vna videlicet Episcopo & familiæ eius propter hospitalitatem & suspensionem, alia Clero, tertia verò pauperibus, quarta Ecclesiis reparandis.*

Cum ergo cura fuerit Ecclesiæ, ne paupertate & inopia summa dignitas angeretur, hinc est factum vt lapsis Episcopatum facultatibus, & ciuitate in qua sedebant Episcopi in extremam calamitatem adducta, insignia quoque Præsulatus ab ea recesserint, & vel è duabus Ecclesiis, vna sedes facta sit, vel ab vrbe diruta, locus Episcopii in florentem & insignem ciuitatem translatus. Cuius rei extant apud Gregorium exempla quam plurima. Quippe cum Ecclesia Formiensis paupertate laboraret, ipsi Ecclesiam Menturiensem clero plebeque, fato temporum destitutam adiungit, & omnia ipsius iura ac creditus assignat lib. 2. epist. 8. Ita Regitano Episcopatu Carinensem Ecclesiam coniungit lib. 5. epistola nona. *Postquam, inquit, Ecclesia Carinensis defuncto eius antistite alium ordinari nec loci desertio, nec sint imminutio personarum, maiori cura con-*

Greg. Magn.
lib. 2. epist. 8.

Greg. lib. 5.
epist. 9.

strigimur, &c. De translationibus vero episcopatum propter bellicam cladem, in signis est locus

Lib. 2. epi. 11. apud eundem epistola vndecima libri secundi, ubi Velitrensem episcopatum transfert in locum qui dicitur Harenata. Temporis, inquit, *qualitas admonet Episcoporum sedes antiquitas certis ciuitatibus constitutas ad alia quæ securiora putamus eiusdem Diœceseos loca transponere, quo & habitatores nunc degere & barbaricum possit periculum. facilius declinari, propterea te Joannem fratrem coepiscopumque nostrum Velitrensis ciuitatis sedemque tuam in locum, qui dicitur Harenata, ad sanctum Andream Apostolum præcipimus exinde transmigrari.*

Synodus
Constanti-
nopoly. can.
7.

Quamobrem cum opum ac fortunarum dissipatio plurimum semper de luce & splendore episcoporum detraxerit, quid mirum si ne pietatis quidem specie res episcopij minui deterique patres siuerint. Vnde in Synodo Constantinopolitana coercentur episcopi, qui Monasteria extruentes redditus sedium suarum consumunt. Multos Episcopatus ruere, & perpetuo exitio tradi videmus, quod qui eis præsumunt, omnem de iis curam & sollicitudinem in recentes Monasteriorum extructiones conferunt, & eos diuolentes ac distrahentes, & ut ad se pertineant redditus molientes, ut ipsa augeantur laborant: Hoc ergo statuit sancta Synodus nulli licere Episcopo priuatum Monasterium ad proprium Episcopatus perniciem recens excogitare.

Cum ergo caute prospectum sit à Patribus, ne antiqui episcopatus fortunis suis & auito fundo

pellierentur, multò prudentius constitutum, ne Episcopatus noui sine dote congrua crescerent. Quia in re dicendum primo Episcopatus non temere nec sine causa scissos ac diuisos: Multitudo populi, amplitudo Diocesis, aut noua gentium quarundam ad fidem accessio, expulsioue barbarorum occasionem dedere nouis sedibus erigendis.

Propter amplitudinem ac spacia immensa Diocesean scissos Episcopatus liquet ex Synodo Carthaginensi sub Honorio Canone 60. Vbi decernitur eum Episcopum, qui ab alio traditam sibi Diocesem partem regendam acceperit, eas tantum obtinere Paroecias, quæ ex alterius consensu sibi obtigerint. expulsioue vero barbarorum nouos Episcopatus institutos docent Hispaniarum historiarum. Compostella in Episcopatum euecta est, depulsis Gothis & Barbaris: eius Episcopus diu retinuit nomen Iriensis, cui successerat. Tandem ex concessione Urbani II. nomen Iriense prorsus obliteratum, & Compostella exempta à Metropolitæ Braccarensis ditione, in Metropolim euecta: Gadibus nouus factus est Episcopus. Granatum facta est quoque ciuitas Metropolitana, extincto fortasse Episcopatu Eliberitano suffecta. Mondoneda sublato Ribadeorum Episcopatu Cathedram excepit, Zamora quoque in hunc honorem elata, Lerium in Portu-Gallia non procul à Conimbrica à Paulo III. S. Pontifice infulis donata est. Quantum vero de dote constituenda solliciti fuerint Reges Hispaniarum, liquet ex indice & catalogo Episcoporum, quem te-

Synod. Carthaginens.
sub Honorio can. 60

Ioannes Valseus.

Damianus
à Goetz.

xuit Damianus à Goetz, ex quo apparet omnes illos Episcopos, etiam recentioris instituti, opimis esse facultatibus instructos. Archiepiscopo Granatensi assignantur decem millia aureorum ducatorum pro annuo redditu, episcopo Zamorensi duodecim millia, Episcopo Lericensi quinque millia.

Nec minor aliarum nationum, earum etiam quę vicinia ferarum gentium laborabant, in episcopatibus fundandis, dotandis liberalitas fuit ac deuotio. Postquam enim ad Vagiros & Obotritos euangelij verbum peruenit, Aldenburg ciuitas sub Othone magno facta est sedes Episcopi, cui defuturum aliquid arbitratus est optimus Princeps, nisi ad dignitatis tantę Religionem, opes quoque immensas adijceret, quibus se aduersus barbariem tueretur, & Infidelium atrocitatem largitione munerum demulceret. Ita Hemoldus Presbyter libro primo Chronici Sclauorum. *Fuerunt, inquit, Aldenburgenses Pontifices admodum honorabiles erga Regulos Sclauorum, eò quod munificentia Magni Principis Ottonis cumulatı essent rerum temporalium affluentia, unde possent copiose largiri et fauorem sibi populi consciscere.*

Hemoldus
Presbyter
Chronici
Sclauorum
cap. 12.

Subinde porro cum Aldenburgensis Ecclesia diuisa fuisset, atque intra eius terminos duę de nouo Diœceses efformatę, nempe Mekilimbürgensis & Racesbürgensis: His quoque dos amplissima prouisa est, vt ex eodem Chronico liquet. Nam capite 78. de dote Racesbürgensis Ecclesię hæc habet Hemoldus. *Ordinatus est in Racesbürg episcopus Dominus Euermodus prepositus de Magdeburg, deditque ei*

Hemoldus
lib. 1. cap. 78.

Comes

Comes Polabrorum Henricus insulam ad habitandum, prope Castrum. Præterea trecentos Mansos resignavit duci dando in dotem Episcopij. Cuius munificentiae exemplo pellectus Comes Obotritorum seu Sclavonum Odolphus trecentos similiter mansos dedit Episcopo Aldenburghensi, præter antiquum patrimonium: unde apparet non mediocres fuisse Episcoporum opes, nam quisque mansus continet duodecimi iugera seu buannuaria. Unde dos in terris & prædiis fuit trium millium & sexcentorum iugerum terræ, præter alias obventiones.

Tandem cum sedes Aldenburghensis Lubecam translata fuisset, tum primum quoque de dote & patrimonio Ecclesiæ cogitatum, ne Clerici illic consistentes ac Episcopi assessores sine fundo essent, ut est apud eundem Helmoldum lib. i. cap. 90. In Gallia quoque propter amplitudinem & spatia Dioceseos non novi aliquando episcopatus erecti, siquidem Nomenius Turonensis Antistes, Britanniam Aremoricam novis Episcopatibus illustravit, thronis ac sedibus in Monasterio Briocensi, Dolensi, & Trecorensi, (quod sancti Rabatuali Monasterium dicebatur) constitutis ac fundatis: Unde cum ius Metropolitæ & Archiepiscopi dignitatem Dolensi cessisset, conati sunt postea Aremoricorum Prælati subducere sese cognitioni & auctoritati Turonensis Metropolitæ, quasi reuulsi ab eius ditione. Quamobrem in Synodo Tullensi reista in examen adducta, scribendam censuerunt Patres, Epistolam ad Episcopos Britonum eo nomine. *Vt*

Synod. Tul-
lensis apud
Syrmondū
in capitulis
Caroli Cal-
i.

Bulla Inno-
centii III.
quæ incipit
doleat Do-
lensis.

ad Metropolim suam redeant, eique debito iure se
subdant, nec à Canonica & Episcopali communione se
segregent. Ut videre est apud Syrmundum in capi-
tulis Caroli Calui. Verum huic contentioni ac mo-
litioni finem non fecit Synodus Tullensis, nam du-
rabat ista Metropolitaram conflictatio Innocentij
III. temporibus, qui totam hanc litem in fauo-
rem Turonensis Episcopi diremit, sacro diplomate,
cui initium est. *Doleat Dolensis, gaudeat Turonensis Ec-
clesia*: Alij censent Dolensi idcirco factam occa-
sionem viamque apertam ad vindicanda Metro-
poleas iura, quod in ea Ecclesia primum sederit
Beatus Samson Archiepiscopus Hibernia pulsus,
qui quamdiu vixit, ius pallij ad specimen & me-
moriā retinuit antiquæ dignitatis, quod ius pallij
etiam successores sumpserunt, vnde nata opinio
Metropoleas.

In Diœcesi Pictonum, nouæ sedes in Lucionensi
& Maleacensi ciuitatibus erectæ, ex Monasteriis.
Bonifacius VIII. Apameam Narbonensis Prouin-
cia ciuitatem Cathedra ornauit. Ioannes 22. in
figendis Episcopatibus nouis plurimus fuit. Tho-
losanam Ecclesiam pallio illustratam, iussit præesse
sex Episcopatibus de nouo institutis Montisalbano
D. Papuli, Lombariensi, Riueni, Vaurenfi, Mira-
picensi. Idem Limosam quæ postea Monasterium
effecta est, & D. Pontium fecit episcopatus, ita Al-
bionum ciuitas in duos Episcopatus scissa est Ca-
strensi nimirum sede intra eius fines collocata. Sic
Agenensis, ex se hoc est ex sua amplitudine Codo-

menſem Cathedram peperit, Lemouica Tutelenſem, Ruthena Vaurenſem.

Nouiſſimo vero ſæculo nouæ Diœceſes in Belgio erectæ, poſtulate Philippo Hiſpaniarum Rege. Iſ enim per Franciſcum Sonnum flagitauit à Pontifice Paulo I V. vt quia Epiſcoporum penuria laborabat Belgium, atque iſ terræ tractus tam vaſtus, ac cultus paucorum admodum Prælatorum ſollicitudine regeretur, liberet ſummo Pontifici nouos in Belgio Epiſcopatus condere, & eos qui iam fundati erant ab extraneorum Præſulum auctori- tate liberare. Pontifex poſtulationem Principis ſep- tem commiſit Cardinalibus examinandam, qui ty- pis & figuris Regionum ac Prouinciarum diligen- ter inſpectis, ad Sacrum Senatum, quid circa id ne- gotii gerendum ſibi videretur, retulerunt. Itaque ſummus Pontifex cum conſilio ſacri Purpurato- rum Senatus ita decreuit: nempe conformiter. Ex- tra uaganti Ioannis 22. quæ incipit *Saluator noſter de Præbendis ac dignitatibus*, diuiſit ac diuulſit Ec- cleſias Cameracenſem, Traiectenſem, Attrebaten- ſem & Tornacenſem antiquas belgii Cathedras, à Prouinciis Remenſi & Colonienſi Diuiſit etiã qua- tuordecim inſignia oppida videlicet Mechlinienſe, Antuerpienſe, Harlemenſe, Dauentrienſe, Leouar- dièſe, Groeningenſe, Middelburgèſe, Buſcoducèſe, Ruræmondènſe, Namurcenſe, Audomarenſe, Iprè- ſe, Gandauenſe & Brugenſe, à ſuis Diceceſibus vi- delicet Cameracenſi, Traiectenſi, Leodienſi, Mo- rinenſi & Tornacenſi, erexitque in ciuitates & Ca-

286 *De bonis & possessionibus Ecclesiarum,*
 thedralis Ecclesias, tres vero fecit Archiepiscopatus
 Cameracensem, Vltraictensem, & Mechlinien-
 sem nouam Diocesim. De dote vero & patrimo-
 nio eorum Episcopatum sic constituit Pontifex:
 nempe vt nuncius Apostolicus, visis ac lastratis Re-
 gionibus & Monasteriis ac Ecclesiis intra fines cu-
 iusque Dioceseas conditis, assignaret Archiepis-
 copo Mechliniensi quinque millia Ducatorum au-
 ri de Camera, vnicuique vero Episcoporum tria
 millia pro annuis redditibus, sumendis ex certis & e-
 cimis & obuentionibus ecclesiasticis. Interim vero
 dum ista agi & perfici possent, Rex Hispaniarum
 ministraret Archiepiscopo Mechliniensi tria millia
 ducatorum auri de Camera, & vnicuique Episcopo
 mille & quingentos ducatos annui certique redi-
 tus, verba Bullæ subtexto. *Archiepiscopali Mechli-
 niensi quinque millium & cuilibet ex Episcopalibus men-
 sis huiusmodi 3. millium ducatorum auri de Camera
 annuos redditus ex certis Decimis bonis & fructibus re-
 ditibus ac prouentibus Ecclesiasticis per dictum nuncium
 Specificandis ac repartendis ex nunc prout ex tunc, & è
 contra postquam specificati, ac repartiti fuerint. cin-
 terim donec Specificatio & repartitio huiusmodi factæ
 & effectum sortitæ sint, & non ultra Mechliniensi 3.
 millium ac cuilibet ex Episcopalibus mensis prædictis mil-
 le & quingentorum ducatorum similium annuos redi-
 tus, per ipsum Philippum Regem ex redditibus & prouen-
 tibus, quos ex dicta Regione percipit assignandos & Ar-
 chiepiscopo Mechliniensi ac singulis Episcopis pro tem-
 pore existentibus singulis annis, quousque Specificatio &*

Bulla Pauli
 4. de cre-
 ctione no-
 uorum E-
 piscopatuum
 in Belgio
 quæ incipit
 super vni-
 uersis anno
 1559. Pontif.
 anno 4.

repartitio prædicta, ac pro ea tantum parte, quâ pluriarium suum effectum minus sortita fuerint, & non ultra integre & proportionaliter persolvendos pro eorum dote, pari consilio eadem autoritate etiam perpetuo applicamus & approbamus.

Ex quibus patet de dote Episcoporum semper Romanos Pontifices fuisse non mediocriter sollicitos; quippe qui non ignorabant ad sordidas artes ad fœdam Principum & Magnatum adulationē, Clericos non alio magis consilio quam eluctandæ ac amoliendæ paupertatis adduci.

Hinc exoli fuerint Antiquitati præfules illi atque Episcopi, qui, ad similitudinem eorum qui otiosi cinguli honore præcincti, vacantes olim dicebantur. Vacantiui sunt appellati; quippe qui sine certa sede & Cathedra oberrantes, eò se conferrent, quocumque vocaret quæstus & sordidissimi lucri cupiditas, de quibus insignis est locus apud Synesium

epistola 67. ad Theotimum. Περισσοῦσι γινεσθαι βαρβα-
ρίοι παρ' ἡμῶν αἰεξή γὰρ μὲν μικροὶ παρβαρίζαντες ἵνα
ἀλλ' ἢ σιωπῆτερας τῇ πολιτείᾳ φωνῆς ἢ ἐνίων κακίαι ἐμ-
φατικώτερον ᾤξασθαι μὲν· ὅτοι καθόραν μὲν ἀποδεδιγμέ-
νῳ ἔχειν ὃ βούλῃ· οἱ γὰρ ἢ οὐσαν ἀπολελοιπάσιν, οὐ καὶ
συμφορᾶν, ἀλλ' αὐθαίρετοι μετανάσαι γυρόμενοι, καρποῦνται
ἢ πᾶς ὑμεῖς ἐκεῖ παρρησιῶτες ὅπου κερδαλεώτερον.
Oberrant nonnulli apud nos B. cantibz; Eines enim me
barbara dictione uti, ut per nomen vsitatus in Repu-
blica nonnullorum improbitatem significantius expri-
munt. Ij nolunt habere sedem ratam & constitutam &
reliquerunt Ecclesiam suam, non calamitate, sed ut vo-

Synec. epist.
67. ad theo-
simum;

288 De bonis & possessionibus Ecclesiarum,
luntarij erronee fruuntur honoribus illuc oberrantes, ubi
maior quaestus.

Concil. Ca-
bilo. 2. can.
43.

Erant apud Gallos eiusdem fere conditionis epis-
copi, qui se Scotos dicebant. Illi sine sede & cathe-
dra palabundi cum certos ac constitutos redditus
non haberent, omnem suam spem in praecipiti ac re-
meraria Presbyterorum atque Diaconorum ordi-
natione collocabant, aduersus quos Concilii Cabi-
lonensis editus est Canon 43. *Sunt in quibusdam lo-
cis Scoti, qui se dicunt Episcopos esse & multos negligentes
absque licentia dominorum suorum siue Magistrorum
Presbyteros & Diaconos ordinant, quorum ordina-
tionem, quia plerumque in simoniacam incidit haeresim
& multis erroribus subiacet, modis omnibus irritam fieri
debere, omnes uno consensu decernimus.*

En ergo Lector humanissime, quae ad Ecclesia-
rum omnium Capellarum oratoriorum, Parochiarum,
Monasteriorum, Episcopatuum originem ac fun-
dationem pertinent.

COROLLARIUM HVIVS LIBRI.

Plures adhuc sunt Beneficiorum & sacrarum ædium tituli de quibus, nisi res eas in alium locum referendas censerem, hoc libro esset per tractandum. Ex monasteriis enim pullularunt prioratus quos à Monachorum cellis antiquioribus initium duxisse crediderim. Cum enim è Monasteriorum cœtu & frequentia in solitudinem ac tranquillorem secessum exercitatiores & Philosophiæ magis dediti commearent, cellas plerumque in desertis & inaccessis locis conditas petebant, cum Abbatum nempe consensu, vnde antiquis dicti sunt *κελλιώται*. Sunt & lauræ ac para-lauria appendices & propaggines & furculi Monasteriorum de quibus frequens mentio apud Palladium & in Codice Iuris Orientalis.

Ista vero remotiora à ciuitatibus loca, nunc subferuiunt deriuandis Monachorum coloniis si quando nimia turba & frequentia maius Monasterium turgeat, aut si quos oportet solitudine ac disciplina austeriore corrigi. Pleræque vero cellæ nunc in simplicis tonsuræ Prioratus cesserunt quia olim in istis cellis nulli erant Presbyteri, aut Abbates quemadmodum in aliis Monasteriis.

Hic quoque de Xenodochiis leprosariis dici posset quarum institutio ex Concilio Aurelianensi quinto repetenda verum materia ista nimis ampla

290 *De bonis & possessionibus Ecclesiarum;*
est, ut possit hoc volumine contineri. Ista exponemus cum ad administrationem bonorum ecclesiasticorum noster se prouehet stylus: illic, quæcumque in gratiam pauperum excogitauit ecclesia narabimus: è quibus patebit in bonis Ecclesiasticis summum perpetuo præsidium pauperes habuisse, proindeque illis indignari nihil aliud esse quam inuidere solatia miseris & calamitatibus æternitatem precari.

LIBER



LIBER TERTIVS.

DE BONIS ECCLESiarVM

*in specie, nempe de mansis, prædijs, seruis,
Colonis, libertis.*

POTSQVAM communem quandam bonorum Ecclesiæ picturam oculis subiecimus, nunc doctrinæ ratio postulat, vt singulas fructuum, ac obuentionum species aggrediamur quibus, Ecclesia eos alit qui se pro Imperij salute, & Reipublicæ splendore sacris altaribus deuouerunt. Neque miretur aliquis tot tubis ac canalibus in Ecclesiam opes confluxisse, nec quidquam antiquius, aut incundius populos Regesue habuisse, quam vt æmulis largitionibus Sacerdotum stipendia augerent & extra inopiæ metum, & calamitatum discrimen, seu Clericorum, seu Monachorum Sodalitiam collocarent. Indignum est humanis casibus ac miseriis premi, qui miseras quantum possunt, iugi obsecratione ab hominum ceruicibus arcent, & cœli sæpissime nostris sceleribus indignantis, vindices flammæ, suffuso lachrymarum imbre restingunt! Certe quidquid Politici aculeatis inuiduæ mordacis scommatibus obstrepāt, sordescat

in paupertate Religio, reuerentiam in sordibus amittit. Situ isto & squallore, quē illi nostris rebus tā impatienter optant, non tam sui amorem mortalibus allatura esset quam fastidiū. Quis vnquam in haris & mapalibus subulcorum sacra patiatur celebrari? quem non afficiunt templorum ruinæ, labes, & rudera. Quis non irascitur incultis altaribus & neglectis? Quod si hæc mortua & inanimata religionū adminicula, nefas est non lucere purius ac nitere elegantius, quàm cetera quæ prophanas domos instruunt: quis nisi inuidiæ dirâ frenesi vexatus, velit ad extremam inopiam Sacerdotes adigere, & perpetuò cum calamitate luctari, quos supra templorum, atque altarium reuerentiā sanctiores ceremoniæ consecrarunt. Videamus, ergo quid populis & regibus Religio debeat, & suavi commemoratione beneficiorum, eorum votis, ac generosis largitionibus gratulemur. Bona itaque Ecclesiæ, de quibus in hoc libro acturi sumus, sunt mansi, seu prædia, alodia, feudi, serui, mancipia, coloni, tabularij.

CAPVT I.

De mansis Ecclesiarum. Variæ agrorum conditiones apud Romanos, Limitati, assignati, redditu, locat, vectigales. Mansorum diuisio in apsos & vestitos. Mansus presbyteralis quot Bannuariis constat.

AGRI omnes & prædia ab initio libera sunt, seruitutes & dominia hominum voluntas induxit: imposuit vincula terris & maribus hominum ambitio & exile istud punctum, quo res nostræ concluduntur in portiones ac sortes, societatis impatiens dominatio disseccuit. Inde bella, cædes, nequitia, prodiciones, & quidquid scelerum, Numen irritat. & nostram incusat amentiam qui animam, quâ nihil homini esse charius potest, terrâ viliozem fecimus. & dum agrorum fines ferro bellisque protende nitimur, terminos alioquin satis angustæ minuimus vitæ.

Cum ergo natura agros liberos fecerit; quas illis, gentium iura seruitutes imposuerint videamus. Nec enim aliter mansorum & prædiorum, quibus à Principibus Ecclesia donata est, poterit intelligi, quàm si agrorum conditiones omnes breui imagine comprehensas oculis subiiciamus.

Seruitutes agrorum è victoriis populi Romani natæ sunt, ita enim Siculus Flaccus lib. de Condi-

Varie conditiones agrorum.

Lucius lib.
de condit.
agrorum.
Titulus li-
uius.

tionibus agrorum. *Causam diuidendorum agrorum bella fecerunt. Captus enim ager ex hoste varie diuisus est. Diuisionis modum tradit Liuius lib.3. sub finē.*

l. Lucius II.
ff. de Eui-
ctionibus
lib.2. tit.2.

Agros, inquit, ita captos alios in victorem populum particiebantur, alios vendebant, alios militibus assignabant, alios locabant, aliis certum vectigal siue stipendium imponebant. Qui agri militibus dabatur in præmium rei bene gestæ & solatium senectutis l. Lucius ff. de Euictionibus, illi dicebantur Limitati, apud Aggeum & Flaccum: quorum alii erant assignati qui de nouo militibus dabantur, alii redditu, quos nempe ex permutatione consequiebantur, vt continuam haberent possessionem, quemadmodum docet Sículus Flaccus loco citato. Venditi agri seu hæstæ subiecti fuerunt, quos populus Romanus vendi curabat, & eorum pretium ærario inferebatur l. in agris. De acquirendorum dominio: l. idem dicuntur Quæstorij apud Sículum Flaccum. Quos ex hoste Captos populus Romanus per Quæstores vendidit.

l. in agris 16.
ff. de acqui-
rēdo rerum
dominio li.
4. tit.1.

Locati agri & vectigales hi sunt proprie, è quibus seruitutes prædiorum & feuda originem traxerunt. Nam cum pars agrorum vendita, pars militibus assignata foret: quod reliquum erat id in vsu & possessione Reipublicæ manebat, hique agri apud Aggeum Urbicum dicuntur subsæcui. Hos autem agros aliquando populus Romanus locabat, vel ad longum tempus, vel ad lustra singula, & constituebat per prouincias publicanos, ac redemptores, qui publicorum prædiorum redi-

rus colligebant. Aliquando vero non locabat agros populus Romanus, sed vtendos fruendos dabat certis conditionibus, siue cum onere vectigalis per singulos annos pendendi, vnde agrorum censualium conditio manauit. Hoc autem vectigal, vel ex quintâ parte vel ex decimâ fructuum constabat.

Locati agri
& vectigales
qui fuerunt.

Ceterum quid inter agros locatos & vectigales intersit, facile apparet. Nam agri locati tam possessio quam proprietates erat populi Romani. At vero agri vectigales proprietatem quidem habebat populus, non autem possessionem, dicunturque agri ciuitatum, non possessiones, l. *questio* ff. *de verborum significationibus* : & qui eos agros colunt, licet fruendos in perpetuum accepissent non tamen propterea proprietatem habebant, sed vsum tantum & possessionem l. *agri ciuitatum* § *qui in perpetuum*, ff. *si ager vectigalis*.

l. *questio*
115. ff. de
verbo. signi-
ficat. lib. 50.
tit. 16.

l. *agri ciuitatum* §. qui
in perpetuum
ff. si
ager vecti-
galis.

Præter istas agrorum condiciones, duæ quoque supersunt. Nam aliquando populus & Imperator fundum & agrum veteri possessori restituebat, quorundam, inquit Flaccus, dignitas, gratia, aut amicitia victorem ducem mouit, vt eis concederet agros. Vnde eorû agrorum limites his notis impressi reperiuntur R. V. P. *redditum veteri possessori*. Aliquando tributis & stipendiis onerabant. Vnde dicuntur prædia tributaria & stipendiaria: de quibus §. *per traditionem instit. de rerum diuisione*. Theophilus vult Imperatores orbe subactis, quasdam prouincias populo dedisse, quæ stipendiariæ dictæ

Flaccus de
Condit.
agrorum,

§. per tra-
ditionem
inst. de rerû
diuisione.

Theophilus
instit de re-
rum diui-
sione.

sunt; quasdam sibi retinuisse quæ tributariæ sunt appellatæ ἐπειδὴ τελευτᾷ τὸν ἐν τῷ ἔσχατῷ τέλει ὅπερ, ἐπεβάλλε τοῖς οἰκείοις ἐπαρχώταις ὁ βασιλεὺς, ὡς πολλὰ δαπανῶν κερὶ τὴν τῶν στρατιωτῶν ἀποτρέφειν. *Tributum est graue vectigal, quod Rex imponit propriis provinciis qui multas impensas facit in alendo exercitu.*

Prima mā-
forum di-
uisio.
Index Do-
nat. Ecclesie
Salisburgens.
apud Canis.
tomo 6.

Istis ex iure antiquo, cum venia sacrorum iuris Antistitum prælibatis, varias mansorum & prædiorum Ecclesiasticorum species expendemus, ac primo Mansi alij dicuntur Apfi, alij vestiti: alij inter aplos & vestitos, quæ diuisio petitur ex indice donationum Ecclesiæ Salisburgensis apud Canisium tomo sexto antiquæ lectionis.

Quid sit
Mansapfus.

Concil Va-
lentinum 3.
cap. 4.

Instrumentum
ff de fun-
do instructo

Mansus apfus nil aliud significat, quam prædiū nudum & inueste, sine instrumento rustico: at è contra mansus vestitus est prædium rustica suppellectile, instructum, mancipiis nempe colonis armentis, quæ ad terram colendam sunt necessaria. Vnde in Concilio Valentino alio nomine dicitur *Colonica vestita*, veteres Latini fundum instructum appellarunt: quæ sint fundi instrumenta docet Vlpianus l. *instrumento* ff. de *instructo vel instrumento legato* ex libris Sabini ad Vitellium. Nempe homines, qui agrum colunt, & qui eum exercent, præpositiue sunt his: quorum in numero sunt villici, monitores, qui nempe cessantes & pigros monent, boues domiti, & pecora stercoreandi causa parata, vasa quæ vtilia culturæ sunt, aratrum, ligones, sarcula, &c.

Ceterum qui mansus in Ecclesiæ parochialis,

aut alterius dotem dabatur, is debuit habere duas conditiones. Primo oportuit esse mansum vestitum seu instructum. Instrumentum autem in tribus mancipiis collocat Concilium Valentinum tertium can. nono. Decretum, Hungaricum in duobus mancipiis equo, iumento, sex bobus, duabus vaccis, & triginta quatuor minutis bestiis. Secundo mansus Ecclesiasticus siue parochialis debuit esse integer hoc est iustis terræ mēsuris completus: completur autem mansus & fit integer quando continet duodecim iugera terræ, quæ iugera modo *Bannuaria* dicuntur modo *Hoba* modo *Aera*. in antiquis monimē-
tis. Mansi integri mentio fit in Isacii Lingonens. præfatione ad suos Canones, & in Capitulis herardi Turonens. cap. 40. Nominatim vero māsorum integrorum spatia & mensuram præfiniunt leges Longobardorum authore Carolo Imperatore libro tertio lege quadragesima sexta, de Ecclesiis Emendandis volumus, ut ita obseruetur, ut in Capitulari nostro continetur, quod ad Olonam fecimus, & si in uno loco plures Ecclesie sint, quàm necesse sit destruantur. Quod si forte in alio loco Ecclesia sit constructa quæ tamen necessaria sit & nihil dotis habuerit, volumus ut secundum inssionem domini ac genitoris nostri vnus mansus cum duodecim *Bannuariis* de terra arabili detur, & mancipia duo, à liberis hominibus qui in eadem Ecclesia officium audire debent, ut sacerdotes ibi possint esse, & diuinus cultus fieri, quod si hoc populus facere noluerit destruat.

Decretum
Stephani
Regis Hun-
garie ca. 34

Isacii Lin-
gonensis
Canones.
Capitula
Herardi Tu-
ronensis c.
40.

Leges Lon-
gobardorū
lib. 3. l. 46.
tit. 1.

Capitula
Hincmari
Remensis
to. 3. Concil.
Gallia.

Et certe tanta religione tenebantur veteres erga parochiarum sacerdotes, ut nefas esse ducerent quidquam de integritate mansi prædij Ecclesiastici deficere. Vnde Archidiaconi Ecclesias lustrantes solebant imprimis sacerdotum commodis prospicere, & percontari, num mansum integrum & iustam terræ portionem obtinerent. Quod si quid deesset, tum certe parochianos ad supplendum iustæ mensuræ congruentis cumulum adigebant. Patet ex Capitulis Hincmari Remensis, in quibus Archidiaconis imperant, ut inquirant de manso Ecclesiæ. *Si presbyter habeat mansum habentem Bunnaria duodecim præter cimiterium & cortem ubi Ecclesia & domus ipsius continetur, aut si habeat mancipia quatuor.*

CAPVT II.

Quo abierunt mansi presbyterales. Calamitas Ecclesiarum sub Carolo Simplici. Ecclesiæ venditæ mansi Monasteriis dati, &c.

CUm itaque parochiarum Ecclesiis, tam caute, ac religiose veteres prospexerint: ut nullam illarum sinerent, sine competenti terrarum & agrorum dote ædificari, dubium valde & incertum quo resistæ abierint, & quæ tam infelices harpyæ villarum parochos & sacerdotes suis opibus

onibus misere spoliatos extrema paupertate ma-
stauerint.

Certe quod in ea re comperi paucis aperiam. In
eo ætatis flexu, quo post longas iactationes &
morus periculosos, res Galliarum in Hugonis Ca-
peti domum & potestatem transierunt, Caroli
magni leges yna cum stirpe videntur maiestatem
& reuerentiam amisisse.

Namque vt vitæ nostræ spatia morbi difficiles,
quasi termini quidā ac limites discernunt, nec sine
violenta corporis iactatione ab yna ætate in aliam
datur transitus. Ita Imperiorum conuersiones
seu fortunatas seu lugubres Catastrophas, præit
fatalis legum atque ordinum omnium commu-
tatio. Cæcos mortales & quasi insana verrigine
laborātes, diuina prouidentia ad eum quem desti-
nauit scopum solet deducere.

Itaque expirantibus Carlomannorum rebus,
senescēte eorum prudentia, nec amplius imperij
molem ferre valentibus magni Imperatoris nepo-
tibus, res Ecclesiarum mirum in modum sunt de-
formatae. Nam & nobiles quibus pro Rege erat
Libido, & pro lege Cupiditas sacrum patrimoniū
inuaferunt: seque Ecclesiarum dominos faciendo,
quidquid pauperes parochi prædiorum, & agro-
rum habuere, impia rapacitate subtraxerunt. Vt
enim Reges eo tempore Abbantias & Episcopatus
Ducibus ac Comitibus regni, vt sibi in bello deser-
uirent solebant mancipare. Ita nobiles inferioris
gradus, aut parochiarum bona sibi assumebant,

Calamitas
Ecclesiæ sub
finem stirpis
Carloman-
norum.

Aimoini
continuatur
lib. 5. cap. 36.

Ioannes
Nonus in
Cōcil. Rau.

aut diuidebant militibus De Abbatiis & villis Ecclesiarū datis regni Magnatibus, diserte Aimoinus, vbi initia Imperij Ludouici Balbi describit, *Ludovicus*, inquit, *accepto nuntio in Andriaca villa, de morte patris sui Caroli, quos potuit sibi conciliauit, dando eis Abbatis, & Comitatus & villas, secundum vniuscuiusque postulationem.* De parœciis vero militibus assignatis loquitur Ioānes Nonus in Concilio Raueñatenſi. *Plebes*, inquit, *Ecclesia (id est parœciæ) nullatenus, aut Comitibus, aut Episcoporum vassallis, aut vllis laïcis in beneficia tribuantur.*

Guillelmus
Gemeticensis
lib. 1. cap. 5.
Historiæ
Normanicæ.

Auxit illis temporibus Ecclesiarum calamitatem violenta Normanorum irruptio, qui cum cultum veri Dei nescirent, sed idolo cuidam seruirent, quem Thur vocabant, eique humanum sanguinem libarent, vt refert Guillelmus Gemeticensis Historiæ Normanicæ libro 2. cap. 5. idcirco in odium Christianæ Religionis passim in Ecclesias sæuiebant, & diris cruciatibus Sacerdotes enecabant. Inde nata Ecclesiarum strages & dissipatio. Odericus Vitalis quem debemus viro Antiquitatis peritissimo, & de litteratis omnibus bene merito, Andreæ du Chesne, sic de rei Christianæ statu in Gallia loquitur. *Postquam, inquit, re-*

Odericus Vi-
talis Histo-
riæ Eccle-
siæ lib. 3. ad
annum 678.
pagina 458.

gnum Francorum fauente Deo valde super vicinas gentes sublimatus est, & frequentibus triumphis Regum suorum Pipini, Caroli Magni, & Ludouici Pij dilatatum est: Nimia cupiditas & superbia, atque libido procures, atque mediocres, atque infimos inuasērunt, & in nequitiarum laqueos precipitantes, contra salutis suæ auctore,

ne ei fideliter obedirent, duxerunt: Prædictis cladibus omnis ordo Clericorum, & Laïcorum, pulsatus à pristino robore corruit: Et paulo post tempore Caroli Regis Francorum, qui Simplex cognominatus est, Brido cognomento Costa Ferrea filius Lobroci Danorum Regis, &c. in Galliam intrauit, & oppida vrbisque cum Sanctorum cœnobiis concremanit, & per triginta annos super Christianos cum suis complicitibus insatiabiliter furuit.

Certe à temporibus Caroli Simplicis, ad annum millesimum atrocissime vexatas fuisse & dilaceratas res Ecclesiarum hinc maxime coniicere est, quod sub annum millesimum per totam Galliam omnes Ecclesiæ de nouo fuerunt instauratæ.

Glaber R^{od}
dolphus, lib.
3. cap. 4.

Glaber R^{od}dolphus lib. 3. historiæ cap. 4.
Igitur infra supra dictum millesimum, tertio iam fere imminente anno, contigit in uniuerso pene terrarum orbe, præcipue tamen in Italia, & in Galliis innouari Ecclesiarum Basilicas, licet pleræque decenter locatæ minime indiguissent. Emulabatur quæq; gēs Christicolarum aduersus alteram decentiore frui. Erat enim instar ac si mundus ipse excutiendo semel reiecta vetustate, passim candidam Ecclesiarum vestem indueret: Tunc denique Episcopaliū sedium Ecclesias pene uniuersas, ac cætera quæque diuersorū sanctorum Monasteria, seu minora villarum oratoria in meliora quique permutauere fideles.

Quid vero pacatis tandem Galliarum rebus de mansis terris Ecclesiarum parœchialium factum est videamus. Certe complures carum in Nobilium & Magnatum potestate remansisse credibile est, seu quod eorum hæredes patrimonij partem

Mān paroe-
chiarū Mo-
nasteriis da-
ta.

esse crederent quod aui patresque Deo abstulerant, & impietatis fructum 'peculium esse ducerent militare: seu quod fatetur rapinam qui reddit, & latrocinia maiorum accusat, qui eorum prædam quantumvis infamem reicit: Aliunde vero res parochialium Ecclesiarum constat à nobilibus quibus aliquid inerat religionis, traditas fuisse Monasteriis & Abbatibus; adeoque tam pingues & opulentæ domus spoliis parochorum creuerunt, qui vix earum rerum exiguam nunc portionem recipiunt quas totas olim possidebant. Huius rei plurima habemus exempla in historia præsertim Normanorum. Siquidem in hac parte regni sub primis Ducibus recēs Christianis Nobiles & Magnates summam in Ecclesias potestatem exercebant, & eas quasi titulo domini possidebant. Quippe istis temporibus, emi & vendi Ecclesias in Normaniâ scelus non erat, sed Abbates ad augendas res suas à militibus, seu nobilibus eas pretio comparabant.

Odericus de
Vitalis, lib. .
Hist. Eccles.

De Abbate Vticensi sic habet Odericus Vitalis sub Guillelmo secundo. *Ecclesiam sanctæ Mariæ de Bosco à supradictō Cænobio prisco tempore constructam, cum silua ibi presente comparauit Theodoricus Abbas à Guillelmo, & Roberto filijs Rodulphi cognomento Fraissuil, decem & octo libris, sicut tenuerat eam quidam Monachus nomine Placidus. Præterea vendidit Hubertus Deuncius prædictō Abbati, Ecclesiam eiusdem villæ, & arpentaterra.*

Vt ergo omnia illic erant venalia, sic quoque

terræ, seu mansi Presbyterales nonnunquam vendebantur ab iniquis possessoribus. Ita idem Odericus refert Ecclesiam sancti Martini, super fluvium Vacoli, Monachis Vticensibus venditam vna cum terra Presbyteri. Terra autem Presbyteri istis temporibus mansum Presbyteralem significat, de quo nunc agimus. Vnde nunquam exprimitur quot iugera habeat terra Presbyteri, quia certa erat eius mensura. *Robertus*, inquit, *Helgoris filius consentientibus & condonantibus eius Dominis Vnilelmo, scilicet atque Rodberto cum filiis & nepotibus eorum, Ecclesiam sancti Martini super fluvium Vacoli Monachis prefati cænobij vendidit, & in eodem loco terram Presbyteri, cum alia terra octo Carrucarum, quam emerunt non modico pretio.*

Vt autem vendi, sic dari Ecclesias Monachis consuetudo erat, & vniuersam decimam ijs addici. Exempla plurima sunt apud eundem auctorem; *Possessiones*, inquit, *quas Robertus & Hugo, & Exnaldus filij Roberti de Grentismain illio, pro salute sua, Vticensi Ecclesiæ tradiderunt, hæ sunt. In Nucereio, Ecclesia cum omni decima, & terra Presbyter, cum arabili terra trium Carrucarum. Et paulo post. Ecclesiam de Louignero, cum terra Presbyteri. Et pagina sequenti. Villam quoque quæ vocatur Meldode, & Ecclesiam de Limboth, cum terra Presbyteri. Et paulo post enumeratis pluribus donationum generibus. Hæc omnia, inquit, libenter dederunt pro redemptione animarum suarum, cum omnibus decimis, & terris Presbyterorum. Quibus in donationibus iusticiam magis agnosco*

Odericus vitalis sub guilelmo 2. pag. 468.

quam pietatem, nec enim sua donabant, sed aliena restituebant.

Addendum non solum Nobiles, sed Episcoporum complures, Ecclesias & mansos Presbyterales Monasteriis dedisse. Nec solos Galliarum parochos morbus hic afflauit, sed in Germania, & vniuersis prope imperij partibus, res Ecclesiarum ad Monachos, & Collegia Canonorum transierunt, adeoque prope nudi & inuestes remansere Villarum Sacerdotes, & ad turpem mendicitatem cōpulsi, post quam Collegia & Abbatias suis opibus, ac bonis ditauerunt. Quamobrem sæpius actum in Conciliis quomodo parochorum extremæ paupertati consulere, iique Ecclesiarum cōmoda sentirent, in quos onera quæque grauissima, & molestissima deuoluuntur. Concilium Colonienſe publicam in hoc malum querelam edidit.

Concil. Provinciali, anno 1536. tit. de victu parochorum. cap. 4.

Ecclesie, inquit, Cathedrales ac Collegiatae itidem Monachi, seu Religiosi, qui Ecclesias parochiales, aut suis Ecclesiis, vel Monasterijs unitas habent, aut regendas alijs committunt, aut præsentando committi procurant, adeo interdum omnem prouentum emungunt, ut residui redditus, qui rectoribus Ecclesiarum permittuntur, nimis tennes sint, & exiles. Quamobrem nostra curæ erit, ut tanta portio rectoribus istis assignetur, unde iura Episcopalia soluere, & congruam sustentationem possint habere. Itaque cum fieri nullatenus posse animaduertent Patres præfati Concilij, ut languentes parochi, tam ieiunis stipendiis non dicam dignitatis suæ meritum ruerentur, sed ne vitam quidem

sustentarent : permisere parochis , vt denarium
semel à fidelibus in Paschate conferri solitum
quater in anno exigerent. *Iustum ac decens puta-*
mus , vt singuli parochiani denarium illum consuetum ,
sed duplicatum in anno quater , videlicet in festis illis
maioribus veluti in Natali Dominico, Paschate , Pen-
tecoste , Assumptione Virginis gloriosa , id est singulis
festis duos denarios parochi pendant. Quis enim tam
sordidus est , qui non equum putet modicum quid cadu-
ci , & temporalis subministrare illi , à quo spiritalia , ac
eterna vicissim repetit ; Certe omnes scire debent , eos
qui in sacrario sunt edere , & qui altario deseruiunt ,
cum altario participare. Nam & dominus ordinauit
his qui Euangelio deseruiunt de Euangelio viuere.
Qui se unica solutione qua vno albo rotato fiet , libera-
re volet id ipsi liberum esto. Ne vera Paræcus , aut in
contentionem , aut suspicionem trahatur : potius hæc
pecunia per Ecclesiæ Oeconomos , aut alios probatæ fidei
viros collegitur.

Concil. Co:
loniense , d.
victu paroche
cap. 6.

En itaque manforum Ecclesiasticorum , ac præ-
sertim parochialum diuisio in aplos, vestitos, inte-
gros , & non integros , eorundem quantitas, ori-
go, progressus, desitio. Nunc alias eorundem
qualitates expendamus.

CAPVT III.

De variis mansorum generibus. Quid mansi tributales ingemules, Barscalci, Indominicati, &c. Quid Fodrum paratura Mansionatum. Agri Ecclesiæ an tributis olim obnoxij. Mansi ad luminaria dati, &c.

Hincmarus
Remensis
in capit. ad
Archidia-
conos suæ
Diocæsis.

Aimoinus
lib. 5. c. 35.

Mansi quidam appellantur Tributales, quidam Seruiles, quidam Indominicati, quidam Ingenuiles, quidam Barscalci. Seruiliū Indomicatorum & Ingenuilum frequentior est mētio, quam Tributaliū & Barscalcorum. Hincmarus Remensis in Capitulis ad Archidiaconos suæ Diocæsis monet, vt inter lustrandum paroccias inquirant à sacerdotibus, *quot mansos habeant in sua paroecia, ingenuiles seruiles, aut accolæ.* Accolæ autē idem sunt quod Indominicati, nisi forte Accolæ illic intelligamus non de mansis sed de villanis & parochianis: quot nimirum habeat parochianos. Aimoinus monachus lib. 5. cap. 35. vbi de tributo quod Carolus Caluus Romam profecturus in vniuersa Gallia pendi constituit, terram vniuersam partitur in mansos ingemules, seruiles, & indominicatos. *Placitum generale Kalendis Junij habuit vbi per capitula qualiter Regnum Franciæ filius suus Ludouicus cum fidelibus & regni primoribus regeret, usque dum ipse Roma rediret ordinauit, & quomodo*

modo tributum de parte Regni Franciæ quam ante mortem Lotharij habuit, sed & de Burgundia exigeretur disposuit. Scilicet ut de mansis Indominicatis solidus de unoquoque manso ingenuo quatuor denarij de censu dominico, & quatuor de facultate Mansuarij: de Manso vero seruiliduo denarij de censu Dominico, & duo de facultate Mansuarij.

Manforum vero Tribunalium & Barscalcorum mentio fit in donationibus Ecclesiæ Salisburgensis, quarum indicem texuit Arno Episcopus apud Canisium. Cõferendo itaque mansos tribuales cum agris tributariis, non erit difficile eorum naturam assequi, & coniectare. Nẽpe mansi tribuales sunt quibus à principe tributum erat impositum ad onera bellica & sumptus rei publicæ procurandæ: Tributorũ autem originem referunt ad Carolum magnum, qui fracta Longobardorum feritate, victis Ciuitatibus tributum imposuit, quod maxime pendere cogerentur, cum iter per Prouincias imperator faceret. Ita Sigonius de regno Italiæ lib. 4. *Feudatarij*, inquit, *ciuitatibus Ecclesijs ac monasterijs* certa tributorum genera imposuit *foderum paraturam & mansionaticum appellata, quæ aduenienti potissimum in Italiam Regi perfoluerent. Quæ deinde pro ipsius & successorum eius benignitate, aut ex parte leuata aut in totum remissa sunt.*

Quid autem fuerint antiquitus foderum paratura & mansionaticũ breui exponit idem Sigonius lib. 7. de regno Italiæ sub Othone magno, ubi de Longobardis loquitur, qui in tributis imponendis

Arno Episcopus in indice donationum Ecclesiæ Salisburgensis

Sigonius de regno Italiæ lib. 7. suo

Sigonius de regno Italiæ lib. 7. suo Othone magno.

veteres Callos sunt imitati. Tributa, inquit, quæ ille (Fredericus) à Francis instituta retinuit facere foderum Paratura, & Mansionaticum. Foderum summa quædam frumenti fuit, quam aduenienti in Italia Regi populi solvere tenebantur, pro quo sæpe etiam aestimata pecunia pendebatur. Paratura sumptus quem iidem in vias pontesque fluminum, quæ transiurus aut quæ adiuturus Rex erat, reficiendos impendere. Mansionaticum vero sumptus in lectis & cætera quæ regio exercitui in agro hospitanti, necessariæ præbere debebantur. De fodro vide legem quartam tit. 8. lib. 3. Longobardicæ legis Fredericum de pace Constantiensi, Petrum de Vinea lib. 2. epist. 29.

1. Leges Longobard. lib. 3. tit. 8. l. 4.

Hincmarus
Epist. ad
Clerum
Tornacensem
Formulæ
Marculphi
Aimoinus
lib. 5. c. 7.

De mansionatico lib. 2. capit. tit. 17. Hincmarus epistolâ ad Clerum Tornacensem, Aimoinus lib. 5. cap. 10. de parata aut paratura in Marculphi formulis, formula 6. & 7. Aimoinus lib. 5. cap. 7.

Certum est vero sub Caroli magni temporibus eiusque progenie, maximam publici tributi partem, in exhibendo Regi commeatu necessario fuisse positam. Nam ubicumque Rex degeret, certam annonam ciues ei & militibus præstabant. Quamobrem ne eadem prouincia, Regij hospitij onus frequentius ferendo, pauperasceret & crebris sumptibus tandem exhauriretur, Ludouicus Pius Caroli magni filius, quatuor prouincias Regni sui ad hyemandum elegit, in quarum singulis ordine suo, hybernæ tēporis molestias una cum militibus transigebat, ut unaquæque earum successiuis temporibus, cum Imperator aberat, vires

& opulētiam resumeret, ea vero loca fuere Theotiadum Palatium Casinogilum Audiacum & Eurogilum, vt testatur Aimoinus lib 5. cap. 3.

An autem Mansi Ecclesiæ fuerint tributales, & an prædiis Ecclesiæ aliqua tributa fuerint imposita breui dicendum. Certum est Ecclesias duo genera terrarum habuisse. Quædam enim in dotem Ecclesiæ erant conditæ & contraditæ, quædam vero ad dotem Ecclesiæ non pertinebant, sed erant veluti aliquod eius incrementum, nec tam necessitatis Ecclesiasticæ subsidium, quàm splendoris adminiculum. Atque eas terras, quæ Ecclesiæ, dotis nomine obuenerant, omnino liberas esse oportuit, & à tributo quouis immunes. Nam si seruos olim Herculis templum ingredi, eidemque sacra facere Religio fuit. Si annulum summis impiarum Religionum Sacerdotibus, nisi fractū & quassatum gestare nefas, ne seruitutis insignia etiam inter ornamenta digitorum haberent. Quanto magis decet omnino seruili libera esse quæ Deo vouentur, & sacris altaribus, vbi sacra fiant quæ homines liberant, & atrocissima demonum seruitute ereptos, pristina restituant nataliū dignitati Proinde Canone sexagesimo tertio, Concilij Meldensis Canone 15. Concilij Vuormaciensis, in Capitulis Herardi Turonensis capitulo quadragesimo in Canonibus Isacii Lingonensis in præfatione, cautum sanctissime ne cuiquam seruitio obnoxius sit mansus Ecclesiæ Quod diserte expresserunt Carolus & Ludouicus Capitularium

libro quinto Capitulo 45. De vno manso ad Ecclesiā dato de quo aliqui homines, contra statuta sibi seruitium exigunt, quicumque pro hac causa accusatus fuerit Comes vel missus, hoc quod inde subtractum est presbyteris cum lege sua restituere faciant.

De mansis vero qui è dote Ecclesiæ non erant, alij quidem dati erant Ecclesiæ tributorum expertes, alij vero tributis onerati. Qui tributorum expertes ab initio fuerant illi non facile tributo subdebantur, nec vnquam fere, nisi in Regionibus de nouo subactis à Rege Francorum, vt nouis dominis parere discerent, & tributis præstatione obsequium faterentur. Sic Longobardicis Ecclesiis tributum impositum refert Sigonius loco citato. Alioquin vero Reges sanctissimi ab Ecclesiæ prædiis semper tributa remouerunt. Vnde Gregorius magnus inter cætera paternæ pietatis consilia Theodoricum & Theodebertum Francorum Reges saluberrime hortatur, ne Ecclesiæ prædia violatis maiorum institutis, tributo supponant. *Audiuius, inquit, quia Ecclesiarum prædia tributa nunc præbeant* & magna super hoc admiratione suspendimur, si ab eis illicita quærantur accipi quibus etiam licita relaxantur.

Lib. 7. epist.
112. indic. 2.

Qua autem ratione afflictæ & laboranti Reip. Ecclesia subuenerit, & quoties in splendorē regni & pacem ciuium suas opes, erogarit, erit alius dicendi locus. Nunc ad terras tributarias redeundo, dicendum quod si terræ aliquo tributo oneratæ Ecclesiæ darentur, tum certe oportebat Eccle-

siam in ærarium Principis, aut militum annonam
 conditum vectigal conferre & quotannis stipen-
 dia præfixa persolvere, nisi Princeps singulari
 munificentia ius suum Ecclesiæ remitteret. Licet
 enim Religionis ratio maxima habenda sit, sum-
 mumque Imperij pignus, ac præsidium in pietate
 collocandum, non est tamen minuenda Principis
 maiestas neque succidendi Reip. nerui, qui in ve-
 ctigalibus & opimo pecuniarum censu versantur.
 Nam ut Principis est religionem tueri, & pacem
 sacris altaribus quærere, ita religionis est au-
 thoritatem Principis fulcire, & erogatis è suo
 fundo subsidiis, spontanæ subuentionis exem-
 plo, populum ad communes suppetias animare.
 Ita vero piissimi Imperatores Carolus, & Ludoui-
 cus sanxerūt, ne terræ Ecclesiæ datæ, à tributo exi-
 meretur capitularium, lib. quarto, cap 37. *Quicum-*
que terram tributariam unde tributum ad partem no-
stram exire solebat, vel ad Ecclesiam, vel cuilibet alteri
tradiderit, is qui eam susceperit, tributum, quod inde sol-
uebatur omni modo ad partem nostram persoluat, nisi
forte talem firmitatem de parte Dominica habeat, per
quam ipsum tributum sibi donatum possit ostendere.

Capitul.
lib. 4. cap. 37

Atqui sæpissime Principum munificentia tri-
 buta, ab Ecclesiasticis prædiis sibi debita remisit.
 Ita Concilium Trosleianum sentit prædia omnia
 Ecclesiastica, ex largitione præcedentium Regum
 immunitatem habere à tributis fiscalibus, & omni
 Dominorum exactione. In priuilegio Ecclesiæ
 Mindensis, immunitatem legimus eidem con-

Concil.
Trosleianū
cap. 6.

Otho magnus diploma, datum anno 961

cessam ab omni onere fiscali. Vult enim Otho magnus ab vniuersis prædiis, & possessionibus. Quas, inquit, nunc infra ditionem regni nostri possideat, vel quas deinceps in iura eius diuina pietas voluerit augeri. Nemo præsumat exigere, vel freda, seu fodra, vel paradas, vel mansiones, sed ut prædictum Monasterium sub tuitione Imperatoris consistat, & quidquid (ait Imperator) fiscus exinde sperare potuerit, pro æterna remuneratione, dictæ Ecclesiæ ad stipendia pauperum continuanda concessimus. Iisdem pene verbis immunitatem eiusdem Ecclesiæ firmavit Henricus sanctus Imperator suo diplomate dato ad annum 1008. extat vtrumque in Chronico Mindensi 2. parte, edito per Ioannem Pistorium.

Pudeat itaque Hæreticos obiter dicam, tam insolentis contumaciæ, qua ritus Ecclesiæ Romanæ suggillant, & luminaria præsertim derident medio claroque die in ædibus sacris accensa. Quid est enim aliud in eum morem inuehi, quam Imperatorum pene omnium nomen cõtumeliis aspergere, & appellare insanos, quibus olim tor Prouinciæ capita summisserunt. Nam vt breuiter dicam nil ab Imperatoribus, tam sanctè constitutum, quam vt inoffensa essent prædia, quæ pietas maiorum, Ecclesiæ luminaribus dedicasset: in eorum gratiam toties sua iura, & fiscales obuentiones remiserunt. Adeoque de immunitate mansorum quæ ad Ecclesiæ luminaria pertinet singulare capitulum extat lib. 2. capit. 5. in quo sanctissimi Imperatores Lotharius, & Ludouicus ita ad-

hortatur Episcopos. Ne vero Ecclesie illis, scilicet Sacerdotibus, comissa in restauratione, aut in luminaribus iuncta possibilitatem ab illis negligantur vestra nihilominus inuigilare debet solertia. Ut sicut alios prohibetis ne de Mansis ad Ecclesie luminaria datis aliquid accipiant, sic & vos, & vestri Archidiaconi de iisdem Mansis, nihil accipiendo alius exemplum prabeatis: sed potius ad id ad quod data sunt seruire cöcedatur, ut totum sicut dictum est, in restauratione Ecclesiarum, & luminaribus vestra iuctoritate & studio cedere possit.

Restat exponendum quoniam sint mansi Indominicati, seruiles, Ingenuiles & Barscalci.

Indominicatus mansus, nil est aliud quam prædium aliquod insigne ac nobile, quod neque colonorum, neque seruorum domicilium erat, sed Nobilium, ac dominorum domus, cuius ipsi titulum, & appellationem nonnunquam sibi adscribebant. Antequam enim in Baronum, Marchionum, Comitum, & alias eiusmodi classes, atque ordines tota foret diuisa nobilitas, solebant Nobiles simplicem titulum nomenque domus suæ sibi præfigere, atque sese appellare Nobiles de tali vel tali loco. Ut ex Chronico Constantiensili liquet, in quo multi leguntur simplici titulo Nobilitatis illustres, adiecto nomine domus, ut *Hermannus, Nobilis de Arbona, Dietelmus Nobilia de Cleggoia, Henricus Nobilis de Tanu*. Postquam vero Marcarum, hoc est regni limitum, & Rectorum Prouinciæ, hoc est Comitum, cura cepit esse perpetua, & certis adscripta familiis, ad Nobilita-

Quid mansus Indominicatus,

Chronicon Constantiense Indicis Episcoporum Constantiensium.

Cuiacius
in lib. 1. de
Feudis, tit. 1.

tem accesserunt Marchionum, Comitum & Baronum tituli. De quibus consulendus Cuiacius ad librum primum de Feudis, tit. primo ubi nomen istorum origines expendit.

Quid mansuarius.

Vt à manso
mansuarij,
ita à Bun-
narijs Bun-
nuarij &
ab Hobis
Hobarij nū-
cupati sunt

Cæterum Mansi Indominicati, neque cum onere census præstandi tradebantur, neque eos ad colonariam conditionem dabant Nobiles, sed ipsos sua cura, atque impendio inarabant. Vnde cum in ceteris mansorum generibus Mansuarius reperiatur, hoc est qui mansum conducit certis conditionibus colendum, utendum, fruendum, soli mansi Indominicati sine Mansuario erant: propterea quod non elocarentur, sed ab ipsis Dominis colerentur. Hoc vero liquet ex Aimoino, apud quem Carolus Caluus in Italiam profecturus tributum super singulis Mansorum imponit, ita ut tam Dominus mansi, quam mansuarius onus inter se tributi pendendi partiantur. At eo loco mansi Indominicati nullum habent mansarium, sed soli serviles, atque ingenuiles. Itaque indominicati erant, qui mansuariis non elocabantur, sed quos ipsimet Domini prædiorum suo labore, atque opera colebant, verba autem Aimoni sunt concitauimus. Vbi de distinctione mansorum à nobis actum est. Sed ut requirendi tædium sum- moueā pauca repeto ex libro quinto capite trigesimo quinto. Scilicet ut de māsīs Indominicatis solidus unus. De unoquoque manso ingenuo quatuor denarij de censu Dominico, & quatuor de facultate mansuarij,

Aimoinus
lib. 5. & cap.
35.

de

de manso vero serui duo denarij de censu Dominico, & duo de facultate mansuarij.

Mansi vero Ingenuiles dicuntur, quos Domini prædiorum colendos tradebant hominibus ingenuæ, seu liberæ conditionis, quibus vnus præerat mansarius qui certum censum, seu pensionem, siue nummariam, siue frumentariam Domino fundi, ac prædij persoluebat. Eodem modo Seruilis dicitur, qui per seruos colitur, qui ira glebæ insiti sunt, ut ab ea auelli non possint & nequidem cum Dominorum voluntate in alienum fundum transferri: his quoque præerat mansuarius, qui collectis & receptis fructibus conditionibus à Domino dictis sese liberabat.

Ingenuiles
& serviles
mansi, quis
nam sunt.

De Mansis Bariscalcis rara mentio fit in antiquis tabulis. Ex nominis autem origine apparet fuisse mansos insigniores Nobilium Nam nobiles olim Barones dicebantur, id est graues ac venerandi à Græco *Βασις*, vel à latino vocabulo vir quod veteres Longobardi corrupte *var* effectebant. Vnde apud eos Varigildum pro Virigildum, hoc est pœna, seu mulcta occisi hominis. Vel certe Bariscaldi mansi idem sunt, ac ingenui & liberi, nam baro in legibus Alemanicis hominem liberum & ingenuæ conditionis, significat tit. 95. *Si ancilla fuerit soluat solidum vnum, si Barus fuerit similiter.*

Mansi Bariscalci.

Baro vnde dictus,

Leges Longobardicæ.

Legum Alemanicarum, tit. 95.

Cæterùm quinam essent ingenui, & quænam eorum conditio non satis patet. Nisi forte dicamus ingenuos in Germania, Gallia, & aliis Regio-

nibus habitos qui parentibus liberis, aut iustâ seruitute manumissis nascerentur. Ingenuos tamen non fuisse ab omni seruitio liberos existimaue-
rim: nam ingenui Dominorum agros colebant, vt ex ista diuisione mansorum perspicui potest.

CAPVT IV.

*De Massis, Domibus, Nauibus, Seruis Massarijs,
Burdationibus, &c.*

MAssi nomen, & appellatio, vt apud Gallos & Germanos recepta, ita Massæ vocabulum apud Latinos vsitatum. Est autem massa conglobatio quædam seu collectio possessionum, ac prædiorum quam Græci συγκατάθησις vocant. Huius nominis mentio est apud Cassiodorum, lib. 8. Epistola 33. vbi Rex Athalaricus iubet conductores, ac possessores massarum, prospicere ne rustici in mercatores aliosque peregrinos infiliant, qui ad Natale Sancti Cypriani celebrandum Lucaniam confluebant. Singulæ autem massarum suis erant titulis, ac nominibus insignes: siue à primis cultoribus nomen habuissent, siue ab ijs qui donassent, aut vendidissent. Ita apud Gregorium libro primo indictione 9. Epistola quadragesimâ secundâ legimus Ecclesiam Romanam in Sicilia plures massas habuisse: alia enim

Cassiodorus
lib. 8. epist.
33.

Gregorius
lib. 1. Ep. 42.
Indict. 9.

dicitur massa Varroniana, alia Subpatriana, alia Cinciana.

Qui massas colebant, illi Rustici Ecclesiæ siue Coloni ecclesiastici dicebantur vel à massis et serui massarij. Censum autem & pensionem Ecclesiæ persoluebant partim in frugibus partim in nummis. In frugibus vt Romam quotannis è Sicilia conueherentur ad pauperum famem, & calamitates subleuandas.

Ira etiam be-
stia Massaria dicebatur oues,
& armenta,
quæ ad
massa perti-
nebant,
Const.
Neapo
lib. i. tit. 83.

Vnde idem Gregorius Magnus epistolâ secundâ ad Iustinum Prætorem Siciliæ grauiter queritur quod iustum frumenti Canonem non curasset Romam importari. In pensione autem frugum iusti sanctique Pontifices monebant patrimonij Rectores, ne quâ fraudè iniuriæ Rusticos premerent, & ne præter exactam mensuram siliquas addi compellerent. Erant autem siliquæ mensuræ leuiiores, quas prophani prædiorum possessores cogeant Colonos ad cumulum iusti & cõdicti Canonis adlicere. Vectigalia quoque, & præstationes, quas pro modo facultatû & fructuum collectorum Rustici Regibus pendebant, olim siliquæ dicebantur. Quibus exigendis sæpissime Episcopi prospexerunt, ne vltra modum Rustici à numerariis, siue exactoribus tributorum premeretur, vt patet ex Decreto Artemij Episcopi Tarraconensis apud Garfiam Loaisam, post Concilium Cæsar Augustanum secundum.

Greg. Epist.
2. l. 1.

Decretum
Artemij
Episcopi
Tarraconensis

Pensio vero Nummaria vetusto i lo idiomate Burdatio dicebatur, hinc Gregorius Magnus epi-

Quid Bur-
datio.

Greg. Ep.
42. ad. l. 3

istola quadragesima secunda vetat ne Burdationes præmaturè fiant, hoc est ne exigantur à Rusticis pecuniariæ pensiones antequam fructus suos vendere potuerint, ac distrahere. Cognouimus (inquit) quod prima illatio Burdationis Rusticanos nostros vehementer angustat, ita ut priusquam labores suos vendicare valeant, cōpellantur tributa de suo persolvere, quæ dum de suo unde dent non habent, ab auctionarijs publicis mutuo accipiunt, & graua commoda pro eodem beneficio persoluant.

Gregorius
Epist. 12. li. 3.

Domus vero Ecclesiæ, multæ olim erant, præsertim in vrbe Romana quæ ad perpetuam emphyteusim sub certa pensione locabantur. Vnde Gregorius Magnus epist. decima nona libri tertij reditus omnes ædis sanctæ Agathæ, cui Leonem Acolythum præfecerat, assignat in pensionibus domorum vrbanaarum. Ideo, inquit, pensiones omnium domorum in hac vrbe constitutarum, quas prædicta Ecclesiam temporibus habuisse Gothorum constiterit, annis singulis congregare non desinas, & quantum in sartis ecclis vel luminaribus atque reparatione eiusdem Ecclesiæ necessarium fuerit, erogare omnibus modis studebis.

Tituli domus Ecclesiasticarum.

Hoc autem singulare est, & notandum quod iis domibus, quæ ad Ecclesias pertinebant, tituli, & insignia Ecclesiarum inscribi solerent, hocque ritu Ecclesia possessionem domus adire crederetur.

Quamobrem Gregorius magnus epistola sexagesima tertia libri primi queritur Petronii domum à Constantino defensore iniuste titulatam. Quare cum Ecclesiam animaduerneret iure eam occupa-

re non posse, deiici ac deponi titulos iubet, quos error & ignorantia Constantini præfixerat. Quoniam, inquit, docti sumus domum Petronij Notarij sanctæ Romanæ Ecclesiæ, cui Deo authore præsidemus à Constantino tunc defensore irrationabiliter titulata, experientia tuæ præsentis præcepti pagina demandamus, ut omni excusatione vel dilatione omissa, deposito titulo eandem domum præsentium latrici Theodora Relictæ antedicti Petronij sine mora restituas, &c.

Gregor.
Mag.epi. 63.

Naues autem Ecclesiam habuisse liquet ex l. I. De nauibus Ecclesiæ. Iubemus. C. de sacrosanctis Ecclesiis. Quia verò naues Ecclesiæ certis gaudebant priuilegiis ac prærogatiuis; idcirco ut eas immunitates nonnulli suis nauibus conciliarent, solebant eas in tutelam, ac patrocinium Ecclesiarum contradere. Vnde Naues duplicis generis habuit Ecclesia, quasdam videlicet Proprias, quasdam vero Commendatas. De Commendatis locus est apud Gregorium epistola septuagesima ad Petrum Subdiaconum, quem monet ut naues Ecclesiæ commendatas constantissime tueatur. Naues, inquit, quæ commendatæ Ecclesiæ sanctæ semper fuerunt in omnibus tuere, ad quod etiam tibi directæ gloriosi viri Leonis, exconsulis litteræ concurrunt.

De nauibus
Ecclesiæ.
I. Iubemus.
C. de sacro-
sanct. Eccl.

Naues Co-
mendatæ.

Gregorius
epist. 70.
lib. I. ad Pe-
trum Sub-
diaconum.

Diploma
Caroli Ma-
gni de na-
uibus Ec-
clesiæ apud
Aubertum
Myraë c. 8.
Diplomatū
Belgicorum

De Nauibus Ecclesiæ sancti Maximini Treuerensis, & earundem immunitate extat priuilegium Caroli Magni apud Aubertum Myraëum in diplomatibus Belgicis cap. 8.

CAPVT IV.

De Seruis Colonis & Mancipiis Ecclesiarum. Quid Coloni censiti, originarij. Quot modis seruos Ecclesia acquirat. Quid Casati. Eorum duo genera va'lli & serui. Serui quomodo aestimabantur liberi Ecclesiæ duplicis generis. Familia Ecclesiæ ex quibus, constaret, &c.

ALteram Ecclesiastici patrimonij partem, in seruis, colonis & mancipiis constitutam, satis prodit creberrima eorum, seu in Conciliis, seu in donationum Cartis ac diplomatibus, seu in Historiis mentio. Tam variæ autem ac discrepantes seruorum propagines ex primigenio isto Romanæ seruitutis fonte pullularunt, vt omnis eorum Historia & conditio nondum lat lucis videatur habuisse.

Plinius in
Panegyrico

Repetenda vero huius tractationis initia ex antiquo Romanorum iure. Namque agros olim aut sua manu & operâ, aut conductitiâ & mercenariâ colebant. Nec manum suam terræ ferendæ & colendæ olim præbere dedignabatur victrix Romanorum simplicitas. Gaudebat terra vomere laureato, & triumphali aratore, atque eadem manu tractabantur semina, qua bella Si vero alienis operis agros colerent, vel mancipiis in ea re utebantur hoc est hominibus conditione seruis, l.

si mancipia ff. de fundo instructo. l. cum de lanionis. §. si fundum, eodem tit Erant autem inter mancipia rustica, mulier custos fundi aut prædij, villicus, molendaria, bubulcus, putatores, pastores, fossore, *l. si ita testamento. §. mulier. ff. de fundo instructo.*

l. si mancipia ff. de fundo l. instructo. l. si ita testamento. §. mulier. ff. de fundo instructo.

Sin vero mancipiis carerent, quibus agri colerentur, conducebant mercede homines liberos, qui suas operas elocabant, & hi proprie agricolæ dicuntur, quorum liberam omnino fuisse conditionem liquet ex *l. nunquam. C. de agricolis*. Cum vero agros colendos liberi homines ad longum tempus conducerent, aut domino fundi certam pecuniæ summā ex agrorum redditu persoluebant, aut partem fructuum, atque obventionum rusticarum præstabant. Posteriores isti dicuntur à Latinis *partiarij* Græcis *μορτίται*, *l. si merces. §. Vi maior. ff. locati & conducti*. Vbi *partiarij* coloni à *pecuniariis* differre dicuntur, quòd si vis maior *ἡ τοῦ βία*, fatum ineluctabile astringit, damnum frugibus intulerit, colonus *partarius* partem quoque damni ferre tenetur, quia societatis iure, damnum & lucrum cum domino fundi partitur. Præter mancipia & colonos conductitios, erant quædam familiæ, quæ sese colendis agris deuovebant sub certa pensione dominis fundi præstanda, & hæ, vel in perpetuum colonariam conditionem induebant, vel ad tempus. Si ad tempus illo exacto pristinae conditioni restituebantur, nisi forte per spatium triginta annorum agris colendis incubuissent: nam post annos triginta, nefas erat ip-

l. nunquam C de agricolis

l. si merces, §. vis maior ff. locati & conducti

l. cum factes §. cum autem.

sis à gleba absistere, sed præscriptione utebatur aduersus eas dominus fundi, quominus libertatem reciperent. Quam legem trigenariæ præscriptionis tulit Anathasius Imperator, *l. cum satis, §. cum autem, C. de agricolis colonis & censitis.*

C. de agricolis colonis censitis.

Qui vero in perpetuum colonariæ rei se se ad dicebant illi fiebant serui glebæ seu adscriptitij pari fere conditione, quâ curiales, qui se curiæ deuouerant non poterant officijs, & functionibus curiæ renunciare, *l. cum per alias, C. de Colonis Palestinis.*

L. cum per alias C. de Colonis palestinis.

Adscriptitij si quos susciperent liberos quamdiu in colonaria essent conditione, illi dicebantur Originarij, *l. Originarios de agricolis colonis & cen-*

l. Originarios C. de Agricolis, colonis & censitis.

sitis. Tandem censiti dicuntur, quibus certa portio terræ sub annuo censu erat assignata. Qui census si per capita solueretur dicebatur, *Capitatio* si per iugera *Iugatio*, de quibus vide *l. Coloni, C. in quibus causis.* Quibus ita præmissis. Certum est Ecclesiam antequam seruitutes è medio sublata fuissent, puduissetque Christianos infami iugo summittere, quos Christus pretio sanguinis dato in libertatem vendicauit, certum est inquam, Ecclesiam habuisse seruos mancipia colonos adscriptitios, casatos, originarios, libertos. Nam qui prædia sua Ecclesiæ tradebant; solebant etiam vna cum agris seruos agrorum & colonos in Ecclesiæ familiam, ac potestatem transcribere. Aliunde verò aduocati ecclesiarum, vt res earum, atque

l. Coloni C. in quibus causis, &c.

atque opes augerent nonnunquam seruos & ancillas ubi opus esset emebant. Vnde acquirebātur serui Ecclesiæ 3. modis, vel donatione fidelium vel emptione aduocatorum vel permutatione.

Ritus donandi seruos Ecclesiæ fuit, vt in Carta donationis seruorum & ancillarum nomina vna cum liberis & propagine eorundem notarentur. Quod si donator singulari beneuolentia aliquem è seruis prosequeretur, nonnunquam illi facultatem sese redimendi permittebat, modo mancipium daret eiusdem pretij & valoris. Notandum vero pretium mācipiorum eo tempore è proceritate ac magnitudine corporis fuisse æstimatum; atque ita definiebat donator, cuius magnitudinis mancipium dare deberet, qui se volebat redimere. Et mancipiorum quidem magnitudo manibus æstimatur, vt mancipium summi pretij decem vel duodecim manus longum sit. Ita in veteri Carta quæ extat in Centuria Cartarum Alemanicarum Antiq. tom. 2. parte 1. legimus. *Si Hacco qui est & Conambio cum Vuichardo se redimere vult det alius mancipium XI. manuum longum.* Nonnunquam vero seruorum donatores sibi metipsis redimendi facultatem retinebant si liberet & pretium constituebant, quo seruus redimeretur, ita in formula Isonis legimus. *illum supra nominatum seruam nomine illo, in censum habeam ad tempus vite mee, & si redimere volero, cum tanto pretio redimam.*

Acquirebantur serui Ecclesiæ per emptionem, quando certo pretio eos emebat aduocatus Ec-

ritus donandi
seruos.

Ita in legi-
bus Alema-
nicis legimus
Si quis ser-
uum suum
cupuerit.

Alemanic.
Antiq. no. 2.
parte 1.

Centuria
Cartarum
carta 1.

clesiæ, cuius exemplum est in Carta prima Centuriæ præfatæ, scripta per Malafredum in qua Otpër-ga quædam vxor Vodalberti in libertate ducta, dicitur acquisita in seruitium ab Emichone Ad-uocato Sancti Galli.

Cart. 12.
aleman.
antiqu. to.
2. p. 1.

Permutationes seruorum fiebant, si quando is seruus Ecclesiæ parum utilis foret, & alios seruos commodiores esset habitura in concambium. Seruus autem pro valore & æstimatione pretij aliquando vno, aliquando duobus seruis permurabatur. Ita in Carta per Herimotum monachum conscripta, Grimaldus Abbas vna cum Podalolto Ad-uocato concambiat seu permurat, cum Valdradramo duo mancipia, accipitque è contrario tria mancipia.

Coloni
quomodo
acquirun-
tur.

Coloni vero non eodem modo quo serui acquiruntur: nam vt vagos ac erroneos esse Colonos eorum conditio non sinebat, nec à gleba, cui colendæ sese deuouerant, etiam dominorum auctoritate eximi: ita non possunt sine donatione fundi donari, nec sine eiusdem permutatione permurari. Itaque si quis Ecclesiæ fundum & prædium addiceret, is quoque Colonos dabat, & si Ecclesia prædia quædam de nouo acquireret, colonos quoque comparabat.

Quod de Colonis, idem de Casatis dicendum. Casati autem & Inquilini ij sunt proprie, qui se Casæ seu Domui dedicarunt. Quamobrem sicut qui agros colunt coloni dicuntur, ita qui scasas seu domos curant, illi nominantur Casati & eos à casa

auelli, leges non sinebant. Itaque sine Casæ venditione vendi non poterant, nec sine eiusdem donatione donari. Verum ne rem inuolutam silentio prætermittam, quod fuerit Casatorum officiũ, & quæ partes non satis conuenire video inter auctores. Alij vassos Ecclesiæ intelligunt, qui partem feudi seu beneficii obtinent. Alii seruos domesticos. Ego vero Casatorum 2. genera reperio. Quidam enim dicuntur Vassalli casati, quidam serui Casati. Vassalli Casati sunt homines, seu feudatarii deterioris notæ. Nam vt in Longobardia, ita in Francia olim tres ordines ingenuorum tantum videntur fuisse, Capitaneorum, quo nomine Marchiones, Duces & Comites intelliguntur, Valuassorum & Plebis. Valuassores dicuntur qui à Marchionibus & Ducibus feudum accipiunt vt loquuntur Consuetudines feudorum libro 1. tit. 1. eadem quoque vassi dominici nominantur lib. 5. c. ca. 136. pro quo corruptè in synodo Ticinensi legitur vassi domestici. Sub Valuassoribus siue vassis domesticis, plebs continetur: oportet itaque vt Casatos, vassos Ecclesiæ intelligamus, non eos quidem, qui maiores seu Valuassores dicuntur, sed plebeios quos nutu suo regebant Miores Valuassores. Et sane hominum quos Ecclesia ad sui præsidium habebat tres comperio ordines, Capitaneos milites & Casatos. Capitanei dicuntur qui feudum titulatum ab Ecclesia accipiunt, vt ei subseruiant. Milites qui sub Capitaneis militant, tandemque Casati qui militibus subseruientes partem

Dissentiunt
auctores de
conditione
Casatorum

Tres Ingen-
uorum
ordines.

Consuetu-
dines feu-
dorum lib. 1.
tit. 1. lib. 5.
c. 136.

Homines
Ecclesiæ
quomodo
diuiduntur

De bonis Ecclesiarum in specie,
feudi sibi translata, & transcripta posside-
bant.

Ut autem Capitanei, Valuassores & plebei, qui
sub Valuassoribus erant, tenebantur Regi præsto
esse perfectionem quamlibet adornanti, aut bel-
licam expeditionem meditati. Ita quoque Capi-
tanei milites & Casati Ecclesiarum, pro earumde
salute, & rebus militabant, & ab Episcopis si quan-
do opus esset cōuocabantur, ut vel Reip. vel Reli-
gioni partes suas & officia impenderent. Vnde
Yuo Carnotensis Episcopus, vocatus ad Placitum
Regis & iussus vocare milites & Casatos Ecclesiæ,
ut Regi præsto essent, excusationem profert, eos
nimirum aut abesse, aut excommunicatos esse
atque incongruum videri homines communione
pulsos, nondumque purgatos ad militiam adige-
re. *Præterea, inquit, Casati Ecclesiæ & reliqui milites
pane omnes vel absunt, vel pace violata excommunicati
sunt, quos sine satisfactione reconciliare non valeo, &
excommunicatos in hostem mittere non debeo.*

Vera ergo & Germana Vassallorum Casatorum
functio munusque fuit, quò res Imperii vocarent
eò dominos sequi ac Reipub. & Ecclesiæ deservire.
Quamobrem Capitularium lib. 3. cap. 63. iubetur
ne Vassi Dominici qui in Comitatu & Aula Regis
agebant, Casatos suos secum retinerent, sed sine-
rent eos ite & progredi in hostem, vna cum Comi-
tibus cui suberant. *De Vassis Dominicis qui adhuc in-
tra Casam seruiunt, & tamen Beneficiis habere noscun-
tur statutū est, ut quicūque ex eis cum Domino Impera-*

Yuo Car-
notensis
epist. 28.

Capit. lib. 3.
cap. 63.

tore domi remanserit, Vasallos suos Casatos secum non retineat, sed cum Comite, cuius pagenses sunt, ire permittat.

Itaque non est difficile augurari quomodo Ecclesia vasallos casatos acquireret, aut faceret sibi. Acquirebat enim, vel donatione maiorū valuasorum, vel quando ipsamet Ecclesia tradebat in beneficium partem aliquam prædij, eo nomine, ut beneficiarius operam militarem, & subsidium Ecclesiæ impertiretur, ac eius bona strenue defenderet.

Alterum Casatorum genus eorum est, qui Casalibus, seu domesticis obsequiis famulabantur. Casas enim antiqui familiam domumve appellarunt. Eos vero non vasallos Casatos, sed seruos Casatos antiquitas vocauit, quorū conditio longe infra sortem vassorum Casatorum fuit. Nam vassi casati ingenui fuerunt, ac seruos proprios habuere, qui ad eorum nutum poterant manumitti, ut constat ex inscriptione veteri inserta templo sanctæ Crucis quā refert Iurerus ad Epist. 20. Yvonis Carnotensis. EX BENEFICIO S. † PER IOANNEM EPISCOPVM, ET PER ALBERTVM S. † CASATVM FACTVS EST LIBER LAMBERTVS TESTE HAC SANCTA ECCLESIA. Deinde vasalli casati non erant proprie serui, sed iis tantum conditionibus tenebātur, quibus feudatarij hodie obstringuntur circa Dominum feudi, ut nempe præstarent profecturis in bellum, Reip. causā: nec enim soli milites, seu nobiles olim erant hiæ ob-

sequiis militaribus obnoxij, sed etiam plebeiij & ignobiles, quicumque agris, aut aliis seruitutibus non addicerentur.

Cui ad tit.
2. de Feud.
om. 4. p.
485.

Quandocumque ergo de seruis Casatis specialis fit mentio, tum certe non Vassallorum, sed aliorum longe inferioris, ac deterioris notæ hominum conditionem intellige. Casali autem serui enim illi, ut ait Cuiacius (qui male confundit vassallos casatos cum seruis casatis) domi focique ministrant, aut rem familiarem accurant, vel ruri, vel in vrbe. Quapropter in Dominorum erant potestate, & in alienam manum poterant pro arbitrio transferri. Vnde in donationibus antiquis non infrequenter legimus tradi Ecclesiæ in Dominum Casatos. In Centuria Cartarum Carta tertiâ *Cotauinna Ancilla Dei, tradit Monasterio sancti Gallonis Casatos, tres cum infantibus suis nominatim expressis*: In eadem Centuria, Carta trigesima nona quædam nomine Beata filia Rachiberti, tradit Ecclesiæ sanctæ Mariæ Casatos duos. Ex quibus donationum instrumentis argumentum peto, quo liquet vassallos casatos à seruis casatis distingui. Nam vassalli casati erant in potestate valuassorum & ab illis solummodo regi, tradi, donariue poterant, cum consensu Regis, & Marchionum ac Capitaneorum. At fœminæ non poterant sustinere personam valuassoris, nec feudis succedere, nisi speciatim ita conuentum esset, in datione feudi, sic habetur lib. primo feudorum, cap. 8. *filia non succedit in feudo, nisi inuestitura fuerit facta in*

centuri
Cartarum
Carta tertiâ.

Carta. 39.

Lib. I. Feud.
cap. 8.

patre, ut filij & filia succedant in feudum (tunc enim succedit filia filijs non extantibus) vel nisi inuestita fuerint de hoc feudo paterno. Ergo cum in prædictis donationibus, fiat mentio Casatorum, qui arbitrio fœminarum tradebantur Ecclesiis, signum est istos Casatos non fuisse feudatarios, nec homines feudi.

Quibus argumentis nil esset addendum nisi liquido constare posset, etiam parum scientibus, Casatorum seruorum conditionem longe esse Casatis vasallis antiquiorem. Nam feuda, & vasalli posterioribus sæculis inceperunt. At Casati serui etiam florente adhuc Romanorum Imperio nomen suum habuerunt. Hinc Theodosij Codex, ubi imperat recenseri proscriptorum bona, mentionem facit Casariorum, sic enim habent Augustissimi Cæsares, Valentinianus, Valens & Gratianus, l. Si qui C. De bonis proscriptorum. Plena descriptio, comprehendat quod spatium, quod sit rursus ingenium, quid aut cultum sit, aut colatur, &c. Quis ædificijs, ac possessionibus ornatus, quotve mancipia in prædijs occupatis, vel Urbana, vel Rustica, vel quarum artium generibus imbuta teneantur, quot sint Casarij, vel Coloni.

L. Si qui
Cod. de Po-
nis præscri-
ptorū, apud
Theodosiū.

Ac ne quis addubitet quibus rebus operam darent Casati, seu Urbani, seu Rustici, annotandum ex anteriori Romanæ Reipublicæ disciplinâ seruos Casatos, seu domesticos varias exercuisse prouincias. Quidam enim erant artifices, quidam Mediastrini. Artifices qui certam artem callebant.

Mediaſtini qui arte carebant, ſed domeſticis curis, ac functionibus erant dedicati. Quorum alij erant Atriæles qui atrium purgabant: alij Focarij qui focum, & lares curabant, de quibus Vlpianus, l. *Aut prætor* §. *Caupones, ſtibularij, & l. item apud liberos* §. *prætor ait*, ff. de iniuriis. Præterea in agris, ac prædiis ſcutorum Caſatorum opera viebantur, ad redditus agrorum à Colonis exigendos, ad eorum rationes recensendat, ad vendendos fructus, & pecuniæ rationem in tabulas referendam. De quibus Vlpianus idem l. *Aut Prætor*, §. *ut quoque* ff. de ſeruo corrupto Vbi deterrimum corruptelæ genus eſſe dicitur, ſi quis ſeruo ſuaſerit rationes Dominicas intercidere?

Præter ſervos, Colonos, Caſatos, tam ſervos, quam vaſallos, habuit quoque Eccleſia libertos ſuos. Et vt certe licet liberti proprie dicantur, qui iuſta ſervitute à Domino manuſſi ſunt Attamè reperio libertos Eccleſiarum, non ſolum fuiſſe queis Eccleſiarum Prelati libertatis beneficium indulſiſſent, verum etiam quos laici, & alij quilibet inter manuſſionis ſolemnia, certis obſequiis, ac operis Eccleſiæ reddendis alligaſſent. Vnde plures habuit olim libertos Eccleſia, quos numquam ſervos habuerat. Quamobrem fieri, & acquiri libertos Eccleſiæ dicimus duobus modis, aut per manuſſionem Prælatorum, ſeu Epiſcoporum, ſeu Preſbyterorum: aut per manuſſionem laicorum. Prælati manuſſentes ſervos Eccleſiæ certas operas, & functiones manuſſis imperabant

l. An præter §. Caupones ff. nauæ Caupones, &c.

l. Item apud Liberos §. prætor ait ff. de iniuriis.

bant annuatim pendendas, quarum ratione Ecclesia patrociniū libertorum reseruasse sibi dicebatur. At vero quando laici seruos suos in fauorem Ecclesiarum manumittebant, ipsorum erat arbitrium præscribere suis libertis, quid clientelæ nomine vellent Ecclesiis per singulos annos exhiberi. Arque ut illius manumissionis laicæ in fauorem Ecclesiarum notitia clarior habeatur, subiicio Cartam & instrumentum eiusmodi libertatis.

N ANDORIMVS MONACHVS.

Notum sit omnibus, tam presentibus, quam superuenturis, quod ego Vuolaliub, cum manu aduocati mei Engilboldi duo mancipia mea, id est Thiotonem, & Vuadindam, in Dei amore libertate donavi. Eâ tamen ratione, ut annis singulis ad Cellam Ratpoti, quæ ad Monasterium sancti Galli pertinet, in censu IIII. denarios soluant. Actum in loco qui dicitur Rota publicæ, presentibus his, quorum hic signa continentur, &c.

Annotandum vero totam illâ classem hominumque seriem ex Colonis, mancipiis, seruis Cassatis & libertis, conflata appellari familiam Ecclesiæ. Nec enim iis assentiri possum, qui ubi familiam Ecclesiæ legunt, ibi de solis seruis agi suspicantur: quippe familia Ecclesiæ, quosuis homines continet, siue in potestate, siue in patrocinio Ecclesiæ versabantur. Cuimæ opinionem fulciendæ vnicum adhibeo argumentū; Serui ex prisca

Quid familia Ecclesiæ.

Francorum lege testes esse non poterant, præsertim ubi donationum instrumenta oportebat confici, ut docuimus agendo de donationibus. Et confirmari potest ex lege 4. Visigothorum, l. 4. tit. lib. 2. At in donationibus comperio non paucos ex familia Ecclesiæ subscripsisse. Ita in diplomate, Balduini cognomento Hierosolymitani, qui in bellum sacrum profecturus, vendit Oberto Episcopo Leodiensi Tuuinum Castrum, tres subscriptorum ordines reperiuntur Primo Clerici, secundo Monasteriorum decani, qui Clericos, semper sequuti sunt. Tertio laici nobiles. Quarto personæ de familia Ecclesiæ, quorum nomina recensentur, & notantur hoc modo.

Anno 1096.

DE FAMILLIA ECCLESIAE.

Lambertus de Hoyo. Theodoricus de Ponte, Uarnerus Pincerna, & frater eius Obertus, Lambertus Dapifer. Adelardus & Fredericus Frater eius Albertus de Offri Bono de Bauerfai, Joannes Dapifer, cum alijs quampluribus viris egregijs & honestis viris.

Extat autem exemplar donationis eius apud Aubertum Miræum, Donationum, Belgicarum, c. 13. Apud quem etiam cap. trigesimo quinto, legitur Donatio Comitis Namurcensis, qui Andemiam villam tradidit Ecclesiæ Andenuensi Monasterio siue Virginum: in qua donatione plures subscripserunt de familia Ecclesiæ sancti Lamberti. Cum ergo, ut ex præfatis liquet, ad subscribendum serui non admitterentur, sequi-

Aubertus
Miræus, do-
nat Belg.
cap. 35.

tur Ecclesiæ familiam ex aliis, quàm seruis & man-
cipiis fuisse constitutam.

En ergo idea familiæ ecclesiasticæ serui, man-
cipia Coloni, Casati, Vasalli, defensores, Oecono-
mi, liberti, seu ex propriâ familiâ manumissi, seu
quos laici in favorē Ecclesiarum manumississent,
quibus satis expositis ad vltiora pergosi, modo
Lectores monuero hanc personarum distinctio-
nem non modo apud Latinos viguisse, qui in ex-
cogitandis tam versicoloribus seruitutum pig-
mentis ingeniosi fuerunt, verum etiam in medio
mari, apud insulas Græcorum. Siquidem in insula
Cypro Ioannes Leunclavius, ante Turcarum ad-
uentum homines in quique classes diuisos fuisse hominum
quæ Casse
a pud Turca
testatur, quorum alij Pariki, alij Estherij, alij per-
pyrarij. libet eiusdem Leunclauii dictionem adtre-
xere *Incola* (inquit) *Cypr* i regni priusquam *B. barbari*
subirent iugum, in quinque diuersa hominum genera
distribuebantur, harum alius omisiss, quod hinc insitatio
nostro quadrat, exponam. Infimi generis appellantur pa-
riki, *Homines conditionis seruilis usque adeo Domini*
obligati proponendum, ut vitæ necisque potestatem in
eos haberent. Nomen ipsum Pariki Græcæ originis est.
Nam παρῖκι Græci dicuntur Coloni; sicut et Justi-
niano Augusto παρῖκὸν ὄψωνον ius Colonarum est.
Secundum hos proximi vulgo vocabantur Lestari, qui
quidem et ipsi Parikarum, seu Colonorum erant è nu-
mero, sed qui vel interueniente pecuniâ, vel gratiâ Do-
minorum, vel alia quadam viâ libertatem impetraue-
rant diuersa tamen ratione. Quippe nonnulli absolute

Ioan Iouen.
in Pandecta.
p. 117.

*De bonis Ecclesiarum in specie,
liberi efferebantur. Quum alij duntaxat personali liber-
tate potiti, nihilominus rerum suarum nomine Dominis
essent obligati, puta quotannis ut soluerent, principibus,
aut nobilibus viris 15. vel 6. plus aut minus Perpyra
(quod genus monete est apud Turcas) cuius in perpyris
numeranda pecunia causa Perpyrarij dicebantur, &c.*

CAPUT VI.

De operis, & disciplina seruorum Ecclesiae.

IN seruis Ecclesiae tria hic nobis spectanda sunt,
primo functiones & operae, quas Ecclesiae prae-
stabant. Secundo disciplina qua continebantur,
tertio gradus, & dignitas, si modo speciem quan-
dam dignitatis vilissima capita obtinent, qui tam-
diu honorum omnium aditu pelluntur, quandiu
manent seruitutis nexibus illigati.

Quod ad primum attinet. Tria functionum, &
operarum genera praestabant serui Ecclesiarum.
Aut enim Religiosis erant obsequiis addicti, aut
prophanis, aut nec prophanis, nec sacris operi-
bus vacabant, sed tributo tantum censuque an-
nuo Ecclesiae se subiectos fatebantur.

Religiosas operas praestabant Ecclesiae, quos
voluntas defunctorum legauerat aedibus sacris,
vel ad custodiã, vel ad labes & ruinas senescentiũ,
Basilicarũ instaurandas, vel ad sepulchra obser-

uanda, purganda, defendenda, aut ad pompam
exequiarum illustrandam, lessumque singulis an-
nis instituendum, quoties memoria defunctorum
solemnibus sacris celebraretur. De hoc autem
seruorum genere mentionem expressam facit Ca-
non nonus, Concilij Parisiensis tertij, cuius titulus
est. *De famulatu & ministerio seruorum degenerum.*
Vult enim Concilium Parisiense vt quos seruos
morientium dominorum voluntas sepulchro ser-
uando, ac custodiendo addixit, illos nefas sit ab
his functionibus auelli, quin etiam si pietas testa-
toris seruos suos ad Ecclesiarum defensionem
manciparit, illi quoque Ecclesias strenue tuean-
tur, & occursum impendant. *De degeneribus seruis*
qui sepulchris defunctorum, pro qualitate ipsius mini-
sterij deputantur hoc placuit obseruari, vt si qua ab au-
ctoribus fuerunt conditione dimissi, siue heredibus (id est
siue hæredes eos diuiserint, & deputauerint sepul-
chris parentum) siue Ecclesiis fuerint deputati, volan-
tas defuncti circa eos in omnibus debeat obseruari. Quod
si Ecclesia eos de fisci functionibus in omni parte deffen-
derit, Ecclesia, tam illi, quam posteritorum defensione in
omnibus potiantur, & occursum impendant. Quo in
Canone duo obscura sunt primum quid sint de
generes serui, secundum quid sit occursum im-
pendere.

Concil. Pa-
risiense 3.
Can. 9.

Degeneres seruos meo quidem iudicio intelli-
gendos esse dixerim, quos antiqui mediastinos
vocarunt. Olim enim duo seruorū erant genera,
quidam Ergastæ siue artifices qui certam artem

Quinam
sunt dege-
neres serui.

callerent, scriptoriam, lanificiam, medicam, &c. Alij mediastini qui sine arte essent. Et hos certe degeneres merito appellandos esse censeo, quòd ceteris minus viles haberentur. Ipsos autem potius quam alios sepulchris deputabant, seu morientes, seu eorum hæredes: quia ex ipsorum operis tenuè ad modum lucrum & commodum essent percepturi. Occursum autem impendere, fortasse quispiam suspicabitur nil esse aliud, quàm funebri pompæ antecire. Ita enim Romani solebant exequias suas ambizioso comitatu servorum libertate donatorum illustrare, qui pileum libertatis indicem eo die, quo patroni corpus efferebatur, gestabant. Hanc pompam describit Propertius, vbi luxuriosi cuiusdam ingluvie extincti funus describit.

Persius Sat.
tyra 2.

*In portam rigidos calces extendit, at illum
Hesterni capite induto subiere Quirites.*

Quin de-
diturij s. sed
& qui Do-
mini, ff. de
Latina li-
bertate tol-
landa.

Huic Iustinianus edixit ne qui pileati cadavera deduxissent, aut stantes ante lectulum ventilassent, illi ad servitutem possent retrahi. Eo enim tempore vanâ liberalitatis specie iactabant, se complures, & pileum servis die funeris imponebant, vt ex Domini beneficentia libertatem accepisse viderentur, l. cum dediturij, s. sed & qui Domini, ff. de Latina libertate tollenda.

Occursus ergo impendere si ad defunctos referatur, nihil est aliud quam funus nobilitare oc-

curfusuo, & cadaueri occurrere, quando in sepulchrum defertur. Verum si Canonis sensum attentius inspicio: illud *Occursum impendere*, non tam ad defunctos pertinet, quam ad Ecclesiam, cui iubentur seruire. Nam quia eos seruos Ecclesia ab oneribus fisci tuetur, illi vicissim Ecclesiam defendant, necesse est, & *occursum* hoc est *auxilium* impendant.

Interim vero legatos ad sepulchra seruos, ne cui dubium esse possit, Diui Remigii testamento illustratur, qui ad reficienda tecta eius ædiculæ, in qua corpus eius condendum erat, legat nominatim Celsum seruum, & Villam Huldriciacam.

Ex quibus Celsus quem per manum meam Celsa sobrina mea tibi tradidit (Ecclesiam Remensem alloquitur) *& Huldriciaca Villa, quam Huldricus Comes ei loco ubi ossa mea Sancti Fratres & Coepiscopi Diocesanos tuæ ponenda elegerint, integumentis deseruiant, &c.*

Testamentum D. Remigij apud Flodoardum.

Mirum vero videbitur alicui veteres de sepulchrorum suorum tutela cogitasse. Vt quid fortasse, dicet quispiam, tantum honorem suis cineribus optabant. Nunquid Ecclesiæ & Cœmeteria satis tuta loci Religione & humanitatis sensu, quæ calamitatem mortuorum sacram fecit & inimicitias vetat ultra vitæ terminos extendi. At cessabit facile tota hæc dubitatio, si sepulchra mortuorum plerumq; non in Ecclesiis nec iuxta Ecclesias, sed in Campis villisque extructa recordemur. Itaque criptis, aut ædiculis, quibus cadauera condebantur custodes addebant aduersus hominum, aut

Quamobrem antiqui suis sepulchris præspicerent.

Prædones
quidam ex-
poliabant
defunctos
quos vesti-
tos & ami-
ctos sepeliri
erat cōsue-
tudo.

Concil.
Braccarense
2. can. 68.

ferarum iniurias: Monumentorum vero in Campis
iacentium mentionem facit Canon. 68. [Concil.
Braccarensis 2. *Non oportet Clericos & presumptores
super monumenta in Campo ministeria portare, aut di-
stribuere sacramenta, sed aut in Ecclesia, aut in Basi-
lica, ubi martyrum reliquia sunt posita, ibi pro defunctis
oblationem offerre.*

Cum itaque Nobiliores, sibi sepulchra extrue-
rent loco singulari, & proprio, quid mirum si ad
huius loci custodiam seruos deputarent.

Eam vero seruorum Ecclesiis seu monumentis
mortuorum deputandorum consuetudinem, ma-
nasse crediderim ex antiquo Romanorum iure.
quippe ex rescripto Papiani libro 1. responsorum,
*Servos ad templi custodiam, quod edificari Tuo voluit
destinatos, neque manumissos, hæredis esse constitit, l. ser-
uos, ff. de liberali causa.* Ex qua lege fiebat anti-
quitus, ut non nulli hæredum seruos religiosis mu-
neribus addictos repetere vellent, & propriis lu-
cris ac commodo vindicare. quamobrem statue-
runt Concilia ne fraus illa fieret voluntati testa-
torum: sed serui in ea conditione iisue locis per-
manerent, quibus essent auctoritate morientium
dominorum deputati. Ita Concilium Aurelia-

l. seruos ff.
de liberali
causa.

Concil. Au-
rel. 4. can. 32

nense 4. Canone 32. *De genere Serui id decreui-
mus obseruandum, ut descendens inde posteritas, ubi-
cumque quamuis post longa spatia temporum reperiatur
in loco cui auctores eius constat fuisse deputatos, reuocata
studio Sacerdotis, in ea, que constituta est à defuncte con-
ditione permaneat, cui præcepto, si quis secularium hu-
mana*

manæ prauitatis impulsu crediderit obuiandum, quousque se corrigat, ab Ecclesia suspendatur.

Post religiosas operas, quas serui Ecclesiæ impendebāt prophanas adoriamur. Prophanæ operæ triplicis sunt generis rusticæ siue colonariæ domesticæ, & militares De Colonariis Lex Alemanica tit. 22. Qualiter Serui Ecclesiæ tributa soluere debeant, onera atque functiones Seruorum, Ecclesiasticorum ita præfinit. Serui Ecclesiæ tributa sua legitime reddant quindecim siclas de Ceruisa, porcum valentem tremisse uno, panē modia duo, pullos quinque, oua viginti. Ancillæ autē opera imposita sine neglecto faciant, serui dimidium sibi & dimidium in Dominico Aratium reddant, & si super hæc est, sicut serui Ecclesiastici ita faciant, tres dies sibi & tres in Dominico.

De operis
seruorum
Ecclesiæ lex
Alemanica
tit. 22.

Quæ ut facilius intelligi possint animaduertendum non ita duram & austeram fuisse antiquorum seruitutem, quin aliquando rebus suis cōsulere & peculium cōparare possent. Itaque sic totum vitæ tempus partiebantur, partim agros dominorum colebant, partim vero suos : vel si proprios non haberent peculioque carerent, pacta mercede aliorum agris colendis operam locabant.

Ex iis vero lucris & commodis, quæ serui capiebant, seu ex agri in peculium dati cultura, seu ex locatione operarum, tributum Domini dabant quod tributi genus exprimitur in parte primâ legis supradictæ. Præter quod tributum etiam te-

Quod discrimen inter
seruos &
Colonos.

nebantur per tres dies singulis hebdomadibus operas suas dominorum utilitatibus impendere. Ceterum istud fuit inter seruos, & colonos discrimen quod Colonorum operæ dierum numero non præfiniuntur, sed quantitate & portione agri, ita ut scirent Coloni quantum terræ in Dominorum commodum, & singulare emolumentum, arare tenerentur, quo penso reddito nil aliud Dominis operæ debebant, nisi quod ex fundis & prædiis ad colendum acceptis, decimam fructuum & obventionum omnium rusticarum Ecclesiæ persoluebant. Præclare vero definiunt leges Baiuvariorum operas, & tributa Colonorum, ac seruorum Ecclesiæ, tit. 1. cap. 4. quæ totum hîc ex scribo ne dubium quidquam lectoris animo possit residere.

DE COLONIS VEL SERVIS ECCLESIAE, QUALITER SERVIANT.

- I. De colonis vel seruis Ecclesiæ qualiter seruiant, vel qualia tributa reddant, hoc est, agrarium secundum æstimationem iudicis, prouideat hoc iudex, secundum quod habet donet. De triginta modis tres donet, & pascuarium desoluat secundum usum Prouincia.
- II. Andecingas legitimas, hoc est, perticam decem pedes habentem quatuor perticas in transuerso, XL. in longo, arare, seminare, claudere, colligere, & tradere. A tremisse unusquisque accola ad duo modia sationis excolligere, seminare, colligere, & recondere debeat. Et vineas plantando

claudere, fodere, propaginare, pracidere, vindemiare.

III. Reddant decimum fascem de lino. De apibus decimum vas. Pullos quatuor, Oua quindecim reddant.

IV. Parafredos dorent, aut ipsi vadant, ubi eis iniunctum fuerit. Augurias cum carro faciant usque L. leugas, amplius non minentur.

V. Ad Casas Dominicas stabulare fanile, granicam, vel tuninum recuperandum, pedituras rationabiles accipiant: & quando necesse fuerit, omnino componant. Calcifurnium ubi prope fuerit, ligna aut petras L. homines faciant, ubi longe fuerit, C. homines debeant exire: & ad civitatem, vel ad villam, ubi necesse fuerit, ipsam calcem trahant.

VI. Servus autem Ecclesie secundum possessionem suam reddat tributa. Opera vero tres dies in hebdomada in Dominico operet: tres vero sibi faciat. Si vero Dominus eius dederit ei boues, aut alias res quas habet, tantum seruiat, quantum ei per possibilitatem impositum fuerit, tamen iniuste neminem opprimat.

Quibus in legibus ne quam faceat nauseam inculta latinitas, & nominum barbarorum insolentia, paucis moneo Andecingas nil esse aliud quam certum aratorie operæ pensum quod villani, seu Coloni Dominis persolunt. Gallivocant Coruees. At vero parafredos dare, est equos agminales subministrare, maiores quidem & generosiores equis ordinariis & cursoriis, ut latius explicat Cuiacius ad tit. de Cursu publico, Parafredos autem antiquioris ævi scriptores parauredos appellant. Quamobrem Coloni Ecclesiasti-

Cuiacius
tit. de Cursu
publico

ei tenentur primo ad arandum certam agri mensuram ac portionem in commodum & lucrum Ecclesiæ. Ad prata formanda, colenda, purganda, fœnum secandum, tractandum, condendum: ad vites claudendas, colendas, putandas, inferendas, pangendas, &c. Secundo tenentur ad decimam fructuum è prædiis sibi in Colonariam datis Ecclesiæ præstandam. Tertio tenentur ad parafredos donandos, si quando equitum prædianorum operâ Ecclesiæ indigeant, ad angarias faciendas hoc est currum ministrandum quo res Ecclesiæ deuehi, & asportari possint intra quinquaginta leucas. Quarto tenentur ad deducendum in domos & casas Ecclesiæ pascua quælibet alendis armentis. Calcem, ligna, saxa & arenam si reficiendis ædibus opus sit. Serui vero sic Hebdomadarias operas partiuntur, ut tres dies sibi, tres vero Domino laborent, Postquam vero in Ecclesiæ bona & facultates grassari ceperunt, aut impij, aut auaritiæ morbo dementati nobiles non prædia tantum & fundum Ecclesiæ, sed etiam seruos fœdo peculatu rapuerunt.

Quamobrem cum seruos Ecclesiæ, optimates non pauci vindicassent, & intra suæ ditionis fines continui retinerent operis impeditos, ne omnino seruorum suorum studiis & famulatu Ecclesia careret, Carolus Caluus, sub quo res Ecclesiæ labi ceperunt, edixit ut serui omnes Ecclesiastici quocumque in loco, ac potestate versarentur viginti dies in Ecclesiæ commodum suas operas

*impenderent. Serui, inquit, Ecclesiarum quibuscum-
que potestatibus subditi, unac melior consuetudo, vel de-
uotior commendatio, ex tempore & iussione Domini
Ludouici, vel certe Domini Karoli, seu etiam Pipini non
existit, saltem viginti diebus in anno, eidem Ecclesie ad
reficiendas ipsius ruinas seruire sinantur, ubi autem &
amplior commedatio, & melior consuetudo inde habetur,
pro hac nostra necessitudinis consideratione non decidas.*

De domesticis seruorum operis nil illustre, aut
clarum occurrit: quippe ipsorum ministeria cibis
coquendis, parandis, & domesticæ rei componen-
dæ impendebantur, hortos, vestes, cubicula cura-
bāt. Nec enim putauerim monachos ad viles hæc
operas adhibuisse confratres suos & sodales, ante
extinctam seruitutem Chronicon Constantiense
in vita sancti Gebhardi Episcopi, capite decimo
nono, post extructum Monasterium refert Geb-
hardum seruos suos ad ministeria Monachorum
deputasse. Post hæc conuocatis seruis suis, eligit ex eis
optimos quosque & constituit ex eis cocos, pistores, caupo-
nes, fullones, sutores & hortulanos, carpentarios, &
singularum artium magistros, & constituit eis, ut eo die
quo fratribus deseruirent de cibo & pane fratrum ciba-
rentur, quia dignus est operarius cibo suo.

Chronicon
Constantiense, cap.
15.

Tandem inter seruos erat honestissimum ge-
nus ad militares operas designatum: quos non
tam seruos quam clientes dixerim. Illi equestri
agmine collecto, si quando opus esset, Ecclesiam
tuebantur, & res eius inter bellicos tumultus à
prædatione deffendebant, equos etiam, cum

Chron.
Constant.
ibid.

illis indigebant fratres, commodare tenebantur, cuius rei exemplum insigne eodem Chronico Constantiensi. *Constituit, etiam, alios clientes qui equitando deseruirent, scilicet ut semper parati essent ad equitandū quocumque necessitas exegisset, & ad commodandum fratribus caballos suos, quocumque poposcent.*

Cent. Cart.
to. 2. antiq.
Alemann.

Tandem inter operas seruorum numeratur præstatio census ac tributi. Quidam enim seruos suos sub sola annui census pensione Ecclesiæ deuouebant, adeoque præter tributum & vectigal conditum Ecclesiæ nil à seruis poterat repetere. Cuius rei vestigium extat in Centuria Cartarum tomo 2. Alemanicarum antiquitatum Carta 4. ubi certi Serui dicuntur pertinere ad monasteriū Sancti Galli iure proprietatis, in cuius recognitionem tenentur dare singulis annis vnā libram ceræ.

Quamdiu ergo Serui viuebant, tandiu ea onera subire tenebantur, quibus voluntate testatorū & dominorum fuerant deputati. Ipsis vero morientibus Ecclesiæ ius habebat spoliū, seu ut veteres Cartæ loquuntur, *Ius mortuariū*, hoc est ius occupandi hæreditatem defuncti, pulsus ab eius aditione cognatis & parentibus. Ita in præfata Carta annotatur Abbatem Sancti Galli ius habere mortuarij in eos seruos, qui quotannis libram ceræ pendebant. *Post mortem vero eorum Abbas Abbas qui pro tempore fuerit, de singulis mortuariū accipiet.* Historia Constantiensis apud Pistorium testatur Sanctum Gebhardum seruo-

suos, quos monasterio addixit, ab onere mortuarij exemisse: itaut monachi è re seruorum morientium nil acciperent exuuiarum nomine, sed integram & solidam hæreditatem legitimis successoribus relinquerent. *Ut autem, inquit, serui* Chron. 66. stantienle cap. 19. apud Rerū Germanicarum scriptores editos opera Pistorij.
*bono animo ministrarent dominis huiusmodi, donario cum-
 mulauit ipsos, scilicet ut cum quis presentium, vel ipso-
 rum successorum, qui de progenie illorum esset, moreretur,
 exuuiæ de eis non sumerentur, sed hæredes relictam hære-
 ditatem indiuisam possiderent.*

CAPVT VII.

*De disciplina & gradu seruorum Ecclesiæ. Quæ causa
 fuit cur honestius educarentur serui Ecclesiæ. Ex
 seruis clerici ordinati. Seueritas Clericorum in seruos
 cohibita. Maleficia & sortilegia solius fori Ecclesiastici.
 Serui Ecclesiæ eiusdem ordinis cum seruis Regiis. Quid
 sit iurare cum Sacramentalibus. Serui Ecclesiastici ab
 oneribus fisci immunes, &c.*

EX quo D. Paulus monuit Episcopos creari domui suæ bene præpositos, ut è composita familia quiuis augurari posset, quem ordinem & splendorem Ecclesiæ rebus essent allaturi: ex eo nemini dubium esse potest, Ecclesiam omniætate in instituendis, ac formandis seruorū suorū ingeniis sollicitudinē non mediocrem adhibuisse. Quippe Ecclesiæ summum decus fuit, ut etiam ignobiles

animi inter operarum æstus atque ærumnas, virtutem discerent, & in serui corpore mentem gestarent heroicis artibus ac studiis eruditam. Augebat vero curam Ecclesiæ in formâdis seruorum animis, expectatio fortunæ nobilioris. Educabantur quippe serui Ecclesiæ ad spem clericalis ordinis, cui, si mores studiaque satis castigata fauerent, solebant Episcoporum beneficentia inferi.

Concilium
Toletan. 4
can. 74.

Concilium Toletanum quartum Can. 74. De familiis Ecclesiæ constituere Presbyteros, & Diaconos per parochias liceat, quos tamen vitæ rectitudo & probitas morum commendat, ea tamen ratione ut antea manumissi libertatem status sui recipiant & denuo ad Ecclesiasticos honores succedant. Irreligiosum est enim obligatos existere seruituti qui sacri ordinis suscipiunt dignitatem. Quidquid autem talibus, aut per libertatem concessum, aut successionem extiterit debitum, aut à quolibet quoquo modo collatum, non licebit eis quippiam inde in extraneas personas transmittere, sed omnia ad ius Ecclesiæ à qua manumissi sunt oportet post eorum obitum pertinere. In

Concilium
Emeritense
can. 18.

Concilio Emeritensi can. 18. iubetur ut presbyteri de Ecclesiæ suæ familia clericos sibi faciant in

Concil. Tolet.
9. Can.
11

Concilio Toletano nono can. vndecimo ut Clerici fiant ex familia Ecclesiæ qui si virtutum studio, atque exercitatione floreat, ad maiores ordines prouchantur. Qui ex familia Ecclesiæ seruituri deuocantur in Clerum, ab Episcopis suis necesse est libertatis percipiant donum: & si honestæ viæ claruerint meritis, tunc demum maioribus fungantur officiis, quos
vero

vero flagitij sordidauerit incorrigibilis noxa, perpetua
seruitus conditionis, releget in catenam. Cum ergo vir-
tutum, & vitæ bene compositæ præmium Clerica-
lem dignitatem vnà cum libertate sibi propositam
cernerent, quis dubitat seruos Ecclesiæ olim
egregijs certasse facinoribus, presbyterosque, ac
Episcopos quibus subdebantur, non tam formi-
dasse, vt heros truces, quàm vt patres beneuolos,
ac institutores coluisse.

Inuenio tamen rixas, & odia seruorum aduer-
sus Ecclesiarum pastores, quas vt cõpescerent, sæ-
pe seruis contumacibus membra refecabāt. Hanc
iracundiæ & indignationis speciem, vt indignam
maiestate Sacerdotij reprimit Synodus Emeri-
tensis Canone 15. Placuit huic sancto Concilio, vt om-
nis potestas Episcopalis modum suæ ponat iræ, nec pro quo-
libet excessu cuiuslibet ex familia Ecclesiæ, aliquod corporis
membrorum præsumat extirpare aut auferre. Quod si ta-
lis eius serit culpa, aduocato iudice ciuitatis, ad examen
eius deducatur, quod factum fuisse asseritur, &c. Simi-
liter, & quia comperimus aliquos Presbyteros ægritudine
accedente Ecclesiæ suæ familiæ crimen imponere, dicentes
ex ea homines aliquos maleficium sibi fecisse eosque sua po-
testate torquere, & per multam impietatem detrimentare,
& hoc emendari placuit per rectitudinem huius sententiæ.
Instituentes igitur decernimus, vt si Presbyter talia pati
se dixerit, ad aures hoc sui perducatur Episcopi. Ipse au-
tem datis bonis hominibus ex lateris suo, iudicem hoc iu-
beat quærere, & si sceleris huius in se fuisse inuenta, ad
cognitionem Episcopi hoc reducat, & processu ex eius

Concilium
Emeritense
Can. 15.

ore sententia ita malum extirpatum maneat, &c. Vbi obiter annotandum aliter iniurias, & crimina ordinaria seruorum ecclesiæ vindicari; aliter vero maleficia, seu sortilegia, vt vulgo dicunt. Quippe Canon Toletanus ordinarij criminis arbitrum facit & cognitorem, indicem ciuitatis. At maleficiij causam vult à solo Episcopo, & missis à latere Sacerdotibus tractari. Quia maleficiorum cognitio fori semper fuit ecclesiastici, quod male feriat quidam ecclesiæ hostes contumaciter incessunt, & coniuratis maledicentiæ arietibus, funditus euertere moliantur.

Concil. Aurel. 4. Can. 23. sub Childiberto, gundo 541.

Omnino vero in suis seruis modestiam, & æquitatem ecclesia semper desiderauit. Neque permisit vt turbatis Reip. temporibus & bello sæuiente prædas, & captiuos abducerent. Ita Canon. 23. Concil. Aurel. 4. sub Childiberto Rege. *Seruis Ecclesiæ, vel Sacerdotum prædas, & captiuitates exercere non licet, quia iniquum est, vt quorum Domini redemptionis præstare solent suffragium, per seruorum excessum disciplina Ecclesiastica maculetur.*

Regis Alemanica, tit. 2.

Quod vero ad eorum prerogatiuas, & priuilegia pertinet. Certum est seruos ecclesiæ eodem gradu, ac pretio quo seruos regios fuisse. Vnde qui seruum ecclesiæ interfecisset, in triplum restituere tenebatur, sicut qui Regium seruum occiderat. Lex Alemanica, titulo octauo. *Si quis seruum ecclesiæ occiderit in triplum compenat sicut solet seruus Regis, ita soluatur l. LXII. Solid. & si eum rapuerit contra legem & vendiderit extra Prouinciā triplici-*

ter cum componat. Eadem ferme habentur titulo vigesimo secundo, De Receptione serui fugitiui. Si quis mancipium Ecclesiæ, aut seruum, aut ancillam fugitiuum susceperit, aut ipse Presbyter requirat, aut missus eius legitimus, & ille neglexerit reddere, & contra legem aut stiterit, sicut solet aliis Alemanicis componere, ita & tripliciter componat, & quidquid Ecclesiæ contra legem fecerit, omnia tripliciter componat, sicut lex habet. Leges Ripuarianorum eodem modo, vnum & idem pretium hominibus Regiis, atque ecclesiasticis constituunt. Nam cap. 9. Si quis Regium hominem interfecerit, centum solidis culpa indicatur. Et cap. 10. si quis hominem Ecclesiasticum interfecerit, centum sol. culpa indicatur, aut cum 12. iuret.

Legum Alemanicarum
titulo 22.

Leges Ripuarie, cap.
9. & 10.

Mitiores paulo sunt leges Baiuuariorum quibus seruus Ecclesiæ occisus iubetur solummodo induplum cõponi. Si quis seruum Ecclesiæ sine mortali culpa occiderit, tit. l. c. 5. per præsumptionē duos similes restituat pro illo quē occidit, & si negare voluerit cum duodecim sacramentalibus iuret in altari in illa Ecclesia cuius seruum occidit. Iurare autē cum sacramentalibus est ritus antiquus, quo se purgare solebant ab inflicta contumelia, interposito sacramento. Ad sacramentum autem socij adhibebantur, vel plures, vel pauciores prout caussa maioris erat, vel minoris momenti. Isti vero socij qui vnâ cum reo iurabant, dicebantur sacramentales: itaque vbi res Ecclesiæ agebatur, plures opus erat admoueri sacramentales, quàm in aliis caussis, sic vbi de incen-

Leges Baiuuariorum.

Leges Ba-
iuariorum
tit. 6.

dio Ecclesiæ tractatur, si quis sese purgare voluisset oportuit adhiberi 24. Sacramentales, legis Baiuariae titulo sexto.

Concil. To-
let. 3. Ca-
none. 21.

Præter hanc vero cum seruis Regiis similitudinem, alia quoque fuit seruorum Ecclesiæ prærogatiua, ne fisci oneribus tenerentur; necogi possent ad angarias, & parangarias, sicut reliqui ex seruis, qui iumēta, vehicula, & operas suas conferre tenebantur in commodum fisci, aut bello imminente, aut si quando opus esset vias publicas muniri, pontes refici, annonam & arma conuehi; A quorum munerum præstatione liberos facit Ecclesiæ seruos Canon 21. Concilij Tolet. 3. mus. *Quoniam cognouimus per multas ciuitates Ecclesiarum seruos & Episcoporum, vel omnium Clericorum à Iudicibus, vel actoribus publicis diuersis angarijs fatigari, omne Concilium à pietate Domini nostri poposcit, vt tales deinceps ausus inhibeat: sed serui suprascriptorum officiorum in eorum vsibus, vel Ecclesiæ laborent. Si quis vero iudicum, aut actorum Clericum, aut seruum Clerici, vel Ecclesiæ in publicis, ac priuatis negotiis occupare voluerit, à Communione Ecclesiastica priuetur.*

CAPVT VIII.

De libertis Ecclesiarum, ac primo de vario genere manumissionum apud veteres Francos, Longobardos, Alemannos. Quid sit libertus Amund. Ritus facienda Amundium. Quid Impans & manumissus in votum Regis. Quidnam sit homo denarius Aldij quinam, &c.

CVriosa satis nec ingrata antiquarum manumissionum speculatio non potest auspicius inchoari, quam si dicamus eos omnes qui in Galliâ veteri, siue Longobardiâ manumittebant, vel patrocinium, ac clientelam serui manumissi retinuisse, adeoque libertatem non concessisse nisi sub conditione operarum, quas liberti certis temporibus exolvere tenebantur: vel certe seruos suos omnino potestate herili exautorasse, plenamque illis sui auctoritatem tradidisse. Qui serui sine retentione operarum, & residuo clientelæ nexu manumittebantur. Hi maiore quadam & meliori libertate gaudebant, dicunturque in antiquis legibus *Amundij*, siue serui *Amūd*. Quod nomen à voce *mūdium* deriuatum puto: Est autem *mūdium* ius, dominium, & auctoritas, ita amundi qui omnino potestate, & ditione patronorum sunt exempti. Nisi malimus amundios seruos eo

nomine appellatos, quod mundium nullum solvere tenerentur. Nam qui sub conditione manumittebant solebant seruis à se manumissis, in clienrelæ perenne monimentum, certum censum nummarium quotannis persoluendum imponere, qui census mūdium dicebatur, propterea quod esset indicium alicuius potestatis quam manumissores in libertos retinebant. Ita legis Longobardicæ lib. 2. tit. 35. l. 4. *Si quis seruum suum, aut ancillam liberum, vel liberam dimiserit, & posuerit ei mundium, aut unum solidum, aut II. aut III. aut VI. tantum habeat mundium, quantum in Carta ei affixit, ut qui postea ex ipsa muliere nati fuerint, siue masculi, siue femine non habeant amplius mundium nisi quantum, & mater earum.*

Forma autem manumittendi amundium singularis est, fiebatque PER QUARTAM MANVM, ut vocant. manumissor tradebat eum in manus liberi hominis, is vero in manum secundi alicuius, secundus in manum tertij, tertius in manum quarti à quo ducebatur in quadriuium, & ostensis quatuor viis, ac plateis iubebatur ire quâ veller, & deinceps suo iure, & arbitrio vivere. Sic autem manumissus nullis amplius erga patronum obsequiis, aut operis tenebatur, nec illius hæreditatem si legitimis hæredibus careret licebat patrono capessere, sed eius bona, uti bona caduca hominis ingenui, vindicabantur fisco, & ærario principis. Quod totum liquet ex titulo trigesimo quinto, libri secundi legis Longobardicæ. *Qui Sulfreal &*

Leges Longobardicæ libro 2. tit. 35. l. 4.

legis Longobardicæ, lib. 2. tit. 35.

à se extraneum, id est Amund facere voluerit, sic debet facere. Tradat eum prius in manus alterius hominis liberi & per Garathinx ipsum confirmet, & ille secundus tradat eum in manus tertij hominis, & tertius tradat eum in quarti. Et ipse quartus ducat eum in quadrium, & thingat in Vuadia, & Gifiles ibi sint: Et dicant sic de QVATVOR VIIS VBI VOLVERIS AMBVLARE LIBERAM HABEAS POTESTATEM. Si sic factum fuerit, erit Amund, & ei manebit certa libertas, & postea nullam repetitionem patronus aduersus ipsum, aut filios eius habeat potestatem requirendi. Et si sine heredibus legitimis ipse, qui Amund factus est, mortuus fuerit, curtis Regis illi succedat, non patronus, aut haeres patroni.

Qua in lege, exotica ista vocabula sic explicantur. Thingare, & Garathingare est, factam dotionem confirmare, ac ratam habere Gifiles autem sunt testes, siue obsides in munimentum alicuius pacti, aut traditionis. Vuadia idem est quod Gardia seu custodia. Itaque qui Amund facit Garathingat in Vuadiâ, id est obsidem se, & assertorem facit libertatis seruo traditæ, ita ut quando, cumque Dominus eum in seruitutem reuocare vellet, ille cuius manu Amund factus erat, libertatem ipsius propugnare teneretur. Garathingare autem origo est verbi Gallicè *garantir*. Fuit, & alia seruorum classis, qui plenam libertatem assequabatur. Nam cum existimarent illud pietatis; ac misericordiæ genus quod seruos manumittendo, exercebant, Deo gratum esse, & acceptum a deoque posse eius saluti, proficere, in cuius votum fa-

Ita esset manumissio: nonnumquam in votum Regis manumittebant, & qui ita manumissus esset, dicebatur Impans, ac integram libertatem assequabatur: propterea quod in votum regis, nefas esset imperfectam tantum & diminutam libertatem impertiri. Ita legis Longobardicæ titulo 35. l. 1. Rotharius Rex Longobardorum edixit. *Qui per Impans id est, in votum regis dimittitur ipsa lege viuat, sicut qui Amund factus est, & cum eo Patronus viuat tanquam cum fratre, aut cum aliis parentibus liberis.*

Legis Longobardicæ
titulo 35. l. 1.
libri 2.

Aliud fuit libertorum genus, quorum patrociniū retinebant sibi manumissores, & certum operarum pensum quotannis exoluendum imperabant. Hoc autem varias sortitur appellationes, pro variis cæremoniis, quibus inter manu mittendum utebantur. Alij enim dicuntur *denariales*, alij *tabularij*, alij *Aldij*.

Denariales dicuntur liberti qui per iactum denarij manumissi sunt, hoc pacto. In manu serui manumittendi ponebatur denarius, quem Rex aut Imperator manu serui impellendo, & succutiendo exiecitabat. Huius formulam integrā. Ex refert Ernestus Cācellarius centuria cartarū carta 6. *In nomine sanctæ, & indiuiduæ Trinitatis, Hludouicus diuinā fauēte gratia Rex. Nouerint oēs fideles nostri presentes scilicet & futuri, quia nos rogatu Purcharii dilecti Comitris nostri, quendam proprium seruum nostrū Johan nominatum, in presentia fidelium nostrorum per excussionem denarij de manu illius iuxta Legem Salicam in elemosy-*

Ernestus in
Cent. Cartarum
carta. 6.

nam

nam nostram liberum dimisimus, & ab omni iugo seruitutis absolvimus, eius quoque absolutionem hoc scripto firmavimus, quam in omni tempore firmam, inuiolabilemque mansuram esse volumus. Præcipientes ergo iubemus, ut sicuti reliqui manumissi, qui per huiusmodi titulum absolutionis à Regibus, vel Imperatoribus noscuntur esse relaxati ingenui, ita deinceps memoratus Ioban, bene ingenuus, atque securus existat, & ut ista ingenuitatis pagina firma stabiliisque consistat, annulo nostro eam consignari iussimus, Ernustus, Cancellarius, ad vicem Theotimari Archicapellani recognoui. Datum II. Kal. Iun. Anno Incarnationis Domini DCCCCVI. Indict. VIIII. Anno Regni Domini Hludouici. VII. Actum in Rotunilla feliciter. Amen.

I. Salicæ
tit. 28.

De quo seruorum genere loquuntur leges antiquæ locis compluribus. Legis Salicæ titulo vigesimo octauo iubetur, ut qui seruum alienum sine consilio Domini ante Regem, per denarium, ingenuum dimiserit C. solidis mulctetur.

Horum ergo seruorum, qui denariales dicti sunt, conditio fuit, ut filios quidem ac cognatos heredes habere possent: ipsi vero nec eorum liberi ante tertiam generationem, nullius cuiusquam hæreditatem adire valerent. Purgari enim seruitutis sordes, nisi post tertiam generationem posse non credebant, nec ingenuitatis iura, nisi nepotibus, quibus lóginquitas temporis labe, ac maculas auorum deterfisset, competere: ita in Capitulis Caroli & Ludouici, lib. sexto capit. 208. Homo denarialis non antea hereditare in sua agna-

Capitula
Caroli &
& Ludouici,
Capit. lib.
6. cap. 208.

Lex Lon-
gobardica
libro 2. tit.
34. l. 1.

tione poterit, quam usque ad tertiam generationem perueniat. Consentit Lex Longobardica, libro 2. tit. 34. Lege II. vbi Imperator Pipinus sic edicit. *Homo denarialis non habeat hereditatem in sua generatione antequam usque in tertiam generationem perueniat, & homo Cartularius similiter.* Eodem fere pacto, apud nos nobilitatis iura, & prærogatiua insigniores non nisi tertia generatione continui firmantur. Vt vero Amundijs sine legitimo hærede morientibus fiscus succedit, ita quoque denarialibus & in votu Regis manumissis. Ita Legis Ripuariæ, tit. 57. l. 4. *Si homo denariatus absque liberis discesserit non alium nisi fiscum nostrum heredem relinquat.*

Leges Ripuariæ, tit.
57. lege 4.

Licet autem non ita suppleret Natalium calamitalem denarialis manumissio, quin al qua nota squalloris antiqui remaneret: Attamen denariorum longe potiore fuisse conditionem quam eorum qui sub conditione census præstandi manumissi essent hinc maxime conicere est, quod tributarij interfecti pœna est tantum triginta sex solidorum, denarialis vero ducentorum. Nimirum Regis maiestatem violasse credebatur qui seruum eius manu exauctoratum, & in votum Imperij, ac Reip. manumissum percussisset.

Præter Amundios, Impantes denariales, fuis & aliud genus libertinorum quod antiquæ leges Aldios appellarunt, horum conditio longe ceteris inferior, atque ignobilior: quippe qui minimam, & imperfectissimam libertatem assequerentur,

nec tam viderentur omni seruitute exempti, quàm in mitiorem, ac clementiorem famulatus legem translati. Vt enim veteres Romani cum conditione operarum præstandarum seruos suos manumittebant, quod liquet, ex toto tit. *De operis libertorum*, quas etiam aliquando à senibus ætate confectis, & aduersâ valetudine laborantibus inclementer exigebant, vt constat ex l. *libertus* ff. *de operis libertorum*, aliquando vero extraneis elocabant, vt lucrum pretiumue operarum caperent, l. *Patronus*, ff. eodem tit. ita & veteres Franci, ac Longobardi eadem ratione seruos sua ditione & potestate duris aliquando conditionibus relaxabant, & non tam dabant libertatem quam mutabant seruitutem. Quia vero hoc imperfectæ pietatis genus Deo placere non potest, cuius oculis suaue, ac iucundû esse nil potest, nisi quod ex omni parte beatum est, ac perfectum, ideo in his manumissionibus testem adhibere Deum nefas erat, atque in conspectu altarium Aldios facere. Qui enim seruum, aut ancillam coram sacris altaribus manumiserat, censebatur illis plenam libertatem indulgisse, sicut qui *Fulfreal*, aut *Amund* fecerat, ita Rotharius l. 54. tit. 35 De manumissionibus. *Si quis seruum, aut ancillam in Ecclesiâ, vel circa altare à modo liberum, vel liberam dimiserit, sic maneat ei libertus, sicut ei qui Fulfreal in quarta manu traditus & Amund factus est. Nam qui aldium facere voluerit non eum ducat in Ecclesia: nisi alio modo faciat, qualiter voluerit, siue per Cartam, siue qualiter ei placuerit.*

Rotharius
libro 2. legis
Longobardi
c. ut. 35.
l. 5.

Tristis itaque ac seuera fuit Aldiorum conditio, nec multum à seruitute dissentanea: itaque Aldio sine consensu Domini stipulari, negotiumve vllum pertractare, vendere, aut alienare quidquam è peculio nefas fuit, vt notat idem Rotharius, l. 4. tit. de prohibita alienatione. *Nulli liceat Aldio qui Amund factus non est sine voluntate patroni sui terram, aut mancipium vendere, neque liberum dimittere. Præterea! Aldios in Clerum prouehi religio non sinebat, vt constat ex Canone 63. Concil. 4. Toletani propterea quod à patrono adhuc seruitute tenentur obnoxij.*

CAPVT IX.

De libertis in patrocinio Ecclesiæ constitutis. Tres ordines libertorum Ecclesiæ. Libertorum omnium causas tractabant Episcopi. Liberti religiosi quinam fuerint. Quotquot in Ecclesiâ manumittebantur eos fuisse Ecclesiæ libertos ostenditur. Manumissiones non fiebant in Monasterijs nisi ex priuilegio. Ritus manumittendi in Ecclesiâ. Tabularij, & Cartularij qui fuerint.

Ecclesia, cuius hoc singulare studium est liberare calamitatibus mortales, & antiquo Natalium splendori restituere, è quo paterno scelere miserrime deciderunt, perpetuo libertorū vindex fuit, suasque interposuit partes; ne iugo iterum duræ seruitutis subderentur, si quando eos

dominorum indignatio ad pristinae sortis acerbitate reuocaret, & impia leuitate ipsos poeniteret traditae libertatis. Propterea solebant ad Ecclesiam confugere liberti, eiusque auctoritatem, ac maiestatem aduersus iniurias patronorum inuocare. Ita Canon 29 Concilij Agathensis iubet libertos iusta seruitute manumissos ab Ecclesia defendi. *Libertos legitime a Dominis suis factos Ecclesia si necessitas exegerit tueatur, quos si quis ante audientiam aut peruadere, aut exspoliare praesumpserit ab Ecclesia repellatur.* Consentit Parisiense quintum tempore Clotarij 2. Regis, vbi Domini contumaces qui episcopos adire noluerunt, eorumque iudicio, ac sententiae de libertis latae obsequi, communione pelluntur. Can. 5. & Capitul. addit. 4. C. 63.

Concilium
Agathense,
can. 29.

Concil. Pa-
risiense 5.
tempore
Clotarij
Regis. can.
5.
Capitulariū
additione,
4. capit. 63.

Atque vt Ecclesia commodius libertos iuuare posset, & aduersus temerariam, ac praecipitem Dominorum iracundiam tueri, cautum olim ne libertorum caussa, quando de manumissionum negotio agebatur, alibi possent quam in foro episcoporum agitari. Nimirum iis temporibus Iudices laici Ecclesiarum splendore infensi, Episcoporum tribunalibus inuidebant, & ægre ferentes manumissionum solemnia, non amplius coram Praetore, sed in presentia Numinis peragi, vexabant edictis atrocibus libertos, si quando ipsos dominorum furor ad Laicorum fora propelleret. Vnde natus Canon 7. Matisconensis, Synodi secundae, De libertorum caussis ab Episcopis iudicandis, vbi Praetextatus, & Papulus viri Beatissimi

Libertorum
caussa ab
Episcopis
tractatur.

Concilium
Matisconē
f. 6. 2. can. 7.

dixerunt, Decernat itaque & de miseris libertis vestra auctoritatis vigor insignis, qui ideo plus à iudicibus as-
surguntur, quia sacris sunt commēdati Ecclesiis, ut si quas quispiam duxerit contra eos actiones habere, non audeat magistratui contradere, sed in Episcopi tantum iudicio in cuius presentia litem contestans, qua sunt iustitiæ, ac veritatis audiat: Indignum est enim, ut hi qui in sacro-sanctâ Ecclesiâ iure legitimo noscuntur manumissi, aut per Epistolam, aut per Testamentum, aut per longinquitatem temporis, libertatis iure fruuntur, à quolibet iniustissime ingulennur.

Tres ordines
libertorum
Ecclesiæ.

Et si vero, omnium libertorum causam egerit Ecclesia quantum ad iura manumissionis pertinet, possitque hac ratione eorum omnium vindex, ac patrona appellari. Erant tamen liberti singulari clientela, & obsequio Ecclesiæ consecrati, quorum tres ordines fuisse reperio. Primus est eorum qui ex voluntate manumittentis, & religioso Patroni consilio ad operas Ecclesiæ præstandas deuouebantur; & ea tantum conditione libertatem recipiebant, ut in posterum in Ecclesiæ patrocinio, & clientela versarentur.

leges Visi-
gothorum,
lib. 5. tit. 7.
l. 18.

Fuisse autem eius generis libertos, ex antiquis monumentis liquet, hos leges Visigothorum Religiosos libertos appellant, libro 5. tit. 7. lege 18. *Ne liberti Religiosi ad obsequium reducantur laici:* verba enim legis significant aperte, libertos eos, de quibus sermo est, religiosis locis ex voluntate manumissorum deputatos.

Quoslibet de quorumcumque libertis, aut specialiter de

Ecclesiasticis, dignitas sublimauit honoris, aut praefixis sanctorum locis deputauit, vel ordo Religionis, vel ordinatio manumittentis, non erunt ad hominum patrocinium reducendi contentione qualibet heredis, &c.

Etiam in Hungaria fuisse eiusmodi libertos sacris locis deputatos, patet, ex eo quod sanctus Ladislaus decernit ne liberti, qui pro salute animae manumissi sunt, aliis in posterum quam presbyteris seruiant. Qui autem pro animarum salute liberati mancipati fuerint, eo tenore tamen ut Ecclesia seruiant ipsi, nemini nisi soliibi presbytero administrent. **Ladislaus lib. 1. decreti cap. 3.**

Ladislaus
lib. 1. decreti
cap. 3. pag.

In Italia pares conditiones manumissionibus adhibitas docet Leo Marficanus Chronici Cassinensis lib. 1. c. 10. ubi de donatione Leonis Beneuentani loquitur recenset, Seruos, inquit, suos & ancillas omnes prius per Cartulam libertate donauit, atque ita demum liberos cum curtibus propriis & ceteris quae possidere videbantur in ius monasterij potestatemque redegit, ea scilicet lege ut singuli eorum quatuor per mensem operas ubi necesse fuerit monasterio impendant, res suas atque substantias nulli omnino nec inter se vendere, aut donare praesumant, resque illorum qui sine liberis defuncti essent in ditione monasterij deuenirent, &c.

Leo Marficanus seu Ostiensis Chronici Cassinensis lib. 1. c. 10. p. 110. edit. Neapol. & familia habes cap. 18. eiusdem libri de donatione Leonis Beneuentani.

Apud Longobardos quoque idgenus libertatis concessum docet Astulphus lib. 3. tit. de vltimis voluntatibus, ubi ordinationem eius qui familiam libertate donauit, ea conditione ut religiosi locis deseruiar, vult stabilem firmamque consistere. Si quis Longobardus per Cartam in sanitatem

rex Longobardus lib. 3. tit. 17. leg. 1.

aut in agitudine res suas ordinauerit, & dixerit eas habere loca venerabilia & familias per quas res ipsæ excoluntur liberas esse dixerit ea conditione ut in ipsis Religiosis locis redditum faciant, secundum ipsius statutum reddant omni tempore, iuxta domini sui præceptionem ipsi & filij eorum, & sint liberi de suis personis sicut Dominus eorum instituerit.

Et si vero æternitatis studio flagrantes antiqui, seruos suos pro animæ remedio manumitterent, & Ecclesiarum obsequiis deuouerent, eos tamen aliis quoque de causis video seruos suos in fauorem Ecclesiarum manumisisse: si enim in Magnatum familia essent, tam bonæ indolis mancipia, ut de iis in clerum prouehendis Ecclesiæ Antistites cogitarent, solebant Domini ipsis relaxare seruitutis vincula, & coram sacris altaribus liberos dimittere, ut soluti laico mancipatu in Christi familiam Clerumque transfirent, in quem nefas erat seruitio prophano obligatos admitti. Ea autem manumissio fiebat in Ecclesiis coram sacerdote, aut Episcopo, iis quibus postea docebimus ceremoniis. Exemplum insigne extat inter Cartas Vuaronis diaconi, quarum una sub Ludouico Alemanorum Rege conscripta, continet manumissionem Sigmarum cuiusdam his verbis conscriptam, *Auctoritas Ecclesiastica patenter ammonet insuper & potestas Regia canonice Religioni ad sensum præbet, ut quemcumque ad sacros ordines ex propria familia promouere Ecclesia quæque elegerit, in præsentia sacerdotum canonicorum simul & Nobilium laicorum, & eius cui*
sub.

Carta Vuaronis diaconi
in Cen-
tury Car-
tarum
2. Alem.
parte.

subiectus est, manumissione sub libertatis testamento solemniter roboretur. Idcirco ego in Dei nomine Engildruda, quondam meum famulum nomine Sigimarum, sacris Ordinibus dignum in presentia nobilium virorum, liberum ab omni vinculo servitutis dimitto.

Inuenio & heredes Episcoporum, ac Clericorum, ut de facultatibus Ecclesiæ agellos ac prædialia, utenda, fruenda, obtinerent, liberos suos Ecclesiarum obsequiis mancipasse ex l. 4. lib. 5. Visigotorum legis, tit. De Ecclesiasticis rebus.

lex Visigothorum li. 5. tit. de Ecclesiasticis rebus, lege 4.

Secundus ordo libertorum, quorum patrocinium habuit Ecclesia, ex iis constat, quilibet è familia non esset, attamen manumissionem fuerant in Ecclesia consequuti, quotquot enim sacris ceremoniis Deo præsentem, & spectantem libertatem acceperant, in patrocinium, ac clientelam Ecclesiæ migrabant, eiusque liberti credebantur, propterea quod Ecclesiæ intuitu, & in fauorem religionis censabantur Domini, ipsos sua potestate, ac Imperio liberasse. Ideoque acceptam Ecclesiæ libertatem perenni obsequio compensare certabant. Cum ergo è manumissionibus in Ecclesia celebratis cresceret sacra familia, & sacerdotum numerosa clientium turbâ splêdesceret, quid mirum, si Orientalis Ecclesia supplicandum Principi decernit, ut manumissiones in sacris Ædibus apud Græcos fiant, eo more quo in Italia celebrabantur. Ita enim habetur in Codice Canonum Ecclesiæ Africanæ Canone 64. *περὶ ἐλευθεριῶν ἐν τῇ ἐκκλησίᾳ αἰτητίον ἀπὸ τοῦ βασιλέως de manumissionibus,*

Codex Canonæ Eccl. Africanæ Canone 64

ut in Ecclesia celebrentur ab Imperatore potendum.

Quando vero manumissiones in sacris Aedibus peragi solitas audimus, non sunt passim quælibet ædes sacræ intelligendæ: non enim in Monasteriis olim, & oratoriis Monachorum licuit manumittere, sed tantum ubi Episcopus, aut Sacerdos præsens esset, ut eorum beneficio civilem libertatem reciperent, per quos scelerum nodis eximi, & Dæmonum mancipatu poterant liberari. Quamobrem priuilegia manumissionis ex indulgentia prælatorum aliquando fuerunt Monasteriis erogata. Ita Abbati Eusebio concessit Gregorius Magnus, ut liceret manumissiones in Ecclesiâ suâ facere. *Quousque vero de his quæ à nobis prædicti filij nostri fienda postulant reuelante Domino deliberare possimus, Clericos ex laicis ordinari, necnon & manumissiones apud te in eadem Ecclesia solemniter celebrari concedimus.*

Quod vero liberti, qui beneficium manumissionis in Ecclesia acceperant, essent in patrocinio, ac defensione Ecclesiæ, & ad eius familiam pertineret, multis argumentis potest confirmari. Siquidem, si sine liberis & legitimis hæredibus essent, his Ecclesia succedebat, unde si casu fortuito aliquis libertos in Ecclesia factos interficeret, is Ecclesiæ pro hominis nece satisfaciebat, & multam pendebat octoginta solidorum: *Liberti qui ad Ecclesiam dimissi sunt liberi, vel per Chartam libertatem acceperunt, si occidantur, LXXX. solidi soluantur Ecclesiæ, vel filiis eius.*

Greg. lib. 2.
Regist. ep.
24. indict.
10.

Lex Alema-
manica, tit.
37. l. vnicâ.

Secundo, libertus in ecclesia manumissus, si suâ culpâ in seruitutem recideret seruus ecclesiæ fiebat, non eius qui manumiserat, *Si ancilla dimissa fuerit per Chartam, aut in Ecclesia, & postea seruo nupserit, Ecclesiæ ancilla permaneat*, legis Alemanicæ, tit. 18. l. 1. Tertiò, ecclesiam in manumissos per tabulam, ac sacros ritus, auctoritatem patronorum habuisse, leges Ripuariæ, clarissime indicant, illis enim decernitur, vt in ecclesia manumissi sub tuitione ecclesiæ consistent, eidem obsequia impendant: seruos suos alio ritu quam ecclesiastico non manumittant: & non alibi quàm in ecclesia, vbi relaxati fuerunt mallum teneant, si absque liberis decesserint, ecclesiam hæredem habeant. Ita vero rem se habere textus legis satis indicat, tit. 58. De tabularijs.

Legis Ale-
manicæ, tit.
c. 1.

Hoc etiam iubemus, vt qualiscumque Francus, Ripuarius, seu tabularius seruum suum pre anima suâ remedio, seu pro pretio secundum legem Romanam liberare voluerit, vt in ecclesia coram Presbyteris, Diaconibus, seu cuncto Clero, & plebe, in manu Episcopi seruum cum tabulis tradat, & Episcopus Archidiaconum iubeat, vt & tabulas secundum Legem Romanam, qua ecclesia viuit, & scribere faciat, & tam ipse, quam omnis procreatio eius liberi permaneant, & sub tuitione ecclesiæ consistent, vel omnem redditum status, aut seruitium tabularij eorum reddant. Et nullus tabularius denarium ante Regem præsumat iactare. Quod si fecerit, CC. solid. culp. ind. & nihilominus ipse tabularius, & procreatio eius tabularij persistant, & omnes redditus status eorum ad ecclesiam

Leges Ri-
puariæ titu-
lo 58. de ta-
bularijs.

reddant: & non aliubi nisi ad Ecclesiam; ubi relaxati sunt
mallum teneant.

Quod si quis tabularium, seu Ecclesiasticum hominem
contra Episcopum defensare voluerit LX. solid. culp. ind.
& insuper hominem cum omnibus rebus suæ Ecclesiæ re-
stituatur. Quia inclitum ducimus, quod Ecclesiis concessi-
mus, iterum ab Ecclesijs reuocare.

Cap. 3. tit.
22. 45. 57.
capit. 7 tit.
96. capit.
Pipinitir. 6.

Ceterum mallum tenere nil est aliud quam
caussas agere, & cognitioni sese iudicum summit-
tere, nam Mallum pro foro sumitur apud veteres:
Vnde mallum Regis malum Comitum passim in
capitularibus legitur.

Ritus & Ce-
remoniae
manumissi-
onis Ec-
clesiasticæ.

Qua autem Ceremonia in Ecclesijs manumitte-
rent veteres Galli, satis liquet ex antiquis eorum-
dem legibus; Nam si sani essent. nec morbus pro-
hiberet, solebant seruos suos ipsimet in ædem sa-
cræ ducere, illicque Episcopo, Sacerdoti, aut
Diacono ad minus tradere: ille seruum appren-
sum manu, sacris sistebat altaribus, quo facto Do-
minus serui, testes, adiurans Episcopos, Sacerdo-
tes, Diaconos, & quotquot ceremoniis interessent,
seruum suum liberum pronunciabat: Huius au-
ditâ voluntate sacerdos liberum ire iubebat: tan-
dem verò Diaconus libertatis Cartam conscribe-
bat, & manumisso tradebat: Sin vero Dominus
serui, violentâ ægritudine angeretur, nec posset sa-
cris manumissionem solennibus interesse, desi-
gnabat Sacerdotem, cuius manu volebat seruum
altaribus admoueri, qui, si Dominum contingeret
emori, iuxta eius testamentum & Decretum ser-

uo manumissionem impertiebatur. Qui ritus hauriuntur ex antiquo iure Gallorum & Longobardorum. Nam Longobardicæ legis tit. 18. de ultimis voluntatibus Rex Rotharius, sic constituit:

Legis longobardicæ tit. 18. de ultimis leges 4

Si Longobardus ad finem mortis properauerit, ita ut nec Thingare hominem suum possit, nec in manu sacerdotis tradere circa altare liberum dimittendum propter subitanæ mortem & instituerit, ut post obitum eius, per manum sacerdotis, qualem designauit: circa sacrum altare duci habeat, causa miserationis decreuimus, ut sicut dominus eorum præceperit, ita impleatur & sacerdos, quem designauerit circa altare cum absque cuiuscunque contradictione absoluat.

At Diaconum seu Archidiaconum solitum manumisso, tabulas libertatis conscribere, aut conscribi curare liquet ex præfatis Ripuariorum legibus: tum etiam ex Carta manumissionis Sigimari cuiusdâ, de qua superius diximus, quæ à Vuatone diacono conscripta legitur, cuius subnotatio talis est. *Ego Vualo Diaconus rogatus scripsi & subscripsi.*

Eas porro manumissionum ceremonias (ne dicam ex Foronix Deæ templo manasse, apud quam serui olim inanumittebantur) hausere Galli nostrates ex antiqua Romanorum consuetudine, apud quos in præsentia Antistitum serui inanumittebantur, ex rescripto. Constantini ad Protogenem Episcopum. *Iamdudum* C. de his qui in Ecclesiis manumittuntur. *Iamdudum* (ait Imperator) placuit ut in Ecclesia Catholica libertatem, domini suis famulis præstare possint, si sub aspectu plebis adsi-

l. iamdudum
C. de his
qui in Ec-
clesiis ma-
numittun-
tur,

Vide Soso-
me. lib. 1.
hist. Ecclef.
c. 9. Cassiod.
lib. 1. hist.
trip. cap. 9.
Niceph. lib.
7. c. 16.

*stentibus Christianorum Antistibus id faciant; Ut pro-
pter facti memoriam interponatur vice actorum, qualif-
cunque scriptura in qua vice testium signent, &c.*

Concilium
Vermer.
Canone 20.

Cæterum, quoniam ii qui in Ecclesia manu-
mittebantur, Tabulas seu instrumenta ac docu-
menta manumissionum de manu Diaconi sume-
bant: ideo à tabulis dicuntur Tabularij: à Carta
vero Cartellarij. Ita intelligendus est Canon vige-
simus Concilij Vermeriensis, cuius titulus est, ut
*Cartellarius qui cum Ancilla fornicatur, eam libertate
donatam, uxorem habere cogatur.*

Tertius tandem & ultimus ordo libertorum,
qui in Ecclesiæ patrocinio versabatur eorum erat,
quos ex familia sua manumittebat Ecclesia, de
quibus sequens caput instituendum.

C A P V T IX:

De libertis ex familia Ecclesiæ.

NON eadem fuit apud antiquos ratio liberta-
tis indulgendæ, nec semper fidei ac probi-
tatis præmium extitit manumissio. Plerumq; enim
seruos non alia causa manumittebāt, quam quod
incommodi essent inutiles fugitivi, adeoque do-
minos torquerent magis quam iuarent. Vnde
illi facile ad dandam libertatem adducebātur, seu
quod eam ultro servus arriperet, seu quod eo ma-

numisso nontam seruum amisisse censerentur, quam supplicium. Ea caussa cum Episcopis, & Presbyteris non liceret temere & sine caussa son-
tica res Ecclesiæ distrahere, aliter tamen de fugi-
tiuis seruis de retum est, vt nempe incommoda
& fugitiua pro arbitrio venderent, ac permuta-
rent. Ita constitutum legimus in Synodo Aga-
thenſi Canon: 46. *Fugitiui etiam domos suas dese-*
rentes qui etiamſi reuocati fuerint, teneri non possunt:
simili ratione dō Episcopo si voluerit, aut si ita illi
meruerint distrahantur. Distrahi autem seruos Ec-
clesiæ, & in licam manum transferri, pœna &
supplicium seruis videbatur qui meliores ac cle-
mentiores dominos nancisci non poterant quam
Ecclesiasticos, è quorum familia diuulsi, plerumq;
non tam mutasse seruitutem videbantur, quam
amisisse libertatem.

Cōc. Agath.
can. 46.

Mitissimum vero seruitij genus fuisse apud
Clericos, & domestica eius ordinis virtus suadet
moderatio, & studium Ecclesiæ in extraneis seruis
ab iniuria Dominorum liberandis. Nam si quādo
Dominorum atrocitatem vererentur tremuli, ac
pallentes serui, præsidium Clericorum in Ecclesia
querebant à qua non prius auelli seruos, atque
à Dominis reduci Sacerdotes sinebant, quam so-
lemnem sponſionem edidissent de seruis non læ-
dendis. Vnde lucem sumit Canon trigessimus no-
nus Concilij Epaonensis, *Seruus reatu atrociorē cul-*
pabilis, si ad Ecclesiam confugerit à corporalibus tantum
suppliciis excusetur: de Capillis vero vel quocumque opere

Cōc. Epao-
nēse can. 39.

placuit à Dominis iuramento non exigi. Quid est verò iuramentum de Capillis non exigi, id certe ex antiquo ritu illustratur. Quippe seruis negligentibus atque otiosis capillos incidere, ac turpiter detondere mos fuit apud Antiquos. Nam flagellatio, & detonsio propria sunt seruorum supplicia, vt patet ex Capitularium lib. 3. tit. 30. & ex legis Longobardicæ lib. 3. tit. 7. lege 1.

Volunt ergo Patres Concilij Epaonensis, posse compelli Dominum, vt iuret se non læsurum vlla parte corporis seruum, qui Ecclesiam vindicem implorauit, verum non debere Sacerdotem de non detondendo seruo Sacramentum exigere.

Vt autem distrahendorum seruorum caussa erat frequens fuga & impatiens animus dulcissimæ seruitutis. Ita & manumittendorum eadem ratio plerumque fuit. Si enim seruus fugitiuus peculium haberet satis pingue, quo se posset seruitutis oneribus eximere, facile adducebantur Episcopi, Abbates, ac Presbyteri, vt accepto peculio, libertatem indulgerent. Sic in Cartis Theotarti istius manumissionis formulam legimus, in qua seruus quidam nomine Vnderust fugitiuus, & rebellis ad seruitutem reuocatur à Possone Aduocato sancti Galli: & ea de caussa coactus se sistere iudici, vt eius sententia in seruitutem compingeretur, dato satis diuite pinguique peculio ingenuitatis iura stipulatur. Verba autem tabulæ manumissionis sunt eiusmodi. *Dictus homo Vnderust de medio quod habuit territorio inter Hagenbah & Eligange,*

ac Suetta iuchos quattuor, ad reconciliationem nobis dedit, scilicet ut à die presenti, ita ingenuus consistat, quasi ab ingenuis parentibus sit genitus, nosque ea ratione illud accipientes, quatenus ipse nostra ex parte ab omni servitutis vinculo sit exutus in perpetuum, totaq; eius agnatio, posteritas, & procreatio similiter sit absoluta, sub ea conditione, quæ modo ab illo genita est, & deinceps progenita fuerit, tanquam si fuissent ex liberis parentibus procreari, hocque conscriptionis vinculo firmari iussimus.

Eam vero manumissionem, quæ ex pacto tradendi peculij fiebat, amplissimam fuisse & perfectissimam animaduerto. Quippe reliquæ manumissiones ab Episcopis & Abbatibus fieri non poterant, nisi retinendo servos manumissos sub patrocinio Ecclesiæ, ratione cuius patrociniæ certas operas Ecclesiæ præstare tenebantur, poterantque si ingrati forent, aut iniuriosi in Ecclesiasticos viros, ad servitutem iterum reuocari. At manumissi ex causa donati. Peculij nullis amplius operis, nullis præstationibus amplius illigati tenebantur, sed optimam & plenissimam assequebantur libertatem. Idcirco Carta manumissoria ingenuitatem præfato servo adscribit, & omnes eius posteros cuiuslibet operæ, atque obsequij vinculo liberat. Fluxerat istud manumissionis genus ex antiquo iure Romanorum, apud quos servus emptus suis nummis, & manumissus, non debebat operas patrono, nec reuocari poterat in servitutem, l. Si tuis nummi, C. de operis libertorum.

Conc. smē-
ritense c. 74

Secunda ratio propter quam serui Ecclesiæ manumitterentur, fuit singularis illorum probitas, & egregia indoles Cleri maiestati suffectura, Eam rationem antehac notauimus ex Concilio Emeritensi, Canone 74. Ex quo liquet seruos ex familia Ecclesiæ in Clerum euectos, non habuisse ius, & potestatem transferendi in extraneam manum acq̃uistas suo studio, & industriâ facultates, sed illorum hæreditatem omnem ad Ecclesiam spectasse. Itaque de isto libertorum genere nil noui dicendum occurrit.

Tertia ratio manumittendorum seruorum Ecclesiæ, fuit liberalitas & beneficentia Episcoporum, qui seruos de se bene meritos, siue testamento, siue inter vivos manumissione donabant.

Neque vero cuiuslibet Episcoporum ac prælatorum licebat seruos Ecclesiæ pro arbitrio vocare ad pileum, & in libertatem vindicare: Qui enim episcopus patrimonium non habet, neque potest ex suo supplere quidquid Ecclesiæ subducitur lucri & commodi ex manumissione seruorū, is non habet ius manumittendi. Quamobrem manumissorem Episcopum oportuit esse autis opibus & propriis fortunis instructum, deinde oportuit eum, aut Ecclesiam ex asse hæredem relinquere, aut certe partem satis opimam rerum ac facultatum eidem testamento delegare. Hinc factum est ut in Concilio Spalensi primo, Serui per Episcopum Gaudentium manumissi ad pristinam conditionem & Seruitij legem reuocarentur, quia

nempe is Gaudentius neque Ecclesiam heredem scripserat, neque ad compensandam Ecclesiam quidquam obtulerat.

Confirmavit hanc sententiam Concilium Tolletanum quartum, sub Sisenando Rege era 671. Concil. Tollet. 4. c. 77.

Canone 77. *Episcopi qui nihil ex proprio suo Ecclesie Christi compensauerunt, hanc diuinam sententiam metuant, & liberos ex familijs Ecclesie ad condemnationem suam facere non præsument. Impiū est enim, ut qui res suas Ecclesie Christi non contulit, damnum inferat, & ius Ecclesie alienare præsumat. Tales igitur libertos successor Episcopus, absque aliqua oppositio-
ne ad ius Ecclesie reuocabit, quia eos non aequitas, sed improbitas absolvit.*

Qualibet vero de causa manumitterentur serui Ecclesiastici, eos necesse fuit perpetuo in patrocinio Ecclesie contineri, nam absolutam & perfectam iis libertatem tradere, in potestate præsulum non erat, nisi pro compensatione duorum mancipia eiusdem valoris in commodum & familiam Ecclesie inducerent. Ita Concilium Tolletanum 4. Canone 68. *Episcopus qui mancipium iuris Ecclesiastici, non retento Ecclesiastico patrocinio, manumitti desiderat, duo meriti eiusdem & peculij coram Concilio Ecclesie cui præminet per commutationem subscribentibus Sacerdotibus offerat, ut vota & iusta inueniatur definitio manumittentis.* Concil. Tollet. 4. c. 68.

Formula vero manumittendi seruos Ecclesie è fragmentis Concilij Tolletani primi petenda est, citatur abluone, parte 1. cap. 133. De Ecclesiarum vero seruis communi sententia est de-

Iuopart. 1.
c. 133.

cretum, ut Archiepiscopi per singulas provincias constituti nostram auctoritatem sequantur, Suffraganei vero illorum exemplar illius penes se habeant, & quandocumque de familia Ecclesiæ utilis inuentus aliquis, ordinandus est, in Ambone ipsa auctoritas coram populo legatur, & coram Sacerdotibus, & omni Clero ante cornu altaris sicut in nostra auctoritate coniunctur remota qualibet calliditate libertatem consequatur, Et tunc demum ad gradus Ecclesiasticos promoveatur. Ex quibus liquet quod cum seruus Ecclesiæ manumitteretur, primo tollebat instrumentum, seu Carta manumissionis eiusdem auctoritate Episcoporum confici. Deinde legebatur instrumentum istud bis in Ecclesia, primo ex Ambone seu suggestu, unde Sacerdotes solent verba ad populum facere. Secundo legebatur eadem Carta ante cornu altaris, ut inclusi in sacratio Sacerdotes, & Clerici possent exaudire.

Existimauerim, autem eas ceremonias locum habuisse tantummodo in manumissionibus eorum, qui ad clerum essent promouendi.

Nam & testamento seruos Ecclesiæ Episcopi manumittebant, ita in testamento Diui Remigij plures libertate donantur, quorum aliquos credibile est è familia Ecclesiastica fuisse. Diuus Gregorius Nazianzenus in testamento suo edicit, ut omnes illi quos vel sua voluntate vel beatissimorum parentum desiderio manumiserat, certa libertate fruantur. Et certe à tantis viris concessæ libertates infringi non poterant: qui Ecclesiæ suæ integrum sacrauerant patrimonium, ut ex testamento

D. Remigij qui Remensem, Gregorij qui Nazianzenam Ecclesiam hæredem scripsit.

Hæc ergo fuit ratio, ritus & cautela manumittendorum seruorum Ecclesiæ, nunc quibus legibus ac institutis viueret postquam beneficio Prælatorum forent libertatem consequuti, paucis aperiamus. Imprimis iis caute prospiciendum fuit ne beneficium iniuriâ rependerent, & irreuerentia fastuue maiestatem Ecclesiæ læderent, à qua & salutem sperabant & acceperant libertatem. Vnde in Concilio Spalensi canone 8. actum est de superbis Ecclesiis libertis, vt ad seruitutem reuocentur, cuius Canonis verba omitto, quibus æquissimi patres maudandam recidiua seruitute censent Elisæi cuiusdam ex familia Agabrensis Ecclesiæ superbiam, qui libertatem assequutus, de tollendo per veneficia Episcopo cogitarat.

Conc. Spal.
c. 8.

Secundo oportuit liberos Ecclesiæ operis sibi inter manumittendum impositis sedulo defungi, & seu censum seu opem augendæ, ac defendendæ Ecclesiæ, haud segniter impendere. Ita Concilio Toletano quarto canone 69. iubetur qui à Prælatis manumissi sunt, eorum patrocinium Ecclesia retineat, & liberti vtilitates sibi iniunctas iuxta quod potuerint prosequantur. In Concilio Aurelianensi quarto canone 9. decernitur vt liberti quos sacerdotes, presbyteri vel diaconi de Ecclesia sibi commissa facere voluerint. *Actus Ecclesiæ prosequantur*, quod si facere contempserint ad pro-

Conc. Tol.
4. can. 69.

Conc. Aurel.
4. can. 9.

Conc. Agathense.
c. 49.

prium seruitium reuertatur. Quid est autem actus Ecclesiæ prosequi nisi commodis Ecclesiæ inuigilare, & promissas ei operas strenue ac gnauiter exequi: quod faciebant liberti villas ac prædia Ecclesiarum tuendo, regendo, & omnino actorum officio, ac partibus defungēdo. Actores enim apud antiquos dicuntur villici, seu procuratores prædiorum. Sic Capitularium lib. 4. cap. 41. edicitur ut si fugitiua mancipia in villas Regias sese receperint, actor requirenti Domino ea non contradicat.

De profes-
sione liber-
torum Ec-
clesiæ.

Concil. To-
let. 4. ca. 70.

Tertio oportuit libertos Ecclesiarum vñā cum eorumdem liberis infra annum ab inauguratione noui Episcopi sistere se coram ipso & Cartam ingenuitatis ac manumissionis tabulas apud eundem proferre: quod certe inuentum ab Ecclesia, ne lapsu temporis libertorum memoria interci-deret, & operis sibi debitis atque obsequiis Ecclesia tandem prorsus orbaretur, ita constitutum in Concilio Toletano quarto cano 70. *Liberti Ecclesiæ (quia nunquam moritur eorum patrona) à patrociniis eiusdem nunquam discedant; nec posteritas quidem eorum, sicut priores Canones decreuerunt. Ac ne forte libertas eorum in futura prole non pateat; ipsaque posteritas naturali ingenuitate obnitens, sese ab Ecclesiæ patrociniis subtrahat, necesse est, ut tam iidem liberti, quam ab eis progeniti professionem Episcopo suo faciant, per quam se ex familia Ecclesiæ liberos effectos esse fateantur; eiusque patrocinium non relinquunt: sed iuxta virtutem suam obsequium ei, vel obedientiam præbent.*

Quamobrem si hac in parte peccarent liberti Ecclesiarum & suppressione Cartarum vellent manumissionis memoriam expungere, tum certe ad seruitutis iugum quasi ingrati ac scelerati clientes solebant retrahi. Hanc tamen legem ut duram nimis & seueram temperari oportere censuerunt patres Concilij Cæsar Augustani tertij **Canone 4.** textum canonis ad scribo. *Quia speciali modo sancta* decreuit Synodus ut si ipsi liberti infra anni spatium, superuenienti suo Pontifici chartulas libertatis suæ præsentare neglexerint, protinus eos in pristinam seruitutis redigant conditionem, & licet illis congruentius satisque luculentius retractatum fuerat, hoc tamen à nobis conspicuū perpenditur, quo non solum & prædia Ecclesiarum debita auctoritate disponimus, sed etiam & oppressis pium suffragium porrigimus: per quod & cupiditas sacerdotalis frustretur & imbecillitas pauperum subleuetur. Quia ergo comperimus, quosdam Pontifices potius lucra sua ampliare studentes, quam de mercedis opere Domino placeant, liberos, quos ex familia Ecclesiæ, à suis prædecessoribus inueniunt, pro eo, quod libertatis suæ chartulas infra consultum tempus non repræsentent, statim eos in propriam seruitutem redigere: unde hoc pietatis studio generali modo subrogamus beneficium: ut si ydem liberti forsitan ignorauerint ordinem canonum; aut certe (ut adsolet fieri) ad præsentendas libertates suas tepuerint, ipsius Pontificis sollicitudo, mox in sedem sibi creditam successerit, per clerum aut domesticos, perquirere procurabit, quos docentes Episcopi de familiis Ecclesiæ manumissionis gratulauerunt: ut eosdem Pontifice præmonente, ipsi li-

Concil. Cæsar August.
3. Can. 4.

beri chartulas suae libertatis representent: qualiter nec liberi Ecclesia de institutione Canonum ignorantes se esse prohibeant, nec sacerdotis callida voluntas patefcat, unde contra ordinem reducantur manumissi ad originem servitutis. Quos, si Pontifice praemonente, contempserint infra anni spatium suas libertates propriae sedis Episcopo pandere, licitum sit ei, secundum Canonum sanctiones in iure Ecclesiae suae reducere.

CAPVT XI.

Quo tempore servitutis desierunt.

EN itaque humanissime lector uniuersa seruatorum & libertorum historia, ex variis tum legibus tum monumentis Cartis & tabulis eruta. Cui nil admodum vtile ac necessarium addi posse existimo, nisi labentium servitutum occasus finemque posset aliquis curioso consilio à nobis expectare.

Quam in rem dicendum primo non eodem tempore apud quasvis gentes servitutes desuisse, apud alias tardius apud quasdam serius iura ista & conditiones personarum exoleuerunt. Imo vero in vna, & eadem gente quaedam Collegia & societates seruos suos prius mancipatus iugo exemerunt iugo quam alia.

Si quidem manumissio publica, quâ sancti Germani sodales servitutem uniuerso iurbio remiserunt

serunt data, est anno 1250. & tamen nonnisi multo post tempore extincta est omnino seruitus in Gallia, regnante videlicet Ludouico Hutino, circa annum 1315. Is enim cum ad Bellum Flandricum instituendum pecunia indigeret, Libertatem pretio ad-dixit, & singulis qui vellent manumitti, certam summam ærario inferendam irrogauit.

In Flandria autem refert Meyerus, annalium Flandriæ, libro nono sub Margareta comite seruitutum iura desuisse. Id autem contigit circa annum 1252. Eodem, inquit, anno seruos & ancillas, à quibus morientibus dimidium bonorum mobilium Comites accipiebant, tota Flandria manumisit.

Meyerus
annalium
Flandriæ
lib.9.

Verum quidquid sit de Historiæ istius veritate, certe ultra hoc tempus durasse, seruitutes in Flandria, nemo audeat inficiari, qui cartarum & tabularum lectione vel mediocriter fuerit informatus. Nam apud Aubertum Miræum donationum Belgicarum cap. 129. legitur diploma quoddam manumissionis factæ à Sigero de Liede Kerke D. de Boulario, quaquidē manumittuntur serui & seruæ & offeruntur S. Andriano in Giraldis monte. Datum est autem diploma istud anno 1314. Itaque signum est post Margaretam Comitem plusquam annis 50. durasse seruitutes in Belgio.

Aubertus
Myrcus do-
nat Belgica-
rum ca. 129.

Quo autem tempore in Italia, germania & aliis partibus seruitus extincta sit, non satis notum. Ex Decretalibus summorum Pontificum circa annum millesimum ducentesium adhuc viguisse seruitutes dicitur. Si quidem Innocentius tertius qui sub

hæc tempora vixit, censet dirimendum matrimo-
nium, quod miles quidam contraxerat cum serua
& ancilla Monasterii, ignarus eam seruitute teneri,
capite ad nostram de coniugio seruorum. *

Innocent. 3.
cap. ad no-
stram de
coniugio
seruorum
lib. 4. tit. 9.

In Hispania quoque vsque ad decimum tertium
ferme sæculum durarunt seruitutes, & etiam nunc
durant in Mauris & Turcis, qui lege belli serui fiunt
Hispanorum & Lusitanorum quando capiuntur.
Ac mos est ibi permanere seruos etiam si Christia-
nam Religionem amplexi sint, quod certe non vi-
detur absurdum. Nam ista gentium iure & consue-
tudine inducta seruitus, Christianæ legi non aduer-
satur, quæ cum seruitute tot annorum spatio cohæ-
sit. Attamen Petrus Mattheus in summa constitu-
tionum Pontificiarum refert constitutionem edi-
tam à Pio quinto qua iubet eos seruos, qui recepto
baptismo patrocinium ciuis cuiuspiam Romani
implorarint, ipso facto liberos fieri.

Et si vero Monasteria & Ecclesiæ seruis suis liber-
tatem indulgerent: adhuc tamen antiquæ seruitu-
tis notas & vestigia in illis voluerunt residere. Notæ
autem sunt multiplicis generis quædam sacræ, quæ-
dam prophanæ. Inter prophanas sunt pensio sola-
ria, reditus & consuetudines quas pendunt anti-
quis dominis, obligatio panem coquendi in forno
Dominico vnam premendi in eiusdem torculari.
Sacræ notæ sunt oblationes, quas post purificatio-
nem mulieres altaribus monasteriorum facere te-
nentur, post partus singulos quasi hac oblatione
fœtus à se prognati seruitutem redimant, ius istud

in homines sui suburbij retinuerunt sodales sancti Germani diplomate à me citato.

Non refero hîc quædam alia seruitutis exutæ monimenta, vt manum mortuam, cuiusmodi manus mortuæ homines plurimi adhuc extant in Burgundia, Aruernia. de quibus, vide consuetudines Burgundiæ, & Chassaneum enarratorem tit. 5.

COROLLARIUM.

CVM præmissa de seruis & libertis Ecclesiarum tractatio, occasione bonorum Ecclesiæ suscepta sit: forsan inquireret aliquis, an ex tanta seruorum Ecclesiæ & libertorum multitudine res eius ampliores fierent atque auctiores, & an extinctis seruitutibus eiusdem patrimonium vel vncia minutum fuerit ac labefactatum.

Quibus respondendum non mediocres census ac redditus Ecclesiam è seruis ac libertis cepisse. Quidquid enim serui acquirunt, domino acquirunt: hinc Ecclesia eorumdem studio, atque industria prouetus colligebat non exiguos. Morientiû seruorum spolia ad ecclesiam pertinebant, iure mortuarii, cuius etiam vmbra quandam penes Germani monasteria superesse author est Hospinianus. Refert enim licere Abbatibus eius regionis seligere quidquid voluerint spoliorum nomine, putæ equum generosorem aut fortius iumentum. Præterea quamdiu seruorum opera Ecclesia vsa est, non

erant ei conducendæ extraneorum operæ, seu ad domos instauradas, sed ad angarias & parangarias, hoc est euectiones & transmissiones specierum quarumlibet. Erant etiam serui cerarij, qui ceram & oleum ad luminaria conferebant. Liberti Ecclesiarum si sine liberis obirent, illorum hereditatem capessabat Ecclesia, etiam eorum qui ex laica familia coram sacris altaribus forent manumilli, vnde immensi reditus & opes non pœnitendæ. Liquet ergo Ecclesiam olim multo ditio-rem, atque potentio-rem fuisse, nec esse quod sæculi homines residuum illi splendorem inuideant, quem si amittat necesse est Religionem, quæ nec opum ac diuitiarum illecebris commendata satis placet, hoc ornamento, quo maxime amatur à quibusdam, destitutam extremo fastigio ac contemptu squalescere.

SECUNDA PARS
DEREDITIBVS
ET CENSIBVS
ECCLESIA RVM,
LIBER PRIMVS.





SECUNDA PARS
DE REDITIBVS
ET CENSIBVS ECCLESIARVM,
LIBER PRIMVS.

De Decimis, Oblationibus & Primitijs.

P R Æ F A T I O.

QUOSCVQVE cupiditati suæ honores humana proponat ambitio, nil vnquam meo iudicio ad maiestatem altius, aut ad gloriam illustrius fingi potest, quàm Deo, apud quem omnia affluunt, largiri aliquid, & eum, cui ad magnitudinem & delicias deesse nil potest, sibi muneris alicuius largitione facere debitorem.

Quantumuis ergo certet diuina munificentia profusione donorum homines deuincire, magis certe commendatur apud nos eius pietas, caduca hæc nostra sumendo, quam sua dando. Dominorum est largiri: hæc vna Principum virtus, quam absque diadematum splendore & ingentis fortunæ gloriâ, imitari nemo feliciter potest. Regnat ocul-

to imperio in hominum mentes benignitas, blande expugnat, amice vincit & seruitutis impositæ gratiam, etiam ab his quos superauit emeretur. Quid ergo homini iucundius aut gloriosius esse potest, quam habere, vnde blanditijs ac muneribus Deum vincat, cum quo sine scelere non potest de imperio ac potestatis magnitudine colluctari?

Etiam vberissimo fœnore humana in Deum liberalitas ornatur. Nam qui in pauperes spargit & calamitosos, ac ærumnis fatiscentes beneficiis leuat, hunc vnicus manet munificentie fructus, vt se dedisse iucundissima cogitatione meminerit, & cum omnes tacent, intelligat se benefecisse.

At, qui in Deum aliquid de suis opibus confert, nec ingratum, nec impotentem debitorem assequitur, qui si immerentibus ac sceleratis liberalem se exhibet, quanto magis certabit hominum dona ac largitiones opulenti gratiarû torrentibus superare.

Cernimus post grandes pluuias cœlumque totum pene in imbres solutum, terram irrigari, glebas prius arescentes madescere, frondes æstu torridas noua viriditate indui, repullulare gramina, & mundum siccitate tabescentem resurgere. Post tantam cœlorum beneficentiam, quam gratiam terra syderibus rependit? quo se vestigio ac munere non ingratam significat? de tanti humoris copia, quam hiulcis visceribus hausit, moderatum exhalat vaporem, partem sui muneris cœlo restituit & abunde satiata tantillam pluuarum ac imbrium partem in fumum halitumque resoluit: & tamen dicā ne tam iu-

cūdam esse syderibus hanc suæ beneficentiæ relationem, vt ali vaporibus sydera, & quasi suauissimo nutrimento delectari nonnulli asseruerint.

Sed missis fabulis, tenuis ille & exilis vapor è terrâ emergens iterum materiam succedentibus pluuiis facit, & nescio quo naturæ ingenio, crescit in nubes immensas, & pares iis vnde enatus est.

Ita in reciproca mutuaque Dei & hominum beneficentia accidit : Angusta illa & mediocris frugum portio, quam decimarum titulo homines deo referunt, materia est & exordium futuræ messis. Prima semina non ea sunt quæ terræ mandantur, sed cœlo. Seminat in Sacerdotum manibus Religiosus agricola, antequam siderum inclementiæ opes ac sudores committat : nec dubitat quin fructum ingentem ex iis manibus metat, in quibus Deus nascitur & suauissimi frumenti deliciæ momento maturescunt.

Ne itaque decimarum pigeat, nisi quos piget sub Dei imperio viuere & qui turpissimâ frenesi laborantes malunt sine fructu esse auari quam cum fœnore liberales. Quamobrem cum ista in Deum parsimonia nemini possit esse utilis : spero non ingrata fore lectori, quæ de Decimarum pensitatione, iure antiquitate, necessitate sumus dicturi, præsertim cum nemo propriis commodis stilum mancipare me accuset, qui sciuerit res nostras æstimare, & animæ conditionem rimari.

CAPVT PRIMVM.

De prophanis Decimis Varia decimarum genera, pœnales tributaria, colonaria. Decumanum tributum regibus pendi solitum. Turcarum decimæ. Militum duo genera Vlesedzj & Timariotæ. Distinctio inter decimas Dominicas & Parochianas. Regiæ Capellæ iura &c.

PROPHANARVM decimarum hîc necessario præmittenda tractatio, quâ omiſſa, decimæ sacrę & Ecclesiasticæ natura & conditio non posset satis intelligi. Itaque decimæ prophanæ vel pœnales sunt, vel tributariæ, vel colonariæ. Pœnales, quę in pœnam alicuius facinoris cõmissi irrogantur, vt cum milites in bello capti, propter arma aduersus fortiores aut fœliciores lata decumantur id est, vnus è decem capite plectitur. Ita Appius Clodius exercitũ ob ignauiam decimauit : Macrinus militum decimum quemque, ob seditionem interfecit.

Græci decimandos statuerunt qui Xerxi ceciderant, apud Diod. Sicul. lib 9. Biblioth.

Fuit etiam in iudiciis pecuniariis vsu receptum istud decimæ pœnalis genus. Nam qui indebitam pecuniam ab alio mala fide postulasset, & ad soluendum conditione vadimonij compulisset, si causa caderet, decimam pecuniæ in controuersiam adductæ, fisco Principis pendebat, in pœnam litistererè & contra æquitatem institutæ. Eodem pacto qui creditori legitimo debitam pecuniam inficiabatur, eandem mulctam erario inferebat, postquam

sententia secundum actorem & creditorem fuisset dicta.

Hunc vero morem Athenienses seruauerunt, apud quos in ipso litis exordio, partes, decimam rei in controuersiam adductæ deponebant; quam quidem amittebat qui litem temere mouerat, quæ depositio κατὰ δίκην appellatur à Græcis, vt notat Budæus in prioribus Annotationibus ad l. posteriorem ff. de origine legis, talem vero consuetudinem apud Romanos defuisse refert Tribonianus ff. hæc autem inst. de pœna temere litigantium: sed eandem in usu esse apud Monpessullanos in Curia parui sigilli testatur Rebuffus tractatu de decimis, quæst. 3.

Budæus in pandectas.

ff. hæc autem inst. de pœna temere litigantium. Rebuff. tractat. de decimis q. 3.

Decimæ tributarie sunt, quas principes victis nationibus imperant, in specimen ac monumentum seruitutis. Ita Suidas refert Pisistratum Athenis durissima tyrannide pressis decimas imposuisse ex omni rustico opere persolundas, δεκάτην τῶν γεωργουμένων ἀπῆται τοῖς ἀθναῖς, à qua decimatione persolunda foeliciter se exemit lenex quidam, qui cum rupes asperas & terram omnino infertilem assiduo vomere perfringere tentaret & magnis sudoribus fereret, percontanti Pisistrato, Quid seminare in solo tam infelice? respondit σφαλέρως καὶ ὀδυράς, angustias & dolores. Hæc enim responsio tam libera occasio fuit Pisistrato, vt ioculari senem tributo decimarum eximeret, eo arbitror consilio, ne si senis istius agrum decimaret, decimam ærumnarum & dolorum capere cogeretur.

Suidas in voce σφαλέρως.

Agris prouincialibus populi Romani vt. pluri-

Cicero in
Verrinis.

Appian, lib.
1. Belli ciui-
lis sub ini-
tium.

munum Decumanum vectigal impositum: Vnde apud Ciceronem in Verrinis, agri Siciliae non semel *Decumani* appellantur, & Appianus lib. 1. Belli ciuili-
lis narrat populum Romanum agros publicos bello-
queſitos, sed iniuria dissidii ciuiliſ neglectos, dedisse colonis fruēdos, vtendos & possidendos ea lege, vt
annuum vectigal publico penderent, scilicet decimam seminum omnium, quintam vero fructuum
& pecorum, ac animalium tantam partem, quantam agrorum vbertas pateretur.

Leunclauius
in pandectis
Hist. Turci-
cae cap. 186.

Agri omnium pene prouinciarum, quæ Turcarum imperio parent, Decumanum tributum exol-
uunt: nam milites, qui ad præsidium & tutelam prouinciis incubant, quotannis decimam partem fructuum stipendii nomine ex agris colligunt. Ita docet Leunclauius in pandectis Historiæ Turcicæ cap.
186. vbi elegantem militum Turcarum differentiam profert. Quidam enim eorum vocantur *Vlesfedzij*, qui à quæstoribus ærarij publici, stipendium viritim accipiunt, quod illis per dies singulos persoluitur: iidem alio nomine dicuntur *Olopaghi*, quod suas stipes quotidie penitus exedant. Alij vero dicuntur *Timariotæ*, quibus *Timar* hoc est stipendium assignatur in prædiis & possessionibus in decimis seminum & fructuum: *Timar* vero corruptum est à Græco vocabulo *τιμή* quod honorem siue stipendium significat.

Idem porro Turcarum Imperator hæreditates suorum decimat, & licet defunctus abunde filiorum atque hæredum habeat, attamen bonorum
omnium

omnium ipse decimam præcepit, ita miseri eiusdem Imperatoris & mancipia sunt & cohæredes.

Apud Romanos olim lege Pappia cautum erat, ut donationum inter virum & uxorem decima pars fisco inferretur, quoties nulla matrimonij pignora, nulli hæredes interuenissent: quam legem sustulerunt Imperatores Honorius & Theodosius, statuentes ut, seu vir, seu vxor, tantum sibi mutuo relinquere possent, quantum vis & magnitudo amoris pateretur.

L inter viros Cod. de infirmis pœnis coelibatus lib. 8. tit. 58.

Apud Gallos vero certum est agros tributarios ut plurimum decimam fructuum Principi expendisse. Inde forsan natæ sunt decimæ Dominicæ, quæ à sacris decimis & Ecclesiasticis omnino distinguuntur: quia decimæ sacræ debentur titulo pietatis, ac religionis; decimæ Dominicæ debentur titulo subjectionis & domini: Decimæ sacræ debentur Sacerdotibus, & saltem non sine summorum Antistitum assensu transferri possunt in alienam manum. At decimæ Dominicæ ex mero pendent arbitrio Principis, possuntque incòsultis Sacerdotibus & Religionum præfectis vendi, donari, alienari.

Prima opinio de Dominicis decimis.

Tandem decimas sacras & Ecclesiasticas Ecclesiæ agri dotales & proprii non soluunt, at decimis Dominicis & Regiis etiam Ecclesiæ agri obnoxij esse possunt, nisi Principis munificentia tributum istud in fauorem Religionis eiurari, ut ostendimus loquendo de terris & mansis tributariis. Fuisse autem eiusmodi decimas Dominicas distinctas à sacris & Ecclesiasticis, patet ex Concilio Meldensi sub

Concilium
Meldenſe
ſub Carolo
Caluo, can.
75.

Carolo Caluo Canone 75. Vbi diſerte ſecernuntur decimæ Dominicæ à Parochianis & ſacris, ex eo quod Dominicæ à Rege traditæ ſint in dotem Capellarum Regiarum. Nam prout regi libuiſſet, Capellam erigere licebat cum aſſenſu Antitiſtum, eam vero extructam dorabat Dominicis decimis: at quia Reges nonnunquam earum Capellarum curam tradebant laicis, in beneficium & ſtipendium id ægre ferentes Patres Concilii Meldenſis hortantur Principem vt Capellas ſuas, ſi fieri poſſit deinceps viris Eccleſiaſticis committat, ſin minus laici, qui Capellas regias occupant; ſolas Dominicas percipiant decimas, Parochianis decimis in ſolidum Preſbytero Eccleſiæ relictis. *Indignum valde eſt, vt qui in Regia dignitate ceteros Eccleſiæ filios auctore Deo præcellitis, negligentius quæ Dei ſunt exequi & deamini. Vnde dignum erat, vt Capellas villarum veſtrarum laicis non committeretis; ſed potius illis, qui & eadem ſacrata loca religioſius tractarent, & vobis exinde adiuti obſequium debitum impenderent. Sed quia aliter cauſis interuenientibus res ſe habere dignoſcitur, monemus & hortamur, vt ſecundum canonicam auctoritatem, ne quod abſit periculum interdicti an athematis; ex decimis præſumptis incurratis, ſi Capellas veſtras Preſbyteris, aut viris Eccleſiaſticis dederitis, & Dominicas decimas acceperint, ſarta teſta Eccleſiæ & luminaria exinde competenter provideant, & Preſbyteri Parochianas decimas accipiant, & populi neceſſitatibus debite inuigilent. Si autem laici Capellas habuerint, à ratione & auctoritate*

alienum habetur, ut ipsi decimæ accipiant, & inde canes aut gyneciaras suas pascant. Sed potius Presbyteri Ecclesiarum eas accipiant & inde restorationem Ecclesiarum, & luminaria, & hospitum ac pauperum receptionem exhibeant, & pro vobis ac statu regni vestri Domini misericordiam studiosè implorent.

Beatus Rhenanus rerum Germanicarum lib. 2.

Beat. Rhenan. lib. 2. rerum Germanicarum.

Dominicarum decimarum meminit, easque distinguere non modo à Parochianis & sacris decimis, sed etiam à rebus & bonis Ecclesiasticis agnoscit. Res Ecclesiarum in beneficis & ex liberalitate regia possidebāt nobiles, etiam Dominicas decimas, quæ ad sacella regia pertinebant, diuersas à Parochianis.

Decimas vero Dominicas fuisse canonem & vetigal regi solitum persolui etiam ex Ecclesiasticis prædiis, constat ex constitutione Clotarii Regis, ad annum Christi 560. & habetur tomo 1. Conciliorum Galliæ operâ doctissimi Syrmondi collectorum. In ea enim constitutione reprimit Clotarius quorundam decimatorum insolentiam, qui ex agris, pascuis & gregibus Ecclesiæ decimas exigebant: quorum hominum rapacitati ut haberet Ecclesia quod obijcere posset, solenni diplomate Rex optimus edixit ne in posterum decimæ Regiæ ab Ecclesiæ prædiis sumerentur. *Agraria, inquit, pascuaria vel decimas porcorum, Ecclesiæ pro fidei nostræ deuotione concedimus: Ita ut actor aut decimator in rebus Ecclesiæ nullus accedat, Ecclesiæ vel clericis nullā requirant agentes publici functionem, qui aut vel genitoris aut germani nostri immunitatem meruerunt.* De porcorum ad-

Constitutio Clotar. ann. 560. tom. 1. Concil. Gal.

L. Visigoth.
lit. 5.

missione in sylvas glandarias sub conditione decimarum multa continent leges Visigothorum tit. 5. de pascendis porcis & animantibus errantibus denuntiandis. Quamobrem cum ex dicta Clotarij Constitutione manifestum sit regibus olim certum canonem ex agris & pascuis pensitatum, & decimas animalium persolutas : probabile est Dominicas decimas ex iis pensionibus constituisse.

Alia expositio
Domicanarum
decimarum.

Existimo vero aliter posse intelligi, & Dominicas decimas nil aliud fuisse quam decimas prædiorum, quæ Regi titulo domanii competerent ; Nam quia Rex nullius Parochiæ subjacet, sed Capellanos habet, quibus cura animæ suæ demandata est. Idcirco Regis arbitrium erat decimas suas, cui vellet tribuere, & Capellis à se intra fines regionum prædiorum constructis vindicare. Inde natum discrimen Parochianarum & Domicanarum decimarum. Eam vero fuisse regionum Capellanorum prærogatiuam, ut animæ regis curam gererent, docet manifeste diploma foundationis Capellæ Diuionensis, quæ erecta est ad instar Capellarum regiarum, per Hugonem tertium Burgundiæ Ducem, anno 1172. in qua quidem foundatione hæc leguntur. *Nec Dux nec Ducissa Capellanum habebit, nisi decanum Capellæ vel aliquem de Canonicis ipsius, qui videlicet decanus vice Domini Papæ curam animæ Ducis & animæ Ducissæ debet habere, sicut in presenti habet curam animæ meæ Nicolaus Capellanus meus & decanus Capellæ, quam curam ipse, à Domino Papa Alexandro sumpsit.* Quo vero gradu fuit postea decanus Capellæ Diuionensis

Apud Albertum
Miserum legi-
tur hoc di-
ploma.

apud Ducem Burgundiæ, eo fuerant longe ante in familia regis Archicapellani. Illi enim coram Principe sacris mysteriis operam dabant, eiusdemque animæ sollicitudinem gerebant, denique totum Clerum Palatinum suis legibus moderabantur ut constat ex Hincmaro remensi epistola 3. ad quosdam Franciæ Episcopos, in qua dignitates omnes & officia curiæ accuratè depingit. Clerus itaque Palatinus nemini nisi Capellæ magistro parebat, unde Concilium Moguntinum tres Clericorum classes facit, quorum alii sunt sub Episcopo, alii sub Abbate, alii in seruitio Domini regis. Ex quibus patet Regem, suum Clerum habuisse, suosque Sacerdotes ab omni auctoritate superioris Episcopi liberos: Proinde cum Capellarum regis, & Capellano- rum eadem sit conditio, ut Capellani seorsim Clerum conficiebant, ita & Capellæ singulæ exiguam veluti Parœciam componebant ac Diœcesim, ad quam decimæ Regionum prædiorum spectabant, quas propterea Reges nutu suo dispensabant, dabantque vel Ecclesiasticis, vel laïcis: atque ita facile est sensum Canonis Meldensis assequi & distinguere inter decimas Dominicas & Parochianas.

Hincmarus
Rem. ep. 3.

Concilium
Moguntinū
c. 22. de cler-
icis vagis.

Huic vero interpretationi fulciendæ, sæculi præ- uitas & magnatum eius ætatis superbia non me- diocriter conferunt. Namque labente tantisper dis- ciplina Ecclesiæ & reuerentia sacri ordinis ab ani- mis nobilium excussa, suis decimis sibi ad libidinem uti licere Proceres arbitrabantur. Propterea si alicuius Ecclesiæ licet propriæ & Parochialis Sacerdotes

inuifos nec fatis gratos & amicos haberent: Illis odio impio & nefario fuas decimas eripiebant, & alteri Ecclefiæ, cuius fortaffe miniſtri ſibi gratiores eſſent & chariores eas donabant. Inſuper nonnunquã oratoria in ſuis prædiis conſtruebant, ad ſimilitudinem Capellarum, quas in villis ſuis Rex habebat, putabantque ſe poſſe iſtis oratoriis ſuas decimas contradere.

Capitulare
Caroli ma-
gnidatum
ad Saltz,
tom. 2. Cœ.
Gallie.

Hinc tot Canonibus & ſanctionibus Regiis aduerſus eam transferendarum decimarum licentiam pugnatum eſt, vt nemini dubium eſſe poſſit hunc errorem & morbum grauem ac violentum fuiſſe. Capitulare Caroli Magni, anno 4. Imperii datum ad Saltz, expreſſe prohibet, ne oratoriis magnatum liceat decimas adſcribere, & antiquiores Eccleſias nouarum Baſilicarum intuitu ſpoliare. *Quicumque voluerit in ſua proprietate Eccleſiam edificare, cum conſenſu & voluntate Episcopi, in cuius Parochia fuerit, licentiam habeat. Verumtamen omnino providendum eſt, vt alię Eccleſie antiquiores propter hanc occaſionem, nullatenus ſuam iuſtitiam aut decimam perdant, ſed ſemper ad antiquiores Eccleſias perſoluantur.* Capitulare Ludouici Pii Imperat anno 828. *Quicumque decimam abſtrahit ab Eccleſia, ad quam per iuſtitiam dare debet & eam præſumptuoſe vel propter munera aut amicitiam vel aliam quamlibet occaſionem ad alteram Eccleſiam dederit, à Comite vel à miſſo noſtro diſtingatur & eiſdem decimæ quantitatem, cum ſua lege reſtituat.* Denique Capitularium Caroli & Ludouici Imperatoris per Anſegiuſum collectorem lib. 2. cap. 36.

Capitulare
Ludouici
En ibid.

idem error prohibetur. Ecclesiæ antiquitus constitutæ nec decimis, nec alijs possessionibus priuentur itaut nouis Oratorijs tribuantur. Cum ergo ea ætate nobiles id sibi iuris insolenter arrogarent, vt nempe in prædijs suis propria haberent oratoria, quibus suas persoluerent decimas: quid mirum si quod Ecclesiæ in istis cohibuit, attamen istud idem Capellis Regiis tanquam insignem prærogatiuam & singulare priuilegium indulxit, præsertim cum Rex perpetuo fuerit à reliquo Parochianorum grege secretus, nec ordinariis pastoribus villanorum more subiectus. Itaque cum Ecclesiæ Gallicana aduersus Dominicas decimas insurgit non tam rem carpit & consuetudinem, quam vitium rei & consuetudini insitum. Non solum enim decimas suas à Parochianis Reges secernebant, sed etiam vtendas, fruendas credebant laicis & prophanis hominibus, qui Capellas & ædes sacras fordescere, labi, dissipari & omnia in fœdissimam ruinam solui negligentissime patiebantur: dum interim luxuriam suam & ambitionem decimarum prouentu alerent, & Christi impensis ac stipendio dæmoni tamen & sceleribus militarent. De cuius morbi remedio cogitabat Ludouicus Pius Imperator: cum inter capitula quæ in conuentu Episcoporum discutienda decernit, istud ante omnia constituit de decimis, quæ ad Capellas Dominicas dantur, & hominibus qui eas habent & in vsus suos conuertunt.

To. 2. Concil. Gall.

Tertium genus decimæ prophanae illud est quod Colonarium appello. Nempe vt plurimum coloni

Tertium genus decimarum,

decimam partem fructuum, Canonis nomine pendebant Dominis prædiorum, & ut ita loquar proprietariis: quam præstationem summam & exactissimam esse voluit Iustinianus, ut constat ex eiusdem colonariis legibus per Harmenopulum excerptis.

Leges colonariæ per Harmenopulum excerptæ apud Leunclauvium. 10. 2. p. 258.

tit. περὶ μορτῆς, l. 2. μορτίου μέγας δὲ μείον ἐστὶν ἐνεία, καὶ ἐξ ὧν τὸ μέγας δὲ μείον ἐστὶν ὅ ὃ ἐκ τῶς τοῦτου μετὰ τοῦ μείονος, τοῦ καὶ τῆς τοῦ. *Partiarii coloni pars, nouem sunt fasciculi: Domini portio, qui fundum dedit, fasciculus unus, qui extra hac partitionem fecerit execrabilis esto.*

Leges Baiuuariorum eundem canonem Ecclesiasticis colonis pendendum imperant, nempe de triginta modiis tres, decimum fascem de Lino, de Apibus decimum vas. Agnoscit & eandem colonariam

Argentoratus ad art. 266. consuetud. Britannicæ p. 1130.

decimam Argentoratus ad articulum ducentessimum sexagesimum sextum consuetudinis Armoricæ. *Vtitur, inquit, hac Regio certo contrahendi genere, quod Terragium appellant Latinè verbum pro verbo Solarium dixerit: usus est, cum prædia fere inculta colenda certis colonis tribuuntur perpetuo, aut vero temporario iure, lege dicta, ut in annos singulos, decima fructuum auctori rependatur. Cum ergo vltimatissimum fuerit istud decimæ colonariæ genus apud antiquos, caute prospiciendum est ne inter legendum decimæ colonariæ cum sacris confundantur. Sæpe enim cum hunc aut illum nobilem narrant decimam dedisse Ecclesiæ, præpostera cogitatione statim venit in mentem Ecclesias ex beneficio nobilium & munificentia optimatum decimas accepisse: cum tamen decimæ istæ, quas Domini prædiorum Ecclesiæ intulerunt*

intulerunt, fuerint decimæ Colonariæ, quas ipsi iure proprietatis percipiebant. Vnde colligo in quibusdam partibus fieri potuisse, vt Ecclesia geminas obtineret decimas, Sacras nempe & Ecclesiasticas: Laïcas titulo Religionis, prophanas verò titulo dominij temporalis & proprietatis fundorum sibi nobilium beneficentia condonatæ.

C A P V T · II.

De Decimis sacris quo iure debeantur. Probatnr deberi iure diuino naturali decimas, Primitias, & Oblationes.

Non est nouum ad Dei honores dæmonem anhelare, & cum eius Maiestate ac legitimis honoribus, fastu & superbia colluctari. Nil solent tyranni de sincerę potestatis gloria remittere & cū iure regnare non possint, seueritate dominatum firmant, & negatam reuerentiam eò atrociùs plectunt, quò magis intelligunt sibi non deberi. Quippe sentiunt populos, si quando suis legibus præuaricantur, non tam errore humano labi, quam odio vsurpatæ potestatis rebellare.

Quid mirum ergo, si decimarum Religione iniquissimum olim Principatum dæmon illustrarit? noluit sibi quidquam deesse ornamentis, quod diuina Maieestas aliquando possideret: vt si non auctoritate, saltem temporis prærogatiua Christum

anteuerteret & insito sibi fastu gloriari posset, se omnes eius honores, anteriore imperio preguistasse.

Inde cogitationem inmisit paganis nil faustum, nil auspiciatū cedere, nisi Numinibus pollicitatione decimarum conciliatis. Quamobrem quotquot erant lucri aucupes, mercatores, propolæ: illi sui compendii & commodi decimā Herculi vouebant, quò tanto Heroë in societatem lucri vocato, facerent, ut Numinum quoque interesset, res suas & commercia fortunâ secundiore promoveri. Id vero factum liquet ex l. si q. is rem aliquam § si decimam ff.

Herculanæ
decimæ me-
mi it Ter-
tull. in Apo-
log. c. 39.
Cicer. lib. 3.
de Nat.
Deorum.

de pollicitationibus. Propterea eam portionem veteres *Herculanam* vocant, Varro lib. 5. de lingua Latina, Cicero lib. 3. de Nat. Deorum. Græci Delphico Apollinis decimas sacrabant: Hinc Xenophon in Oratione de laudibus Agesilai, scribit ipsum de subactis agris, ac regionibus decimam centum talentorum Delphico Deo consecrassè intra duorum annorum spatium. *Εν δὲ οἷν ἐπὶ τοῖν πλείον τῶν ἑκατὸν ταλάντων τῷ θεῷ ἐν δελφοῖς δεκάτην ἀπὸ τῶν.*

Herodot. lib.
2. & lib. 9.

Herodorus lib. 1. scribit Cræso monente Cyrum decimam hircorum omnium Ioui reddidisse: Idem lib. 9. ait Æginetas victo tandem ad Platæas, Persarum exercitu, decimam spoliolum diuis persoluisse. Cyrus eodem exemplo, cum opulentissimam Lydiorum urbem expugnasset, iussit ad portas urbis, milites quosdam excubias agere ac prohibere ne quid spoliolum efferretur, priusquam decimam, Diuorum clementiæ debitam præcerpsisset. Decimā thuris apud Sabæos Sacerdotibus pen-

dunt, nec ante licet exportare, aut mercari, quam sacri Antistites decimam legerint, & Deorum honorem, eorundem ministri prælibarint.

Plin. lib.
cap. 15.

Non ergo apud solos Israelitas viguit Religio decimarum, nec soli eorum Sacerdotes hunc censum suis commodis adscripserunt: quibuscūq; Numinis alicuius seu veri, seu commentitij opinionem quandam ac informationem natura iniecit, illi omnes nostrarum fortunarum parte aliqua Deum esse colendum donandumque censuerunt, qui licet humanis largitionibus ditescere nesciat, amat tamen muneribus nostris quasi vinculis quibusdam necti, & ad benefaciendum, etiamsi noller, obligari.

Quo autem iure debeantur decimæ inquirendum. Ac primo ne quid supersit dubij, seiungenda est decimarum substantia, à quota earundem parte. Substantiam appellamus portionem quandam fructuum confusam ac indefinitam, quæ Deo penditur: quòtam vero nominamus determinatam quantitatem, puta vt ex decem fasciculis decimus, vel ex duodecim duodecimus persoluatur. Quo prænotato. Censeo Decimas, nec-non Primitias, Oblationes, ex informatione iuris naturalis promanasse: nec modo præcepto quodam ac imperio diuino infiniti, verum è naturæ disciplina doctrinâq; tacita eruditione omnium animis infusa produisse. Vnde enim Gentium omnium consensus, & publica conspiratio, in Decimis, Primitiis, & Oblationibus Deo consecrandis, nisi è communi omnium

Gentes omnes in decimis consentiunt.

magistra natura processit, quæ ut auctoritate aliqua nuntius Superioris mundum regi suadet: Ita huic, obsequio ac officio litandum prædicat. Hæc enim officia & significationes prout ad seruendum animi si auferantur, necesse est hominem perpetuâ sui auctoris obliuione teneri & seipsum sui arbitrum ac rectorem iniquissimo fastu ostentare.

Quo titulo
Deo debentur
decimæ
& Primitiæ.

Deus est simul
Dominus fundi
& Colonus.

Licet vero vnicus sit Deus & mentem ac personam mutare nesciat: attamen ubi homini fauendum est, omnem frontem vultumque induit: agrorum dominus idemque colonus est. Etenim & manu ingeniosa campos in planitiem extendit, fecitque verbo totum illud terre spatium, è cuius sinu statim temporibus segetes emergunt, pullulant plantæ, fructus denique tam varii ad hominum delicias & satietatem oriuntur. Idem vero agros à se conditos & expansos, nunquid sedulus nauusque colonus exercet? immittit pluuias, inducit riuulos, calorem æstumque transfundit: & quidquid seu ramis pendulum, seu aristis obsitum, seu vaginis inclusum, seu arbutis affixum, seu humi decubuum terra progerminat, id totum opus est Dei. Huius manu cessante frustra serit agricola, frustra sentes dumosque resecat, frustra sudoribus campum rigat, è quo, citra Dei opem, nil præter ærumnas meteret & fastidia. *Neque qui plantat, neque rigat, sed qui incrementum dat Deus.*

Cum ergo geminam diuina magnitudo personam sustineat & domini agrorum & eorundem Coloni: Ita quoque duplex lucrum, commodum

que iure merito potest ex iisdem repetere. Primum ratione domini, secundum ratione culture & operę in exercendis terris nauatę. Quare si dominis prędiorum, ratione proprietatis, decima penditur vt ostendimus: an eadem erit deo deneganda; cuius ea omnia sunt propria; quę precario tantum & ex indulgentia ab hominibus possidentur? De Primitiis eadem ratio instituenda est. Nam si Colonis partem fructuum subducere scelus est, & eorum operas ingrata parsimonia frustrari: certe Dei beneficium impia cęcitare ignoret necesse est, quicumque primitias ei subtrahit, cuius sole & pluuijs fruges nostrę aluntur ac maturescunt. Eam rationem Primitiarum deo soluendarum agnoscit Philo Iudęus libro. Quis rerum diuinarum hęres sit. Quod autem, inquit, Primitias postulat, id ad erudiendos nos facit; Nam reuera corporũ ac rerum Primitię Deo debentur. Id si scire vis. Considera stirpes, animantes, artes, scientias. Prima stirpium semina sunt ne agriculturę an inuisibilis naturę opera, quid hominum cęterorumque animalium generatio? nonne parentum operam habet accessoriam antiquissima veraque eius causa natura est &c. *Ὅθεν τῆς φύσεως περιουσίαι κατὰ λογίαν, καρπίας, ἢ τῆς ἀρετῆς φύσεως εἰσὶν ἔργα.* Ista ergo sunt Primitiarum ac decimarum fundamenta.

Quod ad Oblationes pertinet, mihi videntur deo deberi, titulo læsę atque offensę eiusdem Maiestatis: nam cum eius clementiam continuo scelere laceessimus, cœlumque stultitia petentes, ponere fulmina non patimur (vt cum Prophano loquar)

Quo titulo
debentur
Oblationes.

Certe demulcendæ atque pacandæ cœlestis iracundię rationes aliquas inuenire oportuit, quibus inflatæ auctoritati Numinis iniuriæ sarcirentur. Eam vero artem leniendi iustam cœlorum indignationem, præbent Oblationes ac munera aris admota, præsertim si mutata mente & castigatis moribus ad sacrum puluinar lachrymis perfusus peccator accedat, & cum fragili donario mentem adferat meliora meditantem. Cum ergo iure naturæ Deus dominium terrarum omnium habeat, cum ex eodem iure Colonis operarum fructus debeantur, cum necesse sit iniuriam factam vel ære, vel corpore luere, & cum pacare offensum pars sit æquitatis naturalis: Hinc concluditur decimas, Primitias & Oblationes, non esse præceptualicuius diuini, sed informationis naturalis: adeoque non alio titulo teneri homines, ad hæc officia Pietatis ac Religionis præstanda, quam ad Deum colendum & adorandum.

Secundò idē è Philosophicis principiis probatur. Quippe docet Aristoteles Politicorum l. 1. cap. 5. quasdam seruitutes ortum habere à natura, cuius hoc suffragium est, vt deterioribus imperent meliores, *ὥς ἡ φύσις ἐν τῇ δόξῃ, τὰ μὲν ὄντι τὸ δὲ χρῆσθαι τὰ δὲ ὄντι τὸ δὲ χρῆσθαι, &c.* Si ergo seruitutis iugo natura quosdam subdidit, voluitque imbelles, sceleratos, flagitiosos, amentes, strenuis bonis ac ingeniosis famulari. Quanto equius est hominē, Deum summe bonum, & bonorum omnium fontem colere, eidemque assiduo mancipatu deferuire. At seruitium & famulatum quicumque debet, cum neces-

Arist. lib. 1.
Polit. cap. 5.

fecit obsequii sui significationem edere, & certis
iudiciis profiteri. Si ergo feudorum domini certa im-
perarunt obsequia suis hominibus, quæ licet ces-
sarent, nihilo tamen dominus feudi pauperior es-
set ac infelicior? Cur non homines Divinæ Maie-
stati in supremi dominatus testificationem, cer-
tam bonorum suorum partem exolvent, & fidem
ipsi ac clientelam certis pignoribus spondebunt? Ea
olim fuit mens Augustini seu alterius antiqui Patris
de rectitudine Catholicæ cōversationis tractat. 20.

*Unusquisque de quali ingenio vel artificio vivit, de ipso
decimam Deo in pauperibus vel Ecclesiis donet. Consi-
deret quia omnia Dei sunt per quæ vivit, siue terra, siue
flumina, siue semina, vel omnia quæ sub cælo sunt, vel
super cælos. Et si ipse non dedisset nil vixque haberet.
Nam Deus, qui dignatur totum dare, decimam de suo di-
gnatur nobis repetere, non sibi penitus sed nobis profutu-
ram, sicut & ipse promissit per Prophetam dicens. Inferte
inquit, omnem decimationem in horreis meis & probate
me in eis dicit Dominus, si non aperuero vobis fructus
quæ possidetis super terram. Eandem pene senten-
tiam repetit, Serm. 219. Proptio Christo, fratres cha-
ritati, iam prope sunt dies in quibus messes colligere de-
beamus, & ideo gratias agentes Deo, qui dedit de offe-
rendis, imo de reddendis decimis cogitemus: Deus enim
qui dignatus est totum dare, decimam à nobis dignatur re-
petere, non sibi sed nobis profuturam. Quibus locis
Augustinus obligationem decimarum soluendarū
deducit ex iusto dominio, quod Deus in res uni-
versas obtinet, ratione cuius non tam Deo aliquid*

August. seu
quis alius de
rectitu. Ca-
thol. con-
versat. tract.
20. tom. 9.

Malach. 3.

Aug. serm.
219. alias
220. to. 10.

donare censentur mortales; cum decimam ei tribuunt; quàm Deus, ipsimet nouem partes residuas de rebus sibi propriis & acquisitis relinquere. Hinc decimarum negatarum iniuriam Hieronimus deo infligi censet, cuius beneficiis in posterum dignus non habetur, qui ipsius munificentiam turpi parsimonia dedecorat, & flagitiosa tenacitate, Domini tam liberalis gratiã, renuit parte aliqua acceptarum opum emereri. *Quod de decimis, inquit, primitiisque diximus, quæ olim dabantur à populo Sacerdotibus ac Leuitis, in Ecclesia quoque populis intelligite, quibus preceptum est non solum Decimas dare & Primitias, verum etiam vendere omnia quæ habent & dare pauperibus, & sequi Dominum saluatorem. Quod si facere nolumus saltem Iudaorum imitemur exordia, ut pauperibus partem demus ex toto, & Sacerdotibus ac Leuitis debitum honorem deferamus. Vnde dicit Apostolus, honora viduas, quæ vere viduæ sunt, & Presbyterum duplici honore honorandum, maxime qui laborat in verbo & doctrina Dei. Quod qui non fecerit Deum fraudare & supplantare conuincitur, & maledicitur ei in penuria rerum omnium, ut qui parce seuerit, parce & metat, & qui in benedictione seminauerit, in benedictionibus colliat abundanter.* Ita Hieron. in Zachar. cap. 3. to. 6.

Hieron. in
Zachariam
cap. 3. to. 6.

Matth. 10.

2. Cor. 5.

Tertium ar-
gumentum
quo proba-
tur decimas
esse iuris na-
turalis.

Tertium argumentum, ad probandum decimarum obligationem esse de iure naturali, ipsa consuetudo etiam ante legem omnem recepta, usuque confirmata subministrat. Antequam enim ullus esset Sacerdos, qui partem & portionem fructuum capere posset, & in suum commodum conuertere, pri-
mis

mis hominibus visum est diuinam Maiestatem mun-
neribus ac Decimis conciliare: Hæc prima Pietatis
ac Religionis monimenta in sacris reperiuntur co-
dicibus: cum duo fratres, fortasse soli præter Adamū
& Euam mundi incolæ, de gregibus suis ac fructi-
bus munera obrulerunt Domino. Quid enim fue-
runt Oblationes Caīm & Abelis, nisi initia quædam
& auspicia Decimarum? Ex quibus infero Deci-
mas & Oblationes non deberi tantum eo nomine,
vt ex iis ali possint Sacerdotes, & qui Sacris præsumt
sua inde commoda captare. Nam antequam vlli
essent rebus Sacris præfecti, quibus oporteret vi-
ctum à populo ministrari, iam tum vigeat consue-
tudo quædam, certam portionem frugum atque
animantium Deo consecrandi. Neque ea tantum
apud Plebeios piè ac religiosè culta est. Sed apud
Principes ipsos viguit Abrahamū nepem, qui, vt paucis
dicam, armatus, victor & triūphali exercitu circum-
fusus, Decimas persoluit Sacerdoti Melchisedech,
in quo Sacerdotij Euangelici origo, vmbraque de-
litescebat. Pudeat itaque nostri temporis fastuosos
quosdam & insolentes homuncios, titulo Nobilita-
tis ficto certe & inani gloriantes, aduersus tam re-
ligiosam pendendarum Decimarum consuetudinē
minis atrocibus, truci supercilio & familiā ad Do-
mini libidinem tumultuante obluctari: Pudeat ar-
mis, ensibus & plumato vertice imbellibus vicariis,
& timidulis curionibus metum ac pallorem incute-
re. Pudeat villicis ac colonis suis nefarias fraudes,
ac impia furta suadere: Non Sacerdotibus sed Deo

Quorūdam
nobilium
fictis in
Decimis re-
tinendis.

rapitur, quidquid è Decimis perit. Fruges Sacerdotum in nobilium horrea comportatæ semina sunt egestatis ac penuriæ, ad quam dissipatis stemmationibus, & nobilitatis luce multis sordibus obductâ, plerumque non alio, quam suæ avaritiæ fato compelluntur.

Metito ergo in rapinas fraudesque laïcorum Decimas decurtantium, inuehitur Innocentius III. Epist. ad Vercell. Episcopum, demonstratque iniuriam his latrociniis, non hominibus, sed Deo irrogati, cuius nomine & auctoritate Decimæ colliguntur. Cum, inquit, Deus cuius est terra & plenitudo cuius orbis terrarum & universi qui habitant in eo, deterioris conditionis esse non debent, quàm Dominus temporalis, cuius statutum de terris, quas exhibet aliis excolendas nequidem deductis sumptibus, aut semine separato necessario cum integritate persolvitur, nimis profecto videtur iniquum, si Decimæ quas Deus in signum universalis Domini sibi reddi præcipit, suas esse Decimas & Primitias assueverant, occasione præmissa, vel excogitata magis fraude diminui valeant.

Innocent.
III. cap. tua
nobis de
Decimis.

Ea certe amplissima nobilium laus erit, si Deo se mancipatos, ac vectigales agnoscant, in quem avarum esse scelus est, dum infans largitionibus magnificentiae gloriam apud homines aucupatur. Ideoque Patres perpetuos laudant Christianos & Principes viros eo maxime capite quod Decimas & Primitias religiose persoluant.

Non est itaque arbitrandum Decimarum leges temporarias tantummodo extitisse, & dissoluto

Mosaicæ legis testamento euanuisse. Ante legem decimæ fuerunt, earumque iura non tam Christi Euangelio extincta quam confirmata. Ita sentit Clemens Romanus Constit. Apostolicarum lib. 2. cap. 39. Vititurque argumento Christi, qui inquit Christianorum vult Scribarum & Phariseorum pietati, multis spatiis anteire. *Nisi abundaueritis iustitiis vestra pluquam Scribarum & Phariseorum, non intrabitis in regnum Cælorum.*

Clement
Rom. lib. 2.
Constit. c. 39.

Ambrosius Serm. 33. præstationem decimarum inter illustriores Christiani hominis notas annumerat. *Non nobis, inquit, sufficit quod Christianum nomen præferamus, si opera Christiana non facimus: Decimas nostras annis singulis de cunctis frugibus pecoribus erogandas præcepit Dominus. Et Sermone 58. Ille vere bonus est Christianus, qui furtum non facit, falsum testimonium non dicit, qui non mentitur, qui adulterium non committit, qui ad Ecclesiam frequentius venit, qui de frugibus suis non gustat, donec aliquid ex ipsis Deo offerat, qui Decimas Deo annis singulis, erogandas pauperibus reddit, qui Sacerdotibus suis honorem impendit.*

Ambrosius
Serm. 33.

Ambrosius
Serm. 58.
to. 5. operum.

De quota Decimarum. An sit iuris diuini an vero Ecclesiastici.

C A P. I I I.

ET si nemo sit, modo vel mediocriter Religio-
nem curet qui audeat inficiari obsequii nomi-
ne aliquid deo consecrandum, & tantorum aucto-
rem beneficiorum, grati animi significatione qua-
dam excipiendum. Plures tamen sunt qui aduersus
decimas insurgunt, quod dicant eam portionem
fructuum nimis amplam esse, atque vberem, ne-
que tam opimis redditibus Ecclesiæ Sacerdotes ege-
re, vt vitam ducant cominode, cuius voluptates ac
delicias ieiuniis, & austerâ corporis disciplina te-
nentur eluctari. Paruo constant & facile parantur,
quæcunque natura ad vitæ munimentum postulat.
In deliciis & superfluis magni redditus pereunt: ad
luxuriam fastumque opulentia vocat: vt solent blan-
di ac sereni soles, homines suis plerumque subdu-
cere laboribus, & ad ruris amœnitatem totis sensi-
bus libandam euocare.

Argumenta
quibus quo-
da Decima
impugna-
tur.

Huic suæ opinioni quædam argumenta velut
Atlantes supponunt. Primum est, in Ecclesiæ nascē-
tis exordio, vnde Euangelii puritas maxime peten-
da est, istam Decimarum Sacerdotibus soluenda-
rum consuetudinem fuisse inauditam. dicunt soli-
tos fuisse veteres Christianos, pro feruore pietatis
stipes liberas, & iniussas in commune ærarium con-

ferre non per modum vectigalis, sed misericordiæ & benignitatis: ita enim loquitur Tertullianus à nobis citatus, lib. i. huius operis, c. ultimo. Itaque Oblationes Christianorum olim beneficia fuere non census, charitates non debita, eleemosinæ non tributa. Non illic Prætoris imperia, non tribunalium metus, non lictorum turba stipes exigebat. Huic præstationi vna præsidebat pietas, quam ne violasse quidem credebatur, qui pecunias suas Sacerdotibus negabat, modo mentis bene compositæ affectus, & studia deo consecraret. Ergo inquirunt à maiorum disciplina defecere, qui pervadimonia, & lites, Decimas à miseris, & squalentibus rusticis quæ-
runt: eosque cogunt Sacerdotibus alimenta erogare, quorum frontibus fames, & penuria maciem & pallorem induxit.

Secundum argumentum petitur è numero Clericorum. Etsi enim aliquid dandum esset Clericis alimenti nomine: etsi parendum Paulo qui neminem cogit suis stipendiis militare. Attamen habenda ratio est multitudinis & numeri. Videndum quanta pars generis humani sint Clerici: quis vero eos decimam hominum partem conficere audeat profiteri? quis supra Curionem nouem tantum esse Parochianos asserat. Inutiles ergo sunt tãti redditus: nisi Clericos velimus naturæ ipsi oneri esse, & eã plus in vno ipsorum educando, quam in ingenti aliorum hominum turba nutrienda laborare.

Secundum
argumentũ
aduersus
Decimas.

Tertium argumentum petitur ex Annalibus ac historiis, quibus proditur Ecclesias complures, de-

Tertium ar-
gumẽtum.

cimarum iura ac proprietatem, à prophanis ac laicis accepisse. Qui monumenta Monasteriorum consulat, nil inueniet frequentius, quam hunc aut illum militem, Baronem, Comitem, Decimas certorum prædiorum Ecclesiis Monachorum deuouisse; Si ergo debet munificentia, ac beneficio laicorum Ecclesia quod Decimis potiatur; Concludendum Decimas non ex præcepto quodam diuino, sed ex religioso consensu gentium, atque Pro- uinciarum dimanasse. Iam vero multæ sunt Re- giones, in quibus non Decima, sed portio quædam multo minor leuiorque penditur (vt deinceps pate- bit) non ergo iuris diuini est decima: quia iuri di- uino addere aliquid, aut detrahere nefas est: vetat- que Religio illud pro arbitrio hominum secti ac commutari.

Ea sunt argumenta, quibus Decimarum legem, vt plurimum aggrediuntur. Quibus quid sit respon- dendum tandem inspiciamus. Certe iure diuino na- turali deberi, definitam istam portionem, nempe Decimam, nemo audeat asserere. Si ergo diuini iu- ris est Decima, etiam quantum ad quotam, præcep- tum aliquod positum sit à Deo necesse est, quo pars ista nominatim Sacerdotibus soluenda decernatur.

An obliga-
tio Deci-
marum su-
blata sit in
lege Euan-
gelicâ.

Duo autem eiusmodi præcepta reperiuntur: primū in antiqua lege, posterius in noua. Præceptum anti- quæ legis de soluenda Decima forsan credetur ab- rogatum, sed falsò. Nam cum tria præceptorum genera lex vetus habeat, Ceremonialia, Iudicialia & Moralia: Priora duo extincta sunt: Ceremoniæ,

quia erant umbra futuri Euangelij, ideo orto sole, oportuit eas solui, ac diffuere. Iudicia quoque eodem fato cessarunt. Quippe iudiciorum ratio spectat ad regimen Gentis alicuius ac Reip. Idcirco vnaquæque gens & natio, suo utitur iudiciorum more. Cum ergo gens ista, & populus dissolutus sit, non mirum, si iudicia quoque sublata sunt. At Moralia præcepta quæ ad formandos hominum mores, & virtute ac pietate imbuendos pertinent, illa nullo vnquam fine cessabunt, donec hominum genus postremo incendio cum orbe desinat: Eius autem generis est præceptum de Decimis persoluedis. Nam ad pietatem & officia Religionis spectat, neque alium habet finem, quam Deum rerum omnium auctorem agnoscere, eundemque hominum & rerum simul omnium, quibus homines utuntur, nominum profiteri. Quamobrem vota illa tam sancta ac religiosa, cui magis legis quam Euangelicæ competunt, quæ ut dei in nos affectum monimentis augustioribus prodit, ita ampliorem à nobis grati animi significationem ex postulat, nisi velimus crescente dei beneficentiâ, hominum pietatem minui, & incalescente eius affectu nostras vicissim amores frigescere. Ea causa Patres superiore capitulo citati Clemens, Hieronimus, Ambrosius, censent Christianos, ad persoluedas decimas arctiori vinculo teneri, quam Israelitas, quorum pietatem nobis non imitari tantummodo, sed superare necesse est.

Præceptum
de Decimis
est, ex ge-
nere mora-
lium.

Alterum præceptum de Decimis persoluedis, è

Præceptum
Evangelicū
de Decimis.
Matth. 23.
v. 23.

verbo Christi petitur. Cum enim Christus in aua-
ritiam, fucum, & hypocrisim Phariseorum esset in-
uectus, qui ea legis capita accuratissime seruabant, è
quibus poterant capere aliquid honoris & gloriæ,
reliqua vero fastidiebant quæ ad veram pietatis dis-
ciplinam spectabant: Concludit his verbis; *Vae vo-
bis Scribæ & Pharisei qui decimatis mentham & Ane-
thum & Cyminum, & reliquistis, quæ grauiora sunt, le-
gis iudicium & misericordiam: hæc oportuit facere, & il-
la non omittere.* Quibus verbis, patet Christum lau-
dare Scribas & Phariseos, quod Sacerdotibus etiam
Menthæ & Anethi decimam persoluerent: ac non
modo, non improbare piam hanc consuetudinem,
verum ipsam potius firmare dicendo. *Hæc oportuit
facere, & illa non omittere.* Ergo cum Decimarum Re-
ligio fuerit Christi ipsius auctoritate & præconio in
noua lege commendata, signum est eam deo, non
modo gratam esse, sed etiam ab eodem nouo veluti
imperio confirmatam.

Clemens
Rom. lib. 2.
Const. p. 10
siol. cap. 29.

Quamobrem Patres pene omnes ac Concilia
decimam volunt esse iuris diuini & præcepti, non
vero Ecclesiasticæ alicuius disciplinæ. Clemens Ro-
manus aperte distinguit inter voluntarias populi
oblationes, & necessariam decimarum præstatio-
nem: & decimas quidem quæ iuxta dei mandatum
soluuntur, vult ab Episcopo consumi, *quia Dei homo
est*; Id est quia Dei personam in terris sustinet. At
Oblationes voluntarias suadet orphanis, pupillis,
ac pauperibus distribui. *Quæ ex Decimis & Primitiis
secundum mandatum Dei dantur, ut Dei homo consumat:*

Voluntaria

Voluntaria vero, quæ occasione pauperum offeruntur, recte dispenset orphanis, viduis, afflictis & peregrinis egentibus. Origenes homil. in Numeros, præceptum antiquum persoluendæ decimæ, iuxta litteram observandum esse, in noua lege existimat, nec esse Christi mentem ad allegorias, & occultos sensus detorquendam. Quomodo, inquit, abundat iustitia nostra plusquam Scribarum & Pharisaorum, si illi de fructibus terræ suæ gustare non audent, priusquam Primitias Sacerdotibus offerant, & Leuitæ Desimis separentur: & ego nil horum faciens, fructibus terræ abutar, ut Sacerdos nesciat, Leuitæ ignoret, diuinum altare non sentiat. Et paulò post ita concludit. Hac, inquit, diximus asserentes mandatum de Primitiis frugum, vel pecorum debere etiam secundum litteram stare. Concilium Matifconense 2. sub Guntranno Rege, cap. 5. Leges diuinæ consulentes Sacerdotibus ac ministris Ecclesiarum, pro hereditaria portione omni populo præceperunt Decimas fructuum suorum locis sacris præstare. Concil. Moguntinum primum sub Carolo Magno c. 38. Admonemus atque præcipimus, ut Decimas Deo dari omnino non negligatur, quas Deus ipse sibi dari constituit. Quia timendum est, ut quisquis Deo debitum suum abstrahit, ne forte Deus per peccatum suum auferat ei necessaria sua. Vide etiam Concilii Triburiensis can. 33. Gelasium epist. 1. cap. 27. Alexandrum 3. ad Cenomanensem Episcopum, Tridentinum Concil. Sess. 25. in cap. 2. Decreti de Reformatione.

Origenes
homil. in
Numeros
tom. 1. op.

Concil. Ma-
tisc. 2. sub
Guntranno
cap. 5.

Concil. Mo-
gunt. sub
Carol. Mag.
c. 38.

Concil.
Trib. Gelas.
Pap. Alex.
3. Tridenti-
num Con-
cil.

Quo autem consilio decimam potius, quam aliam partem Deus exegerit, non satis clarum. Philo-

Iudæus ideo Decimam gratam esse Deo suspicatur, quod ad Deum peruenire homo non possit, nisi transacto nouenário. Rerum enim omnium nouem veluti orbés, ac sphaeras fingit, quarum prima Elementorum est, septem succedentes Planetarum, nona Firmanienti, post quam ad Intelligentias Deumque transcenditur. *Εννέα γὰρ ὁ κόσμος ἔλαχε μοίρας, ἐν*

Philo Iu-
dæus lib. de
congressu
querendæ
eruditionis
gratiæ.

δεκατῷ μὲν ὅκτω, τὴν τε ἀπλανῆ καὶ τὰς πεπλατυμμένας ἐν
τάξεσι φερόμενάς τ' αὐταῖς, ἐννάτην δ' ἡ γλῶσσι οὐδ' αὖ καὶ
ἀέρι. Τούτων γὰρ μία συγγένεια, ἑσπέρης καὶ μεταβολῆς πόρι-
στοῖας δεχομένη. οἱ μὲν οὖν πολλοὶ τὰς ἐννέα ταύτας μοίρας,
καὶ τ' πάλῃ τὰς κόσμον ἔξ' αὐτῆς ἐπίμνησαν, ὃ δ' ἐτέλειος, τ'
ὑδατὶ τῆς ἐννέα δημιουργὸν αὐτῆς θεὸν δέκατον. In no-
uem enim partes mundus distribuitur. Octo in cælo, su-
premum orbem & septem reliquos erraticorum syderum
similes cursus habentium: nonam autem terram cum aqua
& aëre. Horum enim una est cognatio, varias mutatio-
nes recipientium. Vulgus autem has nouem partes & com-
pactum ex his mundum, vir autem perfectus eum colit,
rerum omnium artificem, qui super hos nouem orbés in
decima veluti sphaera est constitutus. Eandem rationem
Decimarum soluendarum adfert, Clemens Alexan.

Clemens
Alexand. lib.
2. Stromat.

lib. 2. Stromat.

Epiphanius hæresi octaua Decimarum omen ali-
quod & prælagium vult inesse Sacrosancto nomini
Seruatoris nostri. Si quidem nomen Iesu, sub quo
ima summaque curuantur, initialem habet litteram
Iota, quæ apud Græcos numeri denarij nota est: Pro-
pterea vult decimas ab antiquis Iudæis tam reli-
giosè persolutas, nihil aliud fuisse, quam figuram

nominis Iesu, sicut victimę legales signum erant
agni Euangelici, cuius sanguine mundi sordes ex-
purgantur. Καὶ ὡς ἐκεῖ πρὸς τὸν ἄλγεον θυμὸν, κα-
θάρου ἡμᾶς εἰς τὸ μέγα πρὸς τὸν καὶ ἐπουρανίου ἡμῶν,
καὶ ὡς ἐπὶ τῷ ὅλῳ κόσμῳ τῷ: καὶ ὡς ἐκεῖ δεκά-
κατασίς, ἀσφαλίζουσα, ἵνα μὴ λάθῃ ἡμᾶς τὸ ἰσχύ, ἡδε καὶ
τὸ πρὸς τὸν σιγῆον ἔῃ Ἰησοῦ ὀνόματος. Erat, inquit, pe-
nes illos, & omnis victima rationis expers, quæ nos ad illam
magnum celestemque perduceret ouem, pro nostra & totius
mundi salute macandam. Præterea instituta apud illos
decimatio fuit quæ nos eo deduceret, ut Iota litteram
quæ nota denarij est, & nominis Iesu initium, non posse-
mus ignorare. Alij volunt decimam ab homine
persolui, quia homo decimum locum occupat in or-
dine, & serie rerum creatarum.

Epiphanius
hæresi octa-
ua tom. 1.
lib. 1.

Taceo infinita mysteria, quæ in numero denario
latere acuta sibi fingit hominum meditatio. Inde
enim non video erui posse argumentum, ad necessi-
tatem Decimarum ostendendam: Cum cæterorum
quoque numerorum significatio mysteriis non ca-
reat, possitque ingeniosus quilibet, ut in nubibus
centauros olim Iuppiter, ita in numeris rerum gran-
dium ac luculentarum imagines pingere.

Legatus
Irenæus
Lugdunens.
lib. 1. aduer-
sus hæres.
Valent. cap.
15.

Respondetur argumentis aduersus Decimarum quotam propositis. Libertas Ecclesie remittendi Decimas tempore persecutionis. Decimarum consuetudo etiam tempore persecutionis recepta ex Clemente, Cypriano, Origene. Initia Decimarum in Apostolis ex Jrenæo &c.

C A P V T I V.

SVperiore capite præmisimus eorum rationes, qui Decimas volunt esse recentioris Ecclesiæ commentum, cui initium dederit Sacerdotum avaritia, magis quam populorum pietas : & quod non tam lege aliqua diuina, quam consuetudine, & longi temporis præscriptione subniratur.

Nunc itaque eorum argumenta librandæ sunt, quorum primum refutabat veteris Ecclesiæ memoriam, cuius Sacerdotes nullum aliud vectigal à populo flagitabant præter fidem, & constantiam, quâ in Christi causa summam adhibere hortabantur. Cætera libera erant inquit ac voluntaria.

Fateamur ergo nil postulasse, à populo veteres Clericos, agnoscamus ipsos summum sibi, & honestissimum in Christi paupertate patrimonium collocasse : An propterea cessabat lex de Decimis persoluendis, minime vero ? Quo ergo pacto plebs sese eo debito exolvebat ? qua ratione legem pendendarum Decimarum implebat, si modicam stipem, si vile stipendium suis tantummodo erogabat Sacerdotibus ?

Facile est autem istud intelligere. Nam quoties aliquis in odium, & inuidiam Christiani nominis parte aliqua fortunarum spoliatur, quoties Christi hostes in eum sæuiunt, & fit Anathema pro fratribus: toties Ecclesia, solet quantum potest, clades ei inflictas beneficiâ sarcire, & suis etiam si opus est, visceribus instaurare: Quod si Ecclesiæ hoc genus pietatis vsu receptum est; multo magis eidem licet sua iura, census & obuentiones populis remittere, si quando pro Christi nomine, à Barbaris & infestis veræ Religioni nationibus, duri aliquid ac incommodi patiuntur: At quot oneribus, tributis (verum mitiora sunt ista) dicamus, crucibus, equuleis, tormentis, exiliis, proscriptionibus veteres premebantur Christiani? quot lucris, quot commodis fraudare seipso cogebantur, vt Christum lucri facerent? Quis vnquam ex Christiana gente, ante Constantinum honores, magistratus, ac dignitates adeptus est. Itaque cum in fauorem Ecclesiarum, tot calamitatibus pressi ingemiscerent, & tam grauem ferrent rerum suarum iacturam, merito Ecclesia, quas poterat flagitare Decimas, ipsis beneficentissime indulgebat: quarum immunitatem non superbia fastusque insolens: sed vulnera, infames notæ frontibus iniustæ, truncum corpus, squallorque carcerum impetrabant.

Alterum vero quod huic argumento opponi potest, est ipsamet Christianorum eiusce temporis Pietas & religiosa bonorum profusio. Quis enim Decimam ab eo expostulet, qui totum tradit; qui

Quare liberum fuit Ecclesiæ remittere Decimas tempore persecutionis.

Altera responsio qua ostenditur primis temporibus Decimæ in vsu fuisse.

nil iuris sibi in rebus propriis retinendum putat, qui omnia arbitrio Sacerdotum permittit, nec vult sese vlla opum ac fortunarum possessione ab iis se-
iungi, quibus sacra mentrum ac pectorum societa-
te coniungitur? At ea fuerunt primi Christianorum
populi studia, hi in Sacerdotes affectus: ipsis sua
omnia credebant, nec fortunas suas putabant posse
prudenter regi, quam si earum curam Sacerdo-
tum providentia gereret, quorum consiliis orbem
gregēque charissimum, emptum suo sanguine
Christus commendavit. Itaque eo tempore quid-
quid opus habebant Ecclesiæ, pauperes, Clerici,
ea facillime Sacerdotes à populo impetrabant:
quorum largitionibus, qui mensuram aliquam præ-
fixisset, & Decimam imperasset, is non tam legem
stabilire visus esset, quam euertere charitatem.

Præterea dicamus non tam insuetam fuisse De-
cimarum pensitationem, hisce temporibus, quin
aliquæ eius notæ, etiam ante pacem à Constantino
factam conspiciantur.

Clemens Romanus, si non ille Petri successor,
saltem antiquissimi sæculi scriptor, Decimarum non
semel meminit: tum lib. 2. Constitutionum Apo-
stolicarum cap. 29. quem textum antea citauimus,
tum eiusdem libri cap. 31. & 38. Vbi Decimas in-
star tributii alicuius deberi Episcopis & Sacerdoti-
bus refert, quia Regia in terris pollēt maiestate, *Epis-
copos & Sacerdotes, Principes, & Reges vestros putatores,
& tributa tanquam Regibus pendite, de vestro enim il-
los, & domesticos illorum ali oportet, quemadmodum*

Clemens
Rom. lib. 2.
cap. 29. 31.
& 38.

Samuel præcepit populo de Rege in primo Regum, & Moses de Sacerdotibus in Levitico, eodem modo nos de Episcopis vobis præcipimus. Nam si tunc populus proportionem, tanto Regi munera præbebat, quanto magis nunc Episcopus decreta sibi à Deo capere stipendia debet ad se alendum, & Clericos, qui apud eum sunt? Quod si aliquid orationi addendum est, plura hic capiat, quam ille olim. Ille enim rem militarem tantum administrabat, belli pacisque moderator ad tuenda corpora, hic vero Dei Sacerdotium administrans, corpus & animam periculis liberat. Quanto igitur anima corpore est excellentior, tanto Sacerdotium Regno præstat. Ligat enim id & soluit supplicio, vel indulgentia dignos. Ideo Episcopum diligere debetis ut Patrem, timere ut Regem, honorare ut Dominum. Fructus vestros & opera manuum vestrarum, in vestram benedictionem illi offerentes, primitias vestras, decimas, partes, dona vestra dantes ei, ut Sacerdoti Dei: primitias inquam frumenti, vini, olei, pomorum, atque omnium, quæ Deus præbet vobis.

Libro octavo cap. 38. ex Matthæi Apostoli decreto Decimas esse Sacerdotibus soluendas probat. Cuius decreti hæc est summa. Ego Matthæus præcipio omnes Primitias afferri Episcopo & Presbyteris, & Diaconis, ad victum ipsorum. Decimas offerre, ad victum reliquorum Clericorum, Virginum & Viduarum, & his qui sunt paupertate oppressi.

Matthæi Apostoli decretum de Decimis, ex Clement. lib. 8. cap. 36.

Cyprianus, qui ipse inter persecutionum æstus diu fluctuavit, non semel Decimarum meminit tanquam vectigalis alicuius Deo persolvendi. Epistola 7. quæ est de unitate Ecclesiæ, sic refrigerescen-

Cyprianus epist. 7.

38 *De Decimis, Oblationibus & Primitiis.*
tem sui seculi charitatem carpit opposito feruore
primorum Christianorum, In nobis, inquit, sic vna-
nimitas diminuta est, ut & largitas operationis infra-
cta est: domos tunc & fundos venundabant, & thesau-
ros in caelo reponentes distribuenda in usus indigentium,
pretia Apostolis offerebant. Nunc de patrimonio nec
Decimas damus, & cum vendere iubeat Dominus, gmi-
mus potius & augemus.

Cyprianus
ep. 27.

Origenes
hom. II. in
Numeros.

Irenaeus lib.
4. aduersus
errores Val-
lentiniani cap.
20.

E quo loco clarum est Cyprianum inuehi in Chri-
stianos sui temporis, qui de patrimonio Decimas
non soluebant: ergo etiam saeuientibus Tyrannis,
& inter Ecclesiae pericula vigebar lex, & consuetu-
do Decimarum. Epistola 27. ait Clericos Decimas
ex fructibus accipere, ut ab altari & sacrificiis non
recedant. Origenes qui & ipse calamitosae Ecclesiae
temporibus vixit, Decimarum legem agnoscit ho-
milis vndecima in Numeros, eademque pæne ar-
gumenta profert, quibus vsi sumus ad necessitatem
Decimarum suadendam. Tandem Irenaeus Lugdu-
nensis auguria pendendarum Decimarum, earum-
que initia, ab ipsis Christi temporibus deducit. Cū
enim Apostoli per diem Sabathi spicas vellerent,
& in agris alienis, ad depellendam famem necessa-
ria caperent alimenta, censet eos tunc temporis vsos
auctoritate Sacerdotii, quod à Leuitis in Apostolos
transierat. Itaque ut Leuitae ius olim habebant le-
gendarum Decimarum, è quibus viuerent. Ita suc-
cessores Apostoli, in eorum locum gradumque suf-
fecti, poterant ex agris Iudaicis speciem quandam
Decimarum præcerpere, & necessaria sibi alimenta
vindicare.

His

His facile intelligi potest Decimarum consuetudinem non esse commentum recentioris alicuius sæculi, fictum ambitione & avaritia Sacerdotum, sed sacram & inuiolabilem quandam legem, quã euertere ac labefactare nemo potest, nisi qui mundi dominatum, auctori Deo inuideat, velitque eius tribunal ambitione prodigiosâ destruere.

Alterum argumentum, quo Decimarum consuetudinem, aduersarii Ecclesiæ insectantur, duci solet è paucitate Clericorum. Eos enim Decimam humani generis partem facere pernegant, adeoque hunc prouentum Decimarum, nimis pinguem esse ac luculentum, neque Clericis alio nomine vtilem, quàm vt ad luxum & delicias inuitet, ad quas opes & diuitiæ maximum habent incitamentum. Cui argumento non est difficile respondere. Si enim iusta omnium bonorum partitio inter homines instituenda, quot querelis, quot rixis & litibus locus erit? In hac æquitate ac Isomeria constituenda periret æquitas, iustitia violaretur, & humani generis societas concussa, æterno ac immortalis diffidio fluctuaret. Itaque Iudicibus auferri purpuram. Regibus tribunalia ac diademata eripi, Magistratibus lucem, ac splendorem dignitatis suæ subtrahi, omnemque ordinum ac graduum varietatem qua Respublicæ ornantur, confundi necesse erit. Si ergo luculentiorum fortunam ceteris non inuidemus, quid lacessimus Clericos eorumque facultates? nisi eos longe reliquis deteriores putamus, quia Deo seruiunt, & insignia Christi, ac imaginem

ferunt cum quo, occulto adhuc & latente bello, mundus & inuidia dæmonum, per Christianos etiam ac fideles colluctatur.

Sint ergo Clerici fæx & lacuna orbis; sint detriti, sint miseri; sed qua parte se tuebuntur? Nam si diuitiis inuidiam prouocant, paupertate risum mouent: in opibus simplicitatē perdunt, in sordibus auctoritatem: in opibus fugiuntur ut superbi, in squalore ut mēdici. Non ergo diuitiis peccant Clerici, atq; Ecclesiastici, sed in Religionem laici male animantur, cuius Mystras & Sacerdotes, in tanta aliorum hominum opulencia, ferre non possunt supra infimæ fortis paupertatem eminere.

Aliunde vero licet Clerici Decimam non faciunt humani generis partem: attamen socios habent pauperes, errones, mendicos, Religiosos, Monachos, quibus Decimarum pars maxima his temporibus soluitur. Habent Rempubicam & Principes sui patrimonii participes, quibus sine strepitu thesauros & ærarium Ecclesiasticum aperiunt, quoties publica calamitate imminente, seu pax, seu dignitas Imperii periclitantur.

Quantum ad alia duo argumenta, nempe de varia ratione pendendarum decimarum circa quorū tam, & de decimis per laicos Ecclesiæ datis, sequentibus capitulis patebit quid respondendum sit.

De varijs ritibus circa quotam Decimarum, & an liceat Ecclesie aliquid circa eam immutare & quibus de causis, res Ecclesie pauperibus communicatæ. Etiam prædia illis ad utendum concessa. Tres causæ minuenda Decima proferuntur. Sclavorum & Vagrorum Decima olim quales. Kanuti Regis Danie in propugnandis Decimis feruor.

C A P. V.

Superiori capite inter argumenta, quibus aduersarii decimarum consuetudinem impetebant; vnum erat ex varia ratione ritusque soluendæ decimæ petium. Nempe aiunt in varijs regionibus, varias quoque leges ac instituta vigere, circa quotam decimarum. Alibi enim è fasciculis decem, alibi è duodecim, hîc è quindecim, illîc è viginti, vnus Decimarum nomine soluitur: Vnde concludebant decimam non esse iuris diuini. Nam ius diuinum arbitrio hominum tolli non potest, aut vllatenus immutari.

Quamobrem videndum quid possit Ecclesia circa Decimarum quotam, an aliquid ex ea populis remittere liceat, & quamobrem soleat istius oneris ac pensationis partem aliquam subiectis sibi plebibus indulgere.

Ac primo supponendum, non eam esse Decimarum naturam ac conditionem, quæ fuit olim in veteri Testamento: Hostiarum, Primitiarum & fru-

gumaliarum, quas necesse erat à solis Sacerdotibus, Leuitis, eorumque familia, & contribulibus absumi. Opes Ecclesiæ, tum maxime sacræ sunt ac sanctas, cum è Sacerdotum manibus velut, è fœcunda scaturigine, in egenos & pauperes exundant: Non manibus laïcorum, sed auaritia potius & tenacitate Clericorum polluantur: atque vt contaminationes nunquam esse possunt, quàm vbi luxuriæ, atque ambitioni famulantur: ita sanctiores apparent nunquam, quàm vbi charitatis adminicula fiunt, & instrumenta misericordiæ.

Decime
Ecclesiasti-
cæ possunt
à laicis pau-
peribus cō-
sumi,

Reditus Ec-
clesiæ assi-
gnati pau-
peribus.

Quia ergo socios & cohæredes habemus pauperes, idcirco Sacerdotibus semper liberum fuit, quam vellent bonorum suorum partem in miseros spargere, & eorundem calamitatem commodis, vitæ subsidiis demulcere. Hinc Concilia & summi Pontifices toties pauperum & viduarum curam Sacerdotibus ac Episcopis commendant. Hinc ipsius Petri successores, paupertatis è qua nati sūt memores, in egentium solatia sua patrimonia tanto affectu profuderunt. Gregorius Magnus epist. 37.

Greg. Mag.
ep. 37. lib. I.

lib. I. Anthemio Diacono mandat, vt Paterichia, Palatina, ac Viuiana, victum subministret, & alendis, vestiendisque liberis, necessaria impertiatur. Paterichia solidos quadraginta, & tritici modios quadringentos, Palatina solidos viginti, & tritici modios trecentos: Viuiana solidos & modios totidem. Epistola 44. eiusdem libri, panis & vini annonam condicit filio Godestaldii. Epistola 28. lib.

Greg. Mag.
ep. 44. lib. I.
& epist. 28.
lib. II.

3 Candido defensori mandat, vt Albino lumini-

bus priuato, singulis annis duas tremisses, sine aliqua delatione prestare non desinat. Sexcenta eius generis exempla reperies in epistolis eiusdem Papæ.

Nec stipēs tantum annuas, verum etiam agros & partem prædiorum Ecclesiasticorum, potuisse à Sacerdotibus dari egenis ac miseris, in diem vitæ suæ fruendos & vtēdos, colligo ex Canon. 34. Concilij Aurel. 4. *Quisquis agellum Ecclesiæ in diem vitæ suæ pro quacumque misericordia à sacerdote, cui potest est, acceperit possidendum, quacumque ibi profecerit alienandi nullam habeat potestatem, &c.* Hic enim Canon non loquitur de agris, qui Clericis vtendi, & fruendi assignabantur, in stipendium: sed de quibusdam terræ Ecclesiasticæ portionibus, titulo misericordiæ, in pauperes erogatis. Maximè vero curam pauperum perpetuo apud Ecclesiastici ordinis viros extitisse docet consuetudo vetus in Ecclesiis recepta, vt omnium reddituum, atque obuentionum quarta pars in commodum, atque emolumentum pauperum cederet, iisdemque sine fraude distribueretur. Ita Gelasius Papa ad Clerum, & ordinem, & plebem Brundusij, & in epistola ad Episcopos per Lucaniam, & Brutios. Simplicius Papa ad Florentinum, & Equitium Episcopos. Gregorius Magnus lib. 3. epist. 11. Concilium Toletanum, seu potius Canones Syluestri Papæ, apud Gratianum causa 12. q. 1. Can. *sancimus*.

Concil. Au.
rel. can. 34.
anno 541.
sub Chil-
berto Rege.

Quarta
pauperum
in Ecclesia-
sticis reditu-
bus.

Can. con-
cesso 12. q. 1.
Can. qua-
tuor 12. q. 1.
Simplicius
Papa Can.
de reditu-
ibid.

Greg. Mag.
ad Aug. An-
glorum E-
piscopum,
Can. mos
est, 12. q. 1.

Cum ergo licitum, imo necessarium fuerit semper, vt miseris ac calamitatibus inopum Ecclesia prospiceret: Cum ea semper fuerit consuetudo, vt

partem Ecclesiasticorum reddituum miseri caperēt, non dubium est quin illis possit Ecclesia aliquid impertiri, maxime è Decimarum fundo & redditibus. Nam Decimæ quodam iure præcipuo ad pauperes spectant, tenenturque Presbyteri & Sacerdotes, ex istis potius fructibus, quàm ex oblationibus aut donariis, quæ sibi conferuntur à populo, pensiones ac elemosynas miseris, atque egentibus condicere. Nam oblationes & dona populorum plerumque sunt honoraria stipendia, quæ dantur intuitu officii, ac ministerii alicuius sacri. At Decimæ sine labore, & opera Sacerdotum proueniunt; nec tam proprie ad Sacerdotem pertinent iure præcipuo & singulari, quàm ad totam Christi familiam, quæ quidem versatur, non modo in Clericis & Sacerdotibus, verum etiam in egenis & pauperibus quod enim vni ex minimis meis feceritis mihi fecistis, inquit Christus.

Propterea Augustinus lib. 50. homiliarum, hom. 58. vocat Decimas tributa egentium animarum. Urbanus epistola ad Episcopos Galliarum, res Ecclesiasticas nominat patrimonia pauperum, quæ eadem loquendi ratione vritur Augustinus serm. 21. ad fratres in Eremito.

Qua causa
possit ali-
quid Eccle-
siae remitte-
re ex Deci-
mis.

Quibus ita prænotatis censendum Ecclesiam de quotâ decimarum posse aliquid remittere colonis & rusticis, eo maxime consilio, ne in extremam inopiam decendant, ex tam grandi & dura præstatione. Si enim eos sinu suo excipit Ecclesia, qui fato aliquo & miseria temporum ad egestatem sunt

compulsi; quanto æquius est, vt imminentem paupertatem amoliat, & prouideat ne plebs alioquin vectigalibus & tributis pressa, sub pondere Decimarum corruat, & tristi ac luctuosa egestate contabescat? Si ergo propter metum calamitatis & penuriæ aliquid è Decimarum quota Ecclesia subduxit, certe beneficentiæ ac misericordiæ excessus est, non defectus iuris. Ius enim habet Ecclesia postulandi & vindicandi decimam partem, è frugibus & annuo quouis prouentu; idque non lege tantum positua, aut consuetudine humana, sed præcepto Christi positua, de quo supra dictum est.

Si quis vero aliquod relaxatæ decimæ exemplū postulet, non erit difficile eius votis satisfacere. Nam si quando Ecclesia construeretur in loco agresti, solo difficili duro ac senticoso, quoniam in eo arando & colendo plus operæ, ac laboris rustici ponere cogeantur: Idcirco solebat Ecclesia partem illis Decimarum remittere, & leuioribus tributis contenta esse. Ita legimus apud Crantziū libro quarto Vandalicæ, Holzatos, priusquam in Vagriam terram incultam ac ingratam transferrentur, cumque agrum colere adorirentur, pactum iniisse cum Sacerdotibus & Episcopis eiusce regionis, vt à maioribus Decimis essent liberi, & aliquot tantum modo mensuras grani pro vnoquoque aratro penderent. Itaque cum postea vellent Ecclesiastici Holzatos ad maiores Decimas solito Christianorum more persoluendas adigere, constanter repudiarunt istud onus, *Afferentes hoc*, (id est immunitatem à maio-

Crantzius
lib. 4. Vandalicæ p. 101.

ribus Decimis) illis fuisse permissum & promissum, priusquam nouam terram introirent ad cultum magno labore redigendam, ut quoniam undique angerentur difficultatibus, releuentur ab onere grauissimarum Decimarum. Et certe Helmoldus Presbyter in Chronico Sclauorum capite 12. refert certum Decimæ genus, quod Sclauī pendere soliti erant Aldenburgensibus Episcopis, quod genus Decimæ longe minus est ordinaria, & consueta præstatione. Fuit autem Aldenburg. ciuitas Metropolis Vagirorum, in occiduis partibus maris Baltici. Ita vero Helmodus de Decima Aldenburgensi. Dabatur, inquit, Pontifici annuum de omni Vagirorum terra tributum, quod scilicet pro Decima imputabatur, de quolibet aratro mensura grani, & quadraginta resticuli lini, & duodecim nummi puri argenti: ad hac unus nummus precium colligentis. Sclauicum vero aratrum par boum, aut unus conficit equus. De urbibus vero, aut prædiis, aut curtium numero, quæ ad possessionem Pontificis pertinebant, non est huius operis explanare. Neque vero difficile est ostendere ecclesiam, relaxando aliquam Decimarum partem, inferuire calamitati colonorum, & posse quâdocumque libuerit, pro suo iure exactam Decimam ab iisdem exigere, postquam imminentis penuriæ metus cessauit. Nam si eadem Sclauorum monumenta perlustremus, patebit; in progressu temporis, Girolдум quemdam Aldenburgensium Pontificem Sclauos, sine Holzatos, qui Vagriam incolabant voluisse ad Decimam in rigore persoluentem cogere. Qua in re ad suadendos Holzatos

utebatur

Helmodus
Presbyter
lib. 1. Chron.
Sclauorum,
lib. 1. cap. 12.

utebatur exemplo Polabrorum, & Obotriborum, qui cum ecclesias de nouo extruxissent, in viciniâ infidelium, quorum creberrimis populationibus ac latrociniiis vexabantur, non desinebant tamen suis ecclesiis decimas ex integro persolvere. Itaque turpe esse Holzatis & irreligiosum dicebat, aliquid de summâ Decimarum tollere; qui vitam in pace agebant, erantque ab omni hostium & paganorum iniuria, ac prædatione summoti. Quam postulationem Girol di cum intellexissent Holzati rudes, & ad parendum tardi, aduersus sui Pontificis consilia tumultuari ceperunt, palam asserentes, se nolle decimas persolvere, quarum maxima pars ad alendam Clericorum superbiam, ac luxum infumeretur. Exardescente itaque populo, & iam frænum laxante dictæriis ac maledicentiæ, in Sacerdotes, in apertam seditionem reserat abitura, nisi uix, Sclauorum animum bilemque popularem mulcisset, eoque deduxisset negotium, ut inito pacto cum Sacerdotibus certa parte, Decimarû pensio augeretur. *Quapropter*, inquit Helmodus Presbyter Chronici Sclauorum lib. 1. cap. 92. *Holzatenenses necessitate constricti, præsentè Duce, cum Pontifice tale pactum iniierunt, ut facerent augmentationem Decimarum, & soluerent de manso sex modios siliginis & octo auena, illius inquam modij qui vulgo dicitur Hemmethe, & ne succedentium forte Pontificum paterentur angarias, rogauerunt hoc ducis, atq; Pontificis sigillorum cõfirmari. Cumque Notarij iuxta morem curiæ, Marcam requirerent auri, gens indocta resiliit & negotium mansit imperfectû.*

Ex his itaque patet Decimarum relaxationem aliquando initium habuisse è soli malignitate & duritie Ecclesiam sua iura indulgisse rusticanis, non alio nomine, quàm ne in paupertatem ruerent, aut extrema calamitate plecterentur.

Kanuti Regis in instituenda Decimatione constantia.

Saxo Grammatic. lib. II. Hist. Danorum.

Sublatâ quippe paupertatis, aut publicæ calamitatis causa non dubitauit Ecclesia populos, etsi recens ad fidem conuersos, Decimarum præstationi subiicere. Elegans habemus & pium eius rei argumentum in vita sancti Kanuti Daniæ Regis, apud Saxonem Grammaticum Historiæ Danorum lib. vndecimo. Is enim postquam populum feris moribus & barbara superstitione intractabilem, ad mitiorem cultum & Christianam Religionem traduxisset: cœpit cogitare, quibus artibus eum posset ad Decimas Sacerdotibus pensitandas adigere. Cumque cerneret indociles pietati animos, aduersus hanc Religionis partem obluctari, hanc tandem machinam ad eos expugnandos adhibuit. Tributum suo nomine imposuit vniuersæ Danorum regioni, graue ac incommodum: Cuius cum remissionem populi ardentissime flagitarent, promisit se hoc onere ipsos leuaturum, si modo vellent in posterum Decimarum sacra pensione defungi. Quam conditionem repudiantibus Danis, & è contra Rege in consilio exigendi tributi permanente, tandem religiosus Princeps in isto conatu pio, simul ac illustri Barbarorum sæuitie & Polacri cuiusdam proditione extinctus est: ac in ipsamet Ecclesia à suis iugulatus, iustissimis suffragiis in Sanctorum cara-

logum relatus est. Vnde patet Ecclesiam nunquam dubitasse quin Decimarum vectigal à populis exigendum esset, nisi discrimen inde secuturæ calamitatis, aliter suaderet esse decernendum.

Secunda ratio propter quam Decimarum quota minuitur, petenda est ex mutua Ecclesiæ in laicos beneficentia. Nempe quando laici vel Principes insignem aliquam gratiam Ecclesiæ contrulerunt, & prædiis ac bonis immobilibus magna ex parte, ipsam illustrarunt, tunc potest Ecclesia in grati animi significationem, aliquid vicissim è suo rependere, & partem Decimarum ipsis eorumque vasallis & subditis remittere. Qua in parte, censendum est Decimas, non tam ab Ecclesia esse alienatas quam in opimiores censum redditus pinguioribus commutatas. Ita legimus Euermordum Episcopum Racesburgensem, medietatem Decimarum abdicasse, in fauorem Henrici Polabrorum Comitis, postquam idem Henricus dotem ingentem & bona non mediocria Ecclesiæ Racesburgensi, de suo patrimonio contulisset. Ita refert Helmodus Presbyter Chronici Sclauorum cap. 78. *Dilatante, inquit, Henricus Ecclesiæ ordinatus est in Racesburg. Episcopus Dominus Euermordus prapositus de Magdeburg. deditque ei Comes Polabrorum Henricus insulam ad inhabitandum, prope Castrum. Præterea trecentos mansos resignauit Duci dandos in dotem Episcopij. Porro Decimas terræ recognouit Episcopo, quorum tamen medietatem recipit in beneficio, & factus est homo Episcopi, exceptis trecentis mansis, qui cum omni integritate tam reddituum.*

quam Decimarum sunt Episcopi &c. Et certe tantopere insitum esse Ecclesiis Parochialibus ius Decimarum censuerunt veteres, ut illud tradi monasteriis nefas esse ducerent, priusquam eas Ecclesias certis prædiis ditassent & indemnes præstitissent. Quâ indemnitate Ecclesiis regni sui quæsiuit Stephanus Rex Hungariæ, quando fundauit. Proto-Abbatiam sancti Martini, in Pannonia. Quia enim de Comitatu Simigenfi Decimam vniuersam cum Episcoporum assensu, & voluntate in dominium Monachorum sancti Martini transcripserat, idcirco ne qua in parte Episcopus illius Parochiæ, se facultatibus suis & Decimis spoliari quereretur, illi, velut ad sarcinendum damnum, tradidit Rex villam quandam nomine Corten. Ita enim ferunt verba priuilegii libro secundo Decretorum Stephani circa annum 1047. *Ne, inquit, Ecclesia sancti Michaelis vacua esse videretur, vel Episcopus Parochianus iniurias querimoniasque in collectione Decimarum pateretur & curtem quæ vocatur Corten, cum hominibus eodem pertinentibus tradidi; quod si ipse contra mea statuta quid agere, vel acquirere voluerit, ante Deum iudicem vivorum & mortuorum, in die iudicii se contendere mecum sciat.*

Decretum
Stephani
Hungariæ
Regis lib. 2.
circa annũ
1047.

Tertia caussa minuendi quotam Decimarum, & partem earum aliquam laicis indulgendi fuit, cum ipsi laici Ecclesias de nouo fundarent, in loco inculto, & in vicinia paganorum constituto. Nam quia Ecclesiæ illic extructæ præsidio & tuitione indigebant, atque oportebat militum turbam pro

illarum salute ac defensione stare in procinctu, idcirco liberum fuit Sacerdotibus, atque Episcopis mitius agere cum laicis, circa negotium Decimarum eisque portionem quandam iustæ pensionis remittere. Ita duas partes Decimæ Marchioni Brandenburgensi, temporibus Innocentij Papæ tertii, relaxatas ac donatas legimus, propterea quod illi milites alere necesse esset, ac stipendia numerare, ad eam regionem, in qua Ecclesias fundauerat aduersus Barbarorum incursiones propugnandam.

Sic autem concepta est supplicatio Marchionis Brandenburgensis apud Innocentium, epistol. vigesima prima, libri primi Regist. 13. *Nobis humiliter supplicauit, ut cum pro ampliatione diuini cultus conuentualem Ecclesiam desideret in terra ipsa construere, licentiam super hoc ei concedere dignaremur, & ipsam ab omni onere Pontificalis Iurisdictionis exemptam, in ius & proprietatem Sedis Apostolicæ retinere. Ita profecto quod duæ partes Decimarum eiusdem terræ, ad Marchionem ipsam, & hæredes ipsius, pro Ecclesiæ fabrica quam ipsi debent proprijs sumptibus reparare, nec non etiam pro stipendijs militum deuoluantur, sine quibus Ecclesia memorata non posset contra Sclauorum impetum gubernari fidem Catholicam impugnantium &c.*

Innocent.
III. ep. 21.
lib. I. Regist.
13.

De Decimis Græcorum primis temporibus. Viguisse Decimas in Ecclesia Alexandrina & Antiochena. Cur Decima in Constantinopolitana Ecclesia non recepta frumenti penuria Constantinop. fœlix. Embola. Pannes gradiles. Quid loco Decimarum caperent Episcopi & Presbyteri. Tributum fumarium. Restituta Decima à Latinis in Græcia. Decima Græcorum Sacerdotum his temporibus quæ sint.

C A P V T VI.

Decimarum natura & conditio satis obscura est apud Græcos, dubiumque an ea pensitatione Græcorum prædia olim erga Sacerdotes tenerentur. Nam inter tot antiquitatis monimenta, tot leges ac canones, Decimarum ne minima quidem mentio, aut mediocre vestigium reperitur. Vnde conjicere licet Iustiniani temporibus, sub quo leges in centurias ac capita digestæ sunt Decimarum memoriam vsuque, si quis antea fuisset, omnino exoleuisse: Videamus itaque num sub initia Ecclesiæ nascentis græcia Decimas admiserit, quibus in partibus earum vsus ac consuetudo viguerit, quando abrogata sit, quid in locum Decimarum successit & quibus tēporibus restituta fuerint. Censeo itaque græciam, inter initia surgentis Ecclesiæ, eadem pietate ac religione, qua reliquæ nationes id oneris postea subierunt, Decimarum vestigial

Decimarum mentionem extat in legibus Iustinianis.

pensitasse. Si quidem Origenis temporibus in Ecclesia Alexandrina, in qua ipse docuit & Presbyterii gradum affecutus est, sub annum Christi ducentesium trigessimum, Decimarum Ecclesiæ solendarum vrgebat sacra consuetudo, vt apparet ex homilia vndecima in Numeros, è quo loco plurima à nobis superioribus capitulis prolata sunt ad illustrandam Decimarum obligationem. Hanc consuetudinem non statim abrogatam, sed succedentibus quoque sæculis seruatam liquet ex Isidoro Pelusiota. Is enim, monachus montis Pelusiaci in Ægypto, in diocesi Alexandrina, vixit temporibus Theodosii Imperatoris, & fuit discipulus Diui Chrysostomi. Atqui Isidorus ille Decimarum meminit epistola 317. ad Herminium Comitem, quem laudat eo maxime nomine quod Decimarum præstationem Ecclesiæ religiosissime exhiberet. *Præclare, inquit, Dominum ornas, cum nobis fructuum tuorum Primitias tribuis, Decimamque partem ex ubertate terræ tuæ, & à quo eam accepisti pendis. Quam quidem tu in multa tempora habiturus es, &c.* καλῶς τὸ κρεῖον ὑμᾶς ἡμῖν τῶν καρπῶν ἀπὸ τῆς γῆς, καὶ δεκάτῃ τῇ εὐφροσύνῃ τῶν δίδωμι τὸ πολλοῖς ἐξ ἑστέρας καὶ οὐκ ἐξ ἑστέρας, &c.

Decimarum
vſus & con-
ſuetudo in
Ecclesia A-
lexandrina.

Orig. homi.
11. in Num

Isidor. Pe-
luſiota ep.
317. lib. 1.

In Ecclesia vero Antiochena eundem ritum Decimæ sacro ministrorum altaris ærario inferendæ viguisse putat Interpres Chrysostomi homil. 18. in cap. 8. Actuum Apostolicorum, vbi ἀπὸ τῶν ἐκκλησιῶν καὶ ἀπὸ τῶν ἱερῶν, interpretatur partem ac Decimas. *Parum ne est, ait, oro torcular benedici? parum ne est, ex omnibus frugibus ac Decimis, prius partem ac Decimas*

Decimæ
in Ecclesia
Antioche-
na.

ἀπὸ τῶν ἐκκλησιῶν
καὶ ἀπὸ τῶν ἱερῶν,
non sunt
Decimæ
sed Primitiæ.

56 *De Decimis, Oblationibus & Primitiis.*
accipere. *Ad pacem Agricolarum hoc utile. Venerabilis*
erit, & Presbyter postea, & ad securitatem agri condu-
cet. Preces illic perpetuo propter te, laudes & synaxes,
propter te, oblatio per singulos dies Dominicis fiet, &c.

Epiphan.
hæref. 80.
lib. 3. tom. 2.

Cæteri Patrum græcorum parcius decimarum
meminerunt, neque apud eos inter obventiones re-
ditusque ecclesiasticos decimæ ferevquam nume-
rantur. Primitiarum enim solummodo ac oblatio-
num mentionem faciunt. Epiphanius hæresi octo-
gesima lib. 3. tom. 2. Vbi recenset quid populus Sa-
cerdotibus alendis, & vestiendis conferre debeat,
decimarum nomen & mentionem nullatenus in-
ducit: Sed ait Sacerdotibus victum esse ministran-
dum, *ἡ δὲ ἀπὸ τῶν τε καὶ τοιστοφῶν καὶ τῶν ἀλλων.* Ex Pri-

Greg. Na-
zian. epist.
80. ad Aëriū
& Alypium.

mitiis, oblationibus & aliis. Gregorius Nazienzenus
epistola octogesima, ad Aërium & Alypium: Vbi
eorum matrem laudat, quod certam pecuniæ sum-
mam in pauperes alendos contulisset: Ait deberi
deo non Decimas quidem, sed Primitias Areæ &
torcularis. *Quemadmodum, inquit, Areæ & torcu-*
laris Primitias & filiorum, eos qui vere filios amant
Deo consecrare iustum est, ac pium: quoniam ab ipso &
nos ipse & nostra omnia sunt. Ita novæ quoque heredi-
tatis partem aliquam illi vouere pium est, ut purè prom-
pte & libenter oblata, maiori parti securitatem conciliet,
ὡς περ ἀπὸ τῆς ἀλῶνός τε καὶ λῆου, καὶ τέκνων τοῖς ἀληθῶς
φιλοτέκνους αἰαλιζέσθαι θεῷ δεχθόν τε καὶ ὁσίον. ὅτι περὶ αὐτοῦ καὶ
ἡμεῖς αὐτοὶ, καὶ τὰ ἡμέτερα. &c. Forsan vero Patres
Primitiarum nomine & decimas concludebant,
abstinebantque à nomine decimarum, quoniam
tributum

tributum aliquod & vectigal prophanum sapit, & metuebant, ne seruitutē loco Religionis inducere, & pietatis specie lucrum aucupari crederentur. Reperio tamen posterioribus sæculis, etiam sublato ē viuis Iustiniano, Decimarum vsus & memoriam non omnino interiisse. Apud sanctum Antiochum Lauræ sanctæ Sabæ Abbatem, qui vixit sub Heraclio Imperatore, circa annum sexcentesium decimum quartum, extat homilia quædam numero centesima vigesima, cui titulus est, *περὶ ἀπὸ τοῦ κυρίου*, de Primitijs, in qua non modo Primitiarum, verum etiam Decimarum Religionem mirifice prædicat, & ad eam, tam laicos quam Monachos à sæculi iactatione summos adhortatur. Ac de Primitiis quidem loquitur quasi omni ratione & titulo æquitatis debitis.

Decimarum
vsus etiam
post tem-
pora Iusti-
niani.

Quantū attinet ad Primitias, his exolucendis modis omnibus obstringimur, ex his etiam nū quæ sunt proprio labore quæsitæ, ex corporis viribus, quas benigne ipse suppeditat Dominus, quasque sua solius prouidentia suggerit dum nostri prouidam agit curam &c. De Decimis vero præceptum nullum adfert, videturque remissius de illis loqui. *In bono, inquit, oculo glorifica Deum & ne imminuas Decimas manuum tuarum, ἐν ὁφθαλμῷ ἀγαθῷ δόξασον τὸ θεὸν καὶ μὴ μικρύνῃς ἀπὸ τοῦ κυρίου χερῶν σου,* &c. Imo vero obligationem Decimarum pendendarum videtur ad solos Monachos restringere, *ἵνα ἡ ἀρετὴ τῶν μοναχῶν χερῶνται εἰς τὸν πῶς οὐκ ἐστὶν τῷ θεῷ ἀπὸ τοῦ κυρίου, καὶ δεκάτας,* &c. *Præcipue autem Monachi tene-*

Sæctus: An-
tiochus
homil.
c. 101.
Biblie
trium.

tur offerre Deo Primitias & Decimas, &c.

E quibus liquet Primitiarum legem apud Græcos longe studiosius cultam, ac religiosius seruata quam Decimarum. Qua vero ratione factum sit, vt Decimarum consuetudo apud Græcos fuerit antiquata, non est ita facile augurari. Existimarim in Constantinopolitana Diœcesi primum desuisse Decimas persolui, ac fortasse nunquam illic in vsu extitisse. Cuius rei plurimæ rationes possunt adferri: Prima est, Constantinopolitanæ Diœceseos solum non ita fœcundum ac fertile extitisse, vt è sola frugum decima idonei prouentus possent colligi ad alendos Sacerdotes, & dotem Ecclesiæ tam illustris constituendam. Soli infœcunditatem probat maxime necessaria quotannis frumenti ex Ægypto transuectio, quam fœlicem Embolam Imperatores appellarunt. Oportuit enim per annos singulos onerarias naues, magno certe numero, certis ac statis diebus Constantinopolim frumentum importare, & eandem annonam Alexandriam conferre intra mensem Septembrem. Cui transuectioni ac importationi frumentariæ præerat Præfectus Ægypti, pœna indicta in ternos medimnos atticos, nisi id esset executus: tanta autem erat huius Canonis frumentarii necessitas, vt nauibus Ecclesiæ, præfectus vti posset ad eam transuectionem si forte opus esset. *L. iubemus Cod. de sacrosanct. Ecclesiis.* Eandem rei frumentariæ penuriam in ciuitate Constantinopolitana probat quotidiana panis distributio, qua

Rationes
ob quas de-
cimæ in
Constanti-
nopolitana
Diœcesi nō
fuerunt vsi-
tatae.

Quid fœlix
Embola.

defungebantur præfecti annonæ ciuitatis Constantinopoleos. Illi enim panes Imperatoris nomine singulis diebus diuidebant non pauperibus, modo verum etiam honestioribus è populo, præsertim iis qui ædes aliquas domumue in vrbe extruxerant, eamque ædificiis ornauerant. Vnde panis, siue ius panium capiundorum è publico domos sequebatur, ac nefas erat venditis ædibus, panis ex ærario Principis sumendi iura retinere. Ita liquet ex lege, *quia comperimus. De annonis ciuilibus*, Codicis Theodosiani lib. 14. tit. 17. l. 1. Vnde quia locus vbi panem populo diuidebat præfectus, gradus erant quidam & scalæ circa eius tribunal dispositæ, panis iste Gradilis dicebatur, l. panis Gradilis, & l. uniuersi panem Gradilem, l. 2. & 3 eodem tit. Codicis Theodos. licet enim in vrbe Roma, hic panis in vsu fuerit, neque hoc proprium fuerit vrbi Constantinopoli: attamen eâ viguisse ab initio talem panis largitionem patet ex leg. 12. Vbi expresse habetur Constantinum & Constantium authores fuisse huius annonæ iis erogandæ, qui in vrbe Constantinop. domos extruxerant.

Cum ergo maritima illa pars quæ Constantinopolim spectat, non adeo tum temporis cultra esset ac fertilis, vt frumenti decima Sacerdotes alere posset verosimile est decimam frumenti, in alias pensiones fuisse commutatam, quia facilius & commodius poterat plebs nummariam pensionem Sacerdotibus præstare quam frumenti Decimam.

Adde quod res Orientis non diu quietæ fuerunt.

Secundum
tatio sublatam
rum in Gre-
cta Deci-
marum.

cito & Imperii. & Ecclesiæ status Persarum ac Sarracenorum violenta commotione turbatus: Vnde istam decimarum obligationem Ecclesia remitti facile permisit, ne plebs grauibus vnde quaque molestiis pressa pari horrore Sacerdotem metueret ac militem.

Epistola
Valeriani
apud Tre-
belliū Pol-
lionem, Fla-
uius Vopis-
cus in vita
Aureliani.

Tandem his rationibus addendum, statum Ecclesiæ in vrbe Constantinopolitana ad exemplar Imperii ac Reip. constitutum. Vnde cum Imperatores suis officariis, vt ita loquar, Tribunis, militibus aliisque stipendia persoluerent, in variis speciebus, partim in frumento, partim in vino, partim in nummis, vt patet ex Trebellio Pollione in Claudio, Flauio Vopisco in vita Aureliani, hinc factum est, vt pari politia ac methodo Episcopis ac Sacerdotibus stipendia sua sumere Imperatores suaderent, & per domos ac villas tributum aliquod ac vectigal sacrum exigere: maxime cū istud pensionis genus multo liquidius sit ac commodius, neque tam facile possit populus in hoc præstationis genere, fucum facere Sacerdotibus, quàm si ex agris, & prædiis frumentariæ decimæ colligantur.

Quas vero obuentiones, quæ stipendia Græci Sacerdotes sortirentur in compensationem decimarum tunc temporis inquirendum est. Eorum autem stipendiorum duo fuisse genera reperio, primum statum ac fixum legi solitum quotannis. Secundum vero incertum ac mutabile nempe honorarium aliquod munus, quod Sacerdotes & Episcopi percipiebant, siue dum benedictionem sacris

coniugij fœderibus impertirentur, siue cum Sacerdotum catalogo aliquem inscriberent, aut venerandis ordinibus inaugurarent.

Stipendium certum ac fixum legebatur per domos singulas, siue per fumaria: vnde *Capnicum* dictum est, seu *fumarium*. Eius tributi summam ac rationem præscripsit Isacius Comenus Imperator, in sua Bulla aurea, cuius hic est textus.

Nomine, inquit, Canonici à vicio habente triginta fumaria, nummus aureus unus exigatur, argentei duo, aries unus, hordei modii sex, vini mensuræ sex, farinae modii sex, triginta gallinæ. Ab eo verò qui fumaria viginti habet, dimidium aurei, argentum æquiualens duobus argenteis, agnus mediæ ætatis unus, hordei modii quatuor, vini mensuræ quatuor, gallinæ viginti. A vico denique decem habente fumaria, quinque argentei, agnus unus, hordei modii duo, gallinæ decem quemadmodum, & in veterum exactorum sigillis scriptum est. Ωσαύτως ἔστω καὶ τῶν κανονικῶν ἀπὸ τοῦ ἔχοντος χρεῖς λ. κάπνης νόμισμα ἐν χρευσωῶ ὅμοιον, ἄργυρῶ δύο, χρυσὸν ἓνα, χρυσῆς μόδια δέ καὶ ὀρνίθας βιάκωνται· ἀπὸ τοῦ ἔχοντος. κ. κάπνης τὸ δέμοιον ἔστω νομίσματος, καὶ αὐτὴ τῷ β. ἄργυρῶν ἄργυριῶν, μέτρων ἐν κελῆς μόδια δ. οἴνου μέτρα δ. ἀλεύρου μόδια δ. καὶ ὀρνίθας κ. ἀπὸ τοῦ ἔχοντος ι. κάπνης χρεῖς, ἄργυρῶ ε. ἀρίων ἐν καρπῶν μόδια β. οἴνου μέτρα β. ἀλεύρου μόδια β. καὶ ὀρνίθας ι. καθὰς καὶ ἐν τοῖς σιγίλλοις τῶν παλαιῶν προαχικῶν ἀναγεύφον. E qua constitutione liquet obuentiones Episcoporum & eorundem census, è variis numerorum, frugum & animantium generibus constitisse, quas prædia & vici annuatim pendebant, in-

dicta, per singulas domos pensione, ad eum modum, quo in partibus quibusdam Galliæ, per domos seu focaria regię collationes leguntur, quæ proinde à focis dicuntur focariæ.

Eum vero ritum pendendi census Episcopales per fumaria, non esse natum, aut inuentum tantummodo temporibus Ilacij Comeni, sed longæua consuetudine firmatum verba ipsiusmet Bullæ testantur. Initio enim vocant istam formam persolvendi Canonicum seu Episcopale tributum, *παλαιὸν τυπὸν*, antiquam sanctionem. Deinde in fine eiusdem Bullæ, ait specierum istarum ac rerum, quæ Episcopo dabantur, Canonem atque indicem reperiri, in sigillis veterum exactorum. Vixit autem Ilacius Comenus circa tempora Stephani Papæ ad annum Christ. 1057.

Ea consuetudo persolvendi stipendia partim in speciebus, seu corporeis rebus, partim in nummis, non modo in Episcoporum censibus, sed etiam in aliorum quoque inferioris gradus hominum sportulis locum obtinebat. Erant in vrbe Constantinopolitana doctores, insignis certe & magnifica eo tempore dignitas: quippe Episcopali pœne fastigio æquabantur, quorum munus atque officium implebant. Illis ergo vice Patriarchæ sanctissimi fungentibus stipendia pendebantur, partim in nummis, partim vero in frumento. Ita sanxerat Alex.

Alex. Com.

xius Comenus, omnibus Doctoribus tam is qui sine intra Ecclesiam, quàm is qui sunt extra, tres libras aureorum & frumenti modios quinquaginta. Ut est apud Bo-

nefidium & Leunclauium iuris Orientalis libro secundo capite nono.

Licet vero Parochorum ac Curionum stipendia quæ fuerunt non legamus, nec satis constet quibus sportulis donarentur, tamé conicere est pro Curionibus & Presbyteris vicariis, certū quoque canonis ac pensionis modum fuisse constitutum, cui rei illustrandæ plurimum conducit Synodalis sententia Nicolai Patriarchæ, qui Grammaticus dictus est.

Is enim, cum plebs recusaret Canonicum Sacerdotibus pendere, propterea quod Synodorum statuta loquebantur tantummodo de Canonico Episcopis præstando, ab iis qui ordinabantur, velletque populus immunitatem suam tueri legum silentio, edixit Nicolaus Patriarcha, vt in posterum laici suis Sacerdotibus antiquas pensiones soluerent, quia si Sacerdotes Episcopo aliquid pendunt alimenterum nomine quando ordinantur: multo æquius est laicos suis Sacerdotibus de mensum aliquod è publico largiri, eosq; populorū beneficiis viuere, quis ipsis in re salutis ac fœlicitatis æternæ subseruiunt. Quamobrem renouari iubet antiquas sanctiones easque seruari. *Quæcunque, inquit, requiruntur à laicis soluentur in nummis & speciebus & argenteis, &c.* Apud Leunclauium sentent. Synodaliū lib. 2. dicet autem aliquis ex prædictis satis liquere, quæ stipendia Græcorum Prælati ac Sacerdotes postremis temporibus vice Decimarum ceperint: Verum non constare, quo censu, quibusue expensis alerentur, sub tempora Iustiniani & succedentium

Nicol. Patriarchæ de stipendiis Doctorum sent. Synodalis, apud Leuncl. l. 2.

Imperatorum, antequam certa lege cautum esset, quod tributum, quemue canonem, seu domus, seu prædia Græcorum, oportet Ecclesiasticis viris soluere.

Cui respondemus, mediis illis temporibus non ita clarum esse ac perspicuum, quas obuentiones populus Clericis penderet; Verumtamen esse admodum probabile, pro sacris ac religiosis operis Clericos, præsertim eos qui extra urbem Constantinopolitanam degerent in vilibus pagis, certas accepisse sportulas & pensiones grandes, aut exiguas pro conditione locorum & personarum. Adde quod licet decimas non caperent Sacerdotes, qui vicos, aut oppida regebant: attamen iis primitiæ ex omni genere fructuum & rustici prouentus pendebantur satis amplæ ac locupletes.

Habebant præterea assiduas populorum oblationes, quas vrgente adhuc & feruente pietatis zelo nondum auaritia extinxerat.

Septima
Synodus
Can. 10.

Cæterum non ita pingues fuisse Parœciarum redditus in Diœcesi Constantinopolitana, satis probat Canon Decimus 7. Synodi aduersus Iconoclastas. Ex eo quippe Canone, patet Rusticanos & Conregionales Presbyteros suas plerumque reliquisse Parœcias, vt se magnatum Constantinopolitanæ ciuitatis seruitio addicerent. Neque tamen Concilium decernite eos esse ad Parochiam remittendos, sed suadet potius vt si qua rerum penuria, atque egestate premantur, educandis atque erudiendis seruis ac pueris, honestum stipendium quærant, potius quàm

Austriani
Parochi in
Græcia pau-
peres fuisse
probat.

quàm indignissimæ sese addicant seruituti. Quod si ex Parochiarum censu seipsos alere potuissent, taliconsilio & adhortatione non fuisse opus.

Quod spectat ad urbium Clericos & Sacerdotes non deerant certi redditus ac præfixæ obventiones, quibus alerentur. Nam primo Constantinus partem vectigalium & illationum fiscalium commodis, atque stipendis Clericorum sacrauerat. 2. Singulis diebus in Ecclesia Constantinopolitana fiebant erogationes nummaria. 3. Præstabantur Clericis annonæ ciuiles. 4. Pro funeribus ciuium certos census, tabernæ ad id designatæ in vrbe Imperatoria suppeditabant. E quibus satis liquet non defuisse amplas opes ac facultates urbium maiorum, atque insigniorum Clericis, quibus dignitatem suam tuerentur.

De stipendio Clericorum urbianorum.

Nouellâ vt determinatus 3.

Nouellâ de officinis seu tabernis 43.

Græcia itaque sic educauit Sacerdotes suos & Clericos per longa annorum spatia, quibus Decimarum memoria pæne interciderat. Donec Latini specie ac titulo terræ sanctæ recipiendæ græciam ingressi, Romanam illuc fidem, mores & ceremonias intulerunt, quod factum est maxime Innocentii tertii temporibus. Cum enim Balduinus inuicti animi & constantiæ indomitæ Princeps, urbem Constantinopolitanam expugnasset, & perfidiam ac proditorem Græcorum, eorundem seruitute vindicasset. Ipse in Imperatoris solium euectus Patriarcham ac Pontifices quantum potuit per græciam eos curauit institui, qui Latinos ritus ac fidem colerent: Isti ergo noui Sacerdotes Græcorum cæ-

Circa annū 1200.

Georgius Logotheta in Chronico Constantinopol.

Innocent.
III. passim
in epistolis.

remonitiis amandatis; Romanis moribus Ecclesias suas informarunt, & Decimas cæterasque consuetudines piè obseruandas ac religiosè colendas decreuerunt; reluctantibus græcis & maxime Procerum ac Nobilium indignante superbiâ. Illi enim non semel prohibuerunt hominibus suis, ne Decimas penderent more Romano; Eos vero angebat maxime Latinorum Imperium, eò quòd Latini cogerent Nobiles græcos, Ecclesiis restituere opes & facultates ablatas. Itaque cum tantopere sese indociles præberent, & Decimarum pensionem exhorrescerent, sæpe excommunicationis metus est illis incussus. Imo cum ad Bellum aduersus Michalicium quendam, res græciæ turbantem & omnia ferro ignique populantem, Proceres Achaïæ sese accingerent, non ante Dominicum corpus & sanguinè, pacis bellicue præsidium salutare, de manibus Sacerdotum ceperunt, quam pollicerentur se Decimam in posterum more Romano Sacerdotibus soluturos, nec prohibitueros ampliùs, quominus eorum serui, homines ac vasalli eam præstationem Ecclesiæ ministrarent. Ita elicitur ex epistola centesima sexagesima prima, apud Innocentium lib. 1. Regist. 13. ad Archiepiscopum Larissensem, & Episcopum Cithoniensem, ubi de Achaïæ nobilibus sic loquitur. *Canonicos, inquit, in nonnullis Ecclesiis intrudere non verentur: excommunicatos tam laicos, quam clericos in sua pertinacia confouendo. Cumque dudum ad bellum contra Michalicium processuri recipientes corpus & sanguinem Iesu Christi omnes pariter*

Innocent.
epist. 161. lib.
1. Regist. 13.

promississent, quin imo per votum obligauerint se solemne, quod de ipso prælio redituri Decimas Ecclesiis suis soluerent, & subditos suos tam Græcos quam Latinos congerent ad soluendum: id post modum efficere non curarunt. Quos circa fraternitati vestrae per Apostolica scripta mandamus, quatenus Latinos eiusmodi, ut Ecclesiis suis soluant, sicut ex communi iure ac speciali quoque voto tenentur, &c. inducere procuretis, ipsos ad hoc si opus fuerit per censuram Ecclesiasticam, appellatione remota sicut iustum fuerit compellentes.

Et certe Innocentij tertii temporibus Decimarum iugum græcia magna ex parte receperat, ut ex eiusdem epistolis liquet, quibus contentiones non paucæ sedantur, ortæ inter Canonicos & Episcopum de Decimarum partitione. Epistola quadragesima quarta, ortum dissidium pacat inter Clericos & Patriarcham Constantinopolitanum, quod nempe Patriarcha Const. iussus à legato sedis Apostolicæ Cardinale sancti marcelli, dare Canonicis quartam Decimarum, per triennium eam retinuisset. Epistola centesima quinta libri primi, hortatur nobiles Larissensis diocesis ut Decimas ablatas Episcopis restituant, eadem hortatione utitur epistola 108. ad Imperat. Constantinop. cuius milites Decimas Cithrensis Diocesis occupabant. Epistola 62. lib. 4. componitur lis orta inter Episcopum Nitriensem & Abbatem de Egris in Diocesi Cenadiensi super quodam iure Decimarum.

Innocent.
III. epi. 44.
lib. 1.

Innocent.
III. epi. 105.
lib. 1.
Idem epist.
108. lib. 1.

Innocent.
III. epi. 62.
lib. 4.

Tandem euerfis Latinorum rebus & græcia in potestatem impiorum translatâ, non modo deci-

mae, sed omnes Sacerdotum redditus evanuerunt, adeoque Græcis Sacerdotibus in extrema calamitate languescere necesse est, postquam sese Latinorum patrocínio subduxerunt.

Restat tamen illis tributum quoddam per domos & fumaria legi solitum, in quo quia temporales omnes Sacerdotum ac Clericorum redditus versantur, idcirco *ῥεόνησον*, siue temporale appellant.

Gerlachius
epist. ad Cā-
cellar. Acad.
Tubingen-
sis.

Audiendus hac de re Gerlachius epistola ad Cancellarium Academiae Tubingensis 17. Maij anno 1576. Salarium, inquit, si habent, exiguum est. Sacerdotes stipem ab auditoribus habent. Sunt enim certa domus cuique Ecclesiae annumerata, à quibus singulis deputatum, quod ipsi *ῥεόνησον* vocant, quovis anno accipiunt. Ex sepultura etiam, exequiis aliisque officiis Sacerdotibus, ut Missis, quas laici pro se & defunctis cognatis emunt, pecuniam lucentur. Quidam interea domi suae opificia exercent. Quibusdam quoque Ecclesiis fundi certi à moribundis dedicati sunt. Ita se habet Decimarum historia apud Græcos quam, si monumenta librique manuscripti suppeterent fortasse dedissemus ampliorem.

An Decimæ possint laicis vendi & alienari. Decimarum ius ab usu fructu distinguitur. Oblationum pars nulla laicis competere potest. Basilicæ pro quæstu prohibentur à laicis extrui. Decimæ sunt pars domaniæ Sacerdotalis. Domanium regium non potest alienari. Quæ pars rerum Ecclesiasticarum olim poterat Monachis dari. Decimæ à laicis non præscribuntur, &c.

CAPUT VII.

IVs legendarum Decimarum ab earundem usu fructuque est secernendum. In usum enim fructumque decimarum vocari possunt pauperes, mendici, exules & Diœcesis peregrinæ Clerici, quos hæreticorum furor ac invidia, suis sedibus eiecit. Hi tamen omnes ius legendæ & capiundæ Decimæ non habent, & si quid ex iis obtinent, illud non iustitia sed misericordia in ipsos transfundit.

Usus fructus
Decimæ ab
eiusdem iure
distingui-
tur.

Dicamus itaque usum fructumque decimarum ex parte aliqua, laicis posse concedi. Certis enim de causis possunt Episcopi & Prælati Ecclesiarum partem aliquam decimarum fruendam laicis cedere. At quantum ad ius Decimæ legendæ, præter Episcopos & Sacerdotes, qui in terris, dei vices ob-
cunt & populis regendis præficiuntur, nemo ius istud sibi potest arrogare.

Laici pos-
sunt habere
ad tempus
usum fru-
ctum Deci-
marum.

Quæ sententia ut clare possit intelligi animadu-
uertendum Decimas ius esse aliquod sacrum & di-

Decimæ nō
dantur in-
tuitu labo-
ris.

Decimæ
etiam in
statu Inno-
centiæ pen-
derentur.

uinum, quod Sacerdotibus penditur, non ratione operæ alicuius, aut laboris in regendo, aut continendo populo exantlati, sed ratione loci gradusque sui, quia nempe in terris vice Dei funguntur, eiusque quodammodo personam sustinent. Vnde licet Sacerdotes, nec mysteriis occuparentur, nec populum sacris doctrinis imbuerent, puta si prima illa Maiorum nostrorum innocentia resurgeret, quam Adam suo scelere perdidit, adhuc in eo ordine statuque rerum Sacerdotibus dari Decimas oporteret. Sunt enim obsequii nostri erga Deum monimenta, sunt reditus censusque eidem debiti, quatenus summo arbitrato mundum temperat, & supremâ in res omnes auctoritate dominatur.

At quicumque rerum status fingatur, quæcunque conuersio mutatioque orbis vniuersi cogitetur, semper Deus suum in res omnes dominium retinet, semper eidem seruitii nostri ac famulatus pignora persolui, iustitia exposcit.

Hebræorū
5 v. l.

At ea pignora, illas obsequentis animi significationes, quis receptabit in terris, nisi Pontifex *pro hominibus constitutus in his quæ ad Deum sunt, ut offerat dona & sacrificia pro peccatis.* In eo ergo solo consistit ius Decimæ tollendæ, in quo viget auctoritas Dei ipsiusmet, qui pascendo regendoque populo designatus, eius Caput est & Princeps, in his, quæ ad Dei cultum & Religionem pertinent.

Itaque cum pænes laicos auctoritas illa diuina non vigeat, neque quisquam possit absque Sacerdotii insignibus, Ducem se ac rectorem populi no-

minare, in his quæ salutis sunt & religionis; inde facile concluditur in neminem laicorum posse ius Decimarum legendarum transferri.

Ius Decimarum nō est propriū Ecclesiæ, sed Dei.

Adde quod Ecclesia iis libere uti non potest, quæ sua non sunt, sed sibi ad utendum & dispensandum tantummodo, diuina manu tradita: At ius Decimarum non est Ecclesiæ proprium sed Dei. Nō enim dantur ad recognitionem Ecclesiæ, sed Dei ipsiusmet: quatenus ipse summus est Dominus & arbiter vniuersi. Ecclesia vero recipit Decimas, Dei nomine, & quatenus eius Episcopi, Dei in terris imaginem sustinent. Non potest ergo Ecclesia ius istud vendere, alienare, permutare: quemadmodum Quæstores Principum qui colligendis tributis præficiuntur, non possunt populos vectigalium solutione liberare.

Secundo, argumentum ducimus à natura & Religione oblationum sacrarum. Nam oblationes magis pendent ex voluntate populorum, quàm Decimæ. Imo vero, Ecclesia ipsamet maiorem videtur habere potestatem in oblationes, quàm in Decimas; Quippe oblationes dantur Sacerdotibus velut in stipendium operæ alicuius sacræ & religiosæ, ideoque habent rationem peculii Sacerdotalis. Et tamen oblationes olim, si quis præter episcopum susceperet infamis hæreticus, & sacris indignus habebatur. Concilium Gangrense can. 7. *Si quis vult fructus Ecclesiæ oblatos, vel dare extra Ecclesiam præter Episcopi sententiam, vel eius cui cura eorum tradita est, & non cum eius sententiâ ea velit agere, sit anathema.*

Secundum argumentū quo probatur ius Decimarum non posse laicis competere.

Concil. Gāgriense can. 7. & can. 8.

Et Clarius canone 8. *Si quis dat vel accipit fructus oblatos præter Episcopum, vel eum qui est constitutus ad dispensationem beneficentia, & quidat, & qui accipit, anathema sit.*

Symmach.
Papain 6.
Synodo
Romana.

Eandem sententiam resumit Symmachus Papa in Synodo sexta Romana in qua concludit. *Valde iniquum & ingens sacrilegium esse, ut quæcumque vel pro remedio peccatorum, vel salute, vel requie animarum suarum unusquisque venerabili Ecclesiæ contulerit, aut certe reliquerit, ab his à quibus hæc maxime seruari conuenit, id est Christianis & Deum timentibus hominibus, & super omnia à principibus & primis Regionum in aliud transferri vel conuertri.*

De Basilicis
obquestum
à laicis con-
debantur.

Et certe ita abhorrebant veteres ab oblationibus arbitrio laicorum permittendis, ut nequidem vel-
lent laicos, his conditionibus sumptus facere in ex-
truenda Basilica, ut nempe dimidiam partem ex iis
caperent, quæ postea ad altare Basilicæ offerrentur.
Hanc enim pietatem quæstuosam, & sordidam ex-
ati sunt, neque tam Religionem appellari de-
cèrere censuerunt, quàm mercimonium. Ita Con-
cil. Braccarense secundum canone sexto. *Placuit ut*

Consi. Brac.
2. can. 6. &
ret. de con-
secrat. dist. 1.
can. si quis.

*si quis Basilicam non pro deuotione fidei, sed pro quæstus cupiditate edificat, ut quidquid ibidem de oblatione po-
puli colligitur, medium cū clericis diuidat, eo quòd Basili-
cam in terra sua ipse condiderit, quod in aliquibus locis
vsque modo dicitur fieri. Hoc ergo de cætero obseruari de-
bet, ut nullus Episcoporum tam abominabili voto con-
sentiat, ut Basilicam quæ non pro sanctorum patrocinio,
sed magis tributaria conditione est condita, audeat conse-
crare.*

Si

Si ergo oblationes nefas est tradi laicis, quidquid sumptuum in Ecclesia ornanda fecerint; multò minus decimas ipsis non licet adscribere, quas in patrimonium Sacerdotum Deus ipse tradidit, ut sua in terris vice fungerentur.

Et certe duplicem in terris personam sustinet Episcopus ex Ignatio, epistola ad Smyrnenfes. Imperat enim vice Dei: sacrificat vice Christi. Quaparte Dei imperium refert, Decimas sumit: qua vero Christi, sacrificium instaurat, ac repetit, oblationibus fruitur. Quamobrem cum laicus tam Imperii, quam sacrificii sit incapax, hinc fit ut ius illi tradi non possit, nec in Decimas nec in oblationes.

Ignatius R-
pistol. ad
Smyrnenf.
θεὸς εἰκόνα
φέροντα χ^ρ
ἰστὸν π' ἀρχ^η
τῶ θε^ο χ^ρτ^ο ὁ
π^ρῖ ἐρεσσέμεν
χ^ρίστου.

Tertio utimur hac in re argumento ducto à conditione bonorum, quæ domanium Principis componunt.

Certum est enim Principes duo saltem habere genera bonorum. Quædam enim possident nomine patrimonii, quomodo priuatus quilibet suum quodque possidet patrimonium, de quo genere bonorum quæ patrimonia sunt Principum glossæ veteres.

Duo genera bonorum
Principes
obtinere.

πατεμόνια ὅσα ἑκάστος βασιλεὺς ἑαυτῷ κτήται, & rursus, πατεμόνια ιδιόκτητα τῷ βασιλέως. Alia vero sunt, quæ possidet Princeps titulo Imperii, & quæ nō tam in Principis quam in Principatus patrimonio sunt: cuiusmodi sunt tributa, vectigalia, & quæcumque domanium Principis conficiunt, prædia, villæ, iura regia &c. Ita apud Romanos aliæ sunt res Cæsaris, aliæ res fisci, & res fisci, aliæ publicæ, aliæ priuatæ. Res Cæsaris dicuntur quæ in Principis cuius-

Glossæ veteres a Labaro editæ in voce πατεμόνια.

L. 3. Cod. de
quadriennii
prescriptione.

que priuato patrimonio sunt, non quatenus est Princeps, sed quatenus Arcadius, Honorius, Antoninus, l. 3. Cod. de quadriennii prescriptione, in qua Iustinianus aperte distinguit inter substantiam propriam Principis, & substantiam fisci. Res autem fiscales dicuntur quæ principatui insitæ sunt, & ad ornandam actuendam Principis dignitatem institutæ, l. prator §. hoc interdictum ff. ne quid in loco publi-

L. Prætor
parag hoc
interdictum
ff. ne quid
in loco pu-
blico.

co. Ex his itaque sic concludo: Res fisci & domini à Principe alienari non possunt, neque potest Princeps partem sui Imperii quauis conditione distrahere. Et si enim in contrarium proferantur exempla Regum aliquorum, qui se iuribus regni, Sceptro ac Imperio abdicarint in fauorem peregrinæ gentis, aut extraneæ alicuius Principis, vt exemplū Attali regis Pergamenorum, qui regni sui hæredem populū Romanum instituit, Nicomedis Bythinia, qui eidem populo sceptrum ac diadema transmisit, Alexandri, qui Ægyptum & Alexandriam iisdem Romanis adscripsit, Caroli sexti Francorum Regis, qui successorem Imperii Henricum Angliæ regem designauit. Attamen inuitis ac reluctantibus regni Proceribus, atq; Ordinibus id tentari posse omnes

Ioannes Sauaro Gallice
scripsit lib.
de la souveraineté
du Roy.

pæne Iurisconsulti rescripserunt. Horum ego & nomina, & sententias non refero. Scripsit hac de re tractatum elegantem Ioannes Sauaro, in quo omnium peritorum iuris hac de re opiniones ad certas classes distribuit. Et certe cum Imperator Carolus 4. vellet successorē sibi facere Venceslaum filium, & ei propterea conciliare Electorum suffragia nitere-

tur, vnicuique eorum centum aureorum millia
congiarii nomine promisit, oppigneratis & datis
in hypothecam Imperii vectigalibus. Qua de caus-
sa tumultuari ceperunt Imperii Proceres asserentes
tributa & vectigalia, in quibus Imperii nerui vires-
que consistunt, non posse ab Imperatore alienari.
Ita refert Naclerus generatione 46. ad annum
1370. Ex quibus sic licet concludere. Ius Decima-
rum est ex eorum numero, quæ Sacerdotibus com-
petunt ratione Imperii, & sacræ auctoritatis, quam
in homines exercent, & si prophanis vocibus in re
sacra uti licet. Decimæ sunt veluti patrimonium fis-
cale, atque Imperiale, vnde Episcopis persoluantur
eadem Religione, qua tributa penduntur Regibus,
vt est apud Clementem Romanum lib. 8. cap. 31.
Ergo quemadmodum alienationi, distractioni ac
venditioni non subiacet coronæ patrimonium,
quemadmodum fide sua promissione, ac sacramen-
to soluuntur Principes, si quid stipulantur aduersus
fiscalem vtilitatem & bonum regii dominii: vt de
Francisco primo, qui Burgundiæ ducatum Hispano
promiserat, responderunt eius temporis Theologi
& Iurisconsulti. Sic quoque existimandum sacra
ista Sacerdorum.

Naclerus
ad annum
1370 Gene-
rat. 46. tom.
2. pag. 405.

Clemens
Rom. lib. 8.
cap. 31.

Apud eundē
Sauronē.

Quarto si qua causa res ecclesiæ alienari pos-
sunt & à Sacerdotibus in alienam manum transfer-
ri; id maxime fieret in Monachorum gratiam, quo-
rum pietati ac solitudini beneficentia Episcoporum
perpetuo prospexit. At in fauorem Monachorum
non Decimas modo, sed prophanas possessiones

Quartum
argumentū
quo proba-
tur ius De-
cimarū non
posse laicis
competere.

Concil. To-
let. nonum
can. 5.

insigni aliqua portione minuere Canones vetuerunt: adeo cum cresceret in dies præsulum serga Monachos beneficentia ac liberalitas, eam Hispanici Patres in Concilio Toletano nono collecti fræno aliquo coercendam censuerunt, prohibentes ne Monasterio à se constructo Episcopus dare posset, ultra quinquagesimam partem census suæ Ecclesiæ, & si ædem vellet pro sepultura propria ornare, non posset eidem legare, atque attribuere plusquam centesimam partem sui census annui. *Bona erci datur consilium, & præsentis habetur vitæ subsidium, & æternæ remunerationis expectari cernitur præmium. Quisquis itaque Episcoporum in Parochia sua Monasterium construere forte voluerit, & hoc ex rebus Ecclesiæ, cui præsidet ditare decreuerit, non amplius ibidem, quam quadragesimam partem dare debet: ut hac temperamenti aequitate seruata, & cui tribuit competens subsidium conferat, & cui tollit, damna graua non infligat. Ecclesia vero, quæ monasticis non informabitur regulis, aut quam pro suis munificare voluerit sepulturis, non amplius quam centesimam partem census Ecclesiæ, cui præsidet, ibidem conferre licebit: ea tamen cautela seruata, ut tantummodo, quæ placuerit ex his duabus remunerandam assumat.*

Si ergo in fauorem Monachorum, quorum disciplina & pietate Ecclesia insigniter floruit, non licuit Episcopo iura Ecclesiarum alienare, & insigni aliqua portione detruncare, quis in fauorem laicorum id fieri posse audeat asserere? Quis ius Decimarum in eos transfundi licere existimet, & Sacer-

dotum bonis ac censibus pinguefcere, dum infano
fastu eorum paupertati plerumque violenter in-
sultant.

Quinto tam sanctum olim habitum est ius de-
cimarum, & ad eas persoluendas tam inuiolabili
Religione teneri populos autumauerunt, vt eam præ-
stationem in pensionem nummariam commutare,
aut populos data pecunia ad Decimas soluendas
inuitare, nefas esse ducerent. Ita Christianissimi
Reges nostri constituerunt, ne liceret populis De-
cimam pecunia permutare ac redimere. Ludo-
uicus Pius capitulari 30. ad annum Christi 828.

Ludou. Pius
cap. 3. ad an-
num 828.

*De Decimis quas populus dare non vult, nisi quolibet
modo ab eo redimantur, ab Episcopis prohibendum
est ne fiat: Et si quis contemptor fuerit inuentus, & nec
Episcopum, nec Comitem audire velit, si noster homo
fuerit, ad præsentiam nostram venire compellatur.
Ceteri vero distringantur, vt inuiti Ecclesiæ restituant,
quæ voluntariè dare neglexerunt.*

Iidem principes cum intelligerent esse aliquos,
qui Decimas dare negligerent, eoque onere se li-
berarét data Episcopis & Comitibus pecunia, quam
illi inter se partiebantur, vetuerunt, ne Religioni in
posterum fas esset fucum facere, & pecuniam pro
Decimis stipulari. Ita habere capitularium Caroli &
Ludouici Imperatorum lib. 2. capitulari 28. *Dictum
est à nobis, quod in quibusdam locis Episcopi & Comites
ab incestuosis & ab his qui Decimis non dant vuadios ac-
cipiunt, & à Presbyteris pro quibusdam negligentibus, &
inter se pecuniam diuidant, quod penitus abolendum*

Capi. Carol.
& Ludouici
lib. 2. cap. 28.

*decreuimus ne forte auaritia locus detur & constituimus, ut incestuosi iuxta canonicam sententiam penitentia mul-
tentur. Qui vero Decimas post crebras admonitiones &
predicationes Sacerdotum, dare neglexerint excom-
municentur.*

*Greg. nonus
cap. exhibita
de rerum
permutas.*

Ex hac Decimarum Religione & immutabili le-
ge factum est, vt olim Gregorius nonus rescindi
iuberet compromissum factum inter præpositum
Albanensem & Monachos Sancti Martini in Pan-
nonia. Cum enim diu multumque contendissent
præfati Monachi, & præpositus Albanensis, de iure
decimationis cuiusdam: tandem eas simul inierunt
conditiones, vt si præpositus impetraret à Rege
donari prædicto Monasterio centum millia solidor-
um, Decimas in posterum Monachi abdicarent,
& ius earum ad præpositum transfereretur. Istud
ergo pactum ac compromissum Monachi ad Pa-
pam retulerunt, quod ipse quasi simoniacam
nunditationem exhorruit, dicens non licere spiri-
talia temporalibus permutare. Ita enim rescribit
Betonienfi & Funginenfi Abbatibus, *Mandamus
quatenus si vobis constiterit de præmissis, cum permuta-
tio de spiritualibus ad temporalia improbetur, prædictum
arbitrium & quidquid secutum est ex eo, vel ob id, irri-
tum decernatis, capite exhibita de rerum permutatione.*

Itaque decimam olim non licebat pecunia re-
dimere, nec poterant Episcopi nummarium cen-
sum, eius vice pacifici, nisi forte in decima nutri-
minum. Nam Nutriminum, id est, Porcellorum
agnorum, & aliorum animalium Decimas mutare

pecunia liberum fuit. Ita enim habetur capitulum libro secundo cap. 21. de Nutrimine. *Pro Decima sicut hactenus consuetudo fuit, ab omnibus obseruetur. Si quis tamen Episcoporum fuerit, qui argentum pro hoc accipere velit, suamaneat potestate iuxta quod, & ei, & illi qui hoc persolvere debet conuenerit.*

Capit. lib. 2.
cap. 21.

Ex quibus sic infero : decimas olim Episcopis non licebat pretio distrahere, & in censum nummarium commutare. Ergo multo minus licuit eas, in totum vendere, alienare, & laicorum potestati permittere, proindeque ius Decimarum laicis nullo modo competere potest, quia neque ius istud illis proprium est, neque potest ab ecclesia illis in solidum tradi ac resignari.

Quamobrem in iure Decimarum legendarum non possunt uti præscriptione aduersus Ecclesiam. Nam quod vitio cepit temporis progressu legitimum fieri non potest. Et certe præscriptioni aduersus Ecclesiam locum aliquem tribuere quid est aliud, quam hominum auaritiam, atque ambitionem ad quotidiana scelera arcessere, & rapinis ac fraudibus præmium ac stipendium polliceri. Denique quando persona ex se incapax est iuris alicuius obtinendi consuetudine, aut præscriptione temporis ad iustam possessionem fulciendam uti non potest.

Non præscribitur in negotio decimarum aduersus Ecclesiam.

Ita in decimarum controuersia rescripsit Alexander tertius ad episcopum Parmensem cap. *causam de præscriptionibus*. Erat enim lis mota inter Archidiaconum Rheginensem & nobilem quem-

Alexand. 3.
cap. causæ de
præscript.

dam, de perceptione Decimarum tuebatur se nobili præscriptione longi temporis, respondet Papa inutilem esse præscriptionem, quia laicis nequidem ex concessione Ecclesiasticæ alicuius personæ Decimas licet possidere. *Mandamus*, inquit, *quatenus iussam ipsam debito fine decidas non obstant præscriptione temporis, vel concessione Ecclesiasticæ secularisve personæ, si idem eam opponere volueris, quia cum laici Decimas detinere non possint, eas nulla valent ratione præscribere.*

Clericus ad-
uersus Epif-
coporum
Decimas
præscribit.

Qua in re ut obiter dicam longe alia ratio est clerici, alia laici, nam clericus aduersus episcopum potest quartam Decimarum & funerum præscribere si per annos quadraginta sine contentione possederit sede non vacante, *cap. de quarta extr. de præscript.* Ratio est quia Clericus per se non est persona Decimarum incapax: at contra laicus est persona incapax, ideoque nulla consuetudo capacem facit *cap. quinto ext. de consuetudine.*

Decimæ sūt
res spirita-
les,

Tandem ultimo loco addimus ius Decimarum esse de numero rerum quæ spirituales appellantur. At res spirituales nequidem ex concessione summi Pontificis vendi, alienari, & in laicas personas transferri possunt, ergo nulla auctoritate possunt laici ac prophani, ius Decimarum sibi comparare. esse autem Decimas de genere rerum spiritualium docent summorum Pontificum Sanctiones, Gregorius nonus *capite exhibita. de rerum permutatione*, Honorius secundus *capite litteras de iuramento calumnie.*

Greg. nonus
cap. exhibita
de rerum
permut.
Honor. 2.
cap. litteras
de iuramento
calumnie.

De Decimis

De Decimis infeodatis & an Decimæ dari possint, in feudum. Quid feudum & huius nominis significatio Anglica. Origo feudorum. Beneficium & feudum idem. Quandonam res Ecclesiæ ceperunt infeodari. Cōditiones infeodationis. De Nonis quid sunt castitia. Sarta recta Ecclesiarum feudatarij curabant, &c.

C A P. VIII.

Feudi vocabulum apud recentiores tantum auctores reperitur, & ante nonum sæculum mentio feudi nulla extat: huius nominis originem plurimi à fide repetunt, qua erga dominum, siue seniore^{Feudino-} tenentur, quicumque prædium agrumue^{men & ac-} feudi nomine acceperunt: In antiquis Angliæ legibus feudum, siue feodum, idem est ac stipendium: Vnde tituli plurimi extant in legibus Malcomani, de feodis seu stipendiis Magistratuum atque officiariorum, vt titulus *de feodo Cancellarij*, cui pro feodo cartę centum libratarum terræ, assignantur decem libræ & pro scriptore duæ Marcæ, legum Malcomani capite secundo. Ibidem cap. 3. titul. est *de feodo Iustitarij*, & capite sequenti *de feodo Camerarij*.^{reges Malcomani capite 2. & 3. de feodo Iustitarij, & cap. sequē. de feodo Camerarij.}

Quod recentiores feudum, antiqui beneficium appellarunt. Taceo quæ de beneficiis Romanorum militum omnes scribunt, & qui fuerint milites beneficiarii tanquam satis dictum & recantatum præ-

Vox beneficii pro feud.

termitto, vocem autem beneficii pro feudo, anterioribus sæculis vsurpatâ, nemo ignorare potest, qui antiquitatem vel ab ipso à limine salutarit. Historia Aimonii, vbi loquitur de Lotharingia, quæ antiquum fuit Regum Franciæ, ex Carlomanica stirpe patrimonium, ait illam à Lothario in beneficium traditam Othoni Imperatori, hoc est in feudum cum onere nempe præstandæ fidei ac exhibendi obsequii. *Dedit autem Lotharius Rex Othoni Regi in beneficio Lotharium Regnum, quæ caussa magis contristavit corda Principum Francorum &c.* apud Aimonium lib. 5. cap. 44.

Lotharingia
Frâciæ feu-
dataria.

Aimonius
lib. 5. ca. 44.

Sigebertus
Gembl. ad
ann. 1007.

Sigebertus Gemblacensis ad annum 1007. ait Imperatorem Henricum Balduino Castrum Valentianas, quod in finibus Mosellanæ Regionis, & Lotharingiæ situm erat, ac propterea controuersum, Balduino beneficiaſſe.

Cuiacius ad
lib. 1. feudorum
cap. 1.

Definitio
feudj.

Feudum autem, seu beneficium definiunt Iurisc. ad lib. 1. feudorum cap. primo hoc modo. *Beneficium seu feudum est illud, quod ex benevolentia alicui ita datur, ut proprietate quidem rei immobilis beneficia-æ penes dantem remanente, vsus-fructus illius rei ita ad accipientem transeat, ut ad eum hæredesque suos masculos & femineos, si de his nominatim dictum fuit in perpetuum maneat, ob hoc ut ille & sui hæredes fideliter Domino seruiant, siue id seruitium quale esse debeat nominatim expressum sit, siue prætermisſum.*

Origo feudorum.

Vnde autem feudorû origo nata sit non conuenit inter iuris interpretes. Hac in re peritiores, quibus ego meum adiungo suffragium, originem feu-

dorum à Longobardis deducunt, quorum Duces ac Principes capta, atque expugnata ea parte Italiae, quæ inter Alpes & Appenninum sita est agrum militibus suis ac tribunis diuiserunt, cum iis conditionibus quæ habentur conscriptæ in libris feudorum.

Vide Sigonium de regno Italianæ.

Anno Domini 560. Iustiniano & Iustino Imperatoribus.

Nec tamen inficiandum, speciem quandam feudi longe ante in Gallia viguisse. Refert enim Iulius Cæsar lib. 3. de Bello Gallico, Gallorum Proceres ac præcipuos, circumducere secum in bello Soldurios quosdam atque Ambactos, quorum fidem obstrictam sibi ac deuinctam tenet, & quo plus auctoritate diuitiis & genere pollent, eo maiore Ambactorum numero stipari ac circumfundi.

Iulius Cæsar lib. 3. de Bello Gallico.

Verum ne à scopo videamur aberrare de feudis Ecclesiæ dicamus. Beneficiorum ergo, seu feudorum genera duo reperiuntur in antiquis legum ac historiarum monumentis. Aliud enim dicitur beneficium Regium, aliud beneficium ecclesiasticum. Beneficium Regium fuit prædium agerue regij domini, qui militibus ac nobilibus, fruendus vtendus dabatur à Rege, ad emerendam ac obstringendam eorum fidem. Beneficium istud in mansis, seruis, colonis & seruiantibus erat constitutum. Vnde quibus beneficium Regium habebat, illud colere tenebatur ne incuria, ac negligentia beneficiarii sterile sceret, atque inutile redderetur. Ita cauetur legis Longobardicæ lib. 3. tit. 8. l. 1. *Quicumque suum beneficium occasione proprii desertum habuerit & infra annum postquam Comes, vel Missus noster notum factum habuerit, ipsum beneficium amittat.*

Duo genera feudorum.

Leges Longobard. lib. 3. tit. 8. l. 1.

Beneficii vero Ecclesiastici mentio extat in præfatis Longobardorum legibus & sæpius in capitularibus Caroli Magni, Ludouici Pij, Caroli Calui & aliorum. Vbi interim annotandum Commendationem rei Ecclesiasticæ à beneficio distingui. Commédatur enim res Ecclesiastica; vt auctoritate Principum ac Magnatum inuiolata consistat: Datur autem in beneficium, nomine stipendii & honorariæ cuiusdam mercedis. Id elicio ex lege 2. tit. 44. Longobardicæ legis, in qua diserte commendatio à beneficio secernitur. *Ceteri vero homines liberi qui vel commendationem, vel beneficium Ecclesiasticum habent, sicut reliqui homines iustitiam faciant.*

Commen-
datio & be-
neficium
qui differunt.

Leges Lon-
gobard. lege
2. tit. 44.
lib. 2.

Expolito beneficii & feudi nomine, atque distinctione, videndum quæ res Ecclesiæ in feudum dari possint, & quando ceperint infeodari, siue imbeneficiari.

Nonnulli beneficiorum & feudorum Ecclesiasticorum originem trahunt à Carolo Martello, in cuius famam, vt diximus initio libri secundi, omnes pæne Religionis zelo irruerunt: is enim cum multa & grauissima bella confecisset, partim contra Radbodum Frisonum Regem Catholicis ritibus infensum, partim contra Raginfridum & Hilpricum, partim contra Saracenos, & eorum Regem Abdiramam, partim contra Gothos quibus amplissimas vrbes Gothicæ Regionis Nemausum Agathen & alias, abstulit, cum inquâ multa & Religionis, & fidei causa prælia ac cōflictus strenue peregisset, militem suum Ecclesiæ bonis ac redditibus ornauit, ad

Quando nã
Ecclesiæ res
ceperunt in-
feodari.

Annales in-
certi autho-
ris apud Pi-
ligrum.

tempus, quandoquidem regiæ facultates inter turbas ac motus rerum, ad stipendia non sufficiebant. Eius nomen vindicauit Baronius à stylo atroci & pungente scriptorum, quos ante citauimus. At ante Caroli Martelli tempora, res ecclesiæ à laicis occupatas, questus Bonifacius Moguntinus apud Zachariam summum Pontificem.

Bonifacius
Moguntin.
epist. ad Za-
chariam.

Quidquid sit, plurima Ecclesiæ prædia militibus in beneficium tradidit ipse religionis ac pietatis vindex Carolus Magnus, vt eiuidem capitularia testantur, in quibus frequens beneficii Ecclesiastici mentio, quam postea inferemus.

A Carolo Magno, rebus ad Ludouicum Pium deductis, spes erat studium & pietatem tanti Imperatoris profutura Ecclesiæ, ad res suas recipiendas. Sed cum à filiis ipse multa diraque incommoda pateretur, & indignum tam sincero Imperatore sæculum, propriæ felicitatis impatientiâ laboraret, coactus est ipsemet Ludouicus è rebus ecclesiæ sibi amicos captare, & Monasteriorum prædia relinquere in beneficium iis qui habebant; dum eius filij noua in dies è peculio Sacerdotum ac Monachorum beneficia suis militibus impendebant. Vnde auctor vitæ sancti Gotberti queritur Abbatias eo tempore dissipatas & Althahense Monasterium maxima sui patrimonij parte spoliatum, eorum videlicet beneficiorum prætextu. Quæ ipse indignabundus maleficia nominat, *Institutum*, inquit, *Monasticum præclare illic profecit, vsq; ad dissensionem quæ exiit inter Ludouicum Caroli Magni filium & liberos eius, ea enim*

Vitæ sancti
Gotberti,

Monasteriū
Germaniæ.

tempestate complures spoliabantur. Ecclesiæ, Monasteria vastabantur, utque in his etiam Altrahense, cuius possessiones à fidelibus, & collatæ, militantibus pro voluntate eorum, qui sic debacchabantur, beneficij imo verò maleficij nomine adtribuebantur.

Post Ludouicum Pium noua quoque beneficia, sub Carolo Caluo legimus instituta: Is enim post Fulconem vacante sede Rhemenfi; multa ex eius prædiis & facultatibus, in beneficium indulfit militibus suis, cuius rei tandem seria pœnitudo ductus, euecto in solium Hincmaro Archiepiscopo iussit omnia Ecclesiæ Rhemenfi per milites suos restitui, ut est apud Flodoardum historiæ Rhemenfis lib. 3. cap. 4.

Flodoardus
hist. Rhe-
menf. lib. 3.
cap. 4.

Decimæ
nunquam
fuerunt im-
beneficiatæ.

Ex quibus historicis animaduersionibus duo mihi colligenda videntur, quæ ad Decimarum in feodatarum conditionem & naturam explorandam spectant. Primum est Decimas nunquam censerì in earum rerum numero, quæ solitæ erant tribui beneficij nomine. Imo vero beneficia quæ ex Ecclesiastico patrimonio militibus suis erogabant Principes, in agris, prædiis, & rerum aliarum immobilium usufructu versabantur; Vnde beneficium iubent leges non esse negligendum, & sine cultura prætermittendum: colere autem ac ornare beneficium de Decimis intelligi nullomodo potest.

Quibus
oneribus
feudatarii
Ecclesiæ te-
nerentur.

Secundum quod ex præfatis historiis ac legibus colligo, est eos ipsos qui aliquid ex beneficio Ecclesiæ cepissent ad plura olim erga Ecclesiam officia præstanda fuisse obligatos. Has vero obligationes ad tria potissimum capita refero ad nonas, ad decimas, & ad quarta recta.

Quod ad Nonas pertinet, certum est eas persolui, non ex quouis genere prædiorum ac terrarum, sed ex iis tantum quæ aliquis possideret ex beneficio Ecclesiastico; ut hac nempe Nonarum præstatione, feudatarium se ac beneficiarium Ecclesiæ agnosceret. Huic antiquitati lucem adfert Concilium Valentinum tertium, sub Carolo Caluo ad annum Christi 855.

Canon decimus. *Sed & de fisco & villis quas constat dominio Ecclesiæ à fidelibus olim fuisse contraditas, & nunc potestati secularium traditas voluntate eorum, ordinari placuit, ut sicut edictis principum iussum est, nona & decima ipsis Ecclesiis unde subtracta sunt fideliter persoluantur. Hi qui eas retinuerint, ut sacrilegos noverint se ab Ecclesiæ liminibus pellendos. Sed & decimas suas omnes fideles promptissime offerant de omnibus quæ possident, nec ullis oppositionibus quod statutum est permutare audeant, ne forte cogamur eos districtione Ecclesiastica ferire.*

Concil. Val.
lent. 3. sub
Carolo Cal-
uo ad annū
855. Can. 10.

Neque vero existimet aliquis, novam fuisse & ætate natā consuetudinem pendendarum Nonarum ex beneficiis Ecclesiasticis. Nam in Concilio Turonensi tertio ad annum Christi 813. temporibus Caroli Magni Galliarum præfules conquerruntur antiquum morem persolvendi Nonas è terris Ecclesiasticis multis in partibus sublatum. Quade causa querelam ad aures Principis deferendam censent, ut huic morbo deinceps medeatur. Ita enim Canone quadagesimo sexto, *Nonas ac decimas quas qui res Ecclesiasticas tenent solvere Rectoribus Ecclesiarum ordinati sunt, ad luminaria & stipen-*

Concil. Tu-
ron. 3. can.
46. anno
813. sub Ca-
rolo magno
ann. 13. Im-
perli.

dia Clericorum multis in locis abstractas esse vidimus. Quod saepe iam Missis vestris in publicis iudicauimus placitis. Sed inde hactenus, aut paruum, aut nullam consequuti sumus effectum.

Licet vero Patres Concilij Turonensis iustissimam habuerint conquerendi occasionem, aduersus eorum contumaciam, qui nonas exoluere pertinaciter detrectabant: attamen Imperator suam iam antea auctoritatem interposuerat, verueratque ne Ecclesiarum auitis iuribus ac prærogatiuis fraudarentur. Si quidem in capitulis quæ missis data sunt anno secundo Imperii Caroli magni, totis decem annis ante Concilium Turonense, cōstituerat Princeps religiosissimus, vt nonæ & decimæ exacte penderentur *de Decimis & Nonis atque Castitia Ecclesiarum Dei, vt omnes dare & emendare studeant.* Castitia autem Ecclesiarum siue monasteriorum nil aliud sunt, quam turriculæ quædam seu exiguæ mutiniones circa Ecclesias positæ & earum structuris adjacentes, ad quas etiam iura immunitatis Ecclesiasticæ extendi decernūt Imperatores Carolus & Ludouicus lib. 5. capit. 148. *Volumus atque decernimus, vt omnes intelligant non solum claustra Monasterij vel Ecclesiarum, atque castitia Ecclesiarum, sub immunitatis defensione consistere, verum etiam domus, villas, & septa villarum.* Erant etiam circa priuatorum ædificia, quædam castitia eiusmodi, vnde Episcoporum epistola, ad Ludouicum Regem directæ per Venilonem, inter cætera hoc à Rege efflagitat, vt iudices ædificent villas suas cum moderatis castiis.

Capitularia
Caroli Ma-
gni anno 2.

Quid Casti-
tia Ecclesia-
rum.

Capit. lib. 5.
cap. 148.

Epistola E-
piscoporum ad
Regem Lu-
douicum.

Redeamus

Redeamus ad Nonas, quas ipse iterum Carolus magnus, & alij quoque post eum Principes Ecclesiæ persoluendas sanctissime edixerunt Capitulum lib. 1. cap. 163. *Ut qui Ecclesiarum beneficia habent nonam & decimam ex eis, Ecclesiæ cuius res sunt donent, & qui tale beneficium habent, unde ad medietatem laborent, de eorum portione proprio Presbytero Decimas donent.*

Capit. lib. 2.
cap. 163.

Ex quo liquet fuisse aliquod beneficii Ecclesiastici genus, quod ad medietatem traditum erat, nempe colonus dimidium sibi, & dimidium Presbytero arabat. Qui autem beneficium Ecclesiæ his conditionibus acceperat, is ad Nonas persoluendas nullo iure tenebatur, sed eum oportebat tantummodo præstare Decimas de sua portione. Eandem legem præstandarum Nonarum instauravit Ludouicus Pius capit. lib. 2. cap. 21.

Beneficium
ad medietatem
eorum
quid sit.

Ex quibus patet Ecclesiam ista beneficiorum traditione, non ita vexatam fuisse, ut sibi queri posset patrimonium eripi, & insigni parte spoliari. Si enim Ecclesia agros suos ad conditionem colonariam tradidisset, quid aliud ex iis lucrari poterat quam Decimam partem aut Nonam frugum, atque obuentionum rusticarum? At eandem partem ipsa recipiebat ab iis, qui terras suas ex beneficio Principis possiderent. Non itaque labem aliquam ingentem eius fortunæ patiebantur. Et certe conditio Ecclesiæ hac in parte deterior non erat quam Principis. Qui enim partem agri Dominici seu Regii ex eius beneficentia ceperant, easdem nonas

Capit. lib. 5.
cap. 150.

pendere tenebantur. Ideoque ut isto onere se liberarent, solebant aliquando beneficium Principis incultum relinquere. Vnde capitularium li. 5. cap. 150. Ita præcipitur *de his qui agros Dominicos propterea neglexerunt excolere, ut nonas exinde non persoluant & alienas terras ad excolendum propter hoc accipiunt, volumus ut de tribus annis, ipsam nonam cum sua lege persoluant: Et si quis contemptor aut Comitum, aut vassalorum nostrorum propter hoc extiterit, per fideiussorem, ad Palatium venire compellatur.*

Præter Nonas illi qui beneficium Ecclesiæ habebant, Decimarum quoque lege tenebantur, ut ex præfatis locis facile constat.

De sartistis
Ecclesiæ.
Concil. Tu-
ron. 3. can.
46.

Tertium vero quod Ecclesiæ debebant, sunt facta tecta, hoc est, qui aliquid ex beneficio Ecclesiæ possidebant, tenebantur ad Ecclesiæ labes ac ruinas supplendas, præsertim vero ad tecta. Quod probari facile potest, tum ex Concilio Turonensi tertio, ubi Patres conqueruntur Ecclesias ruere & funditus labi propter neglectam tectorum instaurationem ab iis qui beneficia Ecclesiastica possident: *Similiter, inquiunt, & de restauratione tectorum nobis necessitas incumbit indicare, quia non tantum domus monasteriorum, sed & ipsa Ecclesiæ propter tectorum inopiam ruinas minantur.*

Legis Longobard. tit.
3. lib. 3. lege
secunda.

Legis Longobardicæ libro tertio titulo tertio, extat Decretum Caroli Imperatoris his verbis, conceptum, *Præcipimus Comitibus & omnibus fidelibus nostris, ut quicumque de rebus Ecclesiasticis beneficia habent, pleniter secundum morem regionis nonas & deci-*

mas ad ipsam Ecclesiam donent, absque ulla diminutione & dilatione, in quantum melius possunt, & iuxta possibilitatem eorum, & quando necessitas exegerit dent operas ad ipsas Ecclesias restaurandas, & adiutorium faciant.

Modum vero & impensas quas in reficiendis Ecclesiis facere oportuit eos qui agrum Ecclesiæ occupassent, definit capitulare quadragesimum libr. 4. Consideratum est, ut de frugibus terra & ani- Cap. 40. lib. 4.
malium nutrimine, Nona & Decima persoluantur. De opere vero vel restauratione Ecclesiarum Comes, & Episcopus siue Abbas una cum Misso nostro, quem ipsi sibi ad hoc elegerint considerationem faciant, ut unusquisque eorum tantum inde accipiat ad operandum & restaurandum, quantum ipse de rebus Ecclesiarum habere cognoscitur. Similiter & Vassi nostri aut in commune tantum operis accipiant, quantum rerum Ecclesiasticarum habent, vel unusquisque per se iuxta quantitatem quam ipse tenet. Aut si inter eos conuenerit, ut pro opere faciendo argentum donent, iuxta aestimationem operis in argento persoluant, cum quo pretio rector Ecclesiæ ad predictam restorationem operarios conducere, & materiam emere possit. Et qui Nonas & Decimas dare neglexerit, primum quidem illas cum lege sua restituat, & insuper bannum nostrum soluat; ut ita castigatus caueat, ne saepius iterando beneficium amittat.

An possint Decimæ dari in feudum proferuntur rationes Canonistarum. Decreta summorum Pontificum Argumenta Jurisperitorum &c.

C A P V T IX.

SVperiore capite ex antiquis monumentis ostendimus quæ res ecclesiæ in feudum, siue in beneficium olim darentur & quibus conditionibus forent obstricti quibus ecclesiæ facultates ac fortunæ essent nomine beneficii commendatæ. Nunc videndum an Decimæ in feudum dari possint.

Omnes præne Iurisperiti, Canones omnes ac Patres, in ea opinione versantur, vt credant Decimarum possessionem nulla ratione laicis posse cõpetere, adeoque possessionem istam nullo titulo, aut præscriptione temporis iustam reddi posse ac legitimam.

Innocentius tertius cap. *Cum Apostolica de his quæ fiunt à Prælati*, sine consensu Capituli, existimat traditionem Decimarum quas laici milites in ecclesiam transferunt, non tam esse donationem rei propriæ quam restitutionem alienæ, vi & iniuriâ occupatæ. Vnde ait monendum & compellendum esse laicum, vt Decimam restituat ecclesiæ ad quam spectat, qui si fortasse induci nequiverit, & eam cum Diocesani consensu alteri ecclesiæ assignauerit præsertim religioso conuentui, res stabit firma &

Innocent. 3.
cap. cum A-
postolica,
de his quæ
fiunt a Præ-
latis sine
consensu
capituli.

inconuulsa. Ex quibus tale argumentum conficio. Qui rem aliquam in feudum tenet, non potest cogi ad eam restituendam domino feudi, nec eius possessione exiit, nisi in Dominum feudi peccauerit & indignum se præstiterit eius beneficio. Licet enim feuda ab initio ex mera dominorum voluntate penderent, adeoque per singulos annos renouari oporteret, vel re ipsa, vel patientia: Attamen temporariam istam feudorum possessionem iam pridem euauisse testatur Gerardus Niger lib. primo de feudis: & feudorum eam esse naturam nemo ignorat, ut ad liberos mares in infinitum transeant, & iure patrimonii censeantur saluo tamen censu senioribus debito. Cum ergo ecclesia reuocet ad nutum, imo reuocauerit omnem istam decimarum possessionem, easque sibi vendicarit, signum est Decimas non fuisse possessas, nec possideri posse à laicis titulo feudi.

Gerardus Niger libro primo feudorum.

Conditiones feudi non possunt Decimis conuenire.

Alexander tertius cap. *Quamuis de Decimis*, negat posse omnino Sacerdotes & Prælatos ecclesiarum Decimas laicis utendas ac fruendas contradicere. Ita vero in istud facinus quasi grande piaculum inuehitur. *Quamuis sit graue nimis & diuini dignum animaduersione iudicii habeatur, quod laici quidam quod Sacerdotum est in Ecclesiasticis rebus usurpant, maiorem tamen incurrunt formidinem, quod fomitem sui erroris dicuntur in ipso Clero aliquotiens inuenire, dum quidam Prælatorum Ecclesiæ Decimas & Ecclesias eis disponere & eos in deuia mortis impellunt qui prædicatione eorum, ad viam vite future fuerant reuocandi &c.* Unde sta-

Alexand. 3. cap. quamuis de Decimis.

tuimus, ut si quis alicui laico in seculo remanenti Ecclesia Decimam oblationemque concesserit, à statu suo sicut arbor, quæ inutiliter terram occupat succidatur donec emendet, dolore sua iaceat ruina prostratus: Ex quibus verbis liquet Alexandrum accusare possessionem Decimarum in laicis, usurpationis, erroris, etsi Prælatorum consensu & adstipulatione subnitatur. Quinetiam Episcopos qui laicis Decimas tradunt iudicare indignos fastigio honoris ac gradus sui. Vnde licet ita colligere. Iuste possidetur quidquid à Prælatiis, Archiepiscopis, Episcopis & Abbatibus in feudum traditur; neque ista possessione laicus in salutis suæ discrimen incidit. Cum ergo Decimæ eius sunt naturæ, ut nec à Prælatiis tradi nec à laicis retineri sine piaculo possint, signum est eas eius esse fortis ac conditionis, ut in feudum dari non possint. Esse vero res aliquas quæ Præsulum auctoritate in feudum dari possunt, probant leges feudorum libro primo titulo primo, *Feudum dare possunt, Archiepiscopus, Episcopus, Abbas, Abbatissa, Præpositus, si antiquitus consuetudo eorum fuerit feudum dare.*

Leges feudorum à Gerardo conscriptæ, lib. I. tit. I.

Glossa in caput quatuor.

Et certe glossa in caput *quamuis*, verbo *concesserit*, diserte asserit nullo modo posse Decimas in feudum dari laicis, vel etiam ad tempus. Cuius sententiæ multas adfert rationes quia Decimæ sunt cibus Domini. 16. q. 1. can. *revertimini*, & q. 7. can. *Decimas*. Secundo quia debent eis dari, à quibus spiritalia recipiuntur. 13. q. 1. can. *Ecclesias* §. *visita*. Tertio quia feudum transit ad hæredes, sed Decimæ non. Quarto quia à laicis possideri non possunt cap.

caussum de prescriptionibus. Quinto quia dantur in-
tuitu obsequii diuini 13. q. 1. eas Ecclesias. Tandem
concludit eadem glossa quod fructus Decimarum
possunt quidem concedi laico ex causa ad tempus
vitæ suæ, sed non in feudum.

Gregorius septimus in Concilio Romano aper-
te denunciât laicos Decimarum retentores in pia-
culum sacrilegii incurrere, siue eas regum beneficio
siue Episcoporum indulgentia possideant. *Decimas*
quas in usum pietatis concessas esse canonica auctoritas
demonstrat, à laicis possideri Apostolica auctoritate prohi-
bemus, siue enim ab Episcopis vel Regibus, vel quibuslibet
personis eas acceperint, nisi Ecclesiæ reddiderint sciant se
sacrilegij crimen committere, & æternæ damnationis pe-
riculum incurrere. Quamobrem idem Gregorius
septimus epistola 5. lib. 9. registri ad Dicensem Epif-
copum laudat Anglorum Regem quod laicos cœ-
gerit ad restituendas Ecclesiis Decimas *Rex Anglo-*
rum, inquit, licet in quibusdam, non ita Religiosè se ha-
beat tamen in hoc quod Ecclesias Dei non destruit &c.
Presbyteros, uxores, laicos Decimas quas detinebant in-
ramento dimittere compulit, ceteris Regibus se satis pro-
babiliorem ac magis honorandum ostendit. Consentunt
his auctoritatibus aliorum quoque Conciliorum ac
Patrum suffragia. Innocentius II. in Concilio Ro-
mano can. 7. Eugenius tertius in Concilio Remen-
si can. 8. Concil. Metense can. 2.

Hanc eandem de Decimis non infeodandis sen-
tentiam defendunt recentiores nonnulli, & præ
ceteris Rebuffus tractatu de Decimis, q. 13. Vbi ex-

Greg. 7. in
Synod. Ro-
ma anno 6.
pact.

Greg. 7. epi-
stol 5. lib. 9.

Innocen. II.
in Concilio
Rom. can. 7.
Eug 3. in
Concil. Re-
mensi c. 8
Metense
can. 2.

Rebuffus
tractatu de
Decimis
quæst. 13.

presse asserit laicos nullum ius acquisiuisse in Decimas, siue eas obtinuerint ante Concilium Lateranense, siue post illud: *Nec enim, inquit, fieri debet differentia an laici habuerint ante Concilium Lateranense, vel post. Quam inhabiles erant ante Concilium Lateranense quam post: nampe utroque tempore Deus eas Sacerdotibus & Clericis assignauerat, & demum Papa Dionysius dum diuisit Parochias. Sediurata tamen faciunt differentiam ante vel post Concilium in hoc, quia laici habentes ab Ecclesia ante Concilium, possunt religiosi, vel alijs Ecclesijs Decimas cum consensu Episcopi concedere cap. Cū Apostolica de his quæ fiunt à Prælato. §. sane de Decimis in 6. si vero post Conciliū Lateranense laici habeant, non possunt alijs Ecclesijs quam Parochialibus illis ad quas spectabant, Decimas etiam cum consensu Episcopi transferre Ex his liquet summos Pontifices, Concilia, Canonistas existimasse ecclesiam non posse ius pendendarum Decimarum, ita in alienam transferre manum, ut Christiani nullum amplius obsequii sui monumentum Ecclesiæ teneantur exoluere, sed fructuum atque obventionum suarum Decimas ex integro prophanis ac laicis debeant.*

Hoc autem id ipsum alijs, probari potest rationibus. Quacumque pactione & stipulatione posita, nunquam remitti potest Christiano homini debitum colendi Deum, eumque, ut auctorem ac fontem eorum quibus in vita utitur bonorum agnoscendi. At professio ista & agnitio Dei, ut nostrarum opum ac facultatum parētis, vix alio modo fieri

Aliæ rationes quibus id ipsum probatur.

fieri potest, quàm vouendo ac libando sacris altaribus aliquam patrimonii partem. Itaque sic pensio ista ad Pietatis ac Religionis integritatem pertinet, vt non nisi violata religione possit extingui.

Diceret fortasse aliquis Ecclesiam suo iuri succenturiasse laicos ac prophanos, ac proinde Christianos præstando Decimas laicis, hoc sese debiro, atque obsequio sufficienter exoluere. At quam leuis sit ista responsio facile est deprehendere. Nam vbi fideles in horrea laicorum suas Decimas comportant, creduntur ne meminisse Pietatis ac Religionis? Deumne in laicis vicariâ sui regnantem imagine conspiciunt? Quid est in ipsis quo populus intelligat se Decimas præstando obsequii sui significationem Christo impendere? Atqui ad eos animi motus, atque affectus impellendi sunt Christiani, neque tam curare debent Sacerdotes, vt rusticorum frugibus sua turgeant horrea, quam vt eorum pectus, atque animi sinceris erga Deum amoribus incendantur. Manet ergo istis honoribus defraudatum numen, vbi nobiles milite cincti in Decimas irruunt, faciuntque, vt coloni non tam aliquid Deo tribuere existiment, quàm ab hominibus sese spoliari conquerantur. Secundo non potest Ecclesia honores Sacerdotio debitos remittere, & liberare populos reuerentia ac obsequio, quo erga Curiones suos tenentur: quippe iura illa, quæ honoris & dignitatis partem faciunt, non possunt in alienam personam transferri. Et certe si ex còmuni sententia Iurisconsultorum non potest Princeps subditos

ita, sua ditione manuque mittere, ut in extraneam potestatem transeant, & alterius Principis auctoritati subdantur, ut in facto Francisci primi qui Burgundiam Ducatum Hispano summiserat à nobis notatum est? quanto minus poterit Ecclesia in iis quæ faciunt Pietatis ac Religionis partem, Christianos laicis subijcere, eosque iisdem facere tributarios?

Imo vero non possunt clerici renunciare priuilegio fori, & sese in dedecus sacri ordinis laicorum tribunalibus subijcere, ut rescripsit Innocent.

Innocent. 3.
cap. si aliquis de foro
competenti

III. cap. *si aliquis de foro competenti*, quia ut ait S. Pontifex priuilegium istud non est personale, sed indultum toti collegio hominum Ecclesiasticorum. At ius decimarum sumendarum longe illustrius est, & præstantius quouis priuilegio fori, & arctius cohæret cum dignitate Curionis ac Sacerdotis. Ergo multo minus poterunt Episcopi, ac Præsules ius istud abdicare, & in laicorum manum transcribere.

Ratio ducta à natura
feudi.

Tertio qui dat in feudum eum necesse est habere directum dominium rei infeodata: At Ecclesia non habet directum dominium Decimarum, neque enim debentur Sacerdotibus per modum stipendii. Sed dominium directum, solius est Dei, cuius summam auctoritatem decimarum pensione homines venerantur. Vnde Clemens Romanus ait Sacerdotem, atque Episcopum consumere Decimas vicè Dei.

Quarto non potest Ecclesia Sacerdotes in eum

statum adducere, vt extremæ paupertatis periculo subsint. At distractis & laicorum potestati traditis Decimis, facile est Sacerdotes inopia vexari &, in extremam calamitatem incidere. Nam cum in Parochiis, præter Decimas nullum fere aliud obventionum ac fortunarum genus Curiones obtineant, iis infeodatis aut alienatis, quid superest nisi vt miseri Sacerdotes squallore ac fame pereant, aut rustici præter Decimas, aliud stipendium Curionibus suis pendant, cum tamen vix vnâ Decimarum præstationem, sine felle & stomacho patiantur.

Et certe cur Decimæ quæ in annonam Clericorum diuina prouidentia cesserunt, non eadem prærogatiua fruuntur, qua prædia censusue militum annonis destinati. At quæ militaribus annonis erant consecrata, nulla conditione vendi, aut impignerari poterant, neque in fauorem Clericorum. Ita enim Lampridius refert Alexandrū Seuerum sola quæ ab hostibus capta sunt limitaneis Ducibus & militibus donasse, ita vt eorum essent, si hæredes illorum militarent, neque vnquam ad priuatos transirent. Quam legem sub extrema Græciæ tempora instaurauit Constantinus qui dictus est Porphyrogenetes Nouella 3. *Ἐν τῇ ἐπαλωτικῇ*, seu de fundis militaribus.

Argumentū
à fundis mi-
litaribus.

An Decimæ olim fuerint infeodata.

quando bulla est C. A. P. X.

ALiarum gentium hoc capite negotia non tractabimus, intra Galliæ fines se nostra includet meditatio. Videamus itaque an, & quando Decimæ Clericales, & Parochianæ fuerint laicis infendum traditæ. Ostendimus penultimo capite, legibus Caroli magni & Ludouici prohibitum ne Ecclesiæ suis fraudarentur Decimis, iussu ab iisdem Regibus, ut qui ex beneficio Ecclesiæ aliquid possiderent, & Nonas & Decimas soluerent: nunc videndum an post istud tempus legibus regni licuerit laicis Decimas sibi vindicare Ecclesiarum.

Totum istud tempus, quod à Ludouico Pio ad ætatem Philippi primi Regis Francorum interceptum est, variis reperitur turbelis ac tempestatibus inuolutum, dum neque sibi cohererent Regni Proceres, neque fratres inter se de regni finibus consentirent. Aliunde pacē Galliarum vexabat frequēs Normanorū & Danorū inūdatio, quos diuina indignatio quasi turbinē ventilandis mortalium sceleribus, immittebat: Ideoque si qua causa, quæ occasione Ecclesiarum Decimæ laicis traditæ, atque impigneratæ fuerunt: credibile est, id factum iis temporibus, quibus ad rerum suarum tutelam ac præsidium necesse erat Ecclesiasticos homines magnarum ac militum gratiam emereri.

Et tamen Decimarum hisce temporibus, in feudum cum Principis consensu & suffragio Episcoporum traditarum vix mentionem ullam reperio. E contra, Reges sublequentes, semper Ecclesiarum splendori prospectum esse voluerunt suis Sanctionibus & Decretis. Quod ut pateat, recenseamus breui quid circa Ecclesiæ facultates gestum. Carolus Caluus, cuius Imperium ab anno Domini 841. ad annum 879. protenditur, eadem in Ecclesiam fide ac pietate, qua maiores sui exarserant, summouit iniquam istam Decimarum usurpationem. Anno 876. in Palatio Ticinensi, Carolus Caluus Capitula edidit, in quibus plurima sunt, quibus res Ecclesiarum iubentur manu sua mittere laici, quasi iniustam & vi occupatam possessionem, cap. 10. *Res Ecclesiasticas tam mobiles, quam immobiles nemo inuadere vel auferre præsumat, & quæ à rectoribus Ecclesiæ, ob timorem vel fauorem, alicui libellario vel emphyteuticario iure, dolose & cum damni detrimento, Ecclesiæ amissæ videntur, ad pristinum ius reuertantur &c.*

Carol. Caluus ab anno 841. ad annum 876.

Anno 876.

Carol. Caluus cap. 10

Vbi animaduerte, fontes earum infeodationum rectissime notari à Carolo Caluo, nempe timorem vel fauorem. Capitulo vndecimo, de decimis priuatim decernit, *Vt Decimæ conlaborationum & animalium, secundum sacra præcepta Domino absque fraude & aliqua retractatione offerantur. Et in potestate Episcopi maneat qualiter dispensentur canonicè &c.*

Ante hæc tempora circa annum 846. in Sparnacovilla, ab eodem capitula edita sunt quibus decernitur, ut qui prædium agrumue Ecclesiæ nomine benefi-

Carol. Cal-
auscap. 16.

Apud Syr-
mund. cap.
pag. 88.

cij occupant illi Nonas & Decimas soluant cap. 16. Idem constitutum fuit in Synodo Sueffionensi per eundem Carolum, qui id oneris speciatim Missis suas prouincias lustrantibus imponit, vt eos qui ex beneficio Ecclesiæ aliquid occupant, compellant Decimas & Nonas soluere, & Ecclesiarum tecta instaurare, capitulo sexto.

Ann. 879.

Carolo Caluo successerunt Ludouicus Balbus, cui deinde filii duo Ludouicus & Carlomannus, post quos Carolus Crassus, Odo, & Carolus Simplex, qui omnes ad Carolum vsque Simplicem, regnarunt tantum modo annis viginti tribus. Nempe, Ludouicus Balbus annis 2. Ludouicus & Carlomannus annis 5. Carolus Crassus annis 7. Odo annis 9. Sub Ludouico Balbo inuenio fortunis & facultatibus Ecclesiarum prospectum cura & sollicitudine Principis, iussuque vt laici res temere occupatas Ecclesiæ redderent. Nam apud Aimoinum lib. 5. cap. 38. legimus inter Ludouicum Balbum & Ludouicum Italiæ regem, conuentum habitum in loco qui vocatur Furon, Kalend. Nouembris anno 879. in quo conuentu præ cæteris pacis fœderatæ capitibus istud continetur. *Vt res Ecclesiarum in cuiuscunque regno capta fuerint tam de Episcopatibus quam de Abbatibus, sine ulla contradictione rectores ipsarum Ecclesiarum illas possideant, & si aliquid ibi iniustum à quoquam factum est, in cuiuscunque regno res illæ consistunt, legaliter exinde secundum iustitiam reddere faciant.*

Sub Carolo Crasso, Odone, Carolo Simplicem &

reliquis nullæ leges reperiuntur, nec regni, nec Ecclesiæ constituendæ causâ promulgatæ: quippe omnia tum temporis ancipiti discordia nutabant & iâ fata eam quæ sequuta est Reip. conuersionem meditabantur. Itaque verosimile est, Ecclesiam multa per id temporis mala pertulisse.

De Rodolpho vero Burgundionum Principe, Aimonius lib. 5. cap. 42. cui biennij regnum tribuunt Chronologi, ita Aimonii Cōtinuator libro quinto capite quadragesimo secundo. *Rodulphus, inquit, Rex Franciæ qui 2. annis gubernauit Franciæ sceptrum & valde seuerus exstitit in coercendis sanctæ Dei Ecclesiæ prædonibus, & magna ex parte fecit manere quietos proteruos impetus Danorum, sepultus est in Basilica Sæ. Columbe Virginis.* Ne quæramus vltra leges & edicta Principū isto sæculo, quo dubij reges, nomine solo non potestate dominâtur, vt de Chilperico scripserat olim pipinus.

Si ergo infeodationes quædam decimarum, & transcriptiones iurium Ecclesiasticorum factæ sint vnquam, necesse est, illius negotii fontem ab hisce temporibus Ecclesiæ & Reip. turbatissimis ac difficillimis repetere, in alto legum ac Religionum omnium silentio, dum sacra Martyrum pignora, Sacerdotes humi defoderent, & vix templis atque altaribus possent manū hostilem arcessere, & insolentem militis fastum amoliri. Qua ergo ratione prophano patrimonio præsidium quærent, qui plerumque mysteria cernere cogebantur indignissimo contemptu pollui.

Sed deterfis tandem nubibus, cælo mitescente

ac lucido, quid aliud cogitarunt nouæ sobolis Principes, quam vt ecclesiæ lachrimas expungerent & lætam inducerent frontem. Legantur Annales nostri, consulatur Helgaldus Floriacensis in epitome vitæ Roberti, epistola Fulberti Carnotensis constabit Reges è Capetiorum stirpe oriundos, ab ea Pietate ac Religione initium duxisse Imperii, quæ nostris temporibus, in eorū nepote L V D O V I C O ad gentium omnium & nationum stuporem ac venerationem reflorescit.

Non est ergo arbitrandum, exutos his temporibus legitimo decimarum prouentu Sacerdotes, quibus splendor & maiestas, ordinis sui, fato bellorum & temporum malignitate exolescens felicissime est restituta.

Et certe non longe abfuit ab his temporibus Concilium Claromontanum sub Urbano secundo temporibus Philippi primi Francorum Regis, in quo expresse cautum est, ne laici decimam partem de laboribus suis retineant, & sicut non debent retinere, ita nec accipere. Successit huic Concilio Lateranense œcumenicum sub Alexandro tertio, sub extrema tempora Ludouici iunioris, paulo ante Philippum Augustum, quo Concilio parte prima cap. Decimo quarto duo definiuntur, vnum quod mere ecclesiasticum est, nempe, laicos non posse sine animarum periculo retinere. Alterum quod politicum, nempe, iniustam esse decimarum nundinationem, nec debere laicum in aliam quàm in Ecclesiasticam manum decimarum iura transferre, quod

Can. 19.

Concil. Lateranense
part. 1. c. 14.

quod certe ad duritiam cordis eorum additum est. Existimauit quippe Ecclesia, sibi non licere cum rixis & iurgio exequi ius suum aduersus laicos, ideoque ut illos ad restituendas Decimas, quibusdam gloriæ aut religionis illecebris adduceret, liberam eis fecit potestatem Decimas tradendi, vel Monasterio, vel Ecclesiæ sæcularium, ut vocant, si ita libuisset.

Ex quibus colligere est, vix vllum fluxisse tempus ante Concilium Lateranense, quo iusta esse potuerit Decimarum occupatio, renitentibus aduersus prauum hunc morem & Regibus, & Pontificibus & Conciliis. Atqui Galliarum Prælati, sine summarum potestatum consensu ac decreto, res suas vendere non possunt. Est enim Rex Galliæ tutor ac defensor Ecclesiarum, ut scribit Rigordus de gestis Philippi Augusti, *Et quasunque terras Christianissimi Reges Principibus custodiendas tradidissent, tamen Ecclesias sub potestate sua & protectione retinere decreuerunt, ne Principes, quibus terra custodienda à Regibus delegabatur, Ecclesias vel Clericos ibidem Domino seruientes aliquibus angariis, tædis vel aliis exactionibus grauare præsumerent.*

Rigordus de
gestis Phi-
lippi Augu-
sti.

Requireret fortasse aliquis, an post illa tempora non occupauerint laici Decimas Sacerdotum. Respondeo non videri fuisse causam vllam cuiuscumodi iuris alienandi, nisi propter impensas belli sacri, & solemnem illam protectionem aduersus Saracenos temporibus Philippi Augusti. Eo enim sæculo, iura Ecclesiarum circa Decimas percipiendas, au-

gurator fuisse maxime ex parte labefactata, & iis iniunctis cepisse possessionem quam plurimi ad anteriora Concilio Claromontensi sæculo frustra nituntur reuocare. Eius vero corruptelæ fontem recludo ex Rigordo libro eodem de gestis Philippi Francorum Regis. Refert enim Philippum, anno 1188 Consilium iniisse Parisiis de Saracenis ac Turcis finibus Palestinæ pellendis, ac propterea ingentem collegisse exercitum habito solemni nobilium ac magnatum delectu, quibus ut impensas præstaret, tam longæ ac molestæ profectioni necessarias, permisit, ut Decimam ex omnibus agris suæ ditionis legerent, quamdiu in armis & sacra expeditione versarentur. Cum ergo Rustici & Coloni, Dominis ac senioribus suis Decimas pendere cogerentur, probabile est, ipsos Ecclesiasticis solitam pensionem subduxisse, adeoque nobiles in ius Ecclesiarum suffectos, etiam post bellicos motus per secessum & otia domestica illud retinuisse. Hanc vero Philippi constitutionem non pigebit adscribere.

His imprimis constitutum est de Decimis, quod omnes illi qui † non habentes quicunque sint, Decimam ad minus dabunt hoc anno de omnibus mobilibus suis, & de omnibus redditibus, exceptis illis qui sunt Cisterciensis Ordinis, & Ordinis Carthusiensis, & Ordinis fontis Ebrardi, & exceptis leprosis, quantum ad suum pertinent proprium. In nullas communias mittet aliquis manum, nisi ille Dominus cuius, ipsa communia fuerit. Quale tamen ius in aliqua communiarum habebat prius aliquis, tale habebit. Qui alicuius terre magnā iustitiam habet eidem ter-

ra Decimam habebit. Et sciendum quod qui Decimas sunt daturi, de toto mobili suo, & redditibus Decimas dabunt, non exceptis inde prius debitis suis, imo post donationem Decima, de residuo poterunt sua debita solvere. Vniuersi laici tam milites quam alii, praestito iuramento sub anathemate. Clerici excommunicatione astricti suas dabunt Decimas. Miles crucem non habens, Domino suo habenti ei, cuius erit homo ligius, dabit de suo proprio mobili Decimam, & de feudo quem ab ipso tenebit. Si autem ab eo nullum tenebit feudum, de suo proprio mobili Decimam Domino suo ligio dabit. Singulis vero à quibus tenebit Decimam de suis feudis dabit, & si nullum Dominium ligium habebit, ei in cuius feudo manserit leuans, & cubans dabit Decimam de suo proprio mobili. Si quis terram suam Decimans, res alterius quam illius quam debet Decimare, inuenerit in terra sua, & ille cuius res fuerint, illas esse suas legitime monstrare poterit, Decimans non poterit eas retinere. Miles † habens qui sit haeres legitimus filius, vel gener militis crucem non habenti, vel alicuius viduae, habebit Decimam patris vel matris suae. In res Archiepiscoporum, seu Episcoporum, seu Capitulorum, seu Ecclesiarum, quae ab eis mouent in capite, non mittet aliquis manum: nisi Archiepiscopi, Episcopi, Capitula, & Ecclesia quae ab eis mouent. Si Episcopi colligent inde Decimas, & eas dabunt quibus dare debuerint. Quicumque † habens, qui dare talliam, vel Decimam debeat, & eas dare noluerit ab illo capiatur cui suam debet talliam vel Decimam, ut inde suam faciat voluntatem. Qui eum ceperit, propter hoc non poterit excommunicari.

Chopinus
sacrae Poli-
ticae l. 7. tit. 4.

Cæterum ita dubia est incerta fides Decimarum, quæ infeodatae dicuntur, ut omnes qui ea de rescripterunt fateantur ingenue, nulla proferri posse earum documenta, neque ex publicis actis, quidquam huc usque erutum, quod eius rei fidem facere posset. Renatus Chopinus sui sæculi doctissimus ac disertissimus orator, ait se à quodam Quartario accepisse, omnes eius infeodationis tabulas fuisse in cameram computorum delatas, quò factum est ut regiarum rationum tabulario incenso, vniuersa contractuum eiusmodi instrumenta exarscerint.

Neque tamen violandam hac de causa pacem publicam censeo, probantibus eam possessionem regni legibus, Principum Decretis, spectante & volente Ecclesia Gallicana, quæ summam semper cum Nobilitate coniunctionem habuit; ex quo ab eodem parente, velut fraternis iuncta fœderibus, ut Nobilium iura & Ecclesiarum privilegia fluxerunt.

De Decimis omnis generis personarum, Regum, Clericorum, Monachorum, ingenuorum, seruorum.

C A P V T XI.

HOc capite discutiendum à quibus debeantur Decime. An Reges ea pensione erga Ecclesiasticos teneantur. An Clerici Clericis, Ecclesiæ Ecclesiis Decimas soluant. An Monachos, an seruos lex ista Decimarum soluendarum complectatur.

Regibus Decimas à populo deberi, tanquam ad excubias & tutelam Reipublicæ à Deo positis, nemo inficiari audeat, nisi quem tumida & insolens ambitio libertatis, Regium nomen dedoceat reuereri. Etiam cum sanguine & vitæ periculo, vitæ quæsitæ hostium exuias olim contingere nefas erat, & in priuatū commodum ac peculium transferre, nisi Primitiis Regiæ auctoritati prælibatis.

Ira Sanedrium cap. 2. §. quarto. *Totus populus spolia hostibus detracta ipsi offert. unde Princeps partem capiat.*

Sanedrius
cap. 2. §. 4.

Inde fortasse manauit Pétamæria Græcorum, hoc est, ius quintæ spoliiorum partis ab Imperatoribus capiundæ, de qua Cantacuzenus in Historia, vbi de Andronico Imperatore sermo est, quo loco ait consuetudinem esse exercitui Græcorum, *ἡ πρὸς τοὺς ποταμὸν καὶ τὸν βασιλεῖ.*

Cantacuzenus.

Quod ergo populi Regibus, hoc Deo Reges sunt, ante cuius tribunal vbi summi Principes conlittere,

continuo omnis eorum maiestas, atque auctoritas exolefcit. Vnde Græcorum Imperatoribus cum ad sacram communionem accederent mos erat, capiti suo coronam detrahere, eamque Diaconis qui populorum oblationes sumebant, quasi donarium & sacrum anathema contradere, καθάλλων ὁ βασι-
 λεύς ἀπὸ τῆς ἐαυτοῦ κεφαλῆς τὸ τέμμα, ἔχοντι τὴν ἀφ-
 ᾠον. Apud Codinum cap. 16. Hinc optimi Reges ornandis augendisque Ecclesiis perpetuo incubue-
 runt, & sua se sponte cuidam decimarum pensioni subiecerunt.

Codinus
cap. 16.

Sosomenus
lib. 1. cap. 8.

Sosomenus Historiæ Ecclesiasticæ libro primo capite octauo refert Constantinum è suis etiam tri-
 butis ac vectigalibus quandam veluti decimam clero assignasse, & iure quodam perpetuo tribuisse. *Ex terra, inquit, quæ in singulis ciuitatibus vectigalis erat, certum vectigal quod aerario pensitari solet, accepit, & Ecclesiis ac Clero distribuit quam quidem largitionem in omne tempus ratam esse voluit.*

Colomannus
Decret. lib. 1.

Colomannus Hungariæ Rex Decretorum libro primo, edicit solemnè oraculo quæstoribus suis, vt Episcopis sui Regni Decima tributorum ac vectigalium pendatur. *De tributis autem & vectigalibus sicut Comitibus tertiam partem dari decreuimus, ita Decimam quoque Episcopis dandam censemus, quibus tam noui quam veteris Testamenti pagina Decimas dandas esse proclamat. Incantum igitur & inconsultum est, si in-
 stituta sanctorum præsumamus infringere, quæ summa potius deuotione debemus adimplere.*

Quinetiam decimam metalli, quæ iure quodam

singulari ad Regem pertinet, l. cuncti 3. Cod. de metallariis & metallis inuenio à Regibus Hungariae olim in dominium & patrimonium ecclesiae translatae, itaut Reges Decimam suae Decimae partem Clero persoluerent, quae *Vrburarum* decimatio dicebatur. Cuius rei non possum, non hic ad texere vestigium insigne erutum è veteri codice quod Bonfinius publico dedit, ita vero se habet. *Certa res est, & per multa regeſta, ac alia documenta probari poteſt, quod Reges Hungariae, ab eorum montaniſtis, receperunt vrburas, hoc eſt de ſingulis mineris auri, argenti, & cupri habuerunt Decimam partem, & quoties Rex habuit Decimas partes huiusmodi minerarum, toties diuiſit, & dedit Archiepiſcopo Strigoniensium unam partem, & vocabatur iſta, Decima Decimae, & durauit huiusmodi exactio vrburarum vltra centum annos: quoniam quod ſemel inſcribitur regeſtis Regum & Archiepiſcoporum, non ita citò obliuioni traditur. Et cum iam praefata vrburarum praepoſitio à multis, vt praemiſſum eſt, annis fuiſſet continuata, & montaniſta praua ratione cum eorum argento, à toto eo tempore fuiſſent liberi, ita vt cuiſcumque voluerunt, illud diuendere potuerunt, ſine aliqua multa Regis & Canonicorum. Poſtquam autem ſaepe dicti Reges & Archiepiſcopi per nonnullos montaniſtas ſaepe ſapius fuiſſent decepti in eo, quod non bonas mineras, ſed aliquando viliffimas depoſuerunt, quas poſtea cum commodo & utilitate non potuerunt conflare: ex crebra itaque utilitate, mutatione, & varietate minerarum permoti, nolentes diutius decipi & damnificari, adhibuerunt in conſilium Prelatos & Ba-*

Leuncl. 3.
Cod.

rones, & concluderunt quod Reges regni Hungariae futuris temporibus à Dominis montanistis & montanis non vbrubaras huiusmodi minerarum, sed more aliorum regnorum, totum lucrum Camerarum pro seipsis retinerent, ita tamen, ut stolas hereditarias & aquae ductus omnes pro conseruatione regalium montanorū, suis impensis debito intertenerent: & saepe satis Archiepiscopis, de singulis marcis pagamenti moneta, pro tempore currente singuli unum pisetum exoluerent, prout & hodie fit, & iam plusquam à centum annis inconcusse obseruatum est. Ex quo patet, istam præstationem vbrubarū tandem in pecuniarium censum fuisse commutatam.

Corsetus de
potestate
regis quæst.
27.

Cui autem loco Decimas persolvere Reges teneantur definit Corsetus in tractatu de potestate Regia, quæst. 37. Nempe Reges Principesque Decimas prædiales oportere illi Ecclesiæ solvere, vbi prædia sita sunt. Personales vero vbi diuina audiunt officia, pro rata diuidendo, si in pluribus locis diuina audiant. A Regibus ad Clericos transeamus, & inquiramus, an illi Decimarum pensione teneantur.

Diuisio bonorum quæ Clericis tribuantur.

Annotandum vero prædia triplicis generis ac conditionis à Clericis possideri, quædam enim sunt propria ac patrimonialia Clericorum, quædam Ecclesiastica. Ac rursus ecclesiastica, alia ad dotem Ecclesiæ pertinent: alia vero sunt incrementum aliquod dotis, quæ nimirum acceperunt Ecclesiæ iam fundatæ ac constitutæ.

Clerici, de prædiis, quæ titulo proprii ac patrimonij possident Decimas persolvere tenentur. Communis est sententia Canonistarum, nam aliter fieri possit

posset, vt Parochiæ maxima Decimarum parte fraudarentur, si qui in eis optimam prædiorum partem obtinet, eum ad clericorum ordinem contineret promoueri. Vnde Concilium Moguntinum prohibet ne Clerici possint arbitrio suo Decimas bonorum in alias Ecclesias, quibus iure ipso non competunt, transmittere. *Si quis laicus vel clericus, vel utriusque sexus persona, proprietatis suæ loca vel res alicui dare delegauerit, Decimationum prouentum priori Ecclesiæ legitime assignatum, inde abstrahere nullam omnino habeat potestatem.*

Concilium
Moguntin.

Quod vero ad Ecclesiastica prædia pertinet, ea quæ dote in Ecclesiæ constituunt, debuere esse ab omni onere ac præstatione exempta, vt ostendimus fusc agendo de dote Ecclesiarum, & de his bonorum ac prædiorum generibus intelligi debet Decretum Paschalis 2. Cap. *Nonum De Decimis. Nonum*, inquit, *genus exactionis est; vt Clerici à Clericis Decimas exigant, cum nusquam hoc in lege Domini legimus. Non enim Leuitæ à Leuitis Decimas accepisse dicuntur. Illi profecto Clerici qui à Clericis spiritualium ministeriorum labores accipiunt, Decimas eis debent.* Vbi glossa ait sententiam paschalis esse intelligendam de dote Ecclesiæ, pro qua nullas Decimas Clerici Clericis persolunt.

Citat 16. q.
1. c. si quis,

Cap. nonū
de Decimis.

De bonis vero quæ voto & pietate fidelium Ecclesiis iam fundatis & competenti dote instructis accedunt, Decimas Ecclesiæ debent Clerici. Imo vna Ecclesia alteri Ecclesiæ Decimas persoluit, quando intra eius fines atque ambitum, possessionem

Concilium
Melphitanū
sub Urbano
II.

aliquam obtinet, propterea in Concilio melphitano sub Urbano II. cautum est, ac constitutum, ut Coloni episcoporum & Abbatum, Decimas persoluant, ubi Missas audiunt, & eorum infantes baptizantur, Perlatum est ad sanctam Synodum quod sint quidam Episcopi & Abbates qui colonos ad se pertinentes non sinant Decimas dare ad Ecclesias, ubi Missas audiunt & infantes eorum baptizantur. Proinde decreuit sacer iste conventus, ut Episcopi & Abbates de vineis, vel agris ac frugibus quæ ad suum, vel fratrum usum laborant, Decimas sibi pro benedictione, vel hospitium susceptione habeant: si mibi vero ibi dent Decimas suas, ubi per totum anni circulum Missas audiunt, & infantes eorum baptizantur.

Hoc instituto moreque Ecclesiarum tuetur se Gofridus Vindocinensis aduersus Petrum Santonensem episcopum. Nam cum Salinarum omnium, quæ in ora maritima Olonensi sitæ sunt, Decimæ omnes datæ essent Cœnobio Vindocinensi in dotem, & aliquæ earum Salinarum ad ius & dominium pertinerent Santonensis Ecclesiæ, Decimas ex iis persolvere Cœnobio Vindocinensi Petrus Santonum Episcopus repudiabat, eo argumento fretus quod Ecclesiæ, præsertim maiores, minoribus Decimas non soluerent. Quam rationem vehementer impugnat Gofridus Vindocinensis Epistola quadagesima prima lib. 3. Insuper etiam Decimas Salinarum vestrarum, quas monasterium nostrum, patrimonium scilicet B. Petri, & eius alodium, per sexaginta annos pacifice nostrum possedisse, nobis aufertis. Vnde dilectio-

Gofridus
Vindocinē
in Epistol.
41, lib. 1.

nem vestram rogamus, ut quod aliter actum est, corrigatis; ne qui Apostolica praeceptione nobis defensor constitutus fuerat, videatur persecutor: & sic lupus fiat, quod Deus abnuat, qui esse debuerat pastor. Nobis dictum est, quia dictis, quod Ecclesia non debet Decimam dare. Hoc verum est ubi Ecclesia nihil habet in Paroecia alterius Ecclesiae, ubi vero Ecclesia in alterius Ecclesiae Paroecia possessionem aliquam habet, vel quidpiam quod Decimari debet, ibi Ecclesia Ecclesiae Decimam reddere debet, si illud ista possidere desiderat. Hoc tenet Italia, hoc tenet Gallia. Ibi enim nouimus Ecclesias Ecclesiis Decimas reddere, & maiores minoribus, & minores maioribus, ubi altera earum possessionem obtinet in iure alterius.

Difficile autem est explicatum quomodo Olonenses Salinae ad dotem & patrimonium Ecclesiae Santonenensis pertinere potuerint, cum in eius diocesi non sit Olona, sed ad diocesium Pictauiensem pertineat. Itaque dicendum non tantum apud Olonam, sed apud Oleronam quoque insulam eorum temporis Salinas esse potuisse. At Olerona insula est intra Parochiam Episcopi Santonenensis. Quapropter eas decimas recipiebant Monachi, ratione Ecclesiae Parochialis suo Monasterio insitae, & ut aiunt incorporatae, intra quam Salinae istae consistebant: Nam alioquin non video quomodo eas decimas repetere potuissent. Habuisse autem Ecclesias complures in Oleronensi territorio liquet ex pluribus eiusdem Epistolae, & ex Epistolis Urbani II. ad Gofridum.

Ad Monachorum decimas progrediamur, de

quibus dicendum Monachos antequam è laicorum gradu in Clericorum ordinem conscendissent, iis omnibus Pietatis ac Religionis officiis perfunctos, quibus laici solent sese apud Ecclesiasticos homines exoluere. Proinde oblationes, Decimas, Agapas, hoc est publica in pauperum alimoniam conuiuia, apud Monachos æque in vsu erant, atque apud laicos. De oblationibus, apertus est locus apud Hieronimum ubi notas & conditiones recenset quibus à Monacho Clericus secernitur. *Clerici pascunt oves, ego pascor: illi de altario viuunt, mihi quasi infructuosa arbori securis ponitur ad radicem, si munus ad altare non defero. Nec possum obtendere paupertatem cum in Euangelio autem viduam duo quæ sola sibi supererant æra mittentem, laudauerit Dominus.*

Hieronim
epist. 1. ad
Heliodorū
tom. 1. de
laude vitæ
solitariae.

Easdem oblationes detulisse Sacerdotibus Monachos qui solitudinem incolebant, patet ex vita Nathanaelis apud Palladium cap. 18. eum enim solitudinis studiosum & voti sui tenacem, quo proposuerat nunquam cellæ angustias egredi, Dæmon conatus est hac arte fallere. Finxit se seruum alterius Monachi ex vrbe venientem ad afferendas oblationes, sub vesperum incidisse in præcipitia, nec aliter posse periculo liberari, quàm si Nathanael ad eum iuuandum cellam defereret, manumque porrigeret. *Ille, inquit, audiuit vocem pueri & aperto ostio cellæ stans intus dicebat ei, Quis es & quid tibi vis faciam: Respondet Dæmon. Ego sum hujus Monachi minister, & fero panes quoniam est agape tui noti fratris & cras illucescente Sabbatho opus est oblationibus, ἀνάμνη*

Palladius
cap. 18.

ὅτιν τῷ σὺ γινώσκου τῷ ᾧ ἔσ' ἀδελφοῦ, καὶ ἀλλοῖοι σαββάτου
ἀναφαίνοντες, ἡρεῖα τῷ πνεύματι.

Priscis itaque illis temporibus cum illustri Monachorum propagine desertum floretet, & inter spinas ac rupes, Christi deliciae versarentur: Singulis diebus Dominicis aut in Ecclesiam veniebant monachi, illicque suas oblationes populi more Sacerdoti tradebant, aut certe veniebat ad eos Presbyter, & in ecclesia quadam in medio cellarū posita, sacris mysteriisungebatur, ut videre est in Parochia Nitriensi in media solitudine extructa de qua Palladius capite sexto Historiæ Lausiæ, καὶ ἡ ἐκκλησία σαββάτω καὶ κυριακῇ καταλαμβάνουσι μότον, *Ad Ecclesiam*, inquit, *veniunt tantum die Sabbathi & Dominica.*

Palladius
cap. 6. Hi-
storiæ Lau-
siæ.

Itaque per id tempus, si quid offerretur Monachis, illud ab eorum Presbytero, non autem ab aliis faterat recipi. Qui quidem Presbyter recepta peregrinantium donaria fratribus diuidebat. Insigne est eiusdem rei vestigium apud eundem Palladium capite trigesimo primo, ubi loquitur de Monasterio Abbatis Stephani: σιυνέβη ᾧ ἐλθόντας ἵνας ξενοῖς παρήματα ἐνεχεῖν ἐν τῇ ἐκκλησίᾳ τῇ ἀδελφότητι. λαβὼν οὖν ὁ κύριος Μακάριος, ὁ Πρεσβύτερος ἡμῶν ἀπηνήγειν ἐκείτω εἰς τὴν κέλλαν πρὸς δράκην. λαβὼν οὖν ὁ Ουάλης τὸ ἀπειέχματα, καὶ ὑβρίσεν, καὶ ἐτύπησεν, καὶ λέγει αὐτῷ ἀπελθε, καὶ εἶπε Μακαρίῳ ὅτι εἰμὶ σὺ χείρων ἵνα σύ μοι διδοῖας πέμψης.

Accidit ut quidam venientes hospites afferrent ad fraternitatem bellaria in Ecclesiam: Porro cum ea accepisset sanctus Macarius Presbyter noster, misit ad unum-

quemque in Cellam circa manipulum. Inter quos etiam ad Valentem. Cum autem accepisset Valēs eum qui attulerat contumelia affecit & verberavit, & dicit Abi, & dic Macario Non sum te deterior, ut tu ad me mittas benedictiones. Quo loci carpitur insanus tumor, & irreligiosa superbia Valētis qui nolebat oblationes fidelium sibi per macarium transmitti.

Itaque primis temporibus cum inter laicos versarentur monachi, eorum munus & officium visum est singulari cultu Sacerdotes prosequi, eorumque gradum & fastigium tam oblationum, quam Primitiarum pensione venerari.

Antiochus
Homil. 120.

De Decimis locus est illustris antea à nobis libatus apud sanctum Antiochum Homilia centesima vigesima, quo loci asserit Decimas deberi à Monachis, ex duobus. Primo ex iis quæ aliorum beneficentia Monasteriis donantur: Secundo ex iis quæ opere manuum sibi ipsis Monachi comparant, *ἡ αἰρέτως ὅ οἱ μοναχοὶ ἡγεῖσθαι εἰσὶν ἀποστέλλειν τὰς δεκάδας καὶ δεκάδας ἐν μόνον τὰς φαινομένης αὐτὰς τρεῖς ἐν ὧν καὶ αὐτοὶ ἀπὸ ἄλλων οἰκονομῶνται, καὶ ἐκ τῆς ἑργῆς τῆς χειρὸς, ἀλλὰ πιδμαλῆς, &c.* Præcipuè autem Monachi offerre Deo debent Primitias & Decimas, nec eas modo, quæ in conspectu sunt, hoc est iis quæ aliorum munere ipsis distribuuntur, aut ex opere manuum resiliunt commoda, sed & spirituales hostias.

Duravit hæc Religio pendendarum à Monachis decimarum, etiam posterioribus sæculis, in eis præsertim regionibus, quibus pulsa impietate nomen Christianum cœpit vigere, adeoque in legibus

Hungaricis sanctus Ladislaus rectorum libro primo capite vigesimo sexto instituit, vt Abbates de liberis suis dent Decimationem Episcopis. Quid sit autem dare decimationem de liberis non satis patet: nisi forte liberi dicantur, iusta seruitute manumissi, quos sub conditione census aut operæ monasteriis præstandæ omni manumiserant, vel certe dicuntur liberi qui etiam oblati, serui nempe, quos ad ministerium & famulatum Monachorum olim laici offerebant.

Sanctus Ladislaus Decretum lib. 1. cap. 26

Qua vero ratione defuerunt Monachi decimas perdere non est admodum difficile augurari. Nam stipulatione, vel priuilegio id factum. Stipulatione: cum adhuc auctoritate Presbyterorum tenerentur Monachi, eisq; vti cogerentur ad sacram liturgiam obeundam: tum commodos sibi ac faciles quærebant Sacerdotes, qui iuribus ac prærogatiuis sui gradus renunciabant, vt Monasterio de mensio fruenter, & victum vestitumque apud Monachos impetrarent. Insigne eius rei exemplum reperio in monasterio murrensi, sic enim loquuntur Acta eiusdem Monasterii impressa Spirembergii. *Accersierunt, inquit, Monachi quendam Presbyterum nomine Turing, & secum tenuerunt, & illi quæ necessaria erant præbuerunt, sicut antea & post illum multis alijs fecerunt, & illenunquam ausus est Clericos in locum inducere, vel Kalendas illorum obseruare, sed nec c. in populo magnam sententiam habuit, sine præatis loci, quare ipse, & Monachi unam fuerunt, nec inter eos ulla dissensio unquam surrexit, si que per annos multos mansit.*

Acta Monasterii Murrensis impressa Spirembergii: impressa anno 1656.

Ab onere vero pendendarum decimarum privilegia & impetratæ à S. Pontificibus immunitates monachos subinde exemerunt.

Priilegium
S. Landerci
Episcopi
Parisiensis.
Priilegium
Bertrufri
Ambianen-
fis tom. 1.
Concil. gall.

Quo autem tempore ceperint eiusmodi immunitates inuestigandum. Certe in vetustioribus privilegiis quæ Episcopi in fauorem Abbatiarum ediderunt, puta privilegio sancti Landerci, quod Benedictinis monachis cœnobii Sandionisiani concessum est, privilegio Bertrufri Episcopi Ambianensis, quod est monasterio Corbiensi indultum, nullam video istius immunitatis à pensione decimarum fieri mentionem. Consulere hisce privilegiis optimi Præsules, quieti otioque monachorum ne Archidiaconorum frequentibus circatis turbaretur meditatio, quæ solitudine & desertis gaudet, quæque ut Angelorum commercio delectatur, ita hominum coetu ac frequentia solet interpellari. Credidere itaque animos cœlo congeneres cœlorum naturam motumque imitari, quos vis nulla ab instituti cursus tramite abducit, adeoque monachos disciplina non egere, qui pulsus sceleribus sibi quodammodo peccandi libertatem rapuerunt: Itaque tam bene iusteque de monachorum rebus sentientes Episcopi, illi illustrationis annuæ & censuræ onus abstulerunt. De Decimis nulla mentio.

Quò spectarunt anti-
qua priuile-
gia data
Monachis.

Greg. 7. re-
latus ab A-
lexandro 3.
in Concilio
Lateranensi
parte 13.

Prima itaque decimarum à monachis non soluendarum prerogatiua edita est à Gregorio septimo Pontifice maximo circa annum 1175. cuius statutum hac de re habetur in Concilio Lateranensi parte 13. relatum nempe ab Alexandro tertio, *Statuti-*

mus, ut Monasteria ex suis prædiis nullomodo Decimas soluere cogantur, quia si legitime danda sunt, orphanis, & peregrinis danda sunt. Indignum est enim, ut à Clericis exigantur, qui propter eum cuius sunt Decimæ, pauperes efficiuntur. Nam pauperes Domini sunt, pauperum hereditas pauperibus eius eroganda est illis videlicet qui propter amorem illius quæ poterant possidere dimittunt, eumque nudi sequentes, potestati se alterius submitunt.

Adrianus

4. circa annum Christi 1154.

Post Gregorium septimum Adrianus quartus circa annum Christi 1154. nonnullas edidit de Monachorum Decimis constitutiones. Nempe cum ex edicto Gregorii 7. & successorum Pontificum gratia, quæcunque prædia à monachis arabantur, essent ab onere decimarum libera, is priuilegium ac libertatem ad sola noualia restrinxit, ut refert Alexander tertius in Concilio Lateranensi parte 13. c. 3. Idem in Epistola ad Thomam Cantuariensem Archiepiscopum, edixit ut monachis persoluerent Decimas ex integro de agris & prædiis quæ olim culta fuerant. Peruenit ad nos quod Monachi de Boxle Ecclesie sanctæ Mariæ, in cuius Parochia commorantur, Decimas ex integro non persoluant, & eas reddere contra dicunt. Ea propter fraternitati tuæ iubemus, quatenus prædictos Monachos moneas, ut ipsas Decimas & de ipsis cultis in quibus domus olim constructa fuerant, præfatæ Ecclesie cum integritate persoluant, quoniam priusquam in eadem Ecclesia morarentur, solebant persolui.

Alexander 3. in Concilio Lateranensi part. 13. c. 3.

Adrianus 4. cap. commissum de Decimis.

Amplificauit maiorum suorum priuilegia in fauorem monachorum Alexander tertius. Is enim non modo noluit prædia monachorum propria

Amplificat immunitates Monachorum Alexander 3.

Concil. La-
teranense
part. 13. c. 3.

nulli Decimarum præstationi subjacere : Verum etiam eam libertatem ad conductos agros & elocatos extendit. Vt patet ex eiusdem Epistola ad Episcopum Eboracensem in Concilio Lateranensi parte 13. cap. 3. *De compellendis, inquit, Monachis albis & nigris, & Canonicis regularibus, ad soluendas Decimas de terris conductis quas habent ad terminum, vel ad firmam à nobis tua discretio postulauit. Sed te vel quemlibet alium audire & exaudire super hoc nulla ratione possumus, nisi manifeste vellemus obuiare iustitiæ & prædecessorum institutis contraire, ne videamur Religionem persequi, quam si forte non habemus in nobis, in aliis diligere & fovere tenemur. Idem tamen Alexander tertius qui episcopo Eboracensi illud indulgere noluerat, conquerentibus aduersus Eboracenses monachos, Abbate & monachis sanctæ Crucis, constituit vt monachi Eboracenses in posterum Decimas soluerent de agris conductis & elocatis, ita habetur parte 13. Concil. Lateranensis cap. 2. Vniuersim vero omnibus monachis edixit Innocentius tertius in Concilio Lateranensi generali cap. 55. vt ad Decimas præstandas tenerentur, tam ex agris conductis quam ex iis quæ de nouo ab iis acquirerentur. *Decernimus, inquit, vt de alienis terris & à modo acquirendis, etsi eas propriis manibus & sumptibus excoluerint, Decimas persoluant Ecclesiis, quibus ratione prædiorum antea soluebantur, nisi cum ipsis Ecclesiis aliter duxerint componendum. Imo idem Innocentius 3. lib. quarto Epistola 85. compescit insolentem huius priuilegii abusum in quibusdam monachis, qui-**

Concil. La-
teranense
part. 13. c. 2.

Innocent. 3.
in Concil.
Lateran. ge-
nerali c. 55.

bus cum abunde vina suppetere ad annonam, tamen vineas emebant, & vinum ex iis collectum, nullâ decimâ persoluta, distrahebant mercatoribus. Ita enim loquitur Monachis Cisterciensibus & Hospitalariis & Quinqueecclesiensis Diœcesis, *Extendentes ad turpia lucra manus vestras multitudinem emittis vinearum, de quibus sibi, id. Episcopo Quinqueecclesiensi, vel Ecclesiis suæ Diœcesis Decimæ solui solent, quarum vinum licet nequaquam in proprios usus expendatis, sed vendendum ad alias faciatis provincias deportari, Decimas tamen sibi vel ipsis Ecclesiis subtrahitis ex iisdem. Quo turpi questu in iustam indignationem adductus Pontifex minatur Monachis fore, ut proximo Concilio omnia illorum priuilegia abrogentur. Scientes vobis esse merito formidandum, ne propter clamores eiusmodi sacrum Concilium auctore Domino in proximo celebrandum priuilegia vestra coarctanda prouideat, vel etiam reuocanda. Cum priuilegium mereatur amittere qui concessa abutitur libertate.*

Quo ordine ceperint ista priuilegia communicari Religiosis Monachorum ordinibus, summorum Pontificum diplomata ac Bullæ testantur. Nimirum primos ea prærogatiua donatos reperio Monachos Basilieneses in Diœcesi Messanenſi, quibus credo S. Pontifex eam gratiam fecit; siue quod onus decimarum, ante hæc tempora in Græcia, ne quidem apud laicos & prophanos foret vsitatum, siue quod isti Monachi ad Sedis Romanæ reuerentiam ceteros crederentur posse suis studiis, atque exemplis reuocare. Priuilegia autem non esse steri-

Alexander
3. in Bulla
Apostolicæ
Sedis anno
1175.

lis ac infœcundæ conditionis quis nescit. Ab hoc primo cætera emerferunt Urbanus tertius anno 1187. exemptionem à Decimis indulgit hospitali fratrum ordinis cruciferorū, in ciuitate Bononiæ in Bulla quæ incipit *Cum antecessor tuus*. Celestinus tertius eadem prerogatiua donauit Congregationem Monachorum montis Virginis, Bulla quæ incipit *Religiosam vitam* Innocentius tertius anno 1209. eodem onere liberauit fratres Ordinis Redemptionis captiuorum, Bulla quæ incipit, *Operante Patre luminum*. Honorius tertius eandem libertatem censuit esse communicandam fratribus Euangelii præconibus, Ordinis sancti Dominici, quibus etiam permittit possidere bona cuiuscumque generis sint, per Bullam cui initium est *Religiosam vitam*, anno 1216. Honorius idem Cistercienses in eius gratiæ societatem vocauit anno 1224. per Bullam quæ incipit, *Cum Abbates Cisterciensis Ordinis*. Innocentius quartus pronunciauit Monachos Congregationis Syluestrinæ immunes à Decimis noualium & nutrimentis suorum animalium Bulla quæ incipit *Religiosam vitam* Anno 1247. Clemens quartus anno 1265. remisit fratribus inclyti Ordinis sancti Francisci pensionem Decimarum ex hortis & virgultis per Bullam quæ incipit *virtute conspicuos*; Licet vero sint ex Monachis quibus ea priuilegia comperant postquam maxime partem oneris subeunt, & sub præsulum auctoritate militant, abusum tamen priuilegiorum eiusmodi antiqui Patres perpetuo sunt auersari. Adeoque Richardus

Urbanus 3.
Bulla cum
antecessor
tuus anno
1187.

Celestinus
3. Bulla Re-
ligiosam vi-
tam Inno-
cent. 3. Bulla
operante
Patre lumi-
num anno
1209.

Honorius 3.
Bulla Re-
ligiosam vi-
tam anno
1216.

Idem Ho-
nori- Bulla
nori- cum Ab-
us Bul- bates
la anno
1224.
Innocent.
4. Bulla Re-
ligiosam vi-
tam anno
1247.

Clemens 4.
Bulla virtu-
te conspic-
uos anno
1265.

Cantuariensis apud Petrum Blesensem atrocissime in Cistercienses inuehitur, qui ea immunitate Decimarum freti, cæterorum Clericorum & Monachorum patrimonium maxima ex parte minuebant. Non ponimus, inquit, in calum os nostrum, nec de facto summi Pontificis disputamus. Sed si Dominus Papa indulgentia speciali quandoque priuilegiauit vos, dum Ordo vester in paupertate gaudebat, dum in usus egentium sua tenuitatis viscera liberaliter effundebat, potuit tolerari ad tempus, licet in communem redundaret iniuriam, quod causa necessitatis fuerat introductum. Nunc autem quando vestra possessiones multiplicata sunt etiam in immensum: priuilegia hæc potius ambitionis, quam religionis instrumenta censentur. Quicquid indulgeant priuilegia Ecclesiæ Romanæ, vobis expedire non credo, contra conscientiam vestram, quod alienum est usurpare. Quod si à sede illa publicum emanasset edictum, quod ubicunque inueneritis Clericos, aut alterius habitus Monachos equitantes, vobis liceret eos de suis auectionibus deicere, & equos in usus proprios retinere? Quid interest, equos rapiatis, an Decimas? Nisi quia Decima res spiritualis est, & ideo enormius sacrilegium in Decimis committitur, quam in equis? Cum Dominus præcipiat Decimas solui, quis contra eius præceptum potuit dispensare? Vbi diuina & humana iussio sibi inuicem contradicunt, & obediendum est Deo magis quam hominibus. Ac tandem vbi seria adhortatione ipsos ad eam immunitatem aut eiurandam, aut temperandam inuitauit concludit hoc pacto. Quod si pertinaces vos, & inflexibiles exhibetis, vinculo anathematis

Richardus Cantuariensis apud Petrum Blesensem epist. 82. ad Abbatem & conuentum Cisterciensium.

innodabimus uniuersos, qui aliquid vobis dederint, aut vendiderint, unde ius Decimationis obueneat, atque in cælum clamabimus, & ad thronum summi iudicis appellabimus, ne quis huius vinculum excommunicationis absoluat. Principum etiam fauorem in hoc plenissime obtinebimus, ut gladio spirituali manus ciuis assistat, & quicquid contra principale oraculum, venditum aut donatum vobis fuerit, confiscetur.

Quomodo Decimæ ad Monachos peruenerint, seu quæ intra territorij Monastici fines sitæ sunt, seu quæ ab extraneis Parœcijs in horrea Monachorum conuehantur.

C A P V T XII.

Decimæ quæ à Monachis possidentur, vel sunt eius Parochiæ intra fines cuius situm est Monasterium, vel olim situm fuit (nam Monachos antiquis sedibus non semel migrasse in locum commodiorem prisci Annales satis aperte testantur) vel Decimæ sunt alterius Parœciæ.

Decimæ Parochiarum, quas Monachi incolunt, qua ratione in ditionem ac patrimonium Monasticum fuerint adscriptæ, facile est intelligere. Loca enim quæ Monasteriorum splendore his temporibus illustrantur, olim incultæ ac ingratae fuere solitudines, solis vepribus ac spinis fœcundæ. Asperitatem soli & duritiem Monachorum studia

ac labores molliuerunt. Puduit terram aduersus tam religiosos cultores luctari, & inter tot innocentes vultus, quales olim ante primigenium scelus parentum fuerant, noluit tribulos ac vepres tristitia auiti criminis monimenta retinere.

Itaque cum eas terras, Præsules & locorum Domini, Monachis cederent, nil inde sibi Decimarum retinebant. Aliunde si cui eorum locorum decimæ debitæ fuissent, maxime Presbytero, qui Monasterium regebat: At ille vt ostendimus viuebat arbitratu legeque Monachorum & leui stipendio conductus cætera hospitibus suis liberalissime remittebat.

Quomodo
Decimas
sui territorii
Monachi
possideant.

Hic vero quæret aliquis vnde factum sit, vt Decimæ prophanorum ac laicorum, qui circa Monasteria degunt etiam ad Monachos ex integro pertineant; cui dubio facile responderetur. Nam cum adhuc vigerent seruitutes, certum est Monachos habuisse familiam conflatam ex seruis, mancipiis, colonis & originariis. His vero casas & tuguria in cōfinio possessionum suarū Monachi extruebant. Itaque cum totus ille populus ex Monastico famulatu ac seruitio constaret, qui terras, agros & possessiones Monasticas colebat. Hinc fiebat vt ab eodem Presbytero regeretur qui Monasterio præerat, aut ab alio, quem Monachi stipendio conducto, suæ familiæ moderatorem ac Parochum cum institutione Episcopi præficiebant. Itaque non mirum si in homines & Parochias sui territorii maiorem plerumque quam in alias omnes auctoritatem Monachi

obtineant, cum antiquitus omnes isti Parochiani essent eorum serui, quibus Presbyterum nominare & designare, Monachis facile indulgebant Episcopi. Fuisse autem omnes istos incolas maximâ ex parte seruos & colonos Monachorum, tum ratio, tum veterum monimenta suadent. Extat diploma manumissionis publicæ quo totum populum, qui in suburbio sancti Germani de pratis degebat Monachi illius loci seruitutis vinculo soluunt, circa annum Domini 1250. quod diploma è tabulario eius Monasterii eruit Renatus Chopinus, & exscripsit libro secundo de moribus Parisiorum tit. 8.

Renatus
Chopinus
lib. 2. de mo-
ribus Pari-
siorum tit. 8.

Frater Thomas Beati Germani de pratis Parisiensis minister humilis, & totius eiusdem loci conuentus &c. Hominibus de Burgo nostro sancti Germani de Pratis producentis libris Parisien. de quibus est nobis satisfactum, manum mortuam, foris mariagium, & omnimodam seruitutem, quam habebamus, vel habere poteramus in dictis hominibus, vel eorum heredibus, quantum ad personas seu corpora ipsorum, ubicunque decenter se transferre voluerint, totaliter & in perpetuum remittimus & quitamus; & eosdem manumittimus, ac perpetuæ libertati plene describimus & donamus, &c.

De cæteris vero Parochiis, quæ extra ambitum Monastici territorii sitæ sunt, Decimæ ad Monachos duplici ratione peruenire potuerunt, aut titulo paupertatis, aut nomine tutelæ ac patrocinijs Ecclesiarum.

Titulo paupertatis eas obtinent Decimas Monachi, quas illis olim Episcopi vtendas fruendas cesserunt,

cesserunt in annonam fratrum Deo seruientium. Solebat enim Episcoporum pietas Monachorum rebus consulere, & prospicere, ne qui hominum ceruicibus calamitates iugi oratione & austero victu depellunt, illi extrema inopia & calamitate premerentur. Idcirco cum ex antiquissimo ecclesiæ ritu tertia pars decimarum in pauperum solatia cederet, illam partem boni Præsules commodis ac fortunis Monachorum adscripserunt. Atque hoc titulo non alio possideri Decimas à Monachis perpetuo creditum est. Ita refertur ex Hieronymo ad Damasum Papam 16. quæst. 1. can. *quoniam. Quoniam quidquid habent Clerici pauperum est, & domus illorum, omnibus debent esse communes, susceptioni peregrinorum & hospitum inuigilare debent: maxime curandum est illis, ut de Decimis & oblationibus, Cœnobijs & Xenodochiis, qualem voluerint & potuerint sustentationem impendant, liberum enim est Monachis & spiritualibus viris Deum timentibus & colentibus Decimas & oblationes, cunctaq; remedia concedere & de iure suo in Dominiū illorum & usum transferre, nec tam in pauperibus paupertatem quam Religionem attendere Eandem rationem tradendarum Monachis decimarum exprimit Yuo Carnotensis epist. 192. Licet enim Decima & oblationes principaliter Clericali debeantur militiæ: potest tamen Ecclesia omne quod habet cum omnibus pauperibus habere commune. Quanto magis cum his pauperibus, qui relictis facultatibus propriis, non in angaria bajulantes Christi crucem, sequuntur pauperem Christum.*

Hieron. ad
Damasum
refertur 16,
q. 1. can.
quoniam.

Yuo Carno-
tensis epist.
192.

Tutelæ ac patrociniū nomine obtinuerunt De-

R

cimas Monachi; postquam eorum virtute ac doctrina factum, ut è cellarum latebris ipsos in publicam Ecclesiæ lucem præfules educerent; & pascendis regendisque populis moderatores idoneos crearent. Nam ab eo tempore Parochiis sibi commendatis Curionem ac Rectorem è suo contubernio nominabant, quem Presbyterorum insignibus conspicuum & auctoritate docendæ ducendæque plebis instructum in Parochiam mittebat Episcopus: Is vero parte tertia Decimarum, sibi ad victum & vestitum reservata, quidquid superesset Monasterio tradebat ad alimoniam fratrum illic degentium. Unde liquet Parochias, in ius & commodum Monachorum ante annum circiter millesimum, ex sola benignitate Episcoporum transiisse, quia altaria Monasteriis adscribebant. Multa in eam rem argumenta conferrem, nisi in tabulariis Monasteriorum infinita extarent eius rei vestigia, & nisi libro sequenti, iterum occasio reditura esset huius antiquitatis illustrandæ; Cæterum obiter notandum ex iisdem Monasteriorum tabulis studium curamque perpetuo adhibuisse Monachos, ut Parochiarum ac Decimarum factæ sibi ab Episcopis donationes, summorum Pontificum nutu ac diplomate niterentur, inde suis iuribus firmitatem & stabilitatem aucupantes.

Synodus
Claremontana sub
Urbano 2.
anno 1197.
apud Biniū
cap. 7.

Postea defierunt monachi populorum gubernaculis admoueri, quod factum est in Concilio Claremontano sub Urbano 2. Ea enim Synodo cum cernerent Clerici luculentiorē sui fundi ac patri-

monii partem in monachorum manum ac possessionem commigrasse; & vix vllas esse Parochias, quarum decimam monachi non caperent, de suis bonis ac facultatibus recipiendis ac vindicandis ceperunt cogitare. Itaque graues aduersum monachos querelas ediderunt, verum cum Vrbanus consultiſſimus Pontifex cerneret rem istam in apertam seditionem ac tumultum erumpere, nec posse nisi violatâ Ecclesiarum pace, res Ecclesiarum à possessoribus monachis abstrahi, motus istos ac turbelas sic componendas censuit. Nempe vt quidquid tot retro sæculis monachi sibi comparassent, id in eorum dominio ac potestate remaneret: cæterum ne Parochiarum regendarum consilio ac prætextu, monasteria earundem rebus ac fortunis deinceps auferrentur, interdixit ne in posterum monachi ad gubernandas plebes accederent, & si quid bonorum de nouo ipsis traderetur, id fieret volente & consentiente Episcopo, cuius nisi auctoritas ac suffragium accessisset, omnis donatio nulla foret & irrita. Constitutio Urbani de bonis ante Concilium Claromontanum partis quiete possidendis extat apud Gratianum 16. q. 7. can. *Congregatio*, expressa ex collectione Decretalium Bernardi Papiensis, tit. de Capellis Monachorum. Canon. vero eiusdem Synodi quæ Claromontana siue Aruerna dicitur extat in antiquo exemplari in Bibliotheca clariss. Puteanorum, vnde eruit & publicauit Iuretus, *In Ecclesijs ubi monachi habitant, populus per Monachum non regatur, sed Capellanus qui populum regat ab Episcopo*.

Vrbanus 2.
apud Grat.
16. q. 7. can.
Congregatio, collect.
Bernardi
Papiensis
tit. de capellis
Monachorum.
Synodus Aruerna ex
rhuani manuſcripto.

copo constituatur, itaut ex solius Episcopi arbitrio tam eius ordinatio quam & dispositio, & totius vite sue conuersatio pendeat. Cæterum in Galliis cepit primum hæc vigere constitutio de Monachis à Parochiarum moderatione remouendis. Liquet ex Epistola sexagesima nona Yuonis Carnotensis Episcopi, in qua refert Episcopum Lemouicenssem vetuisse, ne Monachi in posterum aut Parochias regerent, aut populorum confessionem exciperent. Qua conslitione Galterius Monasterii præfectus cum vehementer indignaretur sic ad eum Yuo rescripsit.

Quantum, inquit, intellexi ex litteris ex parte vestra mihi nuper oblatis, grauiter fert vestra fraternitas, quod

Yuo Carnotensis epist. 69. ad Galterium stirpenfis Ecclesie præfectum,

Lemonicensis Episcopus in Synodo agens, interdixit omnibus regularibus Clericis & regimen Parochiarum & confessionem pœnitentium, qui rectius quidem fecisset, si omnes Sacerdotes ad regularem vitam inuitallet &c. Hæc tamen prohibitio licet aliquo forsan liuore Canonici ordinis facta esse videatur, quanto salubrior, tanto fraternitati vestræ debet esse acceptior. Vos enim eò per viam Dei expeditius inceditis, si alienorum criminum deprimentes fasciculos, cum quotidianis vestrorum excessuum l. p. sibus non portetis.

Notandū insuper quod ante tēpora Urbani Papæ circiter annis 90. hoc est anno prope millesimo, regnante Roberto Rege, consilium inierant Episcopi de Decimis è Monachorum manu receptandis, eaque caussa Synodum habuerant, apud sancti Dyonisii Monasterium. Verum subita Monachorum tumultuatio fecit, vt populares eius loci Monachis

tanquam Dominis suis ac senioribus addicti, in sacrum Episcoporum cœtum ruerent & cogerent de fuga arripienda potius quam de recipiendis Decimis cogitare. Rem ita exprimit Aymoinus Floriacensis. De stylo & animo scriptoris iudicium sit penes lectorem. In illis, inquit, diebus in Monasterio S. Dionisij haud procul à Parisiis, Cœcilium aggregatum est quam plurimorū Episcoporum. Qui cum de fidei puritate, de corrigendis tam suis quam subditorum prauis moribus, sermocinari debuissent, iuxta vulgare Proverbium, cunctam suam sermonem, ad Decimas verterunt Ecclesiarum. Quas, laicis, ac Deo seruientibus Monachis auferre moliti, resistente eis in hac re, hoc V. cultore Abbone, promiscuam in se vulgi concitauere manum. Ortaque subito seditione, tantus in Episcopos timor irruit, ut publica statione relicta, passim quisque diffugeret, inter quos Seguinus Senonum Archiepiscopus Primatum Gallie in ea Synodo sibi usurpans, Primatum quoque fuge arripuit. Et inter fugiendum, securi inter scapulas ictus, lutoque à popularibus oblitus, agrè euasit. Vni quoque Episcoporum timor fugienti tam veloces addidit alas, ut affluentissimo prandij apparatu, quem sibi extraxerat, relicto, vicina vrbis Parisiorum mœnia, fugitabundus expeteret.

Aymoinus
Floriacensis
lib. de vita
sancti Ab-
bons Floria-
censis Mar-
tyris capite
nono Bi-
bliothecæ
Floriacensis
pag. 320

Hæc historia ac progressus decimarum Monasticarum ante tempora Concilii Lateranensis. Subinde vero hoc est paulo ante Lateranense Concilium & consequentibus sæculis, cum laici maxima ex parte in Sacerdotum Decimas inuolassent ac insolenti dominatu Ecclesiam & Clericos vexarent

consilium iniere Episcopi ac Pontifices, qua ratione fieri posset, ut suaderent laicis Decimas temere & præter ius usurpatas relinquere. Nullum autem remedium commodius visum quam si potestatem facerent iisdem, Decimas cui vellent Ecclesiæ contradere, seu Monasteriis, seu Parochiis. Itaque cum fundatorum nomen ambirent plurimi & inferi amarent tabulis cartisque Monasteriorum, ereptas Parochialibus Ecclesiis Decimas Monachorum commodis dedicabant. Ex hoc tempore maxima parte Decimationum aucti sunt Monachorum redditus, & facultates mirum in modum amplificatæ. Unde patet Decimas Monachis nunc temporis non competere nisi, vel paupertatis, vel tolerantie titulo. Titulo paupertatis, quatenus iis olim ab Episcopis concessæ sunt cum extrema inopia fratres premeret in solitudine de una æternitate sollicitos. Tolerantie titulo possident quidquid laicorum manibus recipere, à tempore Concilii Lateranensis. Certum est enim titulum istius possessionis sola patientia ac tolerantia præsulum legitimum euasisse. Si enim laici possidere Decimas iure non potuerunt qui fieri potest, ut iustam earum possessionem in Monachos transmiserint? de titulo patrocinii & administrationis nil superest quo Decimas sibi vindicare. possint Monachi: non enim amplius Ecclesias administrant, neque per confratres regunt, sed solum ius presentandi retinent. At ius simplicis presentationis nemini potest sufficere ad vindicandas Decimas, nam & laici eo iure potiuntur, neque

tamen pars vlla Decimarum ad eos spectat. Ex solo vero titulo Monachatus nemini Decimas congruere posse, docet Innocētius Papa 16. q. 1. can. *si Monachus* vbi Monacho Decimarum legendarum facultatem concedi posse decernit, si modo fuerit ad Clerum promotus. Cætera de Decimis nēpe quibus ex rebus solui oporteat ex fœno, apibus, hortis, metallis piscibus facilia sunt & obuia; idcirco ab his discutendis abstinere pleni sunt earum rerum forenses libri, nos antiquiora & reconditiora tantum sectamur.

De oblationibus. Diuisio oblationum. Oblatio Primitiarum ex Græcorum praxi. Ubi nam vna benedicitur. Orationes super fructus nouos. καλοῦσθαι benedictio. Lac & mel quo festo offerri licet. Oblationes Armentorum ex carnibus coctis. Concilij Antisiodor. canon de compensis & hominibus lineis exponitur &c.

C A P V T XIII.

Oblationum ritus & conditio commode exponetur, si dicamus quarum rerum fierent oblationes, à quibus receptarentur, & quinam ad oblationes faciendas idonei essent, quosue censura Ecclesiastica ab eodem honore reiiceret.

Oblationes non ex quibuscumque rebus fieri sinebat olim Ecclesia: quædam enim Maiestatem altaris & Ecclesiæ sanctitatem dedecent, quædam etiam polluant. Vnde duo genera oblationum damna-

animaduerto, prophanas nempe & superstitiosas.

Canones

Apost. can. 3.

De prophanis Canon est inter Apostolicos adscriptus, quo cauetur ne quid offeratur ad altare præter incensum & oleum ad luminaria. Μὴ ἄλλόν τι

ἔστω προσάγεσθαι ἢ ἐτέρον πρὸς τὸ θυσιαστέον, ἢ ἔλαιον εἰς τὴν λυχνίαν καὶ θυμιάματα πλὴν ἁγίας προσφορῆς.

Ne cui liceat adferre, ad altare quidquam aliud præter incensum vel oleum ad luminaria tempore sacræ oblationis.

Excipiuntur tamen hoc Canone oblationes, τῶν νέων χιθῶν & σαφυλῆς. i. nouarum frugum &

vuæ recentis. Vnde manauit apud Græcos ritus benedicendi fruges nouas & vuam recentem. Bene-

dictio vuæ fit à sanctissimo Patriarcha in festo Dormitionis Mariæ; in altari sacræ ædis Blachernarū,

vt testatur Balsamon ad Canonem tertium Canonum Apostolicorum. Ritus vero benedictionis tā

fructuum quam vuæ recentis, habetur in Euchologio Græcorum cap. trigesimo nono, cui titulus

Ὁ χη' ἐπὶ τῇ προσφορῇ των ἀπὸ ἁγίας πόλεως. Preces autem quæ super fructus novos funduntur à Sacerdote sunt eiusmodi. Δέσποτα κύριε ὁ θεὸς ἡμῶν, ὁ πατήρ σου

ἐκ τῶν σάων προσφέρῃς μοι καὶ τὴν προθέσιν ἐκάστῃ κελεύσας, καὶ τὰ ἀγίων σέαγαθῶν πύποις ἀνταμείψῃς χάριζόμενος, ὁ τὴν χάριν καὶ τὴν δύναμιν προσφέρειν διὰρέτως δε-

ξάμενος, πρὸς δέξαι, καὶ τὰ νῦν προσκομίσαιτα πρὸς τὸ δούλας σέ, ὁ δεινὰ, καὶ τοῖς ἀγίοις σέ θησανεῖς ἐναποθέας ταῦτα καὶ ἐξίσωσον διὰ τοῦ μέλους αὐτῶν καὶ τῶν ἐκ κοιλίας σου ἀγαθῶν ἀφθονον καὶ ἀπολαύσιν πᾶσι τοῖς ἀγαθέουσιν αὐτῶν.

Domine Deus noster qui tua ex tuis tibi offerre unumquemque pro sua facultate insisti, & dignaris tibi oblata

oblata

Balsamon
ad cano-
nem 3. A-
postol.

Eucholo-
gium Græ-
corū cap. 39.

oblata compensare immortalium donorum largitione qui viduae oblationem letus suscepisti, quam secundum potestatem offerebat suscipe quæ tibi offert servus tuus N. Et ea æternis tuis thesauris inferre digneris dans illi Et omnibus ad eum pertinentibus abundantiam omnium mundanorum bonorum &c.

Vt autem Primitias ante messem, sic exacta messe & collectis frugibus confusos seminum omnium fasciculos ad altare Sacerdotibus suis Græci deferunt, quas seminum partes κόλυβας appellant, super quas etiam preces funduntur, quas habemus in Euchologio capite quadragesimo primo.

Ευχὴ τῶν κολύβων. μ'α.

Ο πρῶτα τελεσφορήσας τῷ λόγῳ σε κύριε, καὶ κελύ-
σας τῇ γῇ πρῶτα τοὺς ἐκφυγεῖν καρποὺς, εἰς ἀπό-
λαυσιν καὶ βρώσιν ἡμετέραν ὁ τοῖς σπέρμασι τοῖς βρεῖς παῖδας
καὶ Δανιὴλ τὸ ἐν βαβυλῶνι ἀβροδελφίτων λαμπροτέροις
ἀνταδείξας, αὐτοὺς πρῶτα βασιλεῦ, καὶ τὰ σπέρματα ταῦ-
τα σὺ τοῖς ἀφ' ὧν καρποὶς εὐλόγησον, καὶ τοῖς δὲ αὐ-
τῶν μεταλαμβάνοντας ἀγάσων. Ὅτι εἰς δόξαν σὴν καὶ εἰς
ὑμῶν τὴν ἀγίαν, ὅ ἃ ταῦτα παρετέθησαν πρὸς τὸ σῶν δού-
λων. καὶ εἰς μνημόσυνον τὸ εὐσεβεῖ τῇ πίστι τελειωθέντων.
παραχρῶν ὅ ἃ ἀγαθὰ τοῖς εὐφραπέησιν ταῦτα, καὶ τὸ μνήμῳ
ἐπιτελοῦσι, πρῶτα τὰ πρὸς σωτηρίαν αἰτήματα, καὶ τῶν
ἀγίων σε ἀγαθὰ τὰ ἀπόλαυσιν φρεσείας τὴν παραχρᾶν
δεσποῖης ἡμῶν θεοτόκου καὶ ἀειπρῶτης μῦθας τῇ ἀγίᾳ τῷδε,
οὗ καὶ τὸ μνήμῳ ἐπιτελοῦμεν, καὶ πρῶτων σου τὴν ἀγίαν.

Precatio super Leguminibus & fructibus Miscellis.

C A P. XLI.

Ex Græcorū
Euchologio
cap. 41.

Domine qui omnia verbo tuo perfecisti, & terra
imperasti, diuersos fructus ad vsum & nutrimen-
tum nostrum producere, qui nudis seminibus tres pueros
& Danielelem, iis qui in Babilone delicate educabantur,
splendidiores ostendisti: Tu inquam Rex optime, maxi-
mè, & semina ista cum fructibus diuersis benedic, & eos
ui ea participant, sanctifica. Quoniam ad gloriam
nam, & in honorem (sancti huius vel illius) & in
commemorationem eorum qui in pia fide fuerunt consum-
mati hac à seruis tuis oblata sunt. Iis verò qui ista ador-
nant & illorum memoriam celebrant, omnia ad salutem
adiumenta, & eternorum tuorum bonorum fruitionem
concede, propter intercessionem sanctissimæ Dominae no-
stræ Dei genitricis, & semper Virginis Mariæ (sancti hu-
ius vel illius) cuius etiam memoriam celebramus, & om-
nium tuorum sanctorum, &c.

Esse autem κόλυβας particulas & specimina fru-
gum ac leguminum testantur voces istæ ἀπὸ τοῦ
ἑωτα σὺν τῷ ἑκαφόντι καρποῖς, Nam alioquin credi
posset κόλυβας esse panes coctos. Ita enim interpre-
tatur Suidas vocem κόλυβα σῖτος ἐφ' ἧς frumentum
coctum.

Suid. in voce
κόλυβα.

Cum ergo antiqui ecclesiæ canones verarent
præter spicas & vuas, nil quidquam aliud sacris al-

taribus imponi: omnes alias Primitias in Episcoporum, aut Presbyterorum domum fideles importabant. Ita Canonum Apostolicorum can. 4.

De lacte & melle non offerendo ad sacrum altare, Synodus sexta in Trullo. Canones 57. *ἐν αὐτῇ τῇ τοῖς ὑγιασμένοις μὲλι καὶ γάλα πρὸς τὴν εὐχαριστίαν.* Fuit tamen inter Græcos certus anni dies, in quo sacra mysteria pro infantibus celebrabantur, eoque die offerre licebat ad altare mel & lac, cui Sacerdotes benedictionem impendebant. Mellis autem & lactis oblatio fit infantium nomine, quia in sacris litteris de Christo infante legitur, *Butyrum & mel comedit ut sciat reprobare malum & eligere bonum.* Morem autem offerendi mel & lac pro infantibus statuto & consueto die, repeto & illustro, ex Concilij Carthaginensis sub Honorio & Theodosio Canone quadagesimo, *ἀπὸ τῆς ἡμέρας ἢ εἴτε μέλι, ἢ γάλα ὡς εἰώθηται πρὸς τὴν εὐχαριστίαν ἐν μιᾷ ἡμέρᾳ ἐκαστὸν εἰς τὸ τὸ ἑκαστὸν μυστήριον.* Primitia autem & mellis, & lactis, ut mos est offerantur uno die consueto ad infantium mysterium.

Canones apost. can. 4.

Synodus 16. in Trullo can. 57.

Carthaginensi Concilio apud Ballamonē canone. 40.

Oblationes superstitiosæ Patrum & Canonum auctoritate acerrime vindicantur, tum quæ aliquid antiqui ritus ac Iudaici moris retinent, tum quæ magicum aliquid sapiunt. Iudaicam autem facem olent animantium strages, quibus imbuuntur pavimenta templorum, animarum sordes non eluuntur. Hinc sexta Synodus quæ in Trullo habita est, Armenorum consuetudinem graviter perstringit. Solebāt enim Armeni dissectarum pecudum membra in templum inferre, & coram sacris altaribus

cœta vnitum unicuique Sacerdotum distribuere, quem morem tollendum de medio iubet sacra Synodus quini sexta Canone 99.

Καὶ τὸ τοῦ ἐν τῇ Ἀρμενίᾳ χώρα γίνεται μεμαθήκασι, ὡς ἄνθρωποι εἶδον ἐν τοῖς ἱερῶς θυσιαστικοῖς μέλη κρεάτων ἐφοῖτες προσάγεισιν ἀφαρέματα τοῖς ἱερεῦσιν, Ἰσραϊτικῶς ἀποιέμοντες, ὅτι τὸ τῆς ἐκκλησίας φυλάττοντες ἀκηλίδων οὐκ ἐξέταί πη τῶν ἱερῶν ἀφωεισμένα κρεάτων μέλη παρὰ τῶν προσαγγόντων λαμβάνειν. ὅλ' οἷς ὁρῶντες ὁ προστάγων, τοῖς ὁρῶντων, ἐξω τῆς ἐκκλησίας, τῆς βασιλικῆς προσαγωγῆς. Εἰ δὲ τις μὴ τὸ τοῦ οὕτω ποιῇ, ἀφωειξέσθω. Porro hoc quoque in Armeniorum regione fieri didicimus, quod quidam intus in sacris altaribus carnum membra coquentes frustra offerunt Sacerdotibus Iudaicè distribuentes. Quo circa Ecclesiam immaculatam seruantes, statuimus nulli licere Sacerdoti separata carnum membra ab offerentibus accipere, sed iis sint contenti quæ offerenti visa fuerint, eiusmodi oblatione facta extra Ecclesiam: si quis autem non hoc fecerit, segregetur.

Balsamum
ad canonem
3. canonum
Apost.

Magistarum autem oblationum extant vestigia quædam, siue apud Græcos, siue apud Latinos. Apud Balsamonem legimus quemdam Monasterii præfectum delusum fallaci & impia cuiusdam suasionis solitum admouere sacris altaribus caseum & carnes, existimans inde morbos pelli & affectis corporibus reddi sanitatem. Εἰπὼς, πὺς ἐκ τοῦτου τοῦ βότου πολλὰν ἀρρώστησιων θεραπείαν γίνεται. Ad Canonem tertium Canonum Apostolicorum. Hac impiarum oblationum credulitate laborasse veteres Gallos tum capitularia Regum, tum Canones Con-

ciliorum abunde suadent. Canon Concilii Antisiodorensis diserte prohibet omne superstitiosarum oblationum genus. *Non licet compensos in domibus proprijs nec peruigilias in festiuitatibus Sanctorum facere, nec inter sentes, aut ad arbores sacriuos, vel ad fontes vota exoluere, sed quicumque votum habet in Ecclesia vigilet, & matricula ipsum votum, aut pauperibus reddat, nec sculptilia aut pedes, aut homines lineos fieri penitus præsumat.*

Concilium
Antisiodo-
rense can. 3.

Plura in hoc Canone obscura. Primum quid sit compensum in domibus facere. 2. Quid exolvere vota ad arbores sacriuos. 3. Quid sculptilia aut pedes lineos facere quæ omnia pro captus tenuitate, sic explico. Compensos facere nil est aliud quam serotinos cœtus habere, quibus mulieres certum lanæ aut staminis pensum, in votum sancti alicuius nendo texendoue conficiunt, quod pensum subinde sacris altaribus offertur, & hunc morem in nonnullis Galliæ partibus adhuc durare norunt complures: Hoc autem fit in peruigiliis Sanctorum, & in peruigilio natalis Christi. Vnde Concilium post compensos statim prohibet peruigilias Sanctorum facere. Nisi fortasse velit aliquis compensos in domibus facere, nil aliud esse quam stare domi in otio certis diebus, præsertim maio mense quo superstitione feriari solebant veteres Galli, ut ex eo sermone liquet, qui falsò refertur inter tractatus Augustini tractatu vigesimo, crediturque esse Eligii Nouiomensis.

Ad arbores sacriuos, aut fontes vota exolvere

Cæsar, lib. 3.
& Rami-
tractatu de
motibus ve-
terum Gal-
lorum.

propago est, & furculus antiquæ Gallorum Religionis. Solebant enim proceras quercus & sublimi fastigio in cœlum euectas, quasi venerandas diuinę Maiestatis imagines colere & sacris honoribus prosequi. Itaque recepta Christi fide, nondum tamen impiorum rituum prorsus immemores Galli, veram Religionem superstitiosis hisce ceremoniis inquinabant. Solebant enim tres candelas ad fontes, aut ad arbores succendere, & hoc pacto se Numinis gratiam ac fauorem emereri arbitrabantur, vt ex eadem homilia Eligii Nouiomenfis eruimus. *Nullus ad fana, vel ad petras, vel ad arbores, aut ad ocellos, vel per trina luminaria votum faciat, vel votum reddere præsumat.*

Eligius No-
uiomenfis
apud Au-
gust tom. 9.
tractatu 20.

Tandem sculprilia, pedes, aut homines lineos facere significant magicos ac vanos ritus veterum Gallorum, qui in biuiis ac compitis, hominum mēbra, pedesue ex lino plicatili conflatos collocabant, & putabant hoc pacto morbos & ægitudines quibus angebantur felicissime persanari. Id vero liquet ex eodem Nouiomenfi. *Nulli, inquit, creaturæ præter Deum & sanctos eius venerationem exhibeatis, fontes, vel arbores quos sacriuos vocant succidite, plantas sine ungulas pedum, quas per biuia ponunt, fieri vetate, & ubi inueneritis igni cremate, per nullam aliam artem vos saluari credatis, nisi per invocationem & crucem Christi.*

De sacris oblationibus. Vetus consuetudo offerendi per singulas Dominicas. Perfectio Christiana communionis in oblatione. Ritus offerendi, apud Græcos: ara duplex ὁποῖον, & ἁγία Πάρις. Sacrificium ἐκ τοῦ ὁποῖον αὐτοῖς. Mos Græcis decerpenti particulam ἐ panis. Latini Græcis opposui. Nomina offerentium recitata. Oblationes extraordinariæ &c.

CAPVT XIV.

HÆc de prophanis & interdictis ab Ecclesia oblationibus: sacras & licitas adoriamur. Illas vero iure dicimus in ordinarias & extraordinarias diuidi. Quippe primis temporibus suppeditabat Christianos vacuis manibus in templum ingredi, & cum magna ac æterna à Deo postularent, nil eorum adferre quæ caduca sunt & fortunæ ac temporis arbitrio permutantur. Ideo sacram synaxim & corpus dominicum, salutare pabulum mentis, ad episcopos, necesse fuit ante oblationem panis & vini Sacerdotibus facere & vilibus, vt ita loquar, elementis Christi carnem fœnerari. Hinc Cyprianus auaritiam diuitum quorundam perstringit, qui illiberali parsimoniâ nil panis & vini sacris altaribus inferentes, de oblatione pauperum communicabant. *Locuples, inquit, & diues Dominicum celebrare te credis, qui Corbonam omnino non respicis, qui in Dominicum sine sacrificio venis, qui partem de sacrificio quod pauper obtulit sumis &c.*

De sacris & licitis oblationibus.

*Cyprianus
Epistol. 10.
de opere &
elemosyna*

August. ser-
mone 215.

Ex qua obirogatione & animaduersione Cypriani, desumpta videtur adhortatio quę extat apud Augustinum sermone 215. *Ante omnia, inquit, sicut iam supra dictum est, secundum vires vestras Eleemosynam pauperibus exhibete, oblationes quę in altario consecrantur offerte, erubescere debet homo idoneus si de aliena oblatione communicauerit. Qui possunt aut cereolos, aut oleum quod in Cincidelibus mittatur exhibeant.*

Quamobrem cum summa esset oblationis cum participatione corporis Christi connexio, in signum exolutę pœnitentię & deterfi, atque oblitterati longo fletu sceleris, solebant pœnitentes ad oblationem admitti, & ista erat summa ac perfectissima restitutio ad gradum & ordinem Christianitatis.

Concilium
Ancyranũ
can. 5.

Quid est ad
perfectum
addit.

Concilium
Ancyranum
can. 24.

Ita Canon Ancyranus quintus decernit vt qui ad idola sacrificauerunt, & tamen de sacrificio non sunt pransi, *in subtractione*, siue ἐν ἀποστροφῇ maneant duobus annis, tertio cõmunicent, sed sine oblatione, *χωρὶς ὁλοκαυστῆς*, & quarto anno ad perfectum veniant, siue τὸ τελεῖον ἀγέωσι, hoc est *perfectum accipiant*, Vbi perfectum accipere nil est aliud, quã ad oblationem admitti. Ita etiam Canone 24. decernitur, vt vates & qui ope Magiæ morbos curant, per tres annos substernantur, duos soli orationi *sine oblatione* communicent.

Stata ergo fuit & ordinaria oblatio panis & vini ante sacram synaxim quam à populo receptam sacris altaribus inferebat ac imponebat Sacerdos apud Græcos, iis ritibus ac cæremoniis, quas describit Nicolaus Cabasilas in expositione Liturgiæ

cap. 24. Οδὲ ἱερὸς βοῇ τὸ θεὸν δοξολογίας, ἔρχετο ἐπὶ τὰ
 δῶρα, καὶ ἀελόμενος ἐπὶ τὴ κεφαλῇ μάλα κοσμίως ἔξεστ.
 Καὶ οὕτως αὐτὰ χερσὶν ἐπὶ τὸ θυσιαστήριον εἰσάγει, περιέ-
 γων ἐπιτεθεὶς ἐν ταύτῃ χαλκῇ καὶ βάδι καὶ αὐτοὶ ἀδδουσι, καὶ
 προσπίπτουσιν αὐτῷ, σὺν ἀδδὶ πᾶσι, καὶ δὲ λαβεία, δε-
 μένοι μετὰ πρὸ αὐτῷ τυχεῖν ἐν τῇ τῇ δώρων προσπα-
 γωῇ καὶ αὐτοὶ χωρεῖ πεμπόμενος ὑπὸ λαμπάσι καὶ θυμιά-
 μασι. Sacerdos autem, postquam cum clamore Deum
 glorificavit, venit ad dona & cum ea in caput valde ho-
 neste & reuerenter sustulit egreditur: & sic ea ferens,
 ducit ad altare, de industria circumducens in templo pro-
 pter populum, quietè & pedetentim. Ipsi autem ca-
 nunt, & genua cum omni reuerentia & Religione infle-
 ctunt, rogantes ut eorum sit memor in donorum obla-
 tione. Ipse autem procedit comitatus lampadibus & suf-
 fitibus, & ita se habens, altare ingreditur.

Nicolaus
 Cabasilas in
 expositione
 liturgiæ
 cap. 24.

E quo textu liquet panem sacræ Communioni
 dedicatum, non statim adduci à populo ad maius
 altare, siue ad sanctam mensam ἀγία θάψις, ut
 vocant; sed antea deponi in minori quadam ara
 quam προσήκειν, siue Propositionem appellant, è qua
 Sacerdotum manibus cum pompa & reuerentia
 deportatur ad sacrum altare. Quod vero populus
 cum sacra dona referuntur, pronus & incuruus sup-
 plicat, id ortum natumque existimat Cabasilas ex
 more deportandorum ad altare eorum quæ præ-
 sanctificata siue προσηγιασμένα dicuntur. Sunt autem
 προσηγιασμένα, ut norunt docti omnes, hostiæ præ-
 consecratæ, quæ ad altare deferuntur in missis qua-
 dragesimalibus. Nam toto eo tempore præterquam

Ritus offer-
 rendi apud
 Græcos.

Quid sacri-
 ficiū
 ἐκ τῆ προ-
 ηγιασμένης.

Domincis Sabbatho, & die Annunciationis, Græci faciunt quod Latini die Passionis, id est non consecrant, sed ex ante consecratis celebrant: quia ergo ante præconsecrata populus incuruatur: ideo similitudine deceptus eandem reuerentiam exhibet saceris panibus, vel certe eum cultum impendit, sacris muneribus, quia eo tempore precantur Græci, ut oblatio & sibi sit utilis, & deo accepta.

Licet vero ex his constet communi pane Græcos uti in sacris obeundis: attamen lōge alium semper fuisse vsum ecclesiæ Latinæ norunt omnes. Hic obiter animaduerto Græcos à Latinis in duobus differre, primo quia imparato pane utuntur: at apud Latinos paratur & singulari studio concinnatur in eum vsum. Apud Græcos particulam è toto pane præscindunt Sacerdotes, & hanc in rem lanceam habent accommodatam, de qua vide sanctū

Germanus
Patriarcha
in Historia
rerum Ecclesiasticarū
Bibliothecæ
Patrū to. 2.

Germanum Patriarcham in Historia & mystica contemplatione rerum Ecclesiasticarum. At Latini partem è pane non tollunt, sed integrum & infractum libant, qua de re præclarus extat Canon in Synodo Toletana 16. *Licet multa sanctōrum Pa-*

Synodus
Toletana
16. can. 6.

trum, in fide sancta nobis præcedentium, de rebus necessariis sententiæ promanauerint: Tamen quia & nunc usque numerosè, ultra quam oportet, fieri prænosuntur, ideo necessarium duximus illicitis ausibus ponere hominum. Ad conuentus etenim nostri agnitionem delatum est, eo quod in quibusdam Hispaniarum partibus quidam Sacerdotum; partim nescientia implicui; partim temerario ausu promocati, non panes mundos & studio

preparatos supra mensam Domini in sacrificio offerant: sed passim quomodo unumquemque aut necessitas impulerit, aut voluntas coegerit, de panibus suis usibus preparatis, crustulam in rotunditatem offerant, eamque super altare cum vino & aqua, pro sacro libamine offerant, &c.

Vnde temeritatis huius, aut nescientia cupientes terminum ponere, id unanimi-^{tas} nostrae delegit conuentus, ut non aliter panis in altari Domini, Sacerdotali benedictione sanctificandus proponatur, nisi integer & nitidus, qui ex studio fuerit praparatus; neque grande aliquid, sed modica tantum oblata, secundum quod Ecclesiastica consuetudo retentat: cuius reliquiae aut ad conservandum modico loculo, absque aliqua iniuria facilius conseruentur; aut si ad consumendum fuerit necessarium non ventrem illius, qui sumpserit grauius farciminis onere premat: nec quod in digestionem vadat, sed animam alimonia spiritali reficiat: Ita nempe, ut ab his, qui ea sumpserint, priscorum Canonum instituta seruentur. Igitur quicumque hoc Decretum nostrum temerandum crediderit, animaduersioni diuini iudicii subiacet, & anni unius spatium à communione alienus manebit.

Quod ad ceremonias eiusmodi oblationum pertinet, animaduerto siue in ordinariis oblationibus quae singulis dominicis fiebant, siue in extraordinariis, quas certa causa & priuatae pietatis consilio instituebant conscripta atque edita ab offerentibus eorum nomina, quorum saluti ac quieti per oblationem consultum vellent, ac eadem nomina coram sacris altaribus à Sacerdote recitata. Quamobrem

Nomina offerentium recitata solita.

Innocent. I.
epist. 29. ad
decentium.

Innocentius roganti & percunctanti de decentio, quis ordo seruandus in commendatione oblationum & nominum proclamatione, respondet prius esse commendandas oblationes; deinde ad nomina referenda progrediendum. De nominibus, inquit, recitandis, antequam precem Sacerdos faciat, atque eorum oblationes quorum nomina recitanda sunt sua oratione commendet, quam superfluum sit & ipse pro tua prudentia recognoscas, ut cuius hostiam nec dum Deo offeras eius ante nomen insinues, quamuis illi incognitum sit nihil, prius ergo oblationes sunt commendandae, ac deinde eorum nomina quorum sunt oblationes edicenda.

Synodus E-
meritenfis
Canone 19.
Era. 704.

Ordo autem quidam seruabatur in recitandis eorum qui obtulerant nominibus, primum enim viui ac superstites nominabantur qui Ecclesiae aliquid contulerant, deinde vero post preces fusas fiebat commemoratio defunctorum. Id elicitur ex Canone decimo nono Synodi Emeritenfis cuius verba sunt. Salubri deliberatione censemus, ut pro singulis quibusque Ecclesiis, in quibus Presbyter iussus fuerit per sui Episcopi ordinationem praesse, pro singulis diebus Dominicis sacrificium Deo procuraret offerre, & eorum nomina à quibus eas Ecclesias constat esse constructas, vel qui aliquid his sanctis Ecclesiis videntur, aut visi sunt contulisse, si viuentes in corpore sunt, ante altare recitentur, tempore Missae, quod si ab hac decesserunt luce, nomina eorum cum defunctis fidelibus recitentur suo in ordine.

Ex quo Canone apparet alium locum & ordinem viuorum nominibus assignatum alium vero

vita functorum, ac extra Missarum solemnia memoriam defunctorum institutam, seu consecratione peracta.

Et tamen omnes fere patres censent nominandos esse defunctos, inter ipsa solemnia Missarum. Ita de matre sua loquitur Aug. lib. 9. Confess. cap. 13. *Memoriam sui ad altare fieri desideravit, cui nullius diei præter missione servierat.* Ita Cyprianus Epistola 27. significat vita functos, solitos nominari *apud altare in Sacerdotum prece.* Ita Dionysius Ecclesiasticæ Hierarchiæ cap. 3. ait, antequam Sacerdos ad manus ablucendas progrediatur, *mysticam Sanctorum fieri recitationem.* Existimaverim itaque Concilium Emeritense, de peculiari quadam commendatione mortuorum loqui, quâ Sacerdos, peracto sacro, & iam populo abituriente, recitabat nomina defunctorum & eorum memoriam populo commendabat: quæ commendatio fiebat extra Missarum solemnia: alioquin solebant defuncti divinæ Clementia in ipsomet sacrificii apparatu commendari.

Angust. lib.
9. confess.
cap. 13.

Cyprianus
epist. 27.
Dionysius
Hierarchiæ
Ecclesiast.
cap. 3.

Quas vero oblationes singulis Dominicis adornabant Christiani; eas quoque aliis subinde diebus solebant usurpare, seu cum defunctorum memoriam recolerent: siue cum die natali, aut suo, aut amicorum, Deo supplicarent.

Vtriusque oblationis tam pro natalitiis, quam pro defunctis meminit Tertullianus, libro de Corona militis. *Oblationes, inquit, pro defunctis, pro natalitijs annua die facimus.* Nisi forte per natalitia in-

Tertull. de
Corona mil-
litis.

telligit memoriam martyrum, pro defunctis vero maxime vxoribus offerebant. Harum nomina exscripta dabant Sacerdoti, aut pronuntiabant, Sacerdos vxorum nomina inter faciendum referebat.

Tertull. lib.
de exhorta-
tione casti-
tatis.

Vnde Tertullianus idem, libro de exhortatione castitatis Bigamos non posse significat, sine rubore ac verecundia memoriam vxorum facere: cum enim plures vxores Sacerdoti commemorant, quid aliud præstant nisi incontinentiam & libidinem coram sacris altaribus in præsentia Virginum profitentur. *Oblationes annuas reddis. Stabis ergo ad Deum, cum tot vxores, quot illas orationi commemoras. Et offeres pro duabus, & commemorabis illas duas. Et per Sacerdotem de Monogamia ob pristinum de Virginitate sancitum, circumdatum Virginis uniuersis, & ascendit sacrificium tuum libera fronte, & inter cetera voluntas bonæ mentis.*

Cæterum non omittendum præter panis & vini oblationes, peracta communione, solitos quoque Christianos veteres stipēs Sacerdotibus offerre, & in alimoniam Clericorum liberales sportulas impertiri, ita docuimus libro primo cap. ultimo ex Tertulliano, Iustino, Cypriano, Origene, & aliis, quem locum consulat beneuolus Lector.

Concilium
Emeritense
cap. 14.

Durauit Religiosa ista consuetudo pecuniariæ oblationis in stipendia Clericorum, etiam posterioribus sæculis. Concilium emeritense stipēs & pecunias tempore sacræ communionis solitas à fidelibus erogari significat. *In sancta Dei Ecclesia diebus festis pro consuetudine & mercede, communicationis tempore à*

fidelibus pecuniam nouimus poni : pro hoc placuit sancto Concilio hanc reſtitutionis ponere regulam, ut quia omni clero communis labor manet in officio ſancto, omnibus iuxta meritum ex hoc reſpendatur uiciſſitudo. Statuimus in noſtris Eccleſiis vel ciuitatibus hoc eſſe ſeruandum, ut quidquid pecuniæ à fidelibus in Eccleſia fuerit oblatum, fideliter collectum maneat & conſeruatum, & fideliter Epifcopo præſentetur; qualiter exinde tres partes fiant æquales, vnā Epifcopus habeat, & alteram Presbyteri & Diacones inibi ſeruientes conſequantur & inter ſe ut dignitas & ordo poſſerit diuidant; tertia vero ſubdiaconibus & Clericis tribuatur : ut à Primiclero, iuxta quod in officio eos præſcit eſſe intentos, ita ſingulis diſpenſetur. Similis forma & de Parochitanis Presbyteris in Eccleſiis illis à Deo creditis erit ſeruanda.

Cæterum animaduerte Primicleri officium, cuius, quia præterquam hoc Canone nulla alibi mentio reperitur, idcirco loco Primicleri quidam Primicerium reponendum putant: alii Primiclerum Archidiaconum interpretatur. Neutra earum ſententia placet. Qui enim attentius rem inſpexerit inueniet totū Clerum Emeritenſem & alium quemlibet in Cathedralibus Hiſpaniarum Eccleſiis, in tres ordines fuiſſe diuiſum, quorum primus erat Presbyterorum. Secundus Diaconorum. Tertius Clericorum in quorum claſſe etiam Hippodiaconi verſabantur. Ac Presbyteris quidem vnus præerat quem Archipresbyterum nominabant, Diaconos is qui regebat, dicebatur Archidiaconus, tandem qui Clericorum familiæ moderator emine-

Concilium
Emeritense
can. 10.

bat primicleri nomen fortiebatur. Ita doceo ex eiusdem Concilii Emeritensis Canone decimo, cuius verba sunt. *Communi deliberatione sancimus, ut omnes nos Episcopi intra nostram Prouinciā constituti, in Cathedralibus nostris Ecclesiis singuli nostrum Archipresbyterum, Archidiaconum & Primiclerum habere debeamus.*

Ergo Primiclerus fuit summus & maximus Clericorum, cuius arbitrio, oblationes Clericis pro ratione virtutis & officii distribuebantur.

Hic locus esset varias oblationes ad texendi, quarum largissimi fuere in Sacerdotes & Clericos maiores nostri, quoties ab iis sacrum aliquod officium exposcerent. Verum hanc tractationem reiiciendam putauimus in librum sequentem, quo expenditur à nobis, quid olim Sacramentorum nomine seu Clerici, seu Sacerdotes à laicis consequerentur.

Quinam oblationes facere possint.

C A P V T XV.

NVnc breui dicamus quinam ad oblationes faciendas solerent admitti, quiue à sacris altaribus remoueri. Imprimis certum est Patres, impuras ac prophanas perpetuo censuisse eorum oblationes, qui Ecclesiæ iura violassent, eiusque libertates ausu temerario infregissent: Ita Cyprianus Epistola 27. vetat, ne pro dormitione victoris oblatio recipiatur,

Cyprianus
Epist. 27.

recipiatur, qui Faustinum Presbyterum tutorem
testamento scripserat: cum nefas esset Clericos, qua-
cunque negotiorum specie, sacris altaribus abduci.
Parifere consilio. D. Augustinus Epistola 187. ait
se prohibuisse quominus Bonifacii insignis ac spe-
ctabilis viri oblatio à Clericis suscipiatur, quod is
Bonifacius hominem quemdam qui ad Ecclesiæ
fores tanquam in asylum confugerat vi abstulisset.

August. epi-
stol. 187. ad
Bonifaciū.

*Oblatio, inquit, Augustinus domus tue à Clericis ne
suscipiatur indixi communionemque tibi interdico, donec
peracta pro ausibus vel errore à me definita tibi met pœ-
nitentia & tempore condonato pro hoc facto, corde con-
trito (&) humiliato dignum offeras Deo sacrificium. Non
est ergo nonum Ecclesiā sua iura & libertates Ana-
thematis denunciatione tueri, & iustis censuris fa-
ctum ac superbiam prophanorum vindicare. Pieta-
tis hoc genus est non iracundiæ, neque tam sibi hac
in parte consulit, quam hominum saluti qui in Ec-
clesia violata Deum lacerant omni Regum super-
cilio maiorem:*

Secundo Ecclesia semper reiecit oblationes eo-
rum, qui usuris ac fœnoribus ditescunt & exhausto
pauperum & miserorum sanguine implentur. Ita
in Concilio Carthaginensi quarto cap. 93. repu-
dianda decernunt patres eorum dona qui pauperes
opprimunt. Sic piè simul ac eleganter Isidorus Pe-
lusiota Ecclesiam è calamitatibus & spoliis paupe-
rum non esse compingendam monet ne coram
Deo sit potius conuictio sceleris, quam monimen-
tum Religionis.

Isidorus Pe-
lusiota ad
Eufapium
epist. 37. l. 1.

Κηΐζεις, ὡς φάσιν, ἐκκλησίαι ἐν πληθυσίᾳ λαμπαρὰν ἐνδὲ τοῖς μηχανήμασι ποιεῖς ἢ τοῖς σπουδαίοις, χειρὸν ἀντιπλήμασι, καὶ ἀδικίαις, καὶ ὕβρεσι, καὶ πενητῶν ἐκπλεσμοῖς, καὶ πτωχικοῖς δαπάνημασιν, ὥπερ ὁσὲν ἔστιν ἕτερον, ἢ οἰκοδομῆν Σιών ἐν αἵμασι, καὶ Ἱερουσαλὴμ ἐν ἀδικίαις· 8 κηΐζεις ἢ ὁ θεὸς ὅς ἐστιν ἀλλοφύων θυσία, ἀλλὰ τοῦτην ὡς θυόμενον κύνα μυσάτῃ. παύσαι τοῖνυν καὶ κηΐζον, καὶ ἀδικῶν, ἵνα μὴ εἰς ἐλεγχὸν σοὶ ᾗ τὸ θεοῦ ὁ οἶκος ἐκεῖνος διρηθῇ.

Condis quidem, ut aiunt, Ecclesiam in Pelusio, machinis quidem ac molitionibus luculentam, sed improbis studis & sacrarum electionum pretijs & iniurijs, atque contumelijs & tenuiorum oppressoribus, & pauperum sumptibus. Id quod nihil aliud est quam edificare Sion in sanguinibus & Hierusalem in iniustitijs. Deus porro sacrificio ex alienis bonis conflato, nihil opus habet. Verum illud, perinde atque eum, qui canem maculat, execratur. Quæ cum ita sint, & edificare & iniuriam alijs inferre desine: ne alioqui domus illa te apud eum prodat & conuincat: ut quæ sublimis quidem & excelsa stet, verum ob ea mala ex quibus extracta est.

Alexander
3. in Concilio
Lateranen-
si c. 25.

Concil.
Trosleianū
cap. 7.
Alexand. 4.
in Bulla quæ
incipit Fel-
icis recorda-
tionis, Pon-
tificatus an-
no 3.

Sic fœneratorum impios questus Ecclesia rejicit damnatque Alexander tertius in Concilio Lateranensi cap. 25. Usurariorum, inquit, manifestorum oblationem ne quisquam accipiat qui autem acceperit reddere compellatur, & donec ad arbitrium sui Episcopi satisficiat ab officii sui maneat executione suspensus. Concilium Trosleianum cap. 7. hanc Ecclesiæ fuisse antiquam consuetudinem notat, ut qui quouis modo pauperes vexant, ab oblatione arceantur. Alexander quartus in Bulla quæ incipit Felicis recordatio-

nis, permittit religiosis viris, Fratribus Carmelitis & Minoritis recipere restitutiones eorum quæ latrocinio & fraude quæsitæ sunt; modo tamen legitimi domini, & ij quibus ex iure fieri debet restitutio, inueniri non possint.

Quid enim iuuat Sacerdotibus ac Religiosis pauperum malis ingemiscere, si ipsi pauperes faciunt, si spolia viduarum receptant, si orphanorum sanguinem sugunt, si miserorum exuias captantes censu reddituque scelerum viuunt & facilitate indulgendi, latrones publicos; aut priuatos faciunt ad prædandum audaciores.

Olim milites credebant purgari se contractis in bello sceleribus, & tot prædationum ac latrociniorum sordes elui, cum prædæ partem Vulcano adolebant, & in sortem spoliorum rapacissimum vocabant elementum. Nunc homines Deum obliuisci furtorum & lachrymis pauperum gaudere arbitrantur, si languentium & fame pereuntium viscera aris admoueant, si in societatem fœdissimi lucri Ecclesiæ ministros adsciscant, si Christi fundum rapinis augeant, qui vt diuites essemus extremæ sese deuouit inopiæ. Non amat seruator his artibus splendescere, exhorrescit altaria, quæ auro infami ac furriuo nitent. Tempia ista quæ pauperum sanguis & viscera extruxerunt, longe ipsi sua cruce atrociora sunt: famem suam non vult dæmonis auxilio sedari qui postquam lapides ab ipso oblatos in deserto respuit, docuit nullum esse posse rerum sacrarum tantum squallorem ac miseriam, quam fas esset iniquis rationibus eluctari.

Tandem Ecclesia non suscipit eas oblationes, quæ in detrimentum & calamitatem pupillorum cedunt: quorum enim salutem, vigilas curamque Episcoporum destinavit, horum spoliis sibi ditescere nefas duxit. Noluit itaque parentes dum sacrorum ornatui, atque Sacerdotum quieti consulunt memoriam filiorum exuere, & cum Religioni famulantur, eam quam natura pectoribus inseuit violare pietatem: Ea mente Augustinus sese eorum oblationes respuere dicebat, qui filio exheredato res suas Ecclesiæ ac Sacerdotibus deuouissent. *Pro-*

August. ser-
mone 2. de
vita & mo-
rib. Clerico-
rum Con-
cilium A-
quisgran-
c. 112. sub
finem.

fiteor, inquit, me suscipere oblationes bonas, oblationes sanctas. Si quis autem irascitur filio suo, & moriens exheredat eum, si uiueret non eum placarem? Non eum reconciliare deberem? Quomodo ergo cum filio suo, volo ut habeat pacem, cuius appeto hereditatem. Sed plane sic faciat quod sepe hortatus sum, unum filium habet, alterum putet Christum, duos habet, Christum putet tertium, decem habet, undecimum faciat, suscipio. &c.

Quicumque vult exheredato filio heredem facere; Ecclesiam quærat alterum qui suscipiat non Augustinum imo Deo propitio neminem inueniat. Hinc Imperatorum leges edixerunt, ut seu vir, seu mulier Monasterium ingressa ita res suas inter liberos partiatur, ut nulli eorum legitimam detrahat, sed si omnem substantiam inter filios diuidere voluerit, sua persona filiis connumerata, partem sibi retineat, quæ Monasterio competere debet, l. generali §. si qua mulier. C. de sacrosanctis Ecclesiis.

Cum itaque Carolus Magnus inconsulta hac pietate, quâ, prole neglecta, parentes Ecclesiarum fundum locupletant videret Ecclesiam non tam opibus augeri quam communibus odiis ac publica inuidia fatiscere: decreuit eas oblationes in posterum fore irritas, statuitque res Sacerdotibus traditas ad legitimos hæredes reuocari, ita Capitularium

Capit. lib. 3.
cap. 8.

lib. 1. cap. 8. *Statutum est ut nullus quilibet Ecclesiasticus ab his personis res deinceps accipere præsumat, quarum liberi aut propinqui hac inconsulta oblatione, possint rerum propriarum exhæredari, quod si aliquis deinceps hoc facere tentauerit à Synodali, vel Imperiali sententia modis omnibus feriatur.* Eodem respexere sanctissimi Imperatores Capitularium lib. 2. capitulo trigesimo primo, vbi decernunt succurrendum orphanis exhæredatis, quos nempe parentes delusi suauibus quorundam aucupis & ingeniosis adulationibus ab aditione hæreditatis summouerunt. Imo ne Ecclesia pauperum se calamitate ac miseria inquinaret capitulo trigesimo secundo eiusdè libri, decernitur ne liceat Episcopis aut Abbatibus res pauperum emere aut quouis pacto eorum sibi patrimonium arrogare. *Propter prouisiones pauperum pro quibus curam habere debemus, placuit nobis, ut nec Episcopi, nec Abbates, nec Comites, nec Vicarij, nec Iudices nullusque omnino sub mala occasione, vel malo ingenio res pauperum, vel minus potentum, nec emere, nec tollere audeat.*

Capit. lib. 2.
cap. 31.

Apud Longobardos ei qui filiam domi habet in capillo, non licet pietatis titulo, aut specie Religio-

niscuiuslibet donare plulquam duas partes suarum facultatum. Ita editum à Rege Luitprando legum Longobardicarum libro secundo titulo vigesimo lege prima. *De eo præcipimus qui filiam in casa habueri in capillo & filium non reliquerit legitimum; ut de rebus suis amplius per nullum titulum cuiumque per donationem aut pro anima sua facere possit nisi partes duas, tertiam vero relinquat filie suæ sicut gloriosissimus Rotharis Rex instituit. Quid sit autem habere filiam in capillo domi siue in casa ex antiquis Longobardorum moribus exponendum: apud quos nondum nuptæ & elocatae filiae domi manebant, sparso & fluente capillo, vel in signum libertatis, cuius partem aliquam amittunt, dum cónubij foederibus subduntur, vel certe, ut hoc pacto cogerentur se domi continere & à progressu in publicum, cui ea demum magis laudabilis est forma, quæ minus nota est, abstinere.*

Inter ea demum quibus manus suas temperat Ecclesia, possunt computari res fisci ac curiæ, unde Curiales, olim sine Principis edicto nutuque nefas erat in sacrum ordinem prouehi. Quamobrè Christianissimi Imperatores incommodam & grauem Reip. consuetudinem è medio sustulerunt quam nonnulli, ut se militaribus obsequiis præstarent, liberos, & molliorem vitam longe à strepitu armorum & bellorum iactatione ducerent, in solitudinem ac Monasterium commeabant, aut sese Ecclesiæ in seruitium dabant; quandoquidem serui Ecclesiæ essent omni onere fiscali immunes: *De liberis*

hominibus qui ad seruitium Dei se tradere volent, et prius hoc non faciant quam à nobis licentiam postulent. Hoc ideo quia audiuimus aliquos ex illis non tam causa deuotionis hoc fecisse, quam pro exercitu seu alia functione regali fugienda: quosdam vero cupiditatis causa ab his qui res illorum concupiscunt circumuentos audiuimus, & hoc ideo prohibemus.

Capit. lib. f.
cap. 120.

Ex quo loco illustratur antiquus quidam ritus, quem nos agendo de ecclesiæ seruis prætermisimus: Nempe solitos quosdam ex affectu Religionis libertatem exuere, & sese in seruitium ac familiam ecclesiæ transcribere. Quod autem aliqui pio consilio fecerant, hoc alii fraude factitarunt: nempe ut cognitionem iudicum ordinariorum & auctoritatem Principum deuitarent, seruos se faciebant Ecclesiarum. Animaduertendum autem seruos sua sponte factos iis tantum operis ac præstationibus fuisse obnoxios, quibus inter seruitutis auspicia sese dedicassent. Vnde ad tenuem plerumque censum se & prolem deuouebant, ut hoc pacto defensione & immunitatibus Ecclesiarum fruerentur. Insigne exemplum est apud Aubertum Miræum donationum Belgicarum cap. 18. Vbi Gisla quædā Gandauenfis se ipsam tradit cum vniuersa sobole in seruitium Ecclesiæ sanctæ Gertrudis Niuellensis. Verba traditionis sunt eiusmodi. *Tradidi autem me sub hac lege indissolubili, ut tam ipsa quam tota progenies mea & posteritas, 16. Kal. Aprilis, singulis annis pro capitali censu, ad capitale Virginis altare unum de-*

narium persolueremus ; pro mortua manu tantumdem. Nullum aduocatum, præter Louanensem Comitem, nullum censuarium, præter custodem altaris habentes, liberi deinceps à cætera executione.

Hæc de oblationibus licitis aut illicitis. Vnum superest dicendum quinam oblationes recipere possunt. Soli Sacerdotes hoc possunt tanquam publici dispensatores ac œconomi, quorum arbitrio quæcumque ad altare referuntur debent pauperibus erogari. Propterea laici omnes, & qui sacris honoribus non fulgent, à prærogatiua sumendarum oblationum tot canonibus arcentur. Qui quia à nobis supra libati sunt, non debent repeti. Vniuersum vero Calistus secundus in Concilio Romano cap. 14. *Sanctorum Patrum Canonibus consona sentientes, oblationes de sacratissimo & reuerendissimo altari Beati Petri, & Saluatoris & sanctæ Mariæ rotundæ, aus de aliis Ecclesiarum altaribus, siue crucibus à laicis auferri penitus interdiximus, & sub districtione Anathematis prohibemus.*



LIBER SECVNDVS

DE IVRIBVS ET CENSIBVS

EPISCOPORVM.



Ad genus de communi Ecclesiæ fundo, & publicis sacre familiæ opibus est disceptatum. Nunc quas sibi quisque, in eo patrimonio sortes vindicare possit, & quæ sint priuata cuiuslibet Clericorum iura, breui expendamus. Atque, vt in apice Ecclesiarum sedent Prælati, vt in eorū fronte maiestas Ecclesiæ legitur, non secus ac in sole Dei præpotentis magnitudo: ita sordes & squallorem ab ea dignitate longe amouendum veteres censuerunt. Quis vnquam mortaliū ea coluit sydera, quæ aut perpetua teguntur nube, aut tam hebetes ac exiles radios fundunt, vt vix aciem oculorum subeant? Humanos hoc est diuinarum rerum parum capaces animos, nisi quæ illustria sunt ac magnifica non mouent.

Latebat in tenebris Deus, nisi lucem in ipso mundi exordio creasset. Ignibus ac tonitruis potestatis suæ magnitudinem rudes Iudæorum animos docuit, & qui sub paupertatis inuolucro la-

Capit. So-
pitæ de
Censibus
Innocent.
3. cap. cum
ex officio de
pr script.
& ep. 85 l. 3.

litæ renitente aduersus eam pensionem Abbate Sancti Proculi res Monachorum omnium gerente, Capite *Sopite. De Censibus.* Innocentius tertius cõdemnat Abbatem Sancti Maglorii, in suburbio Parisiensi, ad præstandas procuraciones Senonensi Metropolitæ, quando Diœceses lustrat. Capite *cum ex officio. De præscriptionibus.* & epist. 85. lib. 3. plebanos quosdam iure Metropolitico, Bituricensi Episcopo subiectos, iisdem teneri pensionibus decernit cû Archiepiscopus eas Parochias ex officio visitat. Eandem Metropolitanæ procurandi necessitatem expressit Greg. nonus, cap. *cum nuper. De Censibus.* vbi Beneuentanum Archiepiscopum, dum prouinciam siue suo siue Pontificis nomine lustrat, iubet ab Ecclesiis excipi & curari.

Almoinus 1.
cap. 37.

Hanc verò procuracionum exhibendarum legem etiam vsque ad summum Pontificem quando Prouincias & Imperia lustrat, extendi animaduerto. Anno quippe 878. cû Ioannes Papa Franciam appulisset, iussit ab Episcopis Regni sibi stipendia præstari, & annonam erogari, ita apud Aimoinum: *Ludonicus autem mittens ei quosdam Episcopos, petiit, ut vsque Treca veniret, ibique ab Episcopis istius regni stipendia sibi dari fecit.*

Innocent.
3. cap. cum
instantia de
Censibus.

Legatis quoque & Nuntiis Apostolicæ Sedis procuraciones deberi rescripsit Innocentius tertius ad Primicerium, & Clerum Mediolanensem, cap. *cum instantia De Censibus.*

Conc. Emeritense can. 11

Concilium Emeritense Canone vndecimo. *Placuit huic sancto Concilio, ut tam à Præbyteris, quàm*

Abbatibus, siue etiam Diaconibus, Episcopo debitus honor imendatur: ut à nullo contumeliam pati videatur, & quodcumque contigerit eum iuxta Canonica sententiam visita: e suam Parochiam, & digne eum suscipiant & prout habuerint, aut ratio permiserit, illi præparent quæ fuerint necessaria. Ita Concilium Sues-

Conci.
Suess. sub
Pipino ca.

Atque ut Presbyteris reuerentiam in visitatores Episcopos, ita Præsulibus modestiam ac continentiam prisce semper Canones suaserunt; ne Presbyteri comitatu ingenti Episcoporum vexati, non tam diuini gratiæ ac sanctioris doctrinæ diribitorem aduenisse sibi exultarent, quam raptores ac prædones in peculium suum inuolasse quererentur. Hinc Pelagius circa annum quingentesimum septuagesimum, moderate viuendū Episcopis Diœceses visitantibus admonet. Verat enim *prandia enormia fieri, sed secundū mediocritatem uniuscuiusque loci Episcopo ad consignationem venienti præparari conuiuium. Concilium Cabilonense* sub Carolo Magno Canon. 14. compescendas decernit iniquas Præsulum exactiones, atque oportere Episcopos *in lucris animarum potius quam in deprædandis & spoliandis hominibus, & scandalizandis fratribus operam dare.*

Cabilonen. 2. Canon. 14.

Merito itaque stupuerunt subsequencia sæcula & auaritiam & incontinentiam Ioannis Rauen-

Citatur
10. q. 3. Canon. 10. il-
lud magnitudinem.

166 *De Juribus & Censibus Episcoporum.*
altarium consecratione, pro sacerdotum inaugu-
ratione. De quibus singulis breuiter differendum.

*De procurrationibus & Circatis Quibusnam competit
lustrare de Prouinciam & procurrationes excipere
Episcopi procurantur Metropolitana, Ex, archi-
Periodoeua, Archidiaconi. |*

CAPVT PRIMVM.

Lustrari & recenseri Dioceses ab Episcopis,
antiquissima consuetudo & pene Ecclesiæ
cœtanea. Quid enim aliud Pauli, Petri & alio-
rum ex Apostolico cœtu peregrinationes & fre-
quentes in prouincias excursus ad confirmandos
fideles, ad rescanda hereseon initia, nisi imago
quædam & effigies solemnæ illius circuitiõnis,
quâ Episcopi suas Dioceses obeunt, *Lustrans uni-
uersa in circuitu pergit, & in circulos suos reuertitur.*
Soles itaque sunt Episcopi, quos non vni tan-
tum ciuitati, sed toti Prouinciæ Deus præfecit: ho-
rum luce & aspectu, vt ad solis redeuntis ami-
cum teporem, flores pullulant, germinant plan-
tæ, & pulsa pectoribus vitia ac errores virtuti lo-
cum faciunt & honestati. Adeoque tam fatale est
Ecclesiæ, Episcopum vno tantum loco consistere
quam luge ndum ac deplorandum foret orbi v-
niuerso, solem non moueri. Verum antequam ad
honores & census in lustratione Prouinciarum

Episcopis exolutos progrediamur. Animaduertē-
dum primò duplicem lustrationem ab Episcopi^s
institutam : vnā quidem in prouincia propri^a
statam & ordinariam : aliam in prouincia aliena
& vicina Nam si fortè aliquis è vicinia Episcopus
decessisset, tūm ad eius Dioecesim regendam &
componendam, ad iusta & funebre obsequium
vita functo Episcopo persoluendum, aliquis è
propinquo aduentabat, cui Visitatoris nomen ve-
teres imposuerunt.

Secundò, animaduertendum non solūm pro-
prios Episcopos, sed etiam Metropolitanos soli-
tos fuisse lustrare Diœceses sibi obnoxias. Nam
Canone 52. Codicis Canonum Ecclesiæ Africanæ,
Honoratus & Vrbanus hortantur Aureliū Car-
thaginensem, vt velit prouinciam Mauritaniam
visitare pro consuetomōre: At Aurelius annuit
se id facturum, nisi Barbarorum insidiæ prohi-
beant. Et certè administrationem Diœcesium sibi
subiectarum habent Metropolitanī, administra-
tionis autem pars est visitatio. Vnde cūm Yuo
Carnotensis nonnullis de rebus D. Aimberti Se-
nonensis Metropolitæ sui iudicium subiturus es-
set, eundem hortatur vt Diœcesim Carnotensem
lustret, & inter lustrandum iudicium de negotio
ambiguo & litigioso instituat, Epistola 182. Procu-
rationes autem & census Metropolitæ exhibitos
testantur variæ Pontificum decisiones.

Yuo Car.
not. epist,
182.

Lucius tertius Monasteria omnia Bononiæ ius-
sit procuraciones exoluere, Rauennati Metropo-

tère decreuerat, dum miserimæ cruci figitur ipso noctis repentinæ umbraculo prodidit se syderum arbitrum ac mundi conditorem. Ita inopia Christi nulla esset. careret adoratoribus simplicitas, nisi patuisset sponte pauperem factum, qui diuitias ac Imperia moderatur & eum cui honores ac Magistratus parent, in hanc infamiam non necessitate sed voluntate descendisse.

Itaque Episcopus licet amantes paupertatis, hoc est ab inani rerum caducarum studio magni animi auctoritate secretos, decet tamen opibus saltem moderatis affluere : vt hac etiam specie mortalium oculos alliciant, qui Deum, quem in ligno rudique lapide exsculptum prætereunt, auro argentoque fulgentem votis ardentibus venerantur. Itaque Augustinum illum magni simul ordinis & Episcopij rectorem post dictum vale diuitijs atque ambitioni, legimus tamē oblatas Ecclesiæ facultates æquo animo recepisse, imo tepescentem erga Clericos ciuium curam ac pietatem nonnunquam sermonibu excitasse. *Iste de neglecto inquit Possidius à fidelibus Gazophylacio & secretario, unde altari necessaria inferuntur aliquando in Ecclesia loquens admonebat, quod etiam Beatissimum Ambrosium se præsentem in Ecclesia tractauisse nobis aliquando retulerat.*

Possidius in
vita D. Au-
gustini.

Et certe Episcoporum maiestatem, sordes squalorque dedecent, quorum suppellex & familia, (quod de Augustino refert Possidius,) vt nitida nimiū cultaque esse non debet, ita nec plurimum

abiecta. Ea causâ Yuo Carnotensis apud Pascalem summum pontificem obsistebat, quominus Tornacensis ecclesia ab episcopatu Nomouiensi auelleretur, ne in paupertatem dignitas episcopalis incideret. *Præterea (inquit) cum dignitas Episcopalis paupertatem his diebus honeste ferre non valeat providendum est ne ista diuisione uterque Episcopus fiat pauper.*

Yuo carnotensis Episcopa
tola 182.

Merito itaque certant ac constitutam annuam episcopis, Diœceses lustrantibus à Parochis & Monasteriis præstandam veteres censuerunt, à qua initium facimus singulares episcoporum redditus censusque enumerandi. Nam ut diuisionem præmittamus. Reditus omnes censusque episcoporum proprii, ad eum pertinent vel ratione dignitatis ac ordinis, quia nempe summo in omnes gradus ac ecclesias suæ Diœcesis imperio dominatur, vel ratione officii ac functionis alicuius sacræ, quâ exercet. Functio autem & ministerium: vel ad publicum totius Diœcesis regimen spectat vel ad consecrationem siue *ιεροτελεσίαι* priuatæ cuiusdam rei, hoc est seu loci, seu personæ. Qui redditus pertinent ad episcopum ratione dignitatis sunt Cathedriticum & tertia seu quarta oblationum: qui ad eundem spectant ratione officii alicujus publici, sunt procurationes Circaticum, Synodaticum. Tandem obuentiones, quas episcopus sibi vendicat intuitu priuati alicujus muneris ac officij, sunt ea, quæ dantur pro

turpiter fœdabat dignitatem; ideo ab Episcopis Aemiliæ congregatis accusatus est in hunc modum. Dixerunt quippe Ioannem secundo quoque anno Episcopia sua cum fermè quingentorum hominum, eorumque numero perlustrare, actumdiu in singulis moram trahere, donec omnia, quæ ad fructus Episcopi, ad alimentum Clericorum & pauperum, susceptionem peregrinorum, atque instaurationē Basilicarum pertinerent, cum magna illa multitudine consumpsisset, neque anterecedere quàm ab Episcopo ducentos manicosos sibi, familiaribus verò suis dona non modica exegisset. Quamobrem cum multi Episcoporum sinerent Parochos in sumptus immensos effundi, decretum est speciatim quid nomine procurationis penderent suis Præsulibus Diœceses visitatibus. Capitulare Tolosanum expressè definit qui modus in ea retinendus sit, hoc pacto: *Ut in circuitione Parochie Episcopi de cætero singulos Presbyteros, per singulas iacendo euntes Ecclesiolas, sicut hactenus non prædantur, cum scriptum sit eosdem Euangelizare debere non turpis lucri gratia, ne vituperetur Ministerium sanctum. Sed considerent & denuntient loca sibi & populo convenientia, & illuc Presbyteri, quotquot possibilitas & moderatio prouiderit, plebes suas adducant, & ibidem Episcopi prædicent, confirment, & populi errata inquirent ac corrigant. Iterum autem, quia Dominica voce datur licentia, qui Euangelium adnunciant, ut de Euangelio uiuant, licet Paulus Apostolus nihil horum fuerit usus, Presbyteri tale coniectum faciant, ut & Episcopi solatium habeant, & ipsi non grauentur. Quod ita nobis fieri posse videtur.*

Ita Sigonius l. 5. de regno Italiae ad annum 861.

Capitul. Tolosa. ca. 4. tom. 3. Conc. ann. 43.

videtur. Videlicet ut quatuor Presbyteri ad locum ubi quintus degit, & Episcopus residet, plebes suas de quatuor partibus adducere studeant; & unusquisque eorum decem panes, & dimidium modium vini, & frisingam de quatuor denariis, & pullos duos, & oua decem, & modium unum de annona ad caballos, in subsidium benedictionis gratia presentet Episcopo. Et similiter quintus, in cuius domo Episcopus residet, faciat. Nec amplius ab eo exigatur, nisi forte ligna & utensilia in opus ministerij commodet. Quapropter Episcopus provideat, ne domus aut sepes illius à Ministris vastentur. Apertius & distinctius Conc. Ticeinense sub Ludouico II. capite 15. Episcopi huiusmodi dispensa contenti sint. Panes centum, frisingas quatuor, vini sextaria quinquaginta, pullos septem, oua quinquaginta, agnum unum, annonam ad caballos modios sex, feni corbes tres, mel, oleum, ceram, quod sufficit. Deinceps itaque plurimæ leges circa visitationem Parochiarum institutæ, quas ordine recensemus.

Constitutum est Toletano Concilio primo, vel ut alii volunt quarto, aut certe si Burchardo & Yuoni creditur Concilio Triburiensi, ne Episcopi mansiones sibi debitas cogant plebanos redimere: hoc est, ne cum abstinent à visitanda Diocesi, cessantque ab annua & solita lustratione, iubeant tamen Parochos impensas & sumptus, quos facerent in receptando Episcopo, in eiusdem ærarium inferre. Eandem constitutionem innouauit Concil. Valentinum sub Carolo Caluo, cap. 22. vetat enim ne Episcopi, si prouinciam

Concilium
Valentin.
sub Carolo
Caluo Cap.
22.

Innocent.
4. cap. Ro-
mana de
Censibus.

adeant, quicquam exigere possint pro servitio à suis Presbyteris, ut de servitio Presbyterorum erga Episcopos consuetudo, ut nobis videtur, valde reprehensibilis amputetur, ut scilicet, quoties Episcopus statuto tempore visitationem & predicationem per eosdem sacerdotes non exercet, nequaquam ab eis pro solito servitio pecunias exigat: Id ipsum statuit ac definit Concilium Lateranense. Ita Innocentius 4. cap. Romana de Censibus. in sexto, edixit ne Archiepiscopi possint procurationes exigere ab aliis, quam à locis visitatis.

Capitular.
Tolosanum.
tom. 3. Con-
cil. Gallie.

Innocent
3. lib. 1. Ep.
7.

Secundò, prospectum ne procurationes plures vno die recipiant. Itaque non tot procurationes quot Parochiæ debentur ex antiquo iure, sed quinque Presbyteri sumptus communes in vnam procurationem conferunt, ut liquet ex capitulo 4. Capitularis Tolosani, tom. 3. Conc. Gallie Symundianæ sylloges. Apud Innocentium tertium lib. 1. epistola 7. legimus Episcopo Venetensi procurationes assignatas super Parochiis Monasterii Rotonensis, cā ratione, ut à sex Ecclesiis quatuor procurationes præstarentur, quarum unam perciperet in Parochiali Ecclesia de Roton, aliam in Ecclesia de Sancto Godoaldo; aliam in Ecclesia de Brem. & aliam in Ecclesia de Langon. Ita videlicet quod Abbas & Priores ipsarum Ecclesiarum tres partes, & Capellani quartam partem in procurationibus ipsis ponant, & à duabus Ecclesiis, scilicet de Bremaria, & sancti Petri de Roton quatuor solidos pro singulis procurationibus, ad sublevationem suam recipiant Cappellani. Ex quibus patet eos presbyteres, qui parochias Monasteriis insitas

regerent, non fecisse omnes sumptus ac impensas procurationum, sed partem ex ærario Monasterii desumpsisse.

Vnius autem procurationis singulis diebus sumenda legem confirmavit Bonifacius 8. cap. *Felicitis Recordationis*. De *Censibus*, in sexto. *Non licet*, inquit, *visitanti nisi unam procurationem recipere unâ die, siue locum unum visitauerit, siue plura, etiamsi locus quilibet ab illo visitatus sufficeret ad procurationem integram persoluendam.*

Bonifacius 8. cap. *Felicitis recordationis*, in 6.

Tertiò, cautum est antiquitus, ne liceret permutare pecunia procurationes, hoc est, loco victus & cibariorum, nummariam pensionem sumere. Ita Innocentius tertius cap. *Romana ecclesie*. De *Censibus* in sexto. Bonifacius cap. *Felicitis Recordationis* ibidem, Concilium Prouinciale apud Langes, Concilium apud Castrum Guntherii anno 251 apud Bocherellum lib. 5. tit. 15. Attamen Concilium Tridentinum sess. 24. cap. 3. Decreti de reformatione, morem & instituta Prouinciarum sequi oportere decernit, ac ubi pecunia exolui solent procurationes, ibi quoque in nummis esse recipiendas. De toto hoc negotio procurationum consulat lector beneuolus Clementinam ad nostrum de Censibus & exactionibus lib. 3. tit. 13. ca. 2. & extrauagantem Benedicti 12. quæ incipit *vas electionis*, ubi taxantur procurationes pabula charitatis, & subsidium charitativum. Nunc dicamus breui quænam Ecclesiæ procurationes debent.

Innocent. 4. cap. *Romana de Censibus* 8. in 6.

Concilium apud Castrum Guntherii apud Bocherellum lib. 5. tit. 15.

Concil. Trident. sess. 24. cap. 3. Decreti de Reformatione.

Omnes prorsus Ecclesiæ quæ intra Diœcesim existunt, siue Parochiæ, siue Monasteria ad Præstandas procuraciones tenentur.

Honorius
3. cap. vene-
rabili de
Censibus.

Neque vero ab hac lege immunes sunt Ecclesiæ, quæ in ciuitate Episcopali versantur. Licet enim sine sumptu ac impensis lustrari possint, ab Episcopo: attamē idem ipsi cum cæteris obsequiū tenentur exoluere. Ita decretum est ab Honorio tertio in fauorem Cenomanensis episcopi, cū ei fratres de cultura, suum Monasterium situm intra vrbis fines lustranti procurationem recusarent. Nomine tamen Ecclesiarum Oratoria intra grangias, seu in prædiis Monachorum constructa non continentur, quippe Episcopo ea visitanti nulla debetur procuratio ex rescripto Gregorii

Greg. 9. ca.
authoritate
de Censib.

nonicap. *Authoritate. De Censibus.* Concludendum ergo ad hoc vt Ecclesiæ immunes sint à iure procurationis singulari gratia & prerogatiua opus esse, qua cessante, in obligatione iuris communis includuntur. Vnde nobis hic obiter de immunitatibus & priuilegiis tractandum, & eorum fontes recludendi. Priuilegia quæ Monachos exemere à cognitione & authoritate Episcoporum gemini sunt ordinis ac naturæ; quædam enim à summis Pontificibus, quædam verò ab ipsismet Episcopis profluxerunt.

Neque verò existimandum priuilegia in fauorem ordinis Monastici summos Pontifices his tantum posterioribus sæculis indulgisse. Ante Gregorium primum, hisce fauoribus summa sedes ac

suprema, Monasteria quædam illustrauit. Apud eundem quippe Gregorium lib. 7. ep. 113. alias 115. legimus Vigilium summum Pontificem priuilegio ornasse Monasterium quoddam intra pomerium vrbs Arelatensis à Childeberto Francorum Rege constructum : Eadem epistola reuerentiam prædicat, quam fideles exhibent priuilegiis Pontificum. Idem Greg. ep. 12. lib. 6. priuilegium tradit Monasterio sancti Cassiani, sub Respecta Abbatissa Massiliæ constructum. Præterea epistola 18. lib. 7. datur priuilegium Monasterio sanctorum Ioannis & Stephani in ciuitate Classitana.

Greg. 113.
lib. 7. ep. 113.
alis 115.

Greg. ep. 12.
lib. 6. & ep.
8. lib. 7.

Verùm animaduertendum priuilegia cuiusmodi summorum Pontificum, nunquam coercuisse potestatem spiritalem, quam obtinet Episcopi in Monasteria, sed tantum authoritatem quandam, seu dominium temporale, in res & bona eorundem. Quippe primis illis temporibus res omnes ecclesiarum in ditione ac potestate Episcopi versabantur, adeoque fas erat ipsis prædia, opes & census ecclesiarum ac Monasteriorum pro arbitrio moderari, & quæ illic erant oblata aut relinquere, aut asportare. Quamobrem Monasteriorum fundatores, vt rebus ac commodis Monachorum consulerent, facerentque, ne liceret ab eorum dominio quæcumque donata aut oblata essent, auellere, solebant aut à summis Pontificibus, aut ab ipfismet locorum Episcopis priuilegium emereri, quo bona & res Monacho-

rum subducebantur ditioni & administrationi tam Episcoporum, quàm Archidiaconorum. Secundo, cum ex iure communi, sit penes episcopum societates omnes, quęcumque causa Religionis & pietatis coalescunt intra fines suę Diocęseos, regere, aut eisdem præficere Rectorem, siue ex ea societate sit, siue aliunde accersatur: aduersus eam potestatem priuilegia impetrabant à summis Pontificibus, à quibus libertas dabatur Monachis, eligendi è suo sodalizio Abbatem. Tertiò cum posset episcopus pro suo nutu quos vellet in Clerum tollere, etiam inconsultis Abbatib. imploratus est aduersus eam authoritatem Pontificum fauor, ac cautum ne sine licentia ac permissione Abbatis, Monachi in Clericorum ordinem adsciscantur.

His tribus prærogatiuis includuntur omnes priuilegiorum gratiæ ante nonū aut 10. sæculum. Adde summos è Monasteriorum alta pacem litium ac controuersiarum strepitus, interdictum ne in illis placita fiant siue ab Episcopis, siue à Comitibus, siue ab Archidiaconis, quę omnia quartum caput priuilegiorum possunt efficere.

Hęc verò quę dicimus patent ex epistolis eiusdem Gregorii, nam Monasterio sancti Cassiani priuilegium indulget de electione abbatissę & de sola administratione rerum Monasterii. Priuilegium Monasterii Arelatensis solam rerum & opum Monasticarum securitatem spectat, prohibet enim Pontifex ne facultates Monasterii au-

ferantur. Priuilegium datum Monasterio sancto-
rum Ioannis & Stephani in ciuitate Classitana, eò
tantum spectat vt liberam habeant Monachi ele-
ctionem Abbatis, & vt res Monasterii admini-
strent. Atque vt pateat à iure visitationis non fuisse
propterea exemptos, referendi sunt oculi ad
postrema huiusce priuilegii verba, quibus monet
Episcopum Rauennatem Marinianum, vt conti-
nenter ac modestè se gerendo inter visitandum,
Monachos, faciat, vt ab iis desideretur, non fu-
giatur. Si, inquit, *charitatis officium illic impleat Epi-
scopus, tamen grauamen aliquod Monasterium non in-*
currat, vestram quoque fraternitatem prædictus Abbas
non solum non metuat ad Monasterium frequenter acce-
dere, sed etiam desiderabiliter concupiscat.

Greg. mag.
ep. 18. lib. 17.

Apud Aubertum Miræum in Codice Dona-
tionum Belgicarum legimus priuilegium datum
Monasterio Elnonensi à Martino Papa circa an-
num 651. At priuilegium istud solas spectat res
temporales, earumque stabilem penes Mona-
chos possessionem.

Prima ergo priuilegia, quibus Monachi ab
onere procurationum, siue Circatarum sunt ex-
empti, ab ipsamet Episcoporum beneficentia ori-
ginem traxerunt. Ita Landericus Parisiensis E-
piscopus exemit Ecclesiam sancti Dionysij, ab om-
ni pensione Synodorum & Circatarum: Quod
priuilegium, Antiquitatis peritissimus Syrmun-
dus vulgauit tomo primo Conciliorum. Ita Ber-
tefridus episcopus Ambianensis indulgit Corbi.

Priuileg.
sancti Lan-
derici tom.
2. Concil.
Galliar.

ensibus Monachis priuilegium, quo quidem ca-
uetur ne liceat Episcopo aut Archidiacono Mo-
nasterii lustrationem instituere, nisi vocantibus
& inuitantibus Monachis. Apud Innocentium
tertium lib. 2. epistola 113. Viterbiensis Episcopus
relaxat procuraciones sibi debitas à Monasteriis
sancti Laurentii, sanctæ Mariæ & sancti Angeli
de Spatha. Aliqua eius generis priuilegia repe-
riuntur in Promptuario Antiquitatum Trecen-
sium editarum à Camusatio, vt priuilegium Al-
taris sanctæ Mariæ de Summauera & de Braux fo-
lio 82. priuilegium trium altarium de Laderniaci
Corte, dodiniaca Corte, Reginiaca Corte, & plu-
ribus aliis, quibus in priuilegiis hoc annotandum,
nempe consuetudines, procuraciones, Circatas,
Synodos sic altaribus præfatis remissas, vt tamen
Episcopi Trecenses in earum pensionum locum
annuum censum sibi soluendum retinerent.

Promptua.
Antiq. Tre-
cens. fol. 82.

Neque verò existimet aliquis post ea priuile-
gia atque exemptiones, Monasteria non amplius
cognitioni & potestati Episcoporum, quoad res
spiritales fuisse summissa: Nam vt antea notauī,
istæ exemptiones solummodo spectabant immu-
nitatem ab onere pensionum temporalium. Et
cōfirmatur amplius ex Priuilegio monasterii san-
cti Galli, quod extat tomo primo rerum Alema-
nicarum parte prima. In eo quippe post præfatas
immunitates diserte exprimitur monasterium
subiacere Episcopo, quoad spiritualia. Sic enim
compendio eius loci prærogatiuæ notantur: Ita

Priuilegiū
sancti Galli
tom. 1. re-
rum Alema-
nicarum p.
1. fol. 28.

ut deinceps nullam potestatem Episcopi in rebus eiusdem
 Monasterii haberent, neque in censu, neque in ulla alia
 præter spiritalem tantummodo Episcopalis officii digni-
 tatem, &c. Vnde à vero, ut opinor, absunt qui Ca-
 nonem Toletanum, Canonem Ilerdensem vo-
 lunt monachos à potestate Episcopi, seu Diœce-
 sana lege liberos asserere Propterea quod istis
 Canonibus remittitur monachis pensio Cathe-
 dratici, & solutio tertiæ partis oblationum. Istis
 quippe Canonibus Patres non tam studuerunt
 auctoritatem Episcopalem minuere, quàm ærarium
 monasticum augere. Vnde frustra se torquent alii,
 confingendo nouum discrimē inter legem Diœ-
 cesanam, & legem iurisdictionis. Eodem quippe
 omnino sunt, & imperium episcopale significant:
 Cuius plurimæ fuerunt partes & notæ, quarum
 vna fuit res Ecclesiarum moderari, & tertiā
 oblationum percipere. Hanc vero partem suæ
 potestatis commodo monachorum studentes E-
 piscopi remiserunt, ut annona largior & splendi-
 dior illis familia suppeteret, quos Deo penitus
 micipatos, & solius æternitatis amore flagrantem,
 necesse erat aduersus vitæ incommoda certis ac
 constitutis stipendiis honorari.

Vide differ-
 tationes
 Florentis
 Antecessor.

De Cathedratico, & quarta seu tertia Decimarum:
Cathedraticum differt à iure Synodi: Incerta pensio ante Braccarense 2. Solidorum valor mutatus: Solidi Gallici leuiiores Italicis: Magni redditus ex solo Cathedratico: Cathedraticum in Gallia, in speciebus solutum: Tertia aut quarta Decimarum distincta à Cathedratico.

CAPVT II.

DE Cathedratico dicendum, primo quo iure debeat, quomodo solitum solui, quâ tum vestigal, & an idem sit cum tertia, quartaue Decimarum, an quid aliud diuersum.

Vt Episcopi dignitas principem inter omnes locum obrinet, ita oportuit cæteros hierarchici ordinis gradus, ipsam singulari aliqua obsequij sui significatione venerari. Inde Cathedratici origo, nempe pensio annua, quam veluti tributum nomine Ecclesiæ omnes marici ac principi exhibent, vt eius se influxu viuere atque animari prohibeantur. Vnde falluntur qui Cathedraticum cum iure Synodi, seu Synodatico confundunt; sunt enim iura & obventiones distinctæ.

Cum ergo antiquitus Presbyteri omnes Episcopum suum singularibus studiis colerent, & eius prudentiæ summitterent vniuersa, quæcunque ecclesiis suis Fideles offerrent; hinc obscurum re-

linquitur quid Cathedralici nomine Præsulib. solueretur, ante tempora Concilii Braccarenfis 2. quorebus episcoporum auctis in eum modum, qui sustinendæ dignitati sufficeret, decretum est ne episcopi à Parochitanis Presbyteris quidquam in posterum pro honore Cathedralæ, præterquam duos solidos sumerent. *Placuit ut nullus Episcoporum, cum per Dioceſes suas ambulant, præter honorem Cathedralæ suæ. i. duos solidos, aliquid aliud per Ecclesias tollat.* Hanc sanctionem sequentibus sæculis Patres & Concilia firmarunt Pelagius ep ad Cresconiũ illustrem, Concilium Toletanum 7. Canone 4. vbi Monasteriorum Basilicæ ab hac pensione eximuntur. Gelasius Papa episto. ad Fabianum Episcopum, & plures alii.

Conc. Braccarenſe 2. c. 2.

Pelag. ep. ad Cresc. Concil. Tolet. 7. Can. 4. Gel. ep. ad Fab

Dubium verò an pensio hæc grandis fuerit an moderata, quod ex notitia monetaria petendum. Certum est ergo solidum monetam fuisse vsu receptam, etiã sub Adriano Imperatore: Eius enim mentio fit in Edicto Prætoris composito per Iulianum, vbi pœna solidorum decem imponitur ei, qui in suggrūdio, subrus quod iter fieri solet aliquid posuerit, cuius casus possit nocere ambulanti. Nomen autem solidi nactum est istud monetæ genus, quod cæteris longè perfectius esset, nempe auri obryzi, hoc est, exquisitè percocti. Valesolidorum non idem semper fuit ac similis. Antiquissimis temporibus ex vna auri vncia sex solidi fiebant, vnde solidus sextula dictus est, ut ait Isid. in originibus, & liquet ex trito versu Fannii,

1. si vero Prætor ff. de his qui effuderint vel deiecerint,

Sextula quæ fertur, Nam sex his uncia constat.

Eadem ratione Græci *ἑξάνον* solidum nuncupant, subinde vero imminutus solidi valor. Quippe Constantini temporibus ex vna auri uncia facti sunt septem solidi, vnde libra auri continebat solidos octoginta, vt patet ex lege 1. C. de *Ponderatoribus* Codicis Theodosiani lib. 12. tit. 7. Verùm valentiniani tempore legitimum pretio solido restitutum, tantum quippe vt ex auri libra 72. solidi fierent. Cæterùm annotandum solidos, etsi aurei essent, apud Francos tamen minoris pretii fuisse, vnde in Italia vendibiles non erant, hoc est, ad commercium idonei, ita enim appellantur apud Theodosium, sicut in *Extrauaganti*. Mar-
tini l. de *emptione & venditione* dicuntur *polemai*, pro quo restituendum *empolai*, hoc est, vendibiles. Vnde Gregorius primus pensiones rerū Ecclesiasticarum, quæ in solidis soluebantur, iubet impendi in *emptione* aut vestium aut seruorum, quandoquidem solidi Gallicani apud Italos pro spuris & decurtatis haberentur. Inuenio apud eosdem Gallos solidorum valorem mutatum ac desultorium, modò enim valebant quatuor tantum denarios, vt ex lege Salica constat, in quo 800. denarii dicuntur æquari 200. solidis, modò solidi quadraginta denarios argenteos valuerunt, vt constat ex lib. 4. cap. tit. 5. vnde census impositi seu domibus, seu prædiis, seu personis, valde dubierant. Cum enim census illi in solidis conditi essent ac taxati, vt loquuntur, cogebant de-

Alii, legunt
leues vel de-
biles.

Greg. pas-
sim in ep.
ad Rectores
patrimonii
Galliarum.

Capit. lib.
4. tit. 75.

bitoresillos solidos in denariis soluere, & quadraginta denarios pro solido quoque præstare, cum tamen tempore, quo census fuerat constitutus, longe minus fuisset pretium solidi. Vnde in Synodo Remensi supplicatum à Principe, ne solidi per quadraginta denarios excurrerent: Ac tandem Ludouicus pius Capit. lib. 3. cap. 7. constituit vt omnes mulctæ census, & pecuniariæ illationes, quæ in solidis dictæ ac taxatæ fuissent, per duodecim denarios pro solido quouis soluerentur. His ergo præmissis, facile intelligitur quantum solueret Episcopo vnaquæque Ecclesia pro iure Cathedratici, nempe duos solidos, hoc est tertiam partem vnciæ auri. Vnde triginta sex Ecclesiæ libram auri singulis annis Episcopo solvebant. Quamobrem si cogitemus Diœceses quasdam ita amplas ac populosas fuisse, ac etiam nunc esse, vt quingentas aut octingentas Parochias contineant, apparebit hunc censum non mediocrem fuisse, & nonnullos episcoporum ex solo Cathedratico plusquam triginta auri libras percepisse.

An autem apud Gallos ista Cathedratici pensio recepta fuerit, dubium fortasse. Verùm ambigendi occasionem reuellit ac resecat Constitutio Tolosani Capitularis: ex qua patet morem fuisse Gallicanis Presbyteris Cathedraticum persolvere, non quidem in nummis, sed in cibis, frumento & annona; verùm hunc morem relictum arbitrio Parochorum, quibus licuit stare Bracca-

Capitulare
Tolos. ca. 2

rensis Synodi Decreto, de præstatione duorum solidorum; ita enim habetur Capitulo secundo: *Vt unum modium frumenti, atque unum modium hordei cum mensura, quæ publica, & probata, ac generalis, seu legitima, per civitatem & pagum, atque vicinitatem habeatur, Episcopi à Presbyteris accipiant, frischingam sex valentem denarios, aut sex pro ea denarios, & non amplius, exigant; & si hæc non accipiunt, accipiant pro his, si volunt, duos solidos in denarius, sicut in Toletano & Braccarensi consensu Episcopi considerasse dicuntur.*

Frisinga
est porcel-
lus mediz
gratis.

Restat inquirendum an Cathedraticum cum tertia, quartaue oblationum ac decimarum debeat confundi. Ad cuius rei notitiam, subnotandum in Galliis hunc usum fuisse, ut quarta pars oblationum ac Decimarum ad Episcopum spectaret, eique Parœcias lustranti traderetur. In Hispania verò non quartam, sed tertiam sumebant Episcopi: Volunt itaque nonnulli tertiam istam ac quartam in annum censum duorum solidorum fuisse cõmutatam: verùm res aliter habet, credo. Nam, etsi eodem Canone Braccarensis Synodi secundæ, quo Cathedraticum duobus solidis constituitur, decretum sit ne episcopi tertiam oblationum partem tollerent; inde tamen non sequitur Cathedraticum huic tertiarum iuri successisse. Ideo enim abstinendum ab episcopo decernitur, ab hac tertia parte, quòd ecclesiæ inopes ac calamitosæ aliunde non haberent, quo possent luminaribus cœmendis sufficere; ita enim

loquitur Canon: Si tertiam partem illam Episcopus tollat, lumen & sacra abstulit Ecclesie. Pluribus porro argumentis probari potest tertiam oblationum à Cathedratico longè summotam. Quippe tertia oblationum, ut dicimus, Ecclesie ornamento, & luminibus cedit; at Cathedraticum rei & lucro Episcoporum vertitur. Secundò, post condictam & decretam Cathedratici pensionem, adhuc reperimus Episcopos tertiam oblationum cepisse. Quippe Concilio Toletano quarto Era 671. sexaginta fermè annis post Concilium Braccarense, quod incidit in Eram 610. mentio fit tertiæ partis oblationum, Decimarum, tributorum Episcopis persolvendæ, Canone 33. Concilia subsequen-
tia Cathedratici non meminerunt ante Toletan.
7. Can. 4. quo quidem non prohibentur Episcopi tertiam oblationum tollere, sed tantum ab iniquis exactionibus temperare. Rursus Concilium Toletanum 9. Can. 6. permittit ut Episcopus tertiam sibi debitam auferat, & det cui voluerit. In Concilio Toletano decimosexto permittitur Episcopis tertiam illā auferre, modò Ecclesiis sarcien-
dis inuigilent.

Vnum hoc explicandum parergi loco, nempe antinomia, quæ videtur esse inter Canones 14. & 15. Concilii Aurelianensis primi: Nam Canone 14. iubetur ut Episcopi medietatem oblationum percipiant: at Canone 15. decernitur ut tertia pars iisdem fideliter deferatur: quam antilogiam conciliare oportet, intelligendo Canonem decimum

quartum de iis quæ offeruntur in Ecclesia Cathedrali: Canonem vero decimum quintum, de iis quæ offeruntur in Parochiis.

De Synodatico & Eulogiis, inquisitionibus regis, &c.

CAPVT III.

SYNODUS & Synodaticum plerumque pro eodem sumuntur, nempe pro certa pensione nummaria, quam Presbyteri exoluunt, quoties ad Episcopi Synodum vocantur. Synodos autem duplicis generis quotannis institutas reperio, quasdam ob doctrinam ad informandos nempe Presbyteros iis artibus ac documentis, quibus populos moderari possint. Et hæ Synodi quotannis fiebant tempore Quadragesimæ, tunc enim in vicis & pagis in urbem commeabant Presbyteri ab Episcopo Theologicis disciplinis imbuendi. Erant aliæ Synodi ad disciplinam, nempe ad coercendos Sacerdotum, Abbatum, ac Clericorum mores, si qua in parte Canonum sanctitatem violarent, & hæ non semel, sed bis in anno habebantur. De Quadragesimalibus Synodis apertus est Canon tertius Concilii Liptinensis, sub Childerico anno 743. ubi iubetur *ut Presbyter semper in Quadragesima rationem & ordinem ministerii sui, siue de Baptismo, siue de fide Catholica, siue de precibus & ordine*

Concilium
Leptinense,
sub Childe-
rico, 3. ann.
743.

Et ordine missarum ipsi Episcopo reddat Et ostendat.

Hanc consuetudinem, quæ tempore Religioni dicato Presbyteros à cura gregis distrahebat, sustulit Ludouicus in capitulari Aquisgranensi anno Imperij tertio. Constituit quippe, *ut discendi gratia alio non quadragesimæ tempore Presbyteri ad ciuitates vocentur.* De Synodis vero annatim fieri solitis extat Canon 7. Concilij Antisiodorensis, quo decernitur, *Vt medio Maio omnes Presbyteri ad Synodum in ciuitatem veniant Et kalendis Nouembris omnes Abba-* 7.
tes ad Concilium conueniant. Quo Canone videntur Synodi Abbatum distingui, à Synodis Presbyterorum. Taceo alias Episcoporum Synodos bis in anno fieri solitas, in præsentia Regis, prima Calendis Martiis, secunda Calendis Octobris: primæ locum rex designabat: secundæ Episcopi, ut extat in Concilio Vernensi canone 4.

Cap. lib. 2.
c. 99. apud
Syrmondū
tom. 2. ad
annū 816.

Concil. Antisiod. can.

Cōcil. Vernense 1.
cap. 4.

Per singulas vero Synodos Presbyterialiquid Episcopo soluebant, quod Synodaticum appellant. Differt autē pēsio Synodatica tum à Circatis, tum à Cathedratico, tum à quarta oblationum: à Circatis quidem seu procurationibus. Nam priuilegium sancti Lāderici, quo immunitas tribuitur Sandionisianis Monachis, expresse habet illos deinceps fore exemptos à *Circatis Et Synodaticis.* In priuilegio Gualonis Trecēsis Episcopi expresse habetur quod Presbyteri quibus commendata erunt altaria sanctæ Mariæ, *De summa vera Et de Braux ad Trecensem veniant Synodum Et Synodalia non negligant soluere seruitia.*

Prompt.
Trecenle
fol. 352.

In rescripto Philippi Trecensis Episcopi quod habetur promptuarij folio 352. cauetur vt Sacerdotes Ecclesiæ S. Ioannis & Ecclesiæ de Capella Valonis, *Soluant episcopo omnes Synodales consuetudines libere & absque ulla contradictione.* In signo seu diplomate Hattonis ibid. pag. 319. Ecclesiæ Ausonii & Luxodi obligantur ad soluendas *Circadias & Synodos.* Disertissime vero notantur & distinguuntur omnia ista iura in capitulari Tolosano. Nam capitulo secundo agitur de Cathedratico, capitulo quarto, quinto & sexto agitur de Procurationibus seu Circatis, & tandem capitulo nono, atque ultimo agitur de Synodis & statuitur. *Vt Episcopi Synodos à Presbyteris nisi sicut docet auctoritas Canonum duas scilicet & per tempora constituta non exigant,* quo loci nomine Synodorum non modo præsentia quam debent Presbyteri, sed etiam pensiones nummarie continentur.

Capit. Tolos.
tom 3. C6.
sil. Gall.

Quantum vero quilibet Presbyterorum Episcopo solueret Synodi nomine, dubium est & incertum. Vnum hoc citra ambiguitatem dici potest censum hunc non fuisse eundem, sed varium pro varia Parochiarum conditione, illustriores largius, angustiores leuius vectigal Episcopi ærario inferabant. Omnino vero hac in parte delatum est iudicio & consuetudini maiorum, vnde pensiones istæ in cartis ac tabulis, consuetudines Synodales appellantur.

Vnde vero natæ sint non est facile augurari, nisi quod dicendum olim in Synodis solitos fuisse Epif-

copos Sacerdotes ad se venientes disciplinis ecclesiasticis informare, ac publica habere iudicia de moribus Sacerdotum ac Clericorum, quam in rem libraria erat opus suppellectile, notariis, scribis amanuensibus, qui rerum in Synodo actarum memoriam in commentarios referrent, & Presbyteris indicem traderent rerum agendarum. Propterea cum res ista sine sumptibus agi non posset, ideo Presbyterorum singuli suas symbolas tradebant. Secundo dici potest Episcopum summam esse in Ecclesia dignitatem, quam instar Regis ac Principis omnes oportet tenui quadam & ad facultates accommodata tributi illatione venerari. Tertio referri potest ista consuetudo ad antiquissima Ecclesiæ tempora, cum nondum abundarent opibus Episcopi, essentque communi præsidio Parochorum, atque Clericorum educandi. Quidquid alij fingant, certum est hanc pensionem antiquissimam esse, & in Gallis natam primis Ecclesiæ temporibus. Argumento est privilegium Landerici ad annum 658. quo remittitur debitum Synodatici persolvendi Sandionisianis Presbyteris: signum est ergo consuetudinem istam, ita fuisse in Ecclesia receptam ac commendatam, ut nullus eam aduersus posset obniti, nisi qui singulari privilegio muniretur.

Hæc de Synodatico, dicamus de Eulogiis. Eulogiarum nomen ambiguum plerumque panem à Sacerdote benedictum significat, hic spontaneum munus & donarium, quo Presbyteri ultro Episcopos colunt in monimentum benevolentiae. Nam

vt Cathedraticum Synodaticum iustitiæ tribuuntur, sic Eulogiæ charitati consecrantur & amor: Ita solitos olim Episcopos legimus S. Pontificem ultro-
neis muneribus honorare; suumque in eius digni-
tatem animum largitione spontanea profiteri. Ita
apud Gregorium legimus Felicem Episcopum Mel-
sanensem ad ipsum misisse Eulogiarum & Xenio-
rum nomine Palmacinas. Eò autem loci palam fa-
tetur Gregorius se non delectari Xeniiis, ideoque
Palmacinas vendicurasse, ac earundem pecuniam
Felici præfato remittere.

Eulogiæ autem duplicis generis, quædam ex-
actæ ab Episcopis, quædam ultro delatæ à Presbyte-
ris. Nam postquam Presbyteri, sponte se Eulogiis
summisserunt, eorum affectum quidam Episcopi
vectigal fecerunt & benevolentiam mutauere in
necessitatem. Non mirum ergo si de vario isto eu-
logiarum genere, variè quoque patres senserunt,
nam voluntarias probant & laudant Concilium
Meldense sub Carolo Caluo Canone 45. *Decet Pres-
byteros cum voluntarijs Eulogijs tempore congruo visi-
tare & venerari suos Episcopos.*

Conci. Mel-
dense can.
45.

Eandem sententiam confirmat Leo 4. Epistola
secunda ad Episcopos Britanniæ. *De Eulogijs ad sa-
cra Concilia deferendis nihil inuenimus à maioribus ter-
minatum sed sicut unicuique Presbytero placuerit.
Nam si constitutum fuerit illo in tempore benedictiones
adferri: forsan minus libenter ad Synodos occurrent, &
magis venire detrectabunt, quæ ut arbitror non sunt ra-
tionabiliter requirenda, nec ultro delatæ respuenda. Ex*

Leo 4. epist.
2. ad Episco-
pos Britan-
niæ.

quibus verbis apparet Eulogias deferri solitas tempore Synodorum. Vnde quidam eas commiscere ac confundere posset cum iure Synodatici, nisi docuissemus antea Synodaticum fuisse necessitatis. At respondebunt Synodaticum duo continere præsentiam & nummariam pensionem, prius necessitatis fuisse, quia in Synodo erudiuntur Presbyteri, posterius libertatis. Sed videat Lector, an ista solutio cum præcedentibus congruat: Certe de non de exigendis Eulogiis à Presbytero quando ad Synodum venit extat constitutio Hincmari Remensis in capitulis ad Archidiaconos Presbyteros anno Domini 874. *Nolite quasi pro aliquo adiutorio ad quamcumque rem denarios apud Presbyteros postuletis, neque quando ad Synodum vel pro inquisitione ministerij sui seu pro chrisma accipiēdo venerint Eulogias exigatis, sed si cui forte commodum fuerit pro sua voluntate & cōmoditate aliquid offerre, cum gratiarum actione suscipite.*

Capi. Hincmari Remensis ann. 874.

Verum animaduerte hoc Capitulum loqui de Archidiaconis non vero de Episcopis. Succedunt Eulogiis ea quæ dicuntur inquisitiones Regiæ, hoc est Collatio quædam pecuniaria Regi eroganda, de prædiis Ecclesiarum de qua paucis in præsentiarū dicemus. Nā ad Ecclesiarum Iura & emunitates ista tractatio pertinet, obiter animaduertemus non quidem prohibuisse Concilium Toletanum decimum sextum, quo primū istud inquisitionum nomen legitur, ne inquisitiones Regiæ fierent, sed prohibuisse, quominus Episcopi à Parochitanis Ecclesiis quidquam exigent, verum quidquid Regi dare-

tur id ex suis fortunis ac opibus promerent, ita enim loquitur Rex Egica in tomo quem obtulit Patribus Concilij, *Hoc honorificentia vestra promulgare curabit, ut nemo Episcoporum pro Regijs inquisitionibus exhibendis Parochialium Ecclesiarum iura contringat, nec quascumque exinde inquisitiones, aut euectiones exigere audeat: sed de prædiis suarum sedium Regio culmini solita perquisitionum obsequia deferat, nihilque de rebus earundem Parochiarum Ecclesiarum, cuiuspiam Stipendii causa dare præsumat, quod si fecerit duorum mensium spatio excommunicari se nouerit.* Lecto itaque tomo isto sic æquam censuerunt Regis postulationem, ut Canone 5. eius Synodi decernerent nil esse sumendum à Parochiis nomine Regiarum inquisitionum. Vnde liquet anno circiter 700 à Christo nato, solitos fuisse Hispaniarum Reges è prædiis Ecclesiasticis subsidium petere. Secundo apparet ante hoc Concilium Parochitanas Ecclesias fuisse huic pensioni obnoxias. Tertio onus istud in solos Episcopos reiectum.

In Gallia vero ubi Reges semper & humaniores & religiosiores quærat aliquis an inquisitiones istæ locum habuerint. Non repeto quæ præmissi libro secundo de legibus & edictis aduersus Ecclesiæ bona & facultates. Verum hic strictim dico Ecclesiasticos nostros semper fuisse bonos ciues, ac necessitatibus regni non segniter prouidisse, Concilii Leptinenfis comprobatio habet assutum Canonē de Ecclesiæ pecunia in sumptibus exercituum, nomine precarii exhibenda. *Statuimus cum consilio*

seruorum Dei & populi Christiani propter imminencia bella (&) persecutiones caterarum gentium, quæ in circuitu nostro sunt, ut sub precario & censu aliquam partem Ecclesiæ pecuniæ, in adiutorium exercitus nostri, cum indulgentia Dei aliquanto tempore retineamus, ea conditione ut annis singulis, de unaquaque casata solidus, id est, duodecim denarii ad Ecclesiam vel Monasterium reddantur; eo modo ut si moriatur ille, cui pecunia commoda fuit, Ecclesia cum propria pecunia reuicta sit: Et iterum si necessitas cogat, aut Princeps iubeat, precarium renouetur, & rescribatur nouum, (&) omnino obseruetur ut Ecclesiæ vel Monasteria penuriam, paupertatemque non patiantur, quorum pecunia in precario præstita sit, & si paupertas cogat Ecclesiæ vel domui Dei integra reddatur possessio.

Exemplum porro inquisitionum regiarum reperio apud Aimoinum lib. 5. cap. 35, ubi propter Aimoinus
l. 5. ca. 35. Caroli simplicis Romam euocati & acciti à summo Pontifice professionem, collatæ & corrogatæ sunt ab Ecclesiis pecuniæ, Exegitque vnusquisque Episcopus de Presbyteris suæ Parochiæ, secundum quod possibile erat, ut à quo plurimum quinque solidos à minimum quatuor denarios, Episcopi de singulis Presbyteris acciperent, & nuntiis dominicis redderent, sed & de Ecclesiarum thesauris, prout quantitas extitit, loci ad idem tributum exoluendum acceptum fuit, &c. De inquisitionibus regiis per Henricum II. vide Math. Paris. in eius vita.

Præter ista iura habent etiam Episcopi facultatem exigendi charitatiui subsidii, quod Lateranen-

se Concilium vocat mediocre subsidium. De quo inter recentiores iuris canonici mystas variæ quæstiones mouentur, quarum vnica tantummodo huic nostræ disceptationi competit, nempe quibus in casibus liceat istud ab Episcopo implorari. In genere, censent grauem & vrgentem necessitatem idoneam esse rationem illius subsidii expetendi, ita vt quantitas illius auxilii necessitatis magnitudine sit mensuranda.

Speciatim autem definiunt casus eiusdem necessitatis, primò, vbi in fabricam Ecclesiæ Episcopus cogitur grandes sumptus facere. Ita Hostiensis in capite *Conquerente de Censibus* & in capite *Cum Apostolus*. Secundo, quando Episcopus ad S. Pontificis tribunal profectionem instituit, præsertim quando Episcopi facultates ad eas expensas non sufficiunt. Innocentius in capite primo de *statu Monachorum*, Hostiensis in dicto cap. *conquerente*. Tertio, quando pergit ad Regem & Principem. Quarto, quando excipit Regē in Prouincia. Quinto, quando nuncii Apostolici excipiēdi sunt ac procurandi. Sexto quando in re Ecclesiæ propugnanda ac defendenda sumptus fecit insignes. Septimo, quando in fauorem totius Diocesis operam & redditus proprios impendit. Octauo, quādo ēre alieno grauitè oppressus est. Nono, quando bellis aut latrocinijs vexatur. Decimo quādo vocatur ad Concilium generale. Vndecimo quando tenues sunt Episcopii redditus. Duodecimo, quādo nullā suā culpā facultatibus lapsus est. Decimo tertio pro expensis

penfis Bullarum & Annatæ. decimo quarto pro
iucundo aduentu.

An autem & quando hæc charitatiua subfi-
dia in Gallia indici possint & colligi, legatur Boe-
rius Decisione 133. vbi refert Burdegalem Ar-
chiepiscopum imposuisse Clero pensionem qua-
ter mille & quingentarum libellarum, pro suo ad
Prouinciam regendam accessu, à qua impositio-
ne appellarunt Monachi sancti Romani ad Sena-
tum Bûrdegalem, qui re cognitâ Religiosos,
Clerumque omnem ab hac pensione absoluit.

Licet vero per modum tributî extorquere non
possint Prælati charitatiuū subsidium tanquā do-
mini tēporales. Attamē non video cur illis inopia
laborantibus possit hoc negari; si enim Christia-
no cuius subuenire ex iustitia tenemur, quoties
pecuniarum egestate aut vita illius periclitatur,
aut dignitas: quāto magis id debetur Episcopis, si
angustia rerum ac fortunarum languescant, &
eorum nomini ac ordini dedecus impendat.

Alias, inquit, Paulus, Ecclesiæ expoliaui stipendia ac-
cipiens ad ministerium nostrum. Si ergo ad Corin-
thiæ Diœceseos regimen Paulus nō dubitauit
ab aliis Ecclesiis suppetias promere, quanto
æquiori ratione ad propriam Diœcesim regen-
dam & ad ministrandam, possunt moderatum à
suo grege auxilium implorare.

² Cor. 12.

De obuentionibus quas Episcopi olim ex consecratione altarium & Ecclesiarum consequebantur.

CAPV T IV.

Altarium ac Ædium sacrarum inaugurationes solis licet aggredi pontificibus, in quorum Diœcesi versantur. Ac licet summi Ecclesiæ Rectoris maiestas vbique veneranda sit, ac suprema in omnes auctoritate dominetur: Censuere tamen veteres non esse temere petenda ab eo priuilegia ædis alicuius sacræ præter mentem & consensum Episcopi diœcesani consecrandæ, Rodolphus Glaber refert ventis ac tempestate disiectam & dissipatam Ecclesiam Monasterij Lucacensis, in pago Turonico, quam Fulco Andegauorum Comes extruxerat, cum eam Petrus quidam Cardinalis, contra voluntatem Hugonis Turonensis Archiepiscopi cōsecrare meditaretur, quod inquit Glaber Monachus, cum multi per regionem factum comperissent, nulli venit in dubium, quoniā insolens præsumptionis audacia irritum constitisset votum, simulque præsentibus ac futuris quibusque, ne huic simile agerent euidentis indicium fuit, licet namque Pontifex Romanæ Ecclesiæ ob dignitatem Apostolicæ sedis ceteris in orbe constitutis reuerentior habeatur, non tamen ei licet in aliquo transgredi Canonici moderaminis tenorem, &c.

Non inficiandum tamen Catholico imperio & generali administratione posse S. P. sufficere quosdam in locum Diœcesani Episcopi, ad consecrandas Ecclesias, si id Religionis splendor & fidelium utilitas postulet, cui proprii præsules ac Diœcesani obnitantur.

Ita Patriarchico nomine consecrantur apud *σταυροπήνιον* eo ritu qui in Euchologio Græcorum refertur capite trigesimo *Ὡςδε σταυροπήνιον* *ἵς ἔπει*

Euchologium cap. trigesimo.

ἀναφέρεται τῷ πατριάρχῃ περὶ τῆς οἰκοδομῆς τῆς ναοῦ καὶ ἵς ἡρώδου τοῦ βασιλέως ἢ τοῦ ἐξάρχοντος ἢ τοῦ ἀνὰ τῆς δεξιερῶν ἐπιτελεσθῆναι καὶ καθιερωθῆναι, καὶ τῇ ναὸν τελεσθῆναι ἐπὶ σταυροπήνιῳ πατριαρχικῷ καλέσκει δὲ ἡμέρας, καὶ σταυρὸν ξύλινον ἐν ᾧ γράψουσιν οἱ πατριαρχικοὶ γραμματικοὶ ἐν τῷ ἐνὶ μέρει σταυροπήνιον πατριαρχικὸν ἀμασθεν ἐπὶ ὀνόματι τῆς ἀγίας τῆς ἐν τῇ θεοδόσει πόλεως τῆς ἐν τῇ ἐκκλησίᾳ τῇ ᾧ ἐν τῷ ἰδίῳ θελήματι ὡς τῆς ἀριστάτου, καὶ οἰκονομικῆς πατριάρχου, ἐν τῷ ᾧ ἐτέρῳ μέρει ἐπὶ τῇ βασιλείᾳ τῆς ὁσιωτάτης ἡμῶν τῆς ᾧ κατὰ μῆνα τῇ ᾧ ἐστὶ, &c.

Stauropogium sic fit. Refertur ad Patriarcham de adificatione templi, & conscribuntur litteræ commonitoria ad exarchum ipsius vel aliquem ex Archipræsulibus ut templum fundetur, consecratur & perficiatur sub nomine Stauropogii Patriarchici. Jubeat autem fieri crucem ligneam in qua notarij Patriarchici scribunt ex una parte hæc verba Stauropogium Patriarchicum consecratum in nomine sancti N. in hac à Deo servata urbe, in tali Provincia, proprio nutu & voluntate Talis sanctissimi Patriarchæ: ex altera vero parte scribitur regnantibus pijs-

Id autem ex Galliæ nostræ ritibus non omit-
tendum censeo, non modo templum, sed tem-
plorum quoque portas solitas fuisse consecrari,
ac reliquias sanctorum iis inseri, non secus ac in
altaribus includuntur. Morem hunc elicio ex Ca-
pitulis Ludouici pii capitularium lib. 2. tit. 13. *Si in*
atrio Ecclesiæ, cuius porta reliquiis sanctorum consecrata
est, huiusmodi homicidium perpetratum fuerit, simili modo
emendetur vel componatur: si vero porta Ecclesiæ non est
consecrata, eo modo componatur quod in atrio committi-
tur, sicut componi debet, quod in immunitate violenter
committitur. Consecrationes porro Ecclesiarum
fiebant solenni ritu, vocatis quotquot commode
venire poterant Episcopis, unde occasione Encæ-
niorum plerumque Concilia celebrata, quod fu-
sissimè docuit Hallerius noster præfatione in de-
fensionem Hierarchiæ.

Hallerius in
præfatione
ad Hierar-
chiæ defen-
sionem.

Quod vero ad expensas & sumptus consecra-
tionis pertinet, reperio inter solennia Encænio-
rum annonam pauperibus largissimè erogatam.
Ita Gregorius lib. 1. Ep. 54. ad Petrum Subdiaco-
num. *Quia cella, inquit, tenuitas exigit debere nos in ip-*
sa dici festiuitate concurrere, propterea volumus, ut ad
celebrandum dedicationem dare debeas ad erogandum
pauperibus in auro solidos decem, vini amphoras triginta,
annonæ modios ducentos, olei orcas duas, verueces duode-
cim, gallinas centum, quæ tuis possint rationibus impu-
tari. Loquitur autè de dedicatione oratorii Beatæ
Mariæ in Monasterio Abbatis Mariniani. Imo
& Reges ac Principes non pauperibus modo sed

Gregorius
lib. 2. Epist.
54.

viris quoque illustribus Episcopis ac Sacerdotibus donaria impertiebantur, quando ædes sacra ab iis constructa & dotata dedicabatur. Apud Matthæum Vvest-Monasteriensem ad annum Domini 798. Cinulphus Rex Merciorum inter dedicandum Ecclesiam Vunichelcumbam in signe edidit specimen Regiæ munificentia. Nam (ut loquitur author) præter illa xenia, quæ optimates suscepserant inæstimabilis præcij & numeri, in utensilibus vestibus, equis lectissimis, omnibus qui a gros non habebant libram argenti, Presbyteris, marcā auri, Monachis solidum unū & postremo multa uniuerso populo erogauit de largitione in Episcopos paulo ante hæc habet in Conuentu, inquit, tredecim Episcoporum nullus largitatis passus est repulsam, dum singuli reffectis marsupiiis hinc abibant.

Matthæus
Vvest Mo-
nasteriensis.
ad ann. 798

An vero stipendij aliquid decretum fuerit Episcopo dedicanti, hic certe cardo est controuersia: Concilium Braccarense secundum Can. quarto, non exigenda donaria decernit, sed nec respuenda constituit, si ultro offerantur, placuit ut quoties ab aliquo fidelium ad consecrandas Ecclesias Episcopi inuitantur, non quasi ex debito munus aliquod à fundatore requirant, sed si ipsi quidem aliquid ex suo voto obtulerint, non respuatur. Si verò aut paupertas illum aut necessitas retinet, nil exigatur ab illo. In Concilio Cabilonensi sub Carolo Magno idem constitutum Canone 16.

Concil.
Braccarense
2. Can. 4.

Concil. Ca-
bil. Can. 16.

Licet autem ex actiones Ecclesia perpetuò sit auersata, tanquam indignas Christiano Præsule,

Helmodus
Presbyter
Chronici
Slaavorum
lib. 3. cap. 21.

cui terram sordescere oportet & omnes animi cupiditates in cælum eniti. Attamen recentioribus sæculis, video aliquid persolutum Episcopo nomine consecratorum altarium. Nam apud Helmodum legimus Episcopum omnibus bonis ac facultatibus exutum fato ac miseria temporum suorum, ex consecratione altarium & Cathedralico victitasse, *Hartuicus*, inquit, *Bremensis Episcopus* necessitate compulsus ministerialium redditus *Episcopales* per triennium abiuravit, ut infra tempus illud omnia ex integro soluerentur. Episcopus vero ex his, quæ de Cathedralico vel consecratione altarium consequi poterat, victitabat, *Chronici Slaavorum* lib. 3. cap. 21.

Omnino vero plura & varia obtingebant Episcopis ex altaris dedicatione, quorum alia ad honorem, alia ad lucrum & commodum spectant, Iura honorifica erant, administratio dotis Ecclesiasticæ, cuius indicem tradebāt Episcopi fundatores, ita ut liberum ei esset deinceps quam veller administrationis legem conscribere. Secundo licuit Episcopo in ea Ecclesia quam consecrasset Cathedralam ponere. Imò vero existimarim perpetuo hæsisse illic ac stetisse Cathedralam Episcopalem, quæ esset indicium ac monimentum summæ auctoritatis, qua Ecclesias à se consecratas regebat. Conjecturam peto ex priuilegio Monasterij sancti Cassiani, apud Gregorium libro sexto epist. 12. *Die*, inquit *Gregorius*, *natalis vel dedicationis supradicti Monasterij*, Episcopo illic *Missarum* sacra conueniat solemnia celebrare, à quo tamen ita est hoc officium

Gregorius
Mag. lib. 6.
epist. 12.

exoluendum, vt Cathedra eius nisi prædictis diebus dum illic Missarum solemnities celebrat non ponatur. Quo discedente similiter etiam Cathedra illius de eodem oratorio auferatur. Nisi enim consuetudo fuisset vt Cathedra episcopi perpetuo fixa in Monasteriis haberetur, non opus fuisset priuilegio ad illam amouendam: at priuilegium eò tendit vt discedente episcopo tollatur eius Cathedra. Eundem ritum confirmat Martinus Pontifex in priuilegio Monasterij Elnonensis, *Missas quoque publicas ab Episcopo in eodem cænobrio fieri omnino prohibemus, ne in seruatorum Dei recessibus, & eorum receptaculis, vlla popularibus præbeatur occasio conuenticuli, nec audeat ibi Cathedralam collocare, &c.* apud Miræum in donationibus Belgicis. Ita Hebræi quoties circumcidunt Moyse Cathedralam ornant, existimantes ea ceremonias imaginaria eius præsentia fulciri Tertiūiuris honorifici caput, fuit ius & potestas illic Synodum congregandi, ordines celebrandi, Maltum tenendi, quod ius aut sua sponte aliquando abdicabant Præsules, aut priuilegijs summorum Pontificum inuitati.

Martinus
Pontifex
apud Ather-
tū Myrrum
Cedice do-
nationum
Belgarum
pag. 4.

Succedunt iura quædam vtilia quorum primum est annus census. Nam inter inaugurandum Ecclesias censum annuū statis diebus soluendum imponebant, vt liquet passim ex cartis & tabulis, & toto titulo de *Censibus*, Non solum autem sibi censum paciscebantur episcopi, sed Monasteriis, quoque & Religiosis domibus, quibus Capellas & Ecclesias efficiebant vctigales. Quam obrem

vetitum, ne post Ecclesiarum dedicationem noui census seu ex arbitrio Clericorum seu Sacerdotū imponerentur, cap. *scientes*, capite *prohibemus*, cap. *praeterea*, de *Censibus*.

Licet autem in fauorem Monasteriorum ac Religiosorū, nouum censum Ecclesiis imponere non liceret: attamen ad emerendam libertatē, & impetranda priuilegia nouis censibus locus fuit. Nempe cum à cognitione & administratione Episcoporum soluerentur Monasteria, censum illis S. Pontifex imponebat pendendum Ecclesiae Romanae, cuius Alodia dicebantur. Hinc illae loquendi formulæ, *Tradere in Alodium D. Petri (sub annuo censu)*. In priuilegio Monasterij Vindocinensis imperantur duodecim solidi gallicani soluendi quotannis Lateranensi Palatio. *Sanè (inquit Calistus 2.) ad indicium percepta huius ab Ecclesia Romana libertatis duodecim solidos monetę vestra quotannis Lateranensi Palatio persoluetis*. Acta Murrhenfis Monasterij referunt omnia eius bona commendata Eghardo cuidam, ea conditione vt Romam proficiscens ipse omnia traderet ad altare sancti Petri Romae, *Eo pacto vt singulis annis circa medium quadragesimę aureus nummus qui duos nummos & dimidium moneta de thurego appendat, persoluatur*. Sexcenta eius generis reperiuntur in Cartis & tabulis Monasteriorum, è quibus patet ritum constituendi Alodia beati Petri fuisse vt index seu catalogus bonorum & prædiorum Monasterij descriptus ad altare D. Petri Romam deferretur

Priuilegiū
Vindocinē-
sis Mona-
sterij apud
Sirmundū
in notis ad
Gosfridum
Vindocinē-

Acta Mur-
rensis Mo-
nasterij im-
pressa Spi-
rembergij.

deferretur, quo ritu designabant se in tutelâ Pontificis omnia contradere. Quinetiam Reges, si quod priuilegium indulgerent Monasterijs, vt libertatem eligendi sibi Abbates & Aduocatos inscio atq; inuocato episcopo tûm solebât sibi retinere annum cecum. Apud Ratpertum Monachum Rex Ludouicus pius eam libertatē indulget Monasterio sancti Galli. *Et in ea carta, inquit Ratpertus, conscribi iussit Regia dona sibi metipsi, secundum consuetudinem aliorum Monasteriorum securitate pradiorum, quotannis ventura, id est, duos caballos, & duo scuta cum lanceis.* Post censum annuū succedit inter iura vtilia, *Redemptio altarium, seu ius persone hoc est, Parochi, seu Sacerdotis instituēdi.* Quod ius maximè obtinebant Episcopi in Parochias Monasterijs insitas, quarum decimas vel ex toto, vel ex parte sumebant monachi. Nam quoties earum Parochiarum rectores fato fungerentur, toties censebantur altaria & decimę redire in manum & potestatem episcopi, tanquam summi & directi earum domini, à quo Monachi eas iure solius feudi & beneficij obtinent. Quamobrem indictâ & constitutâ pensione, decimas & altaria ab Episcopis Monachi redimebant.

Verùm cum Monachorum Ecclesiæ sapientis personis ac Clericis suis orbarentur, siue quod emori ipsos contingeret, siue quod tenuitas stipendij hinc absistere compelleret, istâ pensione Redemptionis altarium fessi, Pontificis auctoritatem aduersus Episcopos implorarunt. Itaque

Ratpertus
Monachus
cap. 2.
Tom. 1.
Antiquit
Al parte

l. q. 3. Cān.
quantum.

sub Urbano 2. in Concilio Aluerniæ summota
ista consuetudo altaria redimendi. Ita apud Gra-
tianum l. q. 3. Cano. 4. *quasitum est de Episcopis qui
alteria Monasteriis data. &c.*

Quia autē Urbanus 2. saluum esse voluit an-
num censum, nec quicquam ex eo Episcopis au-
ferri, idcirco Episcoporum quidā, vt annuo censu
iacturam istam Redemptionis altarium compen-
sarent, nouum censum Ecclesiis imposuere, vel
antiquum & consuetum auxere, quæ altera fuit
ocasio Monasticis querelis, quarum specimen
videre est apud Godofridum Vindocinēsem
Epist. 12. lib. 3. ad Vlgerium Episcopum Andega-
uensē.

Omnino vero vt intelligamus quamam mens
fuerit Papæ. Animaduertendū Ecclesias Mona-
chorum duobus simul oneribus obnoxias extitisse,
& redimendis altaribus, & annuo censui per-
soluendo. Itaque Urbanus Pontifex, integrum
vult remanere Episcopis annuū censum.

Non est ergo quod quis putet censum istum
inuentum ac excogitatum de nouo, post tempo-
ra Concilij Claromontani, & quasi suffectum Re-
demptioni altarium. Nam vtramque obligatio-
nem vni & eidem Ecclesiæ impositam, vnico testi-
monio satis comprobo, quod extat apud Auber-
tum Miræum in diplomate libertatis Ecclesiæ
Messinensis per Drogonem Teruanensem epis-
copum, anno 1065. in cuius fine hæc habentur, *Il-
lud etiam superest memorandum, quod altare de Vuar-*

neston ad mensam supradictarum sanctimonialium tali pacto concessi, ut mihi & successoribus meis annuatim decem solidi persoluantur denariorum, pro restitutione personæ ipsius altaris alij decem. Vbi distincte duæ pensiones enumerantur, vna pro Redemptione altarium, seu restitutione personæ: altera pro annuo censu.

De obventionibus quas sortiuntur Episcopi ratione consecrationis personarum.

CAPUT V:

ET si ante propagatum Sacerdotij ordinem, & nouis auctâ coloniis Christi familiâ, tingendis, vngendis, & Christi carne saginandis Fidelibus, ipsi per se Præsules atque Episcopi incuberent: attamen diuisis subinde officiis, & sollicitudine gregis in Presbyteros deriuatâ, duo tantum Sacramenta supersunt, quibus Episcoporum Majestas sola defungitur, Chrismationis nempe atque Ordinis: de quibus videndû an eorû causa & occasione, stipendij aliquid olim Episcopi perceperint.

Et si inundationem omnem in re sacra, & infamem questum auersata fuerit antiquitas, eiusque mens fuerit cauendum esse præ cæteris, ne ad Ordinem recipiantur pecuniâ magis quâ virtute cõmendabilea, & qui nummis explere auaritiam

Prælatorium potius quàm populorum sitim verbis sanioribus depellere possint; Attamen nunquam existimaui omnem omnino munerum & oblationum receptionem à Prælato præsertim non iussam & liberâ esse simoniæ dura contumelia vexandam. Faciamus enim Prælatû cui hoc animo insitum sit, non nisi probitate & doctrinâ insignes ad sacros Ordines extollere, arce-re rudes, imperitos, nefarios, etsi nûmis auroque turgeant; huic certe in extrema & aliunde, inconsolabili inopia iacenti, si subsidium aliquod inaugurati pendant Sacerdotes, quid peccatur, nisi charitatem vitio ducimus, & hunc membrorum cum suo capite consensum simularis aduersus Deum accusamus.

Simonis labes & spurcissima nundinatio, vbi admittitur? nisi quando pretium rebus sacris ponitur, & pecuniæ illecebris excantatus Præful majestatem Sacramentorum violat in indignos conferendo. At vbi nec pactum nec pretium fecit auaritia, si quid charitas necessitati suppeditat, impleuit præceptum, non violauit.

Et certe nil sanctius ac Christiano homini venerabilius in cruento Christi sacrificio, quod in dies à Sacerdote renouatur; hoc primum & maximum Religionis nostræ mysterium. Si ergo propter celebrata mysteria licet Sacerdotibus stipendium à Laicis sumere, sine simoniæ nota? Quare aliquando innocentes Eulogas non licebit Præfulibus sumere, quando sponte ab inauguratis Sacerdotibus offeruntur.

Itaque munera, fauores, officia, adulationes ab Ordine summouerunt Patres longe studiosius quàm ab illo sacramēto: ne mens humana quæ in corruptelâ facilè degenerat assuesceret caducis rebus inhiare, & Episcopi non salute populorum, sed expectatione munerum sacerdotum inaugurationem metirentur.

Adde quod ad Ordines acrius solent homines eniti, quàm ad alia Sacramenta. Quippe per illos via sternitur ad gradus & dignitates Ecclesiæ, quorum cum ambitiosi homines esse soleant, non mirum si sumptibus ac impensis sibi haud parcendum ducant, ut quod studio & magnitudine doctrinarum consequi non possunt, saltē fauore & ambitu mereantur. Ea ergo causa omnem stipendiorum rationem ab Ordine summouit antiquitas cuius ut ritus & consuetudines expendamus diuidendum, hoc caput, & dicendum primo de collatione maiorum Ordinum, nempe episcopatus. Secundo inferiorū, & de his omnibus percontandum, an licuerit olim stipendiū aliquod sumere.

In Episcopatu ut dignitas illustrior, ita quoque ad eum obtinendum maior semper fuit hominum contēti. Olim imperatores à nouis Episcopis pecunias exigebant. Ita Anastasio Synaitæ infensum legimus Iustinum quod pecunias noluisset persolvere nomine dignitatis recens acquisite, Apud Euagrium lib. 5. c. 5. Turcarum Imperator exig it à Patriarcha Constantinopolitano certum

Euagrius
lib. 5. c. 5.

Malaxus
in hist. Pa-
triarcha-
rum lib. 2.
Turcogræ-
ce.

tributum, quod *Charatzium* dicitur, inuentum Raphaelis cuiusdam Hieromonachnatione Seruij: qui cum sola crapula nobilis esset, pollicitatione istius tributi infulas emit ab Imperatore, & eius iussione factus est patriarcha, ut est in historia Patriarcharum Græce edita per Malaxum Turcogræciæ Crusij lib. 2. p. 131. Cū vero tributum istud initio esset tantum bis mille ducatorum, auctum est subinde Pontificum ambitione, Sultano foedissime adulantium, vsque ad summam centum & quater mille ducatorum. Cæterum notandum *Charatzium* esse annum tributum, cui nouum aliud adiunxit Simeon quidā patria Trapezuntius, quod *peschesium* dicitur & istud semel tantum, initio Patriarchatus soluitur fuitque initio aureorum mille & creuit postea eadem Præsumum cupiditate & honoris libidine.

Concilium
Calcedo-
nense Can.
2. Aët. 15.

Quid quid sit autem de muneribus ac donariis, quæ Principes à recens inauguratis exegerunt, quæ materia ad inuestituras pertinet. Certum est Concilium Calcedonense omnem erogationem nummariam ab Ordinibus summouisse, ita enim Can. 2. Aët. 15. *Si quis Episcopus per pecunias fecerit ordinationem, & sub pretio redegerit gratiam, quæ non potest vendi, ordinaueritque per pecunias Episcopum aut Chorepiscopum, aut Presbyterum, aut Diaconum aut quemlibet ex his, qui connumerantur in Clero, aut promouerit per pecunias dispensatorem aut defensorem vel mansionarium &c. is qui hoc attentasse probatus fuerit proprii gradus periculo subiacebit, quem Canonem se-*

quuntur & confirmant Braccarenſe 3. Can 7. Pa-
riſienſe 3. lib. 1. cap. 11. Nannerenſe Can. 7. Nicæ-
num 2 Can. 7. Inferuit hunc Canonem Sanctio-
nibus ſuis Conſtantinopolitana Synodus parti-
cularis ſub Leone Papa anno 459. cuius Synodi
decretum explicans & laudans Theodorus ait
mentem fuiſſe Patrū, vt nec ante ordinationem,
nec peracta ordinatione quidquam ſumeretur,
cum in ea re ſordes lateant, & corruptio deliteſ-
cat.

Concil.
Braccarēſ.
2. Can. 7.
Pariſienſe
lib. 1. cap.
11. Nanne-
renſe Can.
7. Nicænū
2. Can. 7.

Subinde vero, licet ordinatores nil ſumerent,
pro collato Ordine Episcopatus: attamen quaſi in
omen lætitiæ & fauſti ad thronum accellus
noui Episcopii munera ordinantibus largiebant-
ur & ſportulas, ducto fortasſe à prophanis digni-
tatib⁹ exemplo quarū auſpiciā munerib⁹ ſparſis cō-
ſebant. Ita legimus Claudiū pro nouo ſacerdotio
octogies ſeſtertium penſitaſſe, vt eſt apud Suet in
Claudio: ita noui coniuges dona quæ γαμνλία di-
cebantur amicis miſſitabant. Vt liquet ex Sym-
macho ep. 14. lib. 4. quæ eſt ad Stilichonem.

Suetonius
in Claudio
cap. 9.

Symma-
chus Ep.
14. lib. 4.

Verum cū ſportulæ iſtæ in dies creſce-
rent, atque in incommodum nouorum Episco-
porum verterentur his modum impoſuit Iuſtin.
nouella 123. ff. ſi quis. Iubemus inquit beatiſſimos Ar-
chiepiſcopos & Patriarchas, hoc eſt, ſenioris Romæ &
Conſtantinopoleos, & Alexandria, & Theopoleos, &
Hieruſolymorum, ſi quidem conſuetudo habet Episcopis
& Clericis in eorum ordinatione non minus quam vi-
ginti auri libras dari, ipſa ſolummodo præberi, quæ con-

suetudo recognoscit : plus autem ab hac quantitate nihil supra viginti auri libras praeberi. Metropolitae autem à propria Synodo, aut à beatissimis Patriarchis ordinatos, & alios omnes Episcopos, qui aut à Patriarchis, aut à Metropolitae ordinantur, dare pro Inthroniasticis quidem solidos centum, notarijs autem ordinantis, & alijs ministrantibus ei, & solemniter accipientibus solidos trecentos.

Si vero Ecclesiae reditus minus quidem quam triginta auri libras per annum reddant, non minus autem quam decem: dari pro Inthroniasticis solidos centum: alijs autem omnibus qui ex more capiunt, sol. 200. Si vero minus quidem quam decem, non minus autem quinque auri libris Ecclesiae reditus esse contigerit, pro Inthroniasticis quidem dari solidos quinquaginta, omnibus autem alijs ex consuetudine percipientibus, solidos ducentos. Si autem minus quam quinque, non minus autem duas auri libras Ecclesiae reditus habeat, pro Inthroniasticis solid. decem & octo. omnibus autem alijs ex consuetudine percipientib. solid. 24. Si autem minus tres, non autem quam duas auri libras quantitas redditu Ecclesiae comperiatur, dare pro Inthroniasticis quidem solidos duodecim, pro omni vero alia consuetudine solid. sex. Episcopatu Ecclesiae minus duas auri libras reditus habentem, neque pro Inthroniasticis, neque pro alia qualibet consuetudine dare aliquid permittimus. Verum ut malum est auaritia, quod, hominum commercio difficile est amoliri, inuenta postea sunt aliae rationes pecuniae corradendae pro cartis & tabulis pro notariis pro pastello. Unde Gregorius primus in Synodo Romana reuellendum

uellendum istud malum censuit, denunciato Anathemate: *Antiquam patrum regulam sequentes nil quidquam de ordinationibus accipiendum, esse consuetudo, neque ex datione pallii, neque ex traditione cartarum; neque ex ea, quam noua per ambitionem simulatio inuenit appellatione Pastelli. Quia enim ordinando Pontifex manum imponit, Euangelicam lectionem minister legit confirmationis autem Epistolam notarius scribit: sicut Pontificem non decet, manum quam imponit vendere, ita minister vel notarius non debet in ordinatione vocem suam vel calamus venundare &c.* Quid sit autem Pastellum facile est intelligere, nam cum prandio excipere ordinatores eiusque ministros, honestas non vetaret, pro prandio & pastu pecuniam tradebant ordinati, & has sordes carpit Gregorius.

Gregorius
i. in Synodo
Romana

Non inficiatur tamen posse Episcopum ordinatum aliquid muneris cuiuslibet ex clero impertiri. *Is autem qui ordinatus fuerit si non ex placito, neque ex auctus, neque petitus post acceptas cartas & pallium aliquid cuiuslibet ex Clero gratiæ tantummodo causa dare voluerit, hoc accipi nullomodo prohibemus quin eius oblatio nullam culpæ maculam ingerit.*

Greg. lib. 4.
capit. 44.

Ab ordinatione Episcoporum ad Presbyteros & Diaconos descendamus. Interdictum omnino quidquam ab Episcopis sumi nomine ordinationis in Ecclesia Romana, Pelagius vt in eius vita refert Platina, constituit, vt quisquis promouendus est in sancta Ecclesia ab ostiario vsque ad gradum Episcopatus, neque per aurum, neque per aliquas promissiones proficiat, Conciliū Turonense 2. can. 28.

Concil. tu-
ronens. 2.
can. 28.

Bracc. 2. cap.

3.

Nullus Episcoporum de ordinationibus Clericorum præmia præsumat exigere. Braccar 2. can. 3. placuit ut de ordinatione Clericorum Episcopi munera nulla accipiant.

Alexius
Comenus
apud Leun-
clauium
lib. 2. Juris
Orient.

In ecclesia Orientali sub vltima tempora certa stipendia constituta Episcopis ordinantibus, Alexius Comenus apud Leunclauium lib. 2. Juris Orient. in hunc modum edicit, *In Sacerdotum ordinationibus vigorem suum vetus obtinebit sanctio quemadmodum eadem aurea Bulla recenset, & cuiusque regionis Episcopus similiter 7. duntaxat aureos nummos accipiet, unum quando simplicem Papam siue Lectorem facit tres quando eundem Diaconum ordinat, & alios tres quando Sacerdotem perficit &c.*

Quod ad Sacramentum Confirmationis pertinet, nil quidquam à fidelibus collatum accipio, nisi forte auxilium ferrent Presbyteris ad Procuraciones Episcoporum honestius instituendas, propterea Canones citati dicunt Episcopum recipiendum à Presbyteris, *Cum adiutorio populi.* Verum licet ita res se habeat, attamen ad conficiendum chrisma illudque Parochis distribuendum, stipes excipiebant, & hanc consuetudinem viguisse in Francia, docet præfatum Landerici priuilegium datum Presbyteris consistentibus, intra territorium Monasterij Sandioniasiani ad Parisios. Eo enim priuilegio fertur, ut Presbyteri, *sine pretio oleum & chrisma suscipiant,* frustra autem priuilegio ea libertas fulcienda foret, nisi consuetudo fuisset persoluendi pretii alicuius pro chrismate. Sustulit hunc morem in Hispania receptum, Concilij, Braccarense 2. can. 4. *Placuit in*

modicum Balsami, quod benedictum pro Baptismi Sacramento per Ecclesias datur, quia singuli tremisses pro ipso exigere solent nil ulterius exigatur, &c.

De obventionibus Parochorum, ob collata sacramenta.

C A P V T. VI.

HActenus de Episcoporum bonis ac censibus, nunc ad Presbyteros gradum faciamus, & quæramus num stipendium illis aliquod antiqua indulserit pietas, nomine collati sacramenti. Offert se primum Baptismus, ad cuius salutare riuos cum æstu & feruore nouæ Religionis calentes accederent, credibile est eos nec muneribus nec donariis pepercisse, quo suum in Presbyteros animum atque affectum testarentur. Et certe altiora iam spirantes, & æternitatis solius, cuius expectatione ardebant, cupidos, quis mortalia & peritura crediderit, vel flocci fecisse, nisi ut ea in pauperes spargerent, & in miserorum effigie Christum induerent, à quo nuper innocentia stola fuerant induti. Quamobrem mos solènis fuit, ut diuites & magnates statim à suscepto baptismo, pauperibus fouendis operam darent, à quibus magnitudine diuitiarum non tam secerni sese intelligebant, quàm cum iisdem vniuersi fidei necessitudine ac sacramentorum societate coniungi. Hinc manabat feruor ille primigeniæ plebis opes suas ad Apostolorum pedes adferen-

Prochorus
in vita san-
cti Ioannis.

tis, quem posterī sequuti sunt; nam & apud Prochorum in vita sancti Ioannis legimus Myronem quemdam, baptismo suscepto, ad pedes Ioannis thesaurum fudisse. Noster Clodoveus, ut liquet ex testamento D. Remigii non semel à nobis citato, grandes fortunas, prædia & larifundia post baptismum Ecclesiis, & restituit & de nouo induxit. Vtceus ille miræ magnitudinis, quem ex dono Clodovei possidebat Remigius, nunquid in usum baptismi eiusdem Regis fuerat comparatus & baptizatori relictus.

Omnino vero certum est in primis illis sæculis curiosos fuisse Christianæ fidei tyrones, ut diem baptismi sui muneribus & conuiujs & veste nitidiori illustrarent. Vnde plurimis ea cogitatio suadebat differre baptismum, quod nimirum nec vestibus essent instructi, nec pecunijs quibus muneribus & conuiuio tam baptizatores quàm susceptores, hoc est, patrimonios exciperent: Inquam opinionem, ut salutis infestam, inuehitur Gregorius Nazianzenus *orat. 4. in sanctum baptisma*, αἶψον εἰπεῖν πρὸς ἡμῶν τὸ καρποφοροῦν ἐπὶ τῷ βαπτισματι, ποῦ δὲ ἐμψώτειας ἐσθῆς ἢ λαμπρωδύσμου, ποῦ δὲ τὰ πρὸς δειξίωσιν τῷ ἐμψώ βαπτιστῶν. Turpe est dicere, ubi est munus quod propter baptismum offeram, ubi splendida vestis in qua explendescam, ubi ea quæ ad initiatores meos excipiendos requiruntur, ut in his quoque rebus nominis celebritatem consequar.

Gregorius
Nazianzenus
orat. 40. P.
655.

Nec modo eum diem conuiujs & oblationibus ornabant: verum & anniuerfario festo baptismi

fui memoriam consecrabant, repetitis epulis & oblationibus, Micrologus de Ecclesiasticis obseruationibus cap. 56. *Romani*, inquit, *annotimum Pascha quasi anniuersarium Pascha dicunt, quia antiquitus apud illos qui in priori Pascha baptizati erant, in sequenti anno, eadem die ad Ecclesiam conuenere, suæque regenerationis anniuersarium diem cum oblationibus solemniter celebrauerunt.*

Hanc consuetudinem conuiuiorum pro baptismo instituendorum Moguntina Synodus secunda can. 16. ad modestiam reuocanda esse decreuit.

Synodus
Moguntin.
Can. 16.

Comessationes, et parum sobria conuiuia, quæ quibusdam in locis post baptismum fiunt, per ciuiles magistratus inhiberi, aut saltem ad moderationem Christianis dignam reduci volumus. Muneribus vero quæ baptisantes offerunt, nil quidquam contrarium suasit Ecclesia, nisi quod per auaritiam & ambitionem exigi non debere sanctissimè pronuntiauit. Eò spectat Canon 48. Concilii Eliberitani, ut qui baptizantur, *nummos in concham non immittant.* Nam

Concil. E-
liberta. can
48.

que moris tunc erat ut in eandem concham, è qua sacri latices in baptizandi caput fluxerant, nummi à baptizato iniicerentur, quasi pretium aquæ tam salutaris pensantes. Quare ne sacramentum nundinari viderentur sacerdotes, ista collatio nummaria fuit interdicta. Cæterum non omnino prohibitam fuisse munerum susceptionem docent posteriores Synodi Hispaniæ, Braccarensis secunda can. 7. donaria à parentibus sponte oblata suscipi posse decernit, non tamen exigi, *ut hi qui infantes*

suos ad baptismum offerunt, si quid voluntarie pro suo offerunt, voto suscipiatur ab eis: Si vero per necessitatem paupertatis aliquid non habent, quod offerant, nullum illis pignus violenter tollatur à clericis. confirmavit hanc sanctionem concilium emeritense can. 9.

Succedit Baptismo pœnitentia, à qua munerum & oblationum largitionem inde credo ab Antiquis interclusam, quòd istud sacramentum rationem habeat fori ac iudicii. At Iudicum manus puras esse oportet, ne clementiam ac impunitatem scelerum vendere & libertatem peccandi videantur subhastare. Lego tamen impure ab aliquibus redemptum pœnitentiæ & interdictæ communio-
Gregorius Turonensis lib. 5. cap. 36. nis spatium. Ita apud Gregorium Turonensem lib. 5. cap. 36. Nautinus Comes communione pulsus ad eandem iterum redit fauentibus episcopis, quos præmiis atque adulatione corruerat.

Lego etiam redemptam ab aliquibus pœnitentiæ acerbiter. In fragmentis Concilii Eliberitani reperitur commutatio pœnitentiæ in pensionem nummariam, *Qui in quadragesima aut Pascha cognoverit uxorem suam, & noluerit abstinere ab ea unum annum pœniteat, aut pretium vide licet 25. Solidorum ad Ecclesiam tribuat, aut pauperibus diuidat.* Ita Capitularium lib. 2. tit. 38. legimus Episcopos quosdam Sacerdotum reatus, solitos fuisse pecuniarum exactione vindicare, quod Imperator eo loci fieri prohibet.

An autem posterioribus sæculis sublata pœnitentia publica, aliquid collatum fuerit nomine pri-

uatę confessionis dicemus ad calcem capitis. Eucharistia pœnitentiam excipit, cuius nomine oblationes & stipes collatas à fidelibus, in gratiam Sacerdotum ac Clericorum, conuiuia iisdem parata docuimus fusc libro primo ex Iustino Cypriano & aliis. Sponsalia aggrediamur, quorum sanctitatis & integritatis vindex perpetuo fuit Ecclesia: quam obrem eorum nomine aliquid irrogatum Sacerdotibus non obscurum est. Gregorius Magnus epistola supra laudata, ad solidum vnum reuocat iura Ecclesię pro nuptiis rusticorum, *Peruenit ad nos, inquit, quod de nuptiis rusticorum immoderata commoda percipiuntur, de quibus præcepimus, ut omne commodum nuptiarum vnius solidi summam nullatenus excedat: si qui sunt pauperes etiam minus dare debeant: si qui autem diuites præfati solidi summam nullatenus transgrediantur.* Licet vero conductoribus massarum pecuniam hanc dandam & relinquendam decernat Gregorius, erat tamen Ecclesię debita, nomine nuptiarum, saltem quatenus erant rustici & coloni ecclesiastici. Eadem ratione Zacharias Pontifex permittit Bonifacio Moguntino Episcopo, vt 12. denarios annui census exigat pro vnoquoque coniugio seruorum. Apud Græcos vero certum & constitutum Episcopo stipendium fuit, pro nuptiis eorum qui intra fines Diœceseos nuberent, de quo ita Alexius Comenus apud Leunclauium lib. 2. l. 1. Orientalis. *Præterea secundum sanctionem Imperatoris Monomachi felicitis recordationis, maiestas mea statuit, ut cum aliqui subiecti territorio cuiuscunque re-*

gionis Episcoporum coniugij rita legitimis vxoribus iunguntur accipiat Episcopus, à sponso quidem genero nummum aureum vnum, à sponsa vero linteum vlnarum duodecim, quemadmodum & ab antiquo sancitum est. Recentioribus vero sæculis longe clarius est solum aliquid à fidelibus, tum nomine Baptismi, tum Confessionis, Nuptiarum & Extremæ-vnctionis, quam tabulæ cartæ & monimenta vocant visitationem infirmorum eodem nomine quo appellatur à Gregorio Turonensi cap. 41. lib. 1. vbi à Nepotiano inunctum oleo Artenium quemdam Hispaniæ legatum memorat, fatali ægitudine laborantem.

Ad probationem eius rei profero cartas & instrumenta ex antiquitatum Trecentium promptuario. Extant in instrumento donationis Ecclesiæ sancti Ioānis de Sezania in fauorem monachorum, articuli concordie inter Monachos & eius Ecclesiæ rectores Presbyteros, in quibus fit mentio oblationum quæ ad manum dantur Presbyteri, seu nomine Baptismi, seu Confessionis, seu visitationis Infirmorum. Fuit autem confecta illa donatio circa annum Christi millesimum octogesimum ex quo patet ante annos sexcentos morem fuisse Christianis aliquid stipendij nomine persoluendi suis Presbyteris propter collatum Baptismum, auditas Confessiones, & visitatos infirmos. Verba instrumēti subtexo. *Addidi etiam vt Monachis præfate Ecclesiæ residentibus & commorantibus, liceat Presbyteros eligere & mihi & successoribus meis presentare qui ab eis curam animarum suscipiant, & feodum Presbyterorum*

& beneficia possidere, ipsi tamen Presbyteri habebunt tantum de denarijs ad manum suam oblati & de confessionibus & tricenarijs quartam partem & baptisterum totum & visitationes infirmorum, & si quis moriens aliquid eis dimiserit usque ad 12. nummos habebunt. In rescripto Philippi Trecensis fit etiam mentio oblationum confessionis causa. Accipiant & Monachi duas partes oblationum quæ offeruntur in Ecclesiis à Natiuitate usque ad Purificationem sanctæ Mariæ, & à Purificatione usque ad finem anni, Monachi medietatem habebunt, & decimam eiusdem villæ & maiorem in tertio anno, Ecclesiam de Villeta & censum atrij, & decimam eiusdem villæ, confessiones vero quæ sine participatione altaris fiunt præfari habebunt.

De obventionibus Parochorum ratione funeris.

CAPVT VI.

FRustra mortalitati solatia inuident hæretici, frustra pompam & ornatus funerum quasi nuperæ superstitionis commenta suggillant, frustra diæteriis laceßunt cantus, ceram, faces, orationes & suffragia, quæ vel mulcendis viuentium doloribus, vel mitigandis vita functorum suppliciis Ecclesia adhibet. Etiam ab antiquitate ritus isti fluxerunt, quos qui audacius carpit, & humanitati bellum indixit, & Religioni. Psalmos fune-

E c

Aug. lib. de
Conſel. cap.
28.

Corippus
de laud.
Juſt. lib. 3.

ris cauſſa cantatos Auguſtinus probat, vbi de ma-
tris funere loquitur lib. 9. conf. cap. 12. narratque
Euodiũ ſumpto Pſalterio cantum inchoaſſe. Niſ-
ſenus in exequiis Macrinæ cantum lamentatione
conditum refert. In funere Juſtiniani Corippus
lib. 3. atria ceris accenſis colluxiſſe memorat. Præ
cæteris vero, preces pro mortuis fuſas & pro illis
oblationes inſtitutas, ſupra docuimus titulo de
oblationibus. Hinc primas Clericorũ obuentiones,
funeris occasione, in oblationibus collocan-
das cenſeo; ſiquidem pauci admodum fideles, ſal-
tem qui mediocribus fortunis eſſent inſtructi, Ec-
cleſia indonata decedebant; vnde tot Canones
de mortuorum oblationibus non retinendis.
Concilium Carthaginenſe 4. Can. 95. *Qui oblatio-
nes defunctorum aut negant Eccleſiis aut difficulter red-
dunt, tanquam egentium necatores excommunicentur.*
Concilium Agathenſe iisdem pene verbis Can.
4. Concilii Valentini fragmenta apud Garciam.
Concilium Valenſe 1. Can. 4. Arclatenſe 2. cap. 46.
Aurel. 3. Can. 22. Marſeonenſe 1. Can. 4. quibus
patet frequentes & conſuetas fuiſſe morientium
oblationes.

Post oblationem, funeris adminicula ſequun-
tur, vt feretrum, ornatus ſeu velum inductum fe-
retro, terra ſeu locus ſepulturæ Pſalmo dia, faces &
ceræ, de quibus inquirendum an olim quid-
quam cōſuetum exigi. Certe feretrum conduci ſo-
litum ad deferenda mortuorum cadauera liquet
ex Nouella quinqueſima nona, quā docemur

triplex fuisse in vrbe Constantinopoli feretrum insigne. Primum quidem quod *Studij* dictum est, secundum paulo illustrius *Stephani* appellatum: tertium luculentissimum, nempe *maiori Ecclesiæ* auro intertextum, quo opulentiores deferebantur. Præterea erant lecticæ & loculi cōmunes ad funus plebeiorum. Erat autem id discriminis inter ea lecticarum & feretrorum genera. Nam commune feretrum gratis, & sine pretio dabatur, at *Studij*, *Stephani* & *maioris Ecclesiæ*, pecunia cōducebant: *Studij* quidem & *Stephani*, summâ solidorum duodecim: *maioris Ecclesiæ*, solidorum quatuor, geminato tamen Copiatorum stipendio.

Vectandis ferculis & deducendis cadaueribus operam dabant Copiatæ siue laborantes, barbaro & peregrino idiomate dicti Bargennæ, vt notat Cuiacius ad Nouellam 43. Erant præterea in comitatu funeris *Canonica*, *Ascetria*, *Acoluthi*. *Ascetria* & *Canonica* præcinebant, prælucebant *Acoluthi*, Plebeiorū funeribus sumptus suppeditabant Imperatores: erant enim mille & centum officinæ ab omni onere immunes, quarum reditus percipiebat Oeconomus maioris Ecclesiæ, eâ conditione vt Copiatis, *Acoluthis* & *Canonicis*, nomine funerum, vnoquoque semestri stipendia numeraret. Quod si quis pompâ augustiore & numero maiore *Ascetiarum* aut *Acoluthorum* vellet funus illustrare, is ex ære proprio sumptus ac stipendia numerabat. Stipendij vero ratio ex itineris longitudine fuit æstimata. Nam si intra novos muros

Cuiacius ad
Nouel. 43.

condendum esset cadauer, tres solidos Ascetriae capiebant, si extra nouos muros tres solidos cum dimidio. Vnde apparet à plebeis nil traditū fuisse nomine funeris ex aere priuato. Nā officinas eas donauerat Constantinus maiori Ecclesie, vt funera gratis curarentur Auxit numerum officinarum Anastasius & subinde Iustinianus.

Post feretrū & vespillones sequitur locus condendo cadaueri destinatus. Hunc vel proprium familiæ habent, vel communem.

Hieron. in
quæst. He-
braic.

Concil. Tri-
but. c. 6.

Vniuersim vero locum sepeliendis corporibus pretio distrahere nefas olim crediderūt; Hieronymus ait ephron nomen mutasse, postquam Abrahamo sepulchri aream vendidit, & Ephram appellatum, euanescente ab eius nomine littera *ph*, vna ex quatuor, quæ diuinum nomen conficiunt, quasi nil in eo diuini, peracta tam infami nundinatione, resederit. In Concilio Triburiensi cautum ne terra vendatur. *Interdictum sit omnibus Christianis terram videri, & debitam sepulturam denegare, nisi forte proximi & amici defuncti, propter nomen & redemptionem animæ viri aliquid dare voluerint.* Idipsum citatur ex Concilio Varensi apud Gratianum 13. q. 2. Idipsum docuit Gregorius Magnus lib. 7. ep. 55. ad Ianuarium. *Grave, inquit, est & procul minus à Sacerdotis officio pretium de terra concessa putredini querere, & de alieno velle facere luctu compendium &c. Vnde hoc auaritiæ vitium, ne vel in alienis denuò tentari præsumatur admonéo. Sed si quando aliquem in Ecclesia vestra sepeliri conceditis, si quidem*

parentes ipsius, proximi vel hæredes pro luminaribus sponte quid offerre voluerint, accipi non vetamus, peti vero aut aliquid exigi omnino prohibemus &c. Est in sententiam Synodus Meldensis ad annum 845. Can. 72. In Capitulis Herardi Turonensis ad annum 856. Capitulo 77. *de venditionibus sepulchrorum, & de his qui pro sepultura munera exigunt, ut seueriter puniantur, & distringantur.* Sequuntur tandem ea quæ ornando funeri subseruiunt, vt faces, ceræ, luminaria, quibus adnumeranda censeo defunctorum vota, hoc est, donationes pias, quibus moribundi, Numinis clementiam emollire, & offensum Iudicem placare nituntur.

Quæcumque verò illustrandis exequiis impenduntur, oblationes etiam & vota defunctorum, ea ad Ecclesiam pertinent, in qua aliquem oportet sepeliri. Sepelitur autem quilibet in sepulchro Maiorum, si quod extat. Primùm enim Episcopi, deinde Reges, tandem Magnates etiam ac Principes ædes quasdam suæ sepulturæ causâ construxerunt, vt patet ex foundationibus Monasteriorum, quorum plurima, seu ad Episcoporum, seu ad Regum exuias condendas fuere exædificata. Exemplum rei istius sacri codices suggerunt, vbi legimus Iosephum statuisse, vt si quando Israelitæ ex Ægypto demigrarent, tum ossa ac cineres suos secum exportarent Maiorum sepulchris inferendos.

Cum ergo sepelitur aliquis extra Ecclesiam Parochialem in Maiorum monumento, tùm licet ei Ecclesiæ obuentiones funerum competant: tamen

præcipuo quodam iure portionem Canonica si-
bi vendicat Parochia, in qua cœlesti pabulo solebat
refici, vt iuxta Apostolum sint consolationum so-
cii, qui fuerunt passionum: vt rescripsit Leo tertius
cap. *Nos instituta, de sepulturis*.

Quid autem & quanta sit Canonica portio, va-
rii Pontifices variè definierunt, Leo III. præfato ca.
tertiã partẽ Canonica esse constituit. Idem ve-
ro quasi mutato consilio, vult medietatem eorum
quę Monasterio offeruntur, Parochis competere,
in ep. quam scripsit ad Episcopos Dardanię cap. *re-
latum, de sepultura*. Lucius III. ad præpositum &
Capitulum Faentinum canonicam portionem ad
quartã restringit cap. *cum super, de sepulturis*. In-
nocent. III. singulari priuilegio, quo liberam om-
nibus apud hospitalarios sepulturam decernit, edi-
cit iisdem, vt tertiam partem oblationum Parochiis
restituunt, præterquam de equis & armis, quorum
nulla pars ad Parochos pertinebit, cap. *In nostra, de
sepulturis*. Clemens III. tot pugnantes sententias
ad pacem & concentum sic adducit, vt nempe mos
seruetur regionum ac prouinciarum, ac vbi medie-
tas solet persolui, soluatur, vbi tertia aut quarta, illic
nil amplius Parochi à Monasteriis expetant. cap. *cer-
tificari de sepulturis*. Legem hanc portionis canoni-
cæ Parochialibus Ecclesiis soluendæ confirmauerat
Bonifacius 8. in bulla quæ incipit *Super Cathedram*,
qua nimirum lites & turbelas, quas Parochi & or-
dines Prædicatorum ac Minorum inter se moue-
rant, salutari concordia finire tentauerat ac compo-

nerē. Verūm Benedictus 11. Bonifacii diploma contrario abrogauit oraculo; & quartam oblationum quæ funeris causâ fiunt eripuit sacerdotibus, vnde sæuior tempestas & atrocius malum in Ecclesia pacem grassabatur, donec Clemens V. antiquatam & extinctam Bonif. constitutionē reuocauit, vt videre est in Clementina *dudum, de sepulchris. l. 3. tit. 7.*

Cū autem fertur deberi quartam funerum, id non debet intelligi de aliis Ecclesiis, quā in quib. aliquis sepelitur: si enim ipsis aliquid fuerit donatum, Canonica portio non debetur Parocho; non intelligitur etiam de donatis Ecclesiæ inter viuos, nec de legato facto pauperibus loci alicuius. Item non intelligitur deberi Parochis Canonica portio, si quid legatū illis fuerit, quod eam partera possit ex æquare. Item si quid pro vasis & ornamentis Ecclesiæ legatur, tum Canonica portio nō est ex eo deducenda. Hic vero restat vna difficultas, quam obrem ex cap. *Conquerente de Consibus*, quarta mortuorum dicitur episcopo deberi, cū in funeribus nullæ sint Episcoporum partes, quorū oculos, siquid suadent legis anti. quæ typi ac figuræ, ab omni spectaculo cadauerum oportet esse impollutos.

Huic vero difficultati plura possunt excogitari, quæ faciant satis, primò id ex antiquo Episcoporū iure dimanasse, quorum erat quarta seu tertia quarumlibet oblationum, seu quæ Parochiis seu quæ Monasteriis ac Capellis contingerent. Secundò dici potest Episcopum olim funerum solennibus præfuisse. Dionys. Arcopag. Ecclesiast. hierar. ca.

Dionysius
Arcopagita
Ecclesiast. hierar.
ca. 7.


7. moris fuisse refert mortuos ad Episcopum deferri. Sumentes, inquit, mortuum ad Pontificem ducunt, quasi coronis donandum sacris : Subinde alias adnectit ceremonias, quibus ipsi Præfules fungebantur, inter iusta perfoluenda. Postea, inquit, venerabilis Præsul precem super eo sacratissimam peragit, finita prece osculatur Episcopus mortuum, & omnes post illum, postquam omnes osculati sunt, infundit Pontifex mortuo oleum. Ex his ergo liquet solitum fuisse Episcopum funeribus interesse, & mortuum expectare in loco sepulturæ designato. Eam consuetudinē fulcire vi-
 Concil. Triburiense Can. 15. *Vbi cumq; temporum, vel locorum facultas tulerit, apud maiorem Ecclesiam, ubi sedes est Episcopi, sepultura celebrentur.*

Concludendum hoc caput Græcorum more in exequiis recepto, de quo ita Gerlachius. Aliquo mortuo, cognati exequias, eo anno sæpius celebrant, magnis sumptibus in ea celebratione, omnis generis legumina, & varia genera rerum pistarum, cum vino optimo ante sacrarium ea copia asseruntur, ut omnibus, qui sunt in templo sufficere possint. Calogeri & Presbyteri ad ea sacra conuenientes, cum paucis scholasticis canunt, multiplicis crucis signatione utentes, &c. Ultra funera & exequias nil tento scis enim amice Lector.

HÆC VLTIMA LINEA RERVM.

FINIS.





NICOLAI
LE MAISTR
DE BONIS
POSSESSIO:
ECCLES:

531

